



## Über dieses Buch

Dies ist ein digitales Exemplar eines Buches, das seit Generationen in den Regalen der Bibliotheken aufbewahrt wurde, bevor es von Google im Rahmen eines Projekts, mit dem die Bücher dieser Welt online verfügbar gemacht werden sollen, sorgfältig gescannt wurde.

Das Buch hat das Urheberrecht überdauert und kann nun öffentlich zugänglich gemacht werden. Ein öffentlich zugängliches Buch ist ein Buch, das niemals Urheberrechten unterlag oder bei dem die Schutzfrist des Urheberrechts abgelaufen ist. Ob ein Buch öffentlich zugänglich ist, kann von Land zu Land unterschiedlich sein. Öffentlich zugängliche Bücher sind unser Tor zur Vergangenheit und stellen ein geschichtliches, kulturelles und wissenschaftliches Vermögen dar, das häufig nur schwierig zu entdecken ist.

Gebrauchsspuren, Anmerkungen und andere Randbemerkungen, die im Originalband enthalten sind, finden sich auch in dieser Datei – eine Erinnerung an die lange Reise, die das Buch vom Verleger zu einer Bibliothek und weiter zu Ihnen hinter sich gebracht hat.

## Nutzungsrichtlinien

Google ist stolz, mit Bibliotheken in partnerschaftlicher Zusammenarbeit öffentlich zugängliches Material zu digitalisieren und einer breiten Masse zugänglich zu machen. Öffentlich zugängliche Bücher gehören der Öffentlichkeit, und wir sind nur ihre Hüter. Nichtsdestotrotz ist diese Arbeit kostspielig. Um diese Ressource weiterhin zur Verfügung stellen zu können, haben wir Schritte unternommen, um den Missbrauch durch kommerzielle Parteien zu verhindern. Dazu gehören technische Einschränkungen für automatisierte Abfragen.

Wir bitten Sie um Einhaltung folgender Richtlinien:

- + *Nutzung der Dateien zu nichtkommerziellen Zwecken* Wir haben Google Buchsuche für Endanwender konzipiert und möchten, dass Sie diese Dateien nur für persönliche, nichtkommerzielle Zwecke verwenden.
- + *Keine automatisierten Abfragen* Senden Sie keine automatisierten Abfragen irgendwelcher Art an das Google-System. Wenn Sie Recherchen über maschinelle Übersetzung, optische Zeichenerkennung oder andere Bereiche durchführen, in denen der Zugang zu Text in großen Mengen nützlich ist, wenden Sie sich bitte an uns. Wir fördern die Nutzung des öffentlich zugänglichen Materials für diese Zwecke und können Ihnen unter Umständen helfen.
- + *Beibehaltung von Google-Markenelementen* Das "Wasserzeichen" von Google, das Sie in jeder Datei finden, ist wichtig zur Information über dieses Projekt und hilft den Anwendern weiteres Material über Google Buchsuche zu finden. Bitte entfernen Sie das Wasserzeichen nicht.
- + *Bewegen Sie sich innerhalb der Legalität* Unabhängig von Ihrem Verwendungszweck müssen Sie sich Ihrer Verantwortung bewusst sein, sicherzustellen, dass Ihre Nutzung legal ist. Gehen Sie nicht davon aus, dass ein Buch, das nach unserem Dafürhalten für Nutzer in den USA öffentlich zugänglich ist, auch für Nutzer in anderen Ländern öffentlich zugänglich ist. Ob ein Buch noch dem Urheberrecht unterliegt, ist von Land zu Land verschieden. Wir können keine Beratung leisten, ob eine bestimmte Nutzung eines bestimmten Buches gesetzlich zulässig ist. Gehen Sie nicht davon aus, dass das Erscheinen eines Buchs in Google Buchsuche bedeutet, dass es in jeder Form und überall auf der Welt verwendet werden kann. Eine Urheberrechtsverletzung kann schwerwiegende Folgen haben.

## Über Google Buchsuche

Das Ziel von Google besteht darin, die weltweiten Informationen zu organisieren und allgemein nutzbar und zugänglich zu machen. Google Buchsuche hilft Lesern dabei, die Bücher dieser Welt zu entdecken, und unterstützt Autoren und Verleger dabei, neue Zielgruppen zu erreichen. Den gesamten Buchtext können Sie im Internet unter <http://books.google.com> durchsuchen.



8° P. o. germ.

Rentier

1153 hc



and other.

8° P. o. germ.

Renter

1153 hc



order.

४०



# Sämtliche Werke

von

Frik Reuter.

---

Vierter Band: Olle Kamellen I.


---

Wismar, Rostock und Ludwigslust.

Druck und Verlag der Hinßorff'schen Hofbuchhandlung.

1878.





# Die Kamellen.

---

## Zwei lustige Geschichten

von

Erik Reuter.

---

1. Woans iß tau 'ne Tzu kamm.
  2. At de Franzosenid.
- 

Mit einem Titelblilde.

---

Dreizehnte Auflage.


---




Nismar, Rostock und Ludwigslust.  
Druck und Verlag der Hinstorff'schen Hofbuchhandlung.  
1878.



Übersetzung — auch in das Hochdeutsche — ist vorbehalten.





## Woans: ik tau 'ne Fru kamm.

Nah de Hochtid hett' t en En'n;<sup>2</sup>  
Vör de Hochtid möst du s' wen'n.<sup>3</sup>

Ich was mitdewil<sup>4</sup> en ollen Knab<sup>5</sup> worden,  
ich was in de Welt 'rümmer schält<sup>6</sup> worden, hir hen  
un dor hen, ich hadd minen Kopp mäunigmial up en  
weiken Pähl<sup>7</sup> leggt un mäunigmial up en Bund Arwt-  
stroh;<sup>8</sup> äwer as ich öller<sup>9</sup> würd, geföll mi dat Arwtstroh  
lang' nich mihr so gaud as in mine twintiger<sup>10</sup> Jöhren,  
denn wer in sin Kinnerjöhren girt gele Wörteln ett,<sup>11</sup>  
versmad't<sup>12</sup> dorüm in finen Öller grad keinen Gauß-  
braden.<sup>13</sup> — De Lüd' säden:<sup>14</sup> „Frigen“,<sup>15</sup> un ich säd:  
„Bedenken“, un gung üm den heiligen Eh'stand herümmer,  
as de Boß<sup>16</sup> üm de Gaußbuch<sup>17</sup> un dacht: „Hewwen  
müggt'st du woll ein! 'Rin kümmt du dor sach<sup>18</sup> of!  
äwer wenn du s' di irst upsackt<sup>19</sup> hest, kümmt du denn  
of wedder 'ruter?“ — Wenn ich denn äwer wedder an  
den Gastwirth finen ewigen Swin= un Hamel=Braden  
dacht, un dat dat in mine Stuw utsach, as up de leiwe  
Gottesird<sup>20</sup> vör den irsten Schöpfungsdag, un dat mi  
de ein oll häckermentsche Knop ünner afret,<sup>21</sup> denn säd

1) wie. 2) Ende. 3) gewöhnen. 4) mittlerweise. 5) alter Knabe.  
6) gespült. 7) Pfuhl. 8) Erbsenstroh. 9) älter. 10) zwanziger. 11) gelbe  
Wurzeln ist. 12) verschmäht. 13) Gänsebraten. 14) sagten. 15) Freien.  
16) Fuchs. 17) Gänselfestall. 18) wohl. 19) aufgeladen. 20) Erde. 21) abrit.

ich: „Frigen“, un denn säden de dummen Lüd' wedder:  
„Bedenken.“ So satt ich denn ümmer twischen Baum un  
Bork,<sup>1</sup> un de bedenklichen Zohren fungen all an, mi gris<sup>2</sup>  
äwer den Kopp tau wassen,<sup>3</sup> dunn stah ich mal an'n Aben<sup>4</sup>  
un heww mi 'ne Pip Tobak ansticke un kik<sup>5</sup> in't Weder.

De Snel fisselt<sup>6</sup> so sachten<sup>7</sup> von den Hewan dal,<sup>8</sup>  
buten<sup>9</sup> is dat so still, kein Wagen is tau hüren, blot in  
de Firn klingelt en Gläden,<sup>10</sup> un mi ward gor tau einsam  
tau Maud,<sup>11</sup> un dortau is't heilig Christabend. — Als  
ich noch so stah un verluren dörch de Ruten<sup>12</sup> kik,<sup>13</sup> tuft<sup>14</sup>  
min Schauster Linsener mit en Handsläden vull Holt  
vör sine Dör, wat hei sick in den Stadtholt sammelt  
hett, un haben<sup>15</sup> up den Gläden liggt en gräumen Dannen-  
busch. „Nu kik den Stacker!“ segg ich. „Hei fall mi dat  
anner Vor Stäweln<sup>16</sup> maken, un hei farjolt<sup>17</sup> tau Holt!  
Lekdürn<sup>18</sup> hett hei mi all anschauftert, ich lat bi den Kirl  
nich länger maken!“ — So stah ich denn noch 'ne Wil,  
un dat schuddert<sup>19</sup> mi denn dörch de Glider un gruselt  
mi den Puckel dal, un ich segg tau mi: „Natürlich!“  
segg ich. „En Snuppen, en dägten<sup>20</sup> Snuppen! Un  
worüm of nich? De Stäweln sind intwei, un mit de  
Wull,<sup>21</sup> dei ich Fru Bütown gewen heww, stoppt sei ehr  
eigen Strümp, un min hewwen keinen Bodden.<sup>22</sup> All'ns  
in de Welt geiht natürlich tau.“ — So stah ich, bet  
dat düster ward, un as ich Licht ansticken will, kann ich't  
Füertig nich finn'n, un as ich't funnen<sup>23</sup> heww, will

---

1) zwischen Baum und Rinde, d. h. in einer mißlichen Lage.  
2) gris, grau. 3) wachsen. 4) Dsen. 5) gucke. 6) vom leisen Herab-  
fallen des Regens und Schnees gebraucht. 7) leise, adv. 8) vom Himmel  
herunter. 9) draußen. 10) Schlitten. 11) Muth, Sinn. 12) Rauten,  
Fensterscheiben. 13) zieht (ruckweise). 14) oben. 15) Stiefel. 16) fährt.  
17) Leichdörner. 18) schaudert. 19) tüchtiger Schnupfen. 20) Wolle.  
21) Boden. 22) gefunden.

de Lamp nich brennen: Fru Bütown hett den Dacht<sup>1</sup> nich puzt, un as ic<sup>t</sup> Ding kümmerlich in den Tog<sup>2</sup> heww, geiht s' mi snubbs<sup>3</sup> vör de Näs' ut, Fru Bütown hett kein Öl upgaten.<sup>4</sup> In so'ne Ünstän'n is dat schön, wenn Einer glik tau Hand is, den'n man düchtig utschellen<sup>5</sup> kann; ic<sup>t</sup> hadd äwer Keinen tau Hand, un wat soll ic<sup>t</sup> dauhu?<sup>6</sup> Ich fel also wedder ut dat Finster.

Bi de Schausterlüd' was dat hell worden, un in de Stuw was dat en lustig Leben un en Zuchen; äwer seihn künne ic<sup>t</sup> nicks, denn de Gardinen wiren tautredt.<sup>7</sup> „Nu kif den Schauster!“ säd ic<sup>t</sup>. „Ordentlich Gardinen!“ — Ich hadd kein Gardinen, Fru Bütown verstunn sich nich up Gardinen; sei hadd mi in de irste Tid mal weck anbünzelt,<sup>8</sup> dei segen ut as „unnen nicks un haben nicks“ un ic<sup>t</sup> hadd s' afreten,<sup>9</sup> as mi de Lüd' frogten, ob ic<sup>t</sup> an min Finster Kinnerhemden drögen<sup>10</sup> let. Natürlich argert ic<sup>t</sup> mi denn nu äwer den Schauster: de Kirl maßt mi min Stäweln nich un woll lewen, as en Graf, un ic<sup>t</sup> fatt in'n Düstern ahn<sup>11</sup> Gardinen un mit en Snuppen in den Liw. Ich maßt mi denn up de Bein un gah äwer de Strat un denk: „Läuw!<sup>12</sup> Sallst den Kirl en düchtigen Zopp maken!“<sup>13</sup>

As ic<sup>t</sup> in de Stuw 'rin kamm, stunn en Dannenbom up den Disch, un Lichter brennten doran, un den Schauster sin Körling un sin Krischäning<sup>14</sup> hadden 'ne Fläut<sup>15</sup> un 'ne Trumpet un makten Musik dortau, un dat Zuchen un Krischen<sup>16</sup> besorgte den Schauster sin lütt Mariiken,<sup>17</sup> dei mit de Hän'n nah de Lichter ampelte un

1) Docht. 2) im Zug, in Ordnung. 3) plöglich. 4) aufgegossen.  
5) ausschelten. 6) thun. 7) zugezogen. 8) welche unordentlich angebunden. 9) abgerissen. 10) trocken. 11) ohne. 12) warte. 13) einen tüchtigen Zopp machen, d. h. ausschelten. 14) dim. von Carl und Christian.  
15) Flöte. 16) Kreischen. 17) kleines Mariechen.

mit de Beinen up ehr Mutter ehren Schot 'rüm stan-  
gelte,<sup>1</sup> denn sei was noch nich gangbor.<sup>2</sup> De Schaufer-  
fru hadd dat Spinnrad bi Sid' set't, sick 'ne 'reine  
Schört<sup>3</sup> vörbunnen un ehren sünndagschen Dauf üm-  
slagen<sup>4</sup> un hadd en sünndagsch Gesicht upset't,<sup>5</sup> lachte  
de Gören<sup>6</sup> an un wischte lütt Mariken den Mund af,  
wenn sei mit de Päpernät<sup>7</sup> altausühr<sup>8</sup> bitau fohren ded.<sup>9</sup>  
De Schaufer hadd en En'n Planlaken äwer de Wark-  
städ' deckt, hadd sick Tüffeln<sup>10</sup> antreckt un satt nu mit  
'ne lang' Pip an den Aben un tügt sick<sup>11</sup> en Kraus Bir.

Na, hir kunn doch Keiner mit Schellen<sup>12</sup> 'rinner  
kamen! Ict säd also blot: „Gu'n Abend“, un hadd doch  
mal taufeihn wullt, wat de Lust hir woll tau bedüden  
hadd. Na, nu würd mi denn Allens wißt:<sup>13</sup> de Päper-  
nät un de Appel,<sup>14</sup> de bunten Bohnenkräns' un de Hahn-  
buttenkräns',<sup>15</sup> de säben<sup>16</sup> Semmelpoppen un de ein  
Zuckerpopp, bei ganz haben in den Dannenbom hung.  
„Es angrepisch Wor,“<sup>17</sup> säd de Schaufer, „drei Zohr  
hewwen wi sei nu glücklich dörchbröcht, het<sup>18</sup> up den  
Swanz von den Husoren sin Vird, den'n hett Krischäning  
mal abeten,<sup>19</sup> as Mutter mal nich recht Obacht gaww.  
— Ze, di mein ic," set't hei hentau un drauht den  
Jungen mit den Finger. — „Ict will man nich von  
em weggahn mit min Arbeit,“<sup>20</sup> säd ic tau mi, un mi  
was ganz verdräglich tau Maud, obschonst ic de nider-  
trächtigsten Koppweihdag<sup>20</sup> hadd. Doch as Schaufer  
Linsener mi dat Haupt- un Tafelstück wisen un utdüden

1) strampelte. 2) konnte noch nicht gehen. 3) Schürze. 4) ihr  
sonntägliches Luch umgeschlagen. 5) aufgesetzt. 6) Kinder. 7) Pfeffer-  
nisse. 8) allzuehr. 9) vorbei fuhr. 10) Pantoffeln. 11) zeugte,  
spendete sich. 12) Schelten. 13) gezeigt. 14) Apfel. 15) Kränze von  
Hagebutten, den Früchten der Hagrose. 16) sieben. 17) leicht angegriffene,  
stark begehrte Waare. 18) bis. 19) abgebissen. 20) Kopfschmerzen.

bed — 't was Adam un Eva, vör den Sündenfall,  
schön in Stutendeig ufkääd't<sup>1</sup> un mit Eier un Saffran  
gel<sup>2</sup> annalt — un as de beiden lütten Linseners sick rechts  
un links von uns' ihrwürdigen Stammöllern henstellten  
un tau tuten<sup>3</sup> un trumpeten anfungen, dunn würd mi  
doch grad so tau Maud', as wenn oll Radmaker Lang-  
klas mi mit siuen stumpen Fritbohrer<sup>4</sup> ümmer pianoforte  
— pianoforte — in den Kopp 'rin bohren bed, dat dat  
pipt un gnirrt,<sup>5</sup> un mi dorbi frog, ob dat nich schön  
güng? — De Schauster müggt mi anseihu, dat icc mi  
'ne Krankheit vermauden was, denn as mi sin beiden  
lütten Cherubim richtig ut sin Paradis 'ruter trumpet't  
hadden, gung hei mit mi 'räwer un wull mi Licht an-  
maken un frog, wo icc de Swewelsticken hadd? —  
„Hewwen dauh icc Allens,“ säd icc, „äwer blot uns'  
Herrgott un Fru Bütown weit, wo't tau finnen is.“ —  
De Schauster hülp mi nu ut de Stäweln un säd:  
„Natte Fäut!<sup>6</sup> Un icc heww Sei de annern Stäweln  
nich farig<sup>7</sup> makt!“ hülp mi tau Bedd un säd: „Täuwen  
S' man, min Fru fall 'räwer kamen un fall Sei Thee  
käken.“ — Dat geschach denn of; äwer wat in de  
negsten virteihn Dag' mit mi vörgahn is, dorvon weit  
icc nich vel tau vertellen.<sup>8</sup>

Ic lagg in en sweren Drom. Mi was, as wenn  
min ganze Stuw vull Dannenböm brennen un lüchten  
bed, un an jeden hung 'ne wunderschöne Semmelpopp  
mit Adam un Eva un dat ganze Paradis, un wenn ic  
dorup losgung un de Hand dornah utreckt,<sup>9</sup> denn hadd  
icc en intweiigen<sup>10</sup> Stäwel in de Hand un en Strump

1) in Semmelsteig ausgeknetet. 2) gelb. 3) blasen. 4) Holzbohrer.  
5) piff und knirpte. 6) nasse Füße. 7) fertig. 8) erzählen. 9) aus-  
rechte. 10) entzwey gerissenen.

ahn Bodden, un Krichhäning un Körting stunden twischen  
mi un de Heilchrist<sup>1</sup>-Bescherung un fläut'ten un tut'ten,  
dat mi dat dörch den Kopp flirren un gnirren ded, un  
de dußend Lichter danzten vör mine Ogen, un wenn  
ich denn rep: „Lat't mi doch! Lat't mi doch! Ich will  
jo ok wedder bi Zugen Vader<sup>2</sup> maken laten!“ un recht  
de Hand wedder nah de schöne Semmelpopp ut, dem  
drewen<sup>3</sup> sei mi wedder taurügg un trumpet'ten mi in  
de Uhren:

„Stäwelmaßen, Stäwelmaßen!  
Hett sick wat tau Stäwelmaßen!  
Für so'n ollen Junggesellen  
Sall kein Wihnachtslust mihr gellen.“<sup>4</sup>

Denn fung de olle rodglasürte Pott,<sup>5</sup> de t'Ens minen  
Kopp<sup>6</sup> stunn, äwer sii ganzes, breides, blankes Gesicht  
an tau lachen, un de ganze Stuw lep vull intweige  
Stäweln, dei steiken all de Tung<sup>7</sup> ut, un Schauster  
Linsener grep sei sick, einen nah den annern, un treckt  
sei all up en Band un hung sei mi an't Finster stats<sup>8</sup>  
Gardinien. — T'Ens minen Fäuten,<sup>9</sup> dor sagten<sup>10</sup> Ewei  
ümmer ümschichtig<sup>11</sup> Holt, de Ein, dei sagte ümmer ganz  
fines Koffeeholt, un de Unner arbeit't in eiken Knäst<sup>12</sup>  
herüm, un wenn dat Koffeeholt sagt würd, denn danzte  
Fru Bütown ehr Nachtmütz vör minen Ogen ümmer  
up un dal — up un dal;<sup>13</sup> un wenn in eiken Knäst  
arbeit't würd, denn was't mi vör de Ogen, as stunn  
'ne grote, schöne Erdbeer<sup>14</sup> in en gräunen Holt, un wenn  
ich nipper tausach,<sup>15</sup> denn was't minen Uncle Matthies  
sin rode Näß<sup>16</sup>, dei kek ut minen gräunen Fautsack<sup>16</sup> herut.

1) Weihnachts-. 2) bei Eurem Vater. 3) trieben. 4) gelßen.  
5) Topf. 6) oberhalb meines Kopfes, am Kopfende. 7) Zunge. 8) anstatt.  
9) zu meinen Füßen, am Fußende. 10) sagten. 11) abwechselnd.  
12) eichene Knorren. 13) auf und nieder. 14) Erdbeere. 15) genauer  
zufah. 16) Fußsack.

Na, einmal 's Nachtens, as wedder stark in de eiken  
Knäft wirkt würd, dunn würd mi so tau Maud', as  
kem ick ut den Düstern in't Helle, ick grep üm mi, wo  
ick wir; ick lagg in't Bedd, de Nachtlamp brennte düster,  
un in den Lehnstaul mit de groten Pulsterbacken lagg  
min Uncle Matthies würklich het unner de Näs' in  
minen gräunen Fautsack un snorkte<sup>1</sup> ganz fürchterlich. —  
„Uncle Matthies,“ rep ick. — Erst hürt hei nich, doch  
up de Lezt vermüntert<sup>2</sup> hei sic un rew<sup>3</sup> sic de Ogen.  
„Uncle Matthies,“ frog ick, „wo is Schauster Linsener?“  
— „„Jung,““ säd min Uncle — denn hei nennt mi  
noch ümmer Jung,“ ungefähr mit eben so vel Recht,  
as oll Nahwer Hamann ümmer noch sin tweiuntwintig-  
jöhrig Vörkipid<sup>4</sup> „dat Fahlen“<sup>5</sup> nennt — „„Jung,  
fangst Du mi all wedder<sup>6</sup> an? Wat heft Du mit  
Schauster Linsenern? Dei Mann, dei deiht Di nicks.““  
— „Uncle,“ säd ick, as hei sic wedder schön taurecht  
läd,<sup>7</sup> üm dat Sag'geschäft wider<sup>8</sup> tau besorgen, „is dat  
wohr, oder hett mi dat drömt,<sup>9</sup> hewwen wi ollen Jung-  
gesellen keinen Deil an de Dannenböm?“ — „„Dummen  
Snack!““<sup>10</sup> säd Uncle Matthies. „„Ligg still!““ —  
„Ick bün woll sihr frank west?“ frog ick. — „„Dat  
weit Gott,““ säd min Uncle un krop<sup>11</sup> ut den Fautsack  
un namm dat Licht un lücht' mi in de Ogen. „„Äwer  
würklich, würklich! Ick glöw, Du büsst dor mit dörch,  
denn Din Utseihn, min lütt Sünging,““<sup>12</sup> — un dorbi  
strakt<sup>13</sup> hei mi — „„is ganz anners worden. Kannst  
Du denn nu würklich seihn, dat ick Din Uncle Matthies  
bün, un dat dit min Näs' is un kein Frdbeer? Un

1) schnarchte. 2) zuletzt ermunterte. 3) rieb. 4) Handpferd.  
5) Fohlen, Füllen. 6) schon wieder. 7) zurecht legte. 8) weiter. 9) ge-  
träumt. 10) Geschwätz. 11) froh. 12) dim. von Junge. 13) streichelte.

willst Du dat Frdbeeraplüdden nu nahgradens<sup>1</sup> sin laten? Denn Du hüst mi vergangen Nacht zweimal eßlich in dat Gesicht 'rinner fohrt,<sup>2</sup> as ic̄ en Beten indrus't<sup>3</sup> was." " — Ic̄ versprok, mi nu beter tau schicken, denn ic̄ wir nu wedder vernünftig.

Un so was't denn nu ok; de Krankheit was tau En'n, äwer min Noth gung nu irst an. Ic̄ was so mör un so ledweik,<sup>4</sup> dat ic̄ mi nich rögen<sup>5</sup> kunn, un wenn ic̄ de Ogen mal upflog, denn stunn Fru Bütown vör mi un hadd den rodglaſürten Pott in de ein Hand un den Läpel<sup>6</sup> in de anner, un faudert un propp<sup>7</sup> mi mit 'ne Krankensupp, dei was so stiw as Baulbinner-Kleister<sup>8</sup> un smedt ok so, un säd denn: „Eten S!<sup>9</sup> Eten S' doch! — Wenn Sei nich eten, warden Sei nich wedder beter.“ Un bi all dese Qual maakt dat oll gaudmäudige Gestell tau ehren Kleisterpott noch so'n mitleidig Gesicht, dat ic̄ äwerhapsen<sup>10</sup> müht, ic̄ müggt willen oder nich.

Zedes Ding hett en En'n, un 'ne Wurst<sup>11</sup> hett ehre zwei. Ic̄ kammi 'rut ut dat Bedd un satt denn Stun'n lang mit minen Unkel Matthies tausam un vertellt mi wat mit em. „Unkel，“ säd ic̄ mal, denn mi lagg de Drom von de Dännenböm un de ollen Junggesellen noch in den Kopp, „Unkel, wi hadden eigentlich Beid' frigen müht.“ — „Dummen Snack!“ " säd min Unkel, „meinst Du, ic̄ hadd as östreichsche Wachtmeister von Anno drütteihn<sup>12</sup> in Kaiserlich-Königlichen Staten 'ne lütte ungersche Husorentucht<sup>13</sup> anlegen föllt?“ " — „Dat nich,“ segg ic̄, „ic̄ red ok eigentlich man von mi. Süh

---

1) nachgerade, endlich. 2) gefahren. 3) eingeschlummert. 4) mürbe und hinfällig (eigentl. gliederlahm). 5) röhren. 6) Löffel. 7) futterte und vspopfte (voll). 8) Buchbinder-Kleister. 9) essen Sie. 10) überschlucken. 11) Wurst. 12) dreizehn. 13) Husarenzucht.

mal, ic̄ denk so, wenn ic̄ 'ne Fru hadd — dat heit 'ne ordentliche Fru un 'ne gaude Fru un 'ne — un 'ne lütte nette Fru, un Du treckst<sup>1</sup> denn tau uns . . . " — „Un sūl denn Kinner wöhren?<sup>2</sup> Dank vel mal!"<sup>3</sup> säd min Unkel Matthies. — „So is dat nich meint," segg ic̄. „Äwer frigen dahū ic̄, denn Fru Bütown ehre Pleg' in de letzte Krankheit . . . " — „Mi dücht,"<sup>4</sup> föll<sup>4</sup> hei mi in't Wurd, „Du büsst gaud naug<sup>5</sup> plegt. Ic̄ sūlwst . . . " — „Ih, red so nich," segg ic̄, „Du hest Din Mäglichst dahm; äwer 'ne Fru . . . " — „Na, büsst Du denn all eine Gewisse up de Spur?"<sup>6</sup> fröggt min Unkel. — „Weiten dahū ic̄ ein," segg ic̄. — „Na, will sei Di denn ok?"<sup>7</sup> fröggt hei. — „Dat weit ic̄ noch nich," segg ic̄. — „Is woll so'ne rechte statsche?"<sup>8</sup> fröggt hei un plinkt mit dat ein Og'. — „Dat nich," segg ic̄. — „Denn is sei woll all lang' ut de soldatenpflichtigen Zohren?"<sup>9</sup> fröggt hei wider un plinkt weder. — „Ok dat nich," segg ic̄. „Äwer Du kannst sei Di jo mal anseihn — ic̄ kann leidergotts nich mit — sei geiht alle Nahmiddag buten den Dur nah de Mähl hentau<sup>7</sup> spaziren, so twischen dreien un viren, un verfehlen kannst Du sei nich, denn sei is de hübschste von Allen, dei dor gahn." — „Natürlich!"<sup>10</sup> seggt min Unkel. — „Un hett 'ne Troddel an den Mantel un en lütten Zungen an de Hand," set't ic̄ hentau. — „Frigst Du dat Kind mit?"<sup>11</sup> fröggt min Unkel. — „Wat föllt Di in?" fohr ic̄ in En'n.<sup>8</sup> „Dat is ehr Swesterkind." — „Gott bewoahr uns!"<sup>12</sup> seggt min Unkel. „Äwer<sup>9</sup> Di doch nich! Wat weit ic̄ dorvon? Vör minentwegen

1) zieht. 2) warten. 3) düucht. 4) fiel. 5) genug. 6) stattlich, stolz. 7) vor dem Thor, in der Richtung nach der Mühle. 8) fahre ich auf. 9) ereifere.

kann sei jo 'ne Wittfri<sup>1</sup> sūn. Na, anseihu will ic̄ sei mi denn doch!"" — Un dormit geiht hei.

Des Nahmiddags so hentau siwen<sup>2</sup> künint hei wedder, hött<sup>3</sup> sic̄ 'ne Pip an, set't sic̄ dal un seggt gor nicks. Dit argert mi jo denn natürlich, un ic̄ segg ol nicks. Wi roken denn nu Beid' as de Backabens;<sup>4</sup> äwer ic̄ was denn doch tau niglich,<sup>5</sup> stunn up un stellt mi so, dat hei mi mit sin oll plinkeriges<sup>6</sup> Gesicht nich in de Ogen liken kunn, un frog: Büst Du buten den Dur west?" — „Dat bün ic̄,"" seggt hei. — „Na?" frag ic̄. — „Ja,"" seggt hei. — „Hest Du sei seihn?" frag ic̄. — „Heww sei seihn,"" seggt hei, „un heww ol mit ehr red't." — „Plagt Di de Kukuk?" segg ic̄ un dreih mi üni. „Wat hest Du mit ehr tau reden? Ic̄ sülwst heww jo noch nich mal mit ehr red't." — „Dorüm grad!"" seggt hei. „Denn Einer von uns möt jo doch anfangen, un ic̄ ward doch woll mit minen Swesternsähn sine Brut<sup>7</sup> reden können?" — „So wid sünd wi noch lang' nich," segg ic̄. — „Wat nich is, kann jo doch noch warden,"" seggt hei, un set't sic̄ in den ollen LehNSTAUL bet tau-rügg<sup>8</sup> un streckt de Bein nah vörwarts, as „fühst mi woll." „Ic̄ will Di't vertellen,"" seggt hei: „As ic̄ so den Weg entlang gung, kamm sei achter<sup>10</sup> mi, un ic̄ stellt mi hen un lek<sup>11</sup> sei an, denn sei hadd en lütten Zungen an de Hand; de Troddel kunn ic̄ nich seihn, wil dat dei ehr den Puckel dal hung." — „Ic̄ kann't mi denken," fäd ic̄, „Du hest sei woll snurrig anseihu?" — „Wenn ic̄ wat anseihu will, denn rit<sup>12</sup>

1) Wittwe. 2) gegen fünf Uhr. 3) heizt, brennt an. 4) Backöfen.

5) neugierig. 6) blingelnd. 7) Braut. 8) weiter zurück. 9) erzählen.

10) hinter. 11) guckte. 12) reiße.

ick de Ogen up,"" seggt min Uncle, „„un dat ded ic<sup>t</sup>,  
un sei slog ehr Ogen so dal — mit so en Tog,<sup>1</sup> as  
wenn sei des Albends ehr Gardinen an de Beddstäd'  
tausamen trecken wull, un as sei vörbi was, sach ic<sup>t</sup>  
ok de Troddel.”“ — „Du magst sei schön anfeken hew-  
wen,” segg ic<sup>t</sup>. — „Dat heww ic<sup>t</sup>, äwer dat dic<sup>t</sup>  
En'n kümint nah.”“ — „Na, hett sei Di denn ge-  
fallen?” frog ic<sup>t</sup>. — „Ich ja! Sei hett mihrere  
Dugenden an sic<sup>t</sup>, dei mi woll passen: irstens heit sei  
sic<sup>t</sup> nich vel üm den Kopp 'rümtüdert,<sup>2</sup> un zweitens fegt  
sei mit ehr Kleder de Strat nich af, un dat sünd en  
por Dugenden, min Sähn, dei führen mihr in den  
Mun'n as Einer gewöhnlich denkt, denn dei so vel up  
den Kopp hewwen, hewwen meistendeils nich recht wat  
dorin, un dei mit de langen Kleder hewwen All scheiw'<sup>3</sup>  
Bein, oder, wat noch slimmer is, ehr Fauttüg<sup>4</sup> is nich  
up den Schick.<sup>5</sup> Min Sähn, bi Frugenslüd' un bi Vird'  
möst Du ümmer tauirst nah de Beinen liken; is dat  
Gangwark adrett,<sup>6</sup> is de Beinsatz in Ordnung, un is  
dat Fautgeschirr proper, denn kannst Du up Flit, up  
Ordnung un Rendlichkeit<sup>7</sup> reken.”“<sup>8</sup> — „Also Du  
meinst ....?” frog ic<sup>t</sup>. — „Ich mein gor nids,”“  
föll hei mi in de Ned'. „Lat mi irst vertellen, wat  
mi wider passirt is. As sei nu so vör mi up nah de  
Mähl hentau gung, un ic<sup>t</sup> achter ehr, dunn müsst ic<sup>t</sup>  
würlich tau mi seggen: „Wohrhastig! Du spelst en  
schönen Zwikel!<sup>9</sup> Du dreihst woll en Beten<sup>10</sup> mit den  
Kopp; äwer dat schad't nich! Denn worüm fall sei  
nich mit den Kopp dreihn, dorför is sei jo en Frugens-

1) mit einem solchen Zug. 2) herumgebunden. 3) schiefe. 4) Fuß-  
zeug. 5) in Ordnung. 6) ordentlich. 7) Reinlichkeit. 8) rechnen.  
9) d. h. gibst Dir ein schönes Ansehen. 10) ein Bißchen.

tinner;<sup>1</sup> äwer" — denk ic̄ so bi mi — „de Ned'! Dat is de Haupthaſt! Du ſallſt mit ehr en unſchüllig Geſpräk anſpinnen!" Als ſei also wedder taurügg künimt, ſtell ic̄ mi mit den Rüggen gegen en Bom un dauh ſo, as wenn ic̄ mi min Pipengeschirr in'n Gang bringen will, un as ſei nu fo'n Schrittener ſiw<sup>2</sup> von mi is, dunn treck ic̄ Stahl un Stein ut de Tasch un rit<sup>3</sup> bi de Gelegenheit för en Daler lütt Geld mit 'ruter — Zung', markſt Du! Allens mit Willen! — dat de Ewei- gröschenſtücken fo äwer den froren Fautſtig<sup>4</sup> 'räwer klapperten. Nu bückt ic̄ mi dal un puſt<sup>5</sup> gefährlich dorbi, as würd mi dat Upmanneln hellschen fur,<sup>6</sup> un as ſei dit ſach, ſäd ſei richtig tau den lütten Zungen, hei ſüll mi ſammeln helpen, un ſei ſammelt ok mit — un dat wull ic̄ man. Icf bedank mi denn, un wi kemēn in 'ne Unnerhollung un gungen taufamen het an't Dur."<sup>7</sup> — „Wat red't Zi denn?" frog ic̄. — „„Oh, nicks von Bedüden. Icf ſäd, ic̄ wir Din Uncle, un ob ſei Di nich kennen ded, Du lepft hir ok ümmer up un dal; dunn ſäd ſei, ſei hadd nich dat „Bergnügen" — „Bergnügen" ſäd ſei —; dunn frog ic̄, ob ſei nich en jungen Minschen hir hadd gahn ſeihν mit en gel grisen Haut<sup>8</sup> un en gel grisen Üwertrecker<sup>9</sup> un gel grise Hosen un gel grise Hor? — — Ne, ſäd ſei; en öllerhaften<sup>9</sup> Herrn in fo'ne Kledaſch<sup>10</sup> hadd ſei woll ſeihν. Ma, ſäd ic̄, de öllerhafte Herr wir de jung' Minſch, von den'n ic̄ red't hadd, dat wirſt Du. — Dunn ſprung dat oll lütt Züngſchen fo an ehr tau Höcht<sup>11</sup> un ſäd: „Tante, das iſt der Herr, von dem Du immer sagſt,

1) Frauenzimmer. 2) fo etwa fünf Schritt. 3) reiſe. 4) gefrorener Fußsteig. 5) Leuchte. 6) höllisch, d. h. sehr fauer. 7) gelbgrauer Hut. 8) Neberzieher. 9) älſlich. 10) Kleidung. 11) in die Höhe.

er säh' aus wie eine Reihensemmel, die in Milchkläffee getaucht ist." — Dunn würd sei fuerrod<sup>1</sup> un ic müht ludhals<sup>2</sup> lachen un säd: „„Ja, dat wirst Du.““

Ic würd nu of fuerrod, denn dei Snack<sup>3</sup> müht mi jo doch fähr argern, un segg tau minen Unkel: „Wenn Du wider nicks haddst wullt, as Din Swesterkind lächerlich vör de Lüd' maken, denn haddst of leiwer tau Hus bliwen künnt.“ — „„Dat hadd ic,““ seggt hei, „„äwer ic woll noch wider wat; ic woll gern weiten, ob sei Di woll nehm?““ — „Leiwer Gott!“ segg ic, „Du heft doch nich fragt?“ — „„Zung,““ seggt min Unkel, un rokt, as wenn en lütt Mann backt,<sup>4</sup> „„wenn ic 'ne Sak in de Hand nehm, denn gründlich! — aber fein! — Ic frog ehr also, ob sei woll wüft, wat Du wirst? — „Ne,“ säd sei, „Du wirst viellicht en Docter?“ — „„Bewoehr uns!““ segg ic, „„wo kem hei dortau?““ — „„En Avkat?“<sup>5</sup> — „„Of dat nich.““ — „Na, dit un dat?“ Un sei röde<sup>6</sup> nu 'rümmer het nah en „Rath“ rup un het nah'n „Barbirer“ 'runner; ic schüddelt äwer ümmer mit den Kopp un säd taulezt: dat raden Sei doch nich! Hei is höchstens gor nicks. — Dat schint ehr denn allerdings en Beten wenig, un sei meint denn: Du würdst denn also woll von Din Geld lewen. — „„Ja,““ säd ic, „„in ein Ort hadd sei Recht; tau dit Geschäft haddst Du von Jugend up de meiste Lust hatt, äwer dat Du dorbi 'ne Anstellung kregen<sup>7</sup> haddst, künnt ic grad nich seggen. Du wirst nu up en annern Stand verflossen.““ — „Up wat för einen?“ frog sei. — „„Up den Eh'stand,““ säd ic un frog

1) feueroth. 2) aus vollem Halse. 3) Geschwäz. 4) sprüchwörtlich, d. h. raucht, stark dampfend, wie der mit Buschholz geheizte Backofen der kleinen Leute. 5) Advocat. 6) riech. 7) gekriegt, bekommen.

tauglik,<sup>1</sup> wat sei dortau meinen ded. Vörher hadd ic  
äwer all tau mi seggt: ward sei bi dese Frag blaß,  
denn mag sei em nich liden; ward sei rod, denn  
nimmt sei em. — Sei würd denn nu richtig äwer un  
äwer<sup>2</sup> rod un büxt sick dal un bünzelt<sup>3</sup> an den lütten  
Jungen sinen Haut herümmern, un as sei wedder tau  
Höchten kamm, dunn kek sei mi so von baben dal<sup>4</sup> an,  
matt mit 'ne halwe Wennung 'ne Ort von Knicks,  
un weg was sei! Un dei Frag', dei ic, för min  
Person, ehr noch vörlegen wull, kamm gor nich tau  
Bredd."<sup>5</sup> — „Dat ward ok 'ne schöne Frag' west  
sin!" segg ic un bit<sup>6</sup> vör Arger en Knop von de  
Pipenspit. — „„Oh ne!"<sup>7</sup> seggt min Uncle, „„ic  
wull ehr blot fragen, ob sei gaud Fisch kaken<sup>8</sup> kunn,  
denn wull ic tau Zug<sup>9</sup> trecken,"<sup>10</sup> un dorbi sach de  
olle Burz<sup>9</sup> so ut, so wichtig un iernhaft, as güng  
min Frigeri em mihr an, as mi sülwst. Doch dit füll  
noch en ganz Deil narscher<sup>10</sup> kamen.

In de negsten Dagen, as ic all so'n Beten ut-  
stümpern<sup>11</sup> kunn, gah ic nu absichtlich nich nah de Mähl  
hentau, denn mi was dat schanirlich,<sup>12</sup> ehr vör de Ogen  
tau kamen. „Sallst en Beten up den See tau Dis<sup>13</sup>  
gahn," denk ic, „un dat Schritschauhlopen<sup>14</sup> un  
Slädenführen ansehn." — Dat dauh ic denn nu ok,  
un as ic an de Baud<sup>15</sup> heran kamm, wo Bir un  
Bramwin<sup>16</sup> un Punsch un Grogg verköfft ward, gah  
ic dor en Beten 'ran un seih denn grad, wo min  
Uncle Matthies en Achtgröschenstück up den Disch leggt

1) zugleich. 2) über und über. 3) nestelte, knüpfte. 4) von oben  
herunter. 5) zu Stande. 6) beiße. 7) kochen. 8) zu Eich. 9) Burzche.  
10) närrischer. 11) stümperhaft ausgehen. 12) es gewirte mich. 13) zu Eise.  
14) Schlittschuhlaufen. 15) Bude. 16) Bramntwein.

un för vir Gröfchen Kauken<sup>1</sup> un för vir Gröfchen Punsch föddert. Na, dit föllt mi denn nu sibr up, denn hei drünk leiwer en Glas Grogg, as Punsch, un Kauken namm hei gor nich in de Mund. „Na, wat dit woll heit?“<sup>2</sup> denk ic, „hei will woll Kinner trac-tiren.“ — Äwer ne! Ahn dat hei mi gewohr würd, gung hei mit finen Barg<sup>3</sup> Kauken un sin Glas vull Punsch up en Släden los, wo 'ne Dam mit en gräunen Sleuer<sup>4</sup> insatt, un högt<sup>5</sup> sich mit dat Liw<sup>6</sup> vörn un achter äwer, as wull hei sich dat Krüz verrenken, un kraht mit de Bein so snaksch<sup>7</sup> up dat Iß herümmer, dat ic denk, de oll Mann verlirt de Blansirung,<sup>8</sup> un dat ic all up em losspringen un em unner de Arm gripen will; dunn fleiht de Dam den Sleuer taurügg, un wat seih ic? — Minen Leiwen Schätz un minen säuten<sup>9</sup> Ogentrost! Un tau Maud' würd mi, as hadd mi Einer rechts un links en por Mulshellen gewen. — „Dat weit de Kukuk,“ segg ic, „de Oll verdarwt<sup>10</sup> mi de ganze Frigeratschon<sup>11</sup> het in de grave Grund!“<sup>12</sup> un gah so arg,<sup>13</sup> as Einer warden kann, nah Hus.

Dor fatt ic nu in'n Düstern un gruns' mi in-wendig,<sup>14</sup> dunn geiht de Dör up, un min Uncle kümmt 'rin. „Gu'n Abend!“ seggt hei. „Wat fittst Du hir in'n Düstern? Mak Licht an!“ — Dit is dat ein-zigste Mal in minen Lewen west, dat ic minen Mudder-Brauder nich de Dagstid baden heww;<sup>15</sup> ic stunn äwerst<sup>16</sup> up un maakt Licht an, un sach so sur ut, as en solten Hirring,<sup>17</sup> dei virteihu Dag' in Essig leggt is. —

1) Kuchen. 2) heißt. 3) Berg, Haufen. 4) grüner Schleier. 5) bog. 6) Leib. 7) sonderbar, possirlich. 8) Balance. 9) süß. 10) verdirst. 11) Freierei. 12) sprichwörtlich, d. h. ganz und gar. 13) ärgerlich. 14) gräume, ärgere mich im Stilen. 15) Tageszeit geboten, d. h. begrüßt habe. 16) aber. 17) gesalzener Hering.

„Wat fehlt Di?“ fröggt hei. — „„Nicks!““ segg ic<sup>d</sup> fortweg, dacht äwer: 't is din Mudder-Brauder! un sei't hentau: „„Ick bün nich up den Schick!““<sup>1</sup> — „Ick sihr,“ säd hei un dorbi sach hei so lüftig<sup>2</sup> ut, as en ollen Esel, dei virteihn Dag' bi schiren Hawer in'n Stall stahn hett. „Heww wedder mit ehr red't,“ seggt hei. — „„Minentwegen,““ segg ic<sup>d</sup>. — „Wo<sup>3</sup> fall ic<sup>d</sup> dat verstahn?“ fröggt hei un sei't en irnhaft Gesicht up. — „„Ick bün mit den Drom<sup>4</sup> dörch,““ segg ic<sup>d</sup>. — „Du willst nich?“ fröggt hei un leggt sin beiden Arm up de Lehn von den Lehnstaul un klickt mit de Näs<sup>d</sup> d'räwer weg, scharp mi in't Gesicht, „ick heww de Sal infädelt so fin, so fin! dat dat en Hund jammern kunn, wenn dor nicks ut würd, un nu willst Du nich?“ — „„Ne,““ segg ic<sup>d</sup>, „„Unkel, ic<sup>d</sup> will nich. Meinst Du, ic<sup>d</sup> fall Di den Rahm<sup>5</sup> affüllen laten un mi mit de sure Melk<sup>6</sup> begnügen? Denn doräwer sünd sei sick Al einig — kik hir! Amalie Schoppe, geborene Weise, un Elise von Hohenhausen, geborene von Ochs, un all de Annern, dei äwer dit Verhältnis schreiben hewwen — dat Schönste hi de Trigeri is de Verfähr von Brutslid' vör de Hochtid, un den'n Verfähr rittst<sup>7</sup> Du an Di, un ic<sup>d</sup> fall taufeihn, wo Du min Brut mit Punsch un Kauken traktirst?““ — Min Unkel nimmt de geborene Weise, un de geborene von Ochs, un smitt sei in de Sophaeck, un stellt sich vör mi hen un seggt: „Ick frag Di taum Lezten, willst Du dat Mäten<sup>8</sup> frigen oder nich?“ — „„Ne,““ segg ic<sup>d</sup>. — „Na,“ seggt hei un kik mi lang' an mit so'n fierlich

1) d. h. nicht wohl. 2) flatterhaft, windig. 3) wie. 4) Traum.  
5) Rahm, Sahne. 6) Milch. 7) reißt. 8) Mädchen.

Gesicht, as hadd hei eben sin Testament maakt un wull nu noch sinen Namen unnerschriwen, „na, dat Mäten fall dörch mi nich in Schaden kamen, denn frig ic̄ sei,” un dormit gung hei stolz ut de Dör.

Na, dit was denn nu mal en Stück! — In de Frst<sup>1</sup> stunn ic̄ ganz verdukt, dunn smet ic̄ mi in de Sophaed<sup>2</sup> up de geborene Weise un lacht lud up. — Min Unclel, dei gaud twintig<sup>3</sup> Johr öller was, as ic̄, trugte<sup>4</sup> sic̄ en Stück tau, wotau mi in minen Zohren de Kurasch<sup>5</sup> all<sup>6</sup> utgung! Ic̄ wull nu lustig wider lachen, kregt äwer nich mihr taurecht, denn ic̄ hadd kein unbekümmert Hart, un wenn ic̄ dat Gesicht of breid naug<sup>6</sup> vertreden ded,<sup>7</sup> de Lach<sup>8</sup> blew unnerwegs hucken,<sup>9</sup> un as ic̄ mi nu so mit dat dämlichste Gesicht von de Welt in den Speigel tau sehn kreg, sprung ic̄ in'n En'n<sup>10</sup> un gung mit groten Schritten in de Stuw up un dal<sup>11</sup> un bos'te<sup>12</sup> mi nich slicht un flog up den Disch un säd: „Hei deiht't, hei is dortau kumpabel.”<sup>13</sup>

As Fru Bütown kamm, kreg sei natürlich ut männigerlei Ursak Schell,<sup>14</sup> un as ic̄ dei taurecht set't hadd; gung ic̄ in den Klubb un spelt<sup>15</sup> Lomber un säd ümmer tau mi: „Dat kannst du doch nich liden!” un spelte Solos, dei gor nich up de Welt existirten, un verlur sei un säd denn wedder: „du wardst Di doch dat Hart nich aßköpen laten!” un namm den Muöhren<sup>16</sup> un würd koidlg.<sup>17</sup>

Berdreitlich<sup>18</sup> gung ic̄ nah Huf' un läd mi dal<sup>19</sup> un wull slapen un kunn nich. Ic̄ argert mi de ganze

1) zuerst. 2) zwanzig. 3) trauete. 4) Courage. 5) schon. 6) gemug. 7) verzog. 8) Lache, Gelächter. 9) hängen. 10) in die Höhe. 11) auf und ab. 12) erboste. 13) capabel, fähig. 14) Schelte. 15) spielte. 16) den Muöhren. 17) Cobille. 18) verdrießlich. 19) legte mich nieder.

Nacht mit mi 'rümmer, denn laten kunn ic̄ von dat  
säute<sup>1</sup> Kind nich mīhr — sei hadd mīt andahu —  
un de heilig Christabend föll<sup>2</sup> mi in, dat ic̄ in mineu  
Lewen leinen Dannenboni upputzen füll. Wenn ic̄  
denn tau mi säd: „„Man tau!“<sup>3</sup> denn flogen mi all  
min Bedenken as en Hummelswarm dörch den Kopp,  
un vör min Ogen stunn ümmer en grot Fragteiken,<sup>4</sup>  
un wenn ic̄ mi dat utdüden ded,<sup>5</sup> denn heit<sup>6</sup> dat  
ümmer: „Ze, will sei di ok?“

Na, dit kunn jo doch nu Keiner heter beantwurten,  
as sei fülwst — dat sach ic̄ in — un as nu de grage<sup>7</sup>  
Wintermorgen in min koll<sup>8</sup> Stuw 'rinner schinen ded,  
un mi dat so dörch de Knaken grusselt,<sup>9</sup> as ic̄ den  
Koffee makt, säd ic̄: „Nu bün ic̄ dormit dörch! Wat  
sin möt, möt sin!“ un segg tau Fru Bütown: „Fru  
Bütown,“ segg ic̄, „gahn S' nah Kopmann Bohnsäcken  
un köpen S' mi en Por von de finen, gelen Hanschen,<sup>10</sup>  
dei de jungen Herrn Avkaten ümmer dragen, wenn sei  
recht wat bedüden willen. — Äwer rechte gele!“

Hen tau Elben<sup>11</sup> stek ic̄ denn nu in minen swarten  
Liwrock un swarte Hosen un blanke Stäweln un in de  
nigen, gelen Hanschen, un ihre<sup>12</sup> ic̄ den Haut upsetten  
ded, stellt ic̄ mi vör den Speigel un säd mit Recht:  
„Wo's 't möglich! Dat hadd ic̄ fülwst nich mīhr  
glöwt!“<sup>13</sup> Smet noch en Blick in min Stuw 'rüm un  
säd: „So ward't denn nu woll hir nich bliwen!“ Kel  
in min ollen Tüffeln<sup>14</sup> 'rinner, dei vör dat Bedd stun'n,  
un säd: „Si ward jug ok wunnern, wenn't glückt,

---

1) süße. 2) fiel. 3) nur zu! 4) Fragezeichen. 5) ausdeutee.  
6) hieß. 7) graue. 8) kalte. 9) schauerte. 10) gelben Handschuhen.  
11) gegen 11 Uhr. 12) ehe. 13) geglaubt. 14) Pantoffeln.

un wenn binnen Korten en Vor lütte nüdliche Tüffelken  
bi jug taum Besäuf kamen."

Ich gah denn nu de Strat hendalen un kam an  
minen Uncle Matthiesen sin Dör vörbi un denk: „Ist  
mit alle Welt in Freden, wenn Einer so'n Gang  
deiht!“ denn tau Maud' was mi, as gung ich den  
leisten Gang. Kloppt also an sin Dör un gung herin.

Na, ich heww all<sup>1</sup> vel seihn in de Welt; ich  
heww mal seihn, dat en Kirl Füer fratt;<sup>2</sup> ich heww  
mal seihn, dat Einer Häkelheed<sup>3</sup> fratt un schönen  
sidnen Band ut den Hals' heruterhaspelte: äwer so  
blag<sup>4</sup> is mi dat meindag' nich vör de Ogen west, as  
in den'n Ogenblick, wo ich an den hütigen Morgen  
minen Uncle Matthies tau seihn kreg.

Dor stunn hei in sin Stuw in den fulwigen Up-  
tog<sup>5</sup> as ich, blot dat sin swarte Liwrock en gräunen Jagd-  
snipel<sup>6</sup> was, un dat sin gelen Hanschen von Hirschledder  
wiren, un min von Schapledder, un dat sin witte  
Snurrbort as en por flore Eisstappen<sup>7</sup> rechtsch un linksch  
äwer den Mund dal hung, un min nah haben<sup>8</sup> up-  
swänzt was un in allerlei verdammte Kalüren<sup>9</sup> spelte.

„Uncle!“ rep ich, as ich 'rin kamm, un min Haut  
tründelte<sup>10</sup> vör mi in de Stuw 'rin, so versirt<sup>11</sup> ich mi.  
— „Gung!“<sup>12</sup> rep hei, „wat willst Du?“  
— „Wat willst Du?“ raup ich. — „Ich will dat, wat  
Du nich willst!“ seggt hei. — „Ich will jo!“ rep  
ich. „Un ich bün jo man“, set't ich hentau, „hir in  
desen Uptog blot nah Di 'rupper kamen, üm Di tau  
seggen, dat ich nu fast<sup>13</sup> bün, un woll Di bidden, Du

1) schon. 2) fraß. 3) Berg. 4) blau. 5) in demselben Aufzug.  
6) grüner Jagdrock (Frack). 7) klare Eiszapfen. 8) oben. 9) Couleuren,  
Farben. 10) rollte. 11) erschrat. 12) fest, entschlossen.

füllst man wedder min leiw' oll Unkel bliwen." —  
„Wullst Du dat?“<sup>1)</sup> säd hei un set't sic in sinen  
Lehnstaul un sek mi so nahdrücklich in de Ogen. „Na,  
denn will icke Di man seggen, icke wull ok in desen Up-  
tog nah Di heukamen un wull Di en beten verfiren.<sup>2)</sup>  
Ick weit dat ut min Soldatentiden: so'n Beten Ver-  
firen, dat rammelt<sup>3)</sup> den Minschen nüdlich tausam un  
rappelt<sup>4)</sup> em up, denn denn kümmt de Schimp mit in't  
Spill.<sup>4)</sup> Un, Jung,<sup>5)</sup> säd hei un stunn up un läd  
mi de Hand up den Arm, „icke will Di nich in den  
Beg' stahn un Di in den witten Bagen<sup>5)</sup> von Din  
Glück en Krünkel<sup>6)</sup> maken, denn dat lütt Mäten is för  
Di geburen, un dat Mäten is gaud!“<sup>7)</sup> — Un dorbi knep<sup>8)</sup>  
hei mi den Arm mit sine olle breide Lust tausamen, dat  
icke dacht: wenn sei so is, denn is sei mi hr as gaud.

Min Unkel gung nu hen un hält<sup>8)</sup> en Glas von  
sinen ollen Portwin un säd: „Kumm her, Jung,  
stärk Di irst! Wo willst Du't denn anfangen?“<sup>9)</sup> —  
„Ze,<sup>10)</sup> segg icke, „wenn icke dat wüst!“ — „Sett mal  
den Bein hir up den Staul,<sup>11)</sup> seggt hei. — „Wat  
fall dat?“ frog icke. — „Nicks nich,<sup>12)</sup> seggt hei un  
knöpt mi de Strippen<sup>9)</sup> von de Hos' af, „mit en  
Fautfall<sup>10)</sup> möst Du jo doch beginnen, un dit kunn Di  
strämmen.“<sup>11)</sup> — „Na,<sup>12)</sup> segg icke, „Du fangst gaud  
an.“ — „Wat sic hürt,<sup>12)</sup> hürt sic,<sup>12)</sup> seggt hei. „Ick  
heww dat meindag' nich fulwst dörchmaikt, ärwer icke heww  
dat ümmer up Biller<sup>13)</sup> seihn. Wat seggst Du ärwer  
man? Läuw!<sup>14)</sup> Ick will Di unner de Arm gripen!“<sup>14)</sup>

1) erschrecken. 2) wälzt, schüttelt. 3) rafft, richtet — auf.  
4) Spiel. 5) weißen Bogen. 6) Kniff, Falte. 7) Kniff. 8) holte.  
9) Stege. 10) Fußfall. 11) zu stramm sitzen. 12) gehört. 13) Bilder.  
14) warte, hast!

un dorbi ret hei hastig sinen Draßkasten<sup>1</sup> up un  
flie'le<sup>2</sup> in den Uttog<sup>3</sup> 'rum, worin hei sin heiligsten  
Schätz hadd. Un richtig, dor kamm hei mit sin  
Stammbauk taum Börschin. Dat schach<sup>4</sup> man selten,  
un wenn hei't anröhgen ded,<sup>5</sup> denn schach dat blot des  
Abends, wenn Allens so recht still was. Denn treckt  
hei sich iſt reine Wäſch' an un sin bestes Tüg un set't  
rechtfich un linkſch en por Lichter up den Disch, slog  
deip in Gedanken Bladd för Bladd üm, las all de Vers'  
un höll<sup>6</sup> mit swarte Krügen dat Dodenregister in Ord-  
nung. Den annern Morgen was hei denn sihr weis-  
mäudig, un dat lezte Mal kamm hei nah mi 'rum un  
säd: „So vel ic weit, lewt man noch Ein; dat is  
Krischan<sup>7</sup> Bünger, den ollen Snider Bünger sin Sähn,  
dei mit min Öllern Hus an Hus wahnēn ded. Sei  
seggen jo, hei fall Durschriwer<sup>8</sup> tau Parchen<sup>9</sup> wesen,  
un wenn mi Gott dat Lewen lett, denn will ic em  
deſen Sommer besäuken.“

„Hir!“ säd hei, as hei ditmal dat Stammbauk  
'ruter halt<sup>10</sup> un up den Disch leggt hadd, „hir sett Di  
dal, un säuk Di en Vers ut un lihr em utwennig.  
Dor stahn wed in, dei kannst Du tau unsren Herrgott  
in'n Himmel beden, denn ward sic ol woll ein för  
dat beste Mäten up Erden finnen.“ — „Unkel,““  
säd ic un na um dat Stammbauk in de Hand un  
bläderte dorin 'rum, „„ic weit, wat ic dahu: ic red so,  
as mi dat üm't Hart is, un mi is hüt morgen ganz  
besonders üm't Hart.““ — „Ol gaud, min Jung,““  
säd min Unkel, „un villicht noch beter! Alwer denn

1) Commode. 2) kramte, wühlte. 3) Auszug, Schublade. 4) geschah.  
5) anführte. 6) hielt. 7) Christian. 8) Schreibere. 9) Parchim,  
meistb. Stadt. 10) geholt.

mak nu ok! Un täuw,<sup>1</sup> set't hei hentau, as ic<sup>t</sup> mi taum Gahn ündreihn ded,<sup>1</sup> „Di hängt jo dat witte Band von't Vörhemd 'ne halw Ehl<sup>2</sup> den Puckel<sup>3</sup> dal!<sup>4</sup> un gaww mi finen Segen un stoppt dat En'n Band unner't Halsdauf.<sup>5</sup> „So, nu gah mit Gott!“

Ic<sup>t</sup> gung denn, äwer as ic<sup>t</sup> ut de Husdör kamm, dunn haust' t<sup>4</sup> wat haben<sup>5</sup> mi, un as ic<sup>t</sup> 'rupper kef,<sup>6</sup> dunn lagg min Uncle Matthies in dat halwe Finster un nicht un plinkt mi tau, un jedesmal, wenn ic<sup>t</sup> mi in de lange Strat ümkel, denn nicht hei un weiht mit sin rodbunt Taschendauf ut dat Finster 'rut, dat mi angst un bang' würd, de Lüd' müggten marken, wovon twischen uns de Ked' wir.

Nu kunn ic<sup>t</sup> dir 'ne Geschicht vertellen;<sup>7</sup> ward mi äwer woll häuden.<sup>8</sup> So glatt, as dat in de Romanen steiht, geiht so'ne Angelegenheit in de Würlichkeit nich af. Unner Hunnert maken Nägen un Nägentig<sup>9</sup> up desen Gang de spaßigsten Dummheiten, un wenn ok all de Hunnert as de glücklichsten Brüjams<sup>10</sup> taurügg kamen, warden doch de Nägen un Nägentig tau sick seggen: „Gew de leiw Gott, dat wi nich wedder in dei Lag' kamen; sullen wi äwer taum zweiten Mal de Sak ävernemen, denn willen wi't Fläuker anfangen.“ — Gott lat mi nich wedder in dei Lag' kamen!

Nah en annerthalw<sup>11</sup> Stun'n kamm ic<sup>t</sup> denn wedder taurügg, glücklich bet unner den Hautköppel,<sup>12</sup> un mag ok woll dornah utseihn hewwen; un dor ic<sup>t</sup> mi in min einsam Junggesellenlewen de dürigste<sup>13</sup> Mod'

---

1) zum Gehen umdrehte. 2) Elle. 3) Buckel, Rücken. 4) hupste. 5) über. 6) guckte. 7) erzählten. 8) hüten. 9) Neunundneunzig. 10) Bräutigams. 11) etwa anderthalb. 12) Hutkopf. 13) thörichte.

anwennt<sup>1</sup> hadd, mit mi sülwst tau snacken,<sup>2</sup> so kann ic  
nu bi ruhige Besinnung de Lüd' dat nich verdenken,  
wenn sei mi, as ic de Strat hendalen<sup>3</sup> kamm, en  
Beten ut den Weg gungen un mi scharp nahkeken,  
ob min Bein oß woll so dellamirten as min Hän'n.  
As ic nu noch so'n Kaudener dreit<sup>4</sup> von minen Uncle  
sinen Hus' af bün, stört' hei mi all entgegen un föll  
mi üm den Hals, denn hei hadd de annerthalw Stun'n  
lang achter de Husdör stahn un up mi lurt, un rep:  
„Holt Din Mul! Holt Din Mul! Ich weit Allens;  
un wennihr<sup>5</sup> ward de Hochtid?<sup>6</sup>“ — Ich tuscht<sup>7</sup> em  
denn nu, un säd: „„So swig doch still! taum wenigsten  
up de Strat!““ — sat't<sup>7</sup> em unner'n Arm un treckt  
em mit nah minen Hus'; doch as wi dor herinner  
kenten un Fru Bütown grad dat Middag deckte, dunn  
kurn hei sic nich länger hollen, dunn spelt sin ganzes  
Hart Solokalür,<sup>8</sup> un as de Fru em ankek,<sup>9</sup> dunn  
lüch'tken ut sin Ogen nicks as Trümw,<sup>10</sup> un hei wif'te  
mit den Dumen äwer de Schuller nah mi hen un säd:  
„Seihn S' dor, Fru Bütown, dor steiht hei — min  
Swester-Sähn! Is nu oß en Brüjam, so gaud as  
Einer!“ Un as nu de Fru kamm un gratulirt un  
weiten woll, wer de Glückliche wir, hadd ic wedder  
naug<sup>11</sup> tau tuschen, un as sei weg was, säd hei un kek  
mi dorbi sihr verdwas<sup>12</sup> an: ic wir en Heuchler, en  
sihr verstöckten! un ic wif'te en swartes Hart, dat ic  
so'n Glück so lang verßwigen kunn.

Ich müßt mi denn nu man dassetten<sup>13</sup> un em de  
Sak vertellen; dunn würd hei denn nu wedder fründlicher

1) angewöhnt. 2) schwäzen, sprechen. 3) die Straße herunter.  
4) etwa drei Stufen. 5) wann. 6) beschwichtigte. 7) fäste. 8) Solo-  
Couleur (beim Kartenspiel). 9) anguckte. 10) Trümpfe, Atout's.  
11) genug. 12) verquer. 13) niedersetzen.

un nicht mit den Kopp un säd: „schön!“ un denn mal wedder schüddelt hei mit den Kopp un säd: „dit wir nich ganz nah finen Sinn;“ un as ic utvertellt<sup>1</sup> hadd, stunn hei up un makt en Gesicht, as de Hewen<sup>2</sup> in'n Heuaufst,<sup>3</sup> wenn hei nich recht weit, ob hei de Sün'n schinen oder regen<sup>4</sup> laten soll; hei schüddelt un nicht, un nicht un schüddelt, un endlich säd hei: „hei, för sin Part,<sup>5</sup> hadd't denn doch en ganz Deil heter makt;“ un frog dunn, bi weckern<sup>6</sup> Vers von dit Kapittel ic denn den Fautfall anbröcht hadd. Ich müßt denn nu gestahn, dat dei gor nich taum Börschin kamen was. Dunn namm min Uncle Matthies finen Haut un säd: „Na, denn wünsch ic Di woll tau spisen! Un holl Di an dat, wat Du hest; wat nah künmt, bitt<sup>7</sup> de Wulf. Du hest vel tau tidig kreift;<sup>8</sup> de Sak is noch lang nich in Richtigkeit; en Fautfall hürt tau jeder Verlawung, un de Sak is nich gültig, wenn sei nich mit de beiden Knei<sup>9</sup> unnersegelt is. Mi taum wenigsten sollt gor nich wunnern, wenn de Kram in de negften Dag' utenanner geiht. Up en anner Mal folg minen Rad!<sup>10</sup> Somit gung hei.

Trotzdem äwer fung nu för mi eine wunderschöne Tid an, eine wunderschöne Tid! Ich kunn ok hirvon wedder vel vertellen, ward mi äwer woll häuden. De höchste Freud un dat deipste<sup>11</sup> Leid möt Einer nich Gedwereinen<sup>12</sup> up de Näs' hinnen; un wenn ic nu ok girt glöw, dat all Deijenigen, dei dit lejen, manirliche un irnsthafte Lüd' sünd, ein oder de anner Hans Quast kunn dor doch mit mang<sup>13</sup> lopen un kunn up mine

1) aus, zu Ende erzählt. 2) Himmel. 3) Heuernde. 4) regnen.  
5) Theil. 6) welchem. 7) heißt. 8) zu zeitig gekräht. 9) Knie. 10) tieffste.  
11) Gedem. 12) zwischen.

Kosten sinen Puzen<sup>1</sup> dormit driwen, un dat müßt mi  
denn doch sihr verstreiten.

Åwer tau jeden richtigen Honnigkauken<sup>2</sup> hürt en  
lütt Beting Päper,<sup>3</sup> un doran füll mi dat denn nu oł  
nich fehlen. Taurirst streute min Uncle Matthies af un  
an en lütt Kürnken<sup>4</sup> an, doch as hei sach, dat de Sak  
von Bestand was, un as hei füllwst up 'ne Bisit bi  
min Brut ehr Fründschaft<sup>5</sup> west was un sick dor oł  
tau sine Taufredenheit<sup>6</sup> von dat Fischkaken äwertügt<sup>7</sup>  
hadd, dunn sport<sup>8</sup> hei sin Gewürz un grep deip<sup>9</sup> in  
sinen Honnigpott<sup>10</sup> — tau deip! segg ic — denn nu  
malt hei alle Lüd', dei em hüren wullen, min Glück  
so säut vör, bet in minen Honnigmund<sup>11</sup> bald so vel  
Gleigen summten, dat ic mi nich tau bargen wüft, un  
dat bald so vele lustige Geschichten von mi in den  
Swung' wiren, as wir ic blot taum Bergnäugen von  
alle Welt nich blot en Brüjam, sondern oł en Brüd-  
jam<sup>12</sup> worden. Ic würd brüd't, wo ic mi seihn let.  
Up siw<sup>13</sup> Schritt all grint<sup>14</sup> mi jeder Hans Narr up de  
Strat an, un wenn ic denn frog, wat dor tau grinen  
wir, denn säden sei All, as wenn sei sick beraden  
hadden: „Oh, nicks nich!“ Kamm ic mal des Abends  
in minen ollen Dämmeklubb<sup>15</sup> — denn dat hadd ic mi  
glük vörnamen, dese Gesellschaft wull ic unner keiner-  
lei Ümstän'n upgewen, irstens wil dat sei mine Ge-  
mäudsort sihr tauseggen ded, un zweitens, wil dat ic  
sei för mine Bildung sihr taudräglich höll<sup>16</sup> — na,

---

1) Possen. 2) Honigkuchen. 3) Klein Bischen Pfeffer. 4) Körnchen.  
5) Verwandte. 6) Zufriedenheit. 7) überzeugt. 8) sparte. 9) griff tief.  
10) Honigtopf. 11) Honigmonat. 12) brüden = necken. 13) fünf.  
14) greinte, lachte. 15) dämeln, hier = schwätzen, umbedeutende Sachen  
erzählen. 16) zuträglich hielt.

wenn ic<sup>d</sup> also dor mal hengeröd,<sup>1</sup> denn würd dat en  
Flustern un en Tuscheln<sup>2</sup> un en Anstöten: de Ein-  
winkte ganz von Firn mit den Tulpenstengel, un de  
Unner ganz in de Neg'<sup>3</sup> mit den Tunpal,<sup>4</sup> un Ge-  
schichten vertellten s' sic<sup>d</sup>, wat de i vör de Hochtid seggt  
hadd, un wat de i nah de Hochtid seggt hadd; un  
wat de Scheper<sup>5</sup> tau finen Hund seggt hadd; un wenn  
ic<sup>d</sup> denn falsch<sup>6</sup> würd un frog, wat sei dormit seggen  
wullen, un wat<sup>7</sup> dat Spizzen up mi sin füllen, denn  
säden sei All: „Gott bewohre! Wi meinen man.“<sup>8</sup>  
Un wenn ic<sup>d</sup> nu des Abends ut desen Grün'n nich in  
den Dämelklubb gung, denn makt Fru Bütown ehr  
leime Päpermähl apen<sup>9</sup> un stöhnte<sup>10</sup> mi ümmer ganz  
lütte, fine Prisen in de Näs<sup>11</sup> un in de Ogen: wat dat  
so füll? oder wat dat so füll? Sei wüxt of nich, wo  
ic<sup>d</sup> dat nu hewwen wull. Un sei wir 'ne olle Fru un  
hadd in ehren Lewen all vele Herrn upwohrt,<sup>12</sup> äwer  
noch keinen, dei in'n Brutstand west wir; ic<sup>d</sup> füll  
deswegen Geduld mit ehr hewwen, denn de Sak kem jo  
nu bald ganz anners. Un wat dat Lüg rein maken  
anbedrapen ded,<sup>13</sup> dor gew sei mi ganz Recht, dat wir  
för min Brut nich gaud naug,<sup>14</sup> denn as<sup>15</sup> sei man hürt  
hadd, wir dei as 'ne Prinzeß upfödd<sup>16</sup> un hadd sindag'  
nich ehr Finger in soll<sup>17</sup> Water stippt; äwer ehr Ogen  
wiren för jede Dun<sup>18</sup> up den Rock all tau olt. Un  
wenn min Brut mi negstens mal besäcken wull, so  
kunn sei dat jo dauhn, sei för ehre Person hadd nicks  
nich dorwedder, un äwer de Spennwew an'n Bän<sup>19</sup>

1) hingerieh. 2) heimlich sprechen. 3) Nähe. 4) Saumpfahl.  
5) Schäfer. 6) ärgerlich, böse. 7) ob. 8) nur. 9) Pfeffermühle auf.  
10) stäubte. 11) aufgewartet. 12) was das Reinmachen des Zeuges  
betreffe. 13) genug. 14) wie. 15) aufgefüttert, erzogen. 16) kalt.  
17) Daune. 18) Spinnweben am Boden, an der Zimmerdecke.

un den Stoff<sup>1</sup> up de Comod würd sei jo nich fallen,  
un an den lütten Provat-Müll-Hümpel,<sup>2</sup> den'n sei sick  
tou ehre Bequemlichkeit in de ein Eck von min Stuw  
anleggt hadd, würd sei sick jo of just de Beinen nich  
verstuken.<sup>3</sup> Un wenn ic̄ des Abends Füer hewwen  
wull, denn kunn ic̄ jo dat man seggen — sei wüſt jo  
dat of nich — süss<sup>4</sup> wir ic̄ jo ümmer in den Dämel-  
klump gahn, worüm denn nu nich? Un denn set't sei  
sick vör dat Abenloch<sup>5</sup> un pust'te un pust'te, un de  
Kahlen gläuheten<sup>6</sup> ehr up de dicke Pusshacken, dat ic̄  
sei nich anners ansehn kunn, as ic̄ müſt ümmer  
denken: „Gott verzeih mi de sweren Sünden! Ick weit  
recht gaud, dat dit mi n Fru Bütown is, un 'ne  
christliche Bewerwittwe, worüm möt ic̄ denn bi ehr  
ümmer an de hohen Herrschaften denken, dei deip<sup>7</sup> —  
deip unner uns wahnen up en Flag,<sup>8</sup> wo't führ heit  
sin fall? Un worüm föllt mi bi ehr Pusten ümmer in,  
dat mägliche Wis<sup>9</sup> up dit Flag of Einer sitt, dei Kahlen  
anpussten deicht, üm min schönes Eh'standsglück doch en  
Beting antauwärmen?<sup>10</sup>“

Hirut kann Feder afnemen, dat bi mi de Bedenken  
noch nich all ut dat Finster 'ruter smeten<sup>11</sup> wiren, un  
sei sullen noch düller<sup>12</sup> warden, as ic̄ eins Nahmidags  
von min Brut taurügg de Strat entlang gung.

As ic̄ nämlich an desen Dag de Strat entlang  
gung, dunn hört ic̄ all von Firn groten Larm, de  
Lüd keken ut de Finstern, un vör de ein Husdör hadd  
sich of all en lütten Hümpel<sup>13</sup> tausam funnen, dei nah  
de Del 'rupper kek. As ic̄ nu grad an de Dör vorbi

1) Staub. 2) Privat-Kehrich-Hausen. 3) verstauchen. 4) sonst.  
5) Ofenloch. 6) gläuheten. 7) tief. 8) Fleck, Stelle. 9) ein Bischof an-  
zuwärmten. 10) geschmissen. 11) toller, ärger. 12) haufen.

gahn will, föhrt de Kürznermeister<sup>1</sup>. Obst äwer sin halwe Husdör<sup>2</sup> 'räwer, as wenn 'ne Billardkugel äwer de Band' sprengt ward, un set't sich mit sin vir Baußstab'en<sup>3</sup> in den Rönnstein.<sup>4</sup> — „Mein Gott! Gevadder?<sup>5</sup>“ seggt sin Nahwer Gräun, „wat makst Du dorvon?“ — „„Ja, dat seggt man mal!““ seggt de Kürzner, „„min Frugenslüd' hewwen mi 'rut smeten.““ — „Worüm denn äwer?“ fröggt de Unner. — „„Vadder,<sup>6</sup>““ seggt de Kürzner un rappelt sich tau Höcht: „dat will ic̄ Di seggen: min Fru will, wat ic̄ will, un dat will ic̄ nich.““

Wil mi nu dese Geschicht nicks angung, so gah ic̄ wider un denk so bi mi: is doch en narschen<sup>6</sup> Spruch! Wat de Kirl woll dormit meint? „Min Fru will, wat ic̄ will, un dat will ic̄ nich.“ — Sallst dinen Unkel Matthiesen mal dornah fragen.

Ic̄ gah nu also nah em 'rup un vertell<sup>7</sup> em de Sal un seggt em den Spruch un frag: „Unkel, wat meint de Kirl dormit?“ — „„Ja!““ seggt hei un geiht in Nahdenken in de Stuw up un dal, „„un de Kirl was von sin Frugenslüd' 'rut smeten, seggst Du?““ — „„Ja,““ seggt ic̄, „hei säd't<sup>8</sup> jo sülwst.“ — „„Un in den Rönnstein fatt hei?““ frog hei wider. — „„Ja,““ seggt ic̄, „dorin fatt hei.“ — „„Na,““ seggt min Unkel nah 'ne Wil Bedenken, „„denn ward dat ok woll sin Richtigkeit hewwen, denn hett em sin Fru ok woll 'rut smeten, un denn find't de Spruch ok sin richtig Bedüden, denn heit hei: Min Fru will Herr

1) Kürschnermeister. 2) d. h. die untere, gewöhnlich geschlossene Hälfte der zweittheiligen Thür, wie sie besonders in kleinen Häusern üblich ist. 3) vier Buchstaben, euphemistisch für Hinterer. 4) Rinnstein. 5) Gevatter. 6) narrischer. 7) erzählte. 8) sagte es.

in den Hus' sin, un ic̄ will ōk Herr in den Hus' sin,  
un mine Fru ehren Willen, den'n will ic̄ nich nah-  
gewen. Äwer,"" set't hei hentau, ""wenn sei in'n  
Hus' stahn, un hei vör den Hus' in den Rönnstein  
seten hett, denn ward sei woll Herr in den Hus' sin.""

Ic̄ weit nich, mi würd nah dit Gespräk so ver-  
dreitlich un heängstlich tau Sinn; von dei Sid hadd ic̄  
min Börnemen noch nich in't Og' sat't. „Unkel,"  
säd ic̄, „Du kennst mi doch un kennst sei jo ōk, wat  
meinst Du denn woll, wer ward von uns Beiden woll  
Herr in'n Hus' sin?" — „„Je,"" seggt hei, „„sei füht  
mi gor nich dornah ut, as müggt sei girt v ör de  
Husdör in'n Rönnstein sitten, ic̄ glöw, sei bliwvt  
leiwver binnen." — „Den Deuwel ōk!" segg ic̄. —  
„„Na, so arg,"" seggt Unkel Matthies, „„ward sei dat  
nu woll nich maken; äwerst so'n liebenswürdig, weiblich  
Regiment — as de Lüd' dat nennen — ward sei woll  
äwer Di ergahn laten, Du wardst woll en Beten  
stramm an ehren Schörtenband<sup>1</sup> anbunnen warden, un  
wo lütt<sup>2</sup> de Achterflicken<sup>3</sup> an ehr Pantüffeln fünd, ward  
Ein Di nahsten<sup>4</sup> woll von den Pelz lesen känen." —  
„Bang' maken gelt nich!" segg ic̄, „ic̄ ward sei mi  
nah de Hochtid bi den irsten Schepel<sup>5</sup> Roggen wen'n."<sup>6</sup>  
— „„Dor verlat Di man nich up!"" seggt min Unkel.  
„„Kennst Du dat Sprükwurd nich:

Bör de Hochtid möst du s' wen'n;  
Nah de Hochtid is't tau En'n?""

„Ne," segg ic̄, „dat's mi ganz wat Nig's!"<sup>7</sup> un  
maikt en Gesicht dortau, as hadd mi min Unkel ver-

<sup>1</sup>) Schürzenband. <sup>2</sup>) wie klein. <sup>3</sup>) Hinterflecken, Hadden. <sup>4</sup>) wird  
man Dir nachher. <sup>5</sup>) Scheffel. <sup>6</sup>) gewöhnen. <sup>7</sup>) Neues.

telst, sei hadden mi taum Pabst maßt. — „„Na, denn sett Di dal,““ seggt hei, „„ich will Di 'ne Geschicht vertellen.““ — „Vertell!“ segg ic̄. „Äwer Din Nutz-anwenning<sup>1</sup> lat weg! Ich bün dor all tau olt tau.“ — „„Kein Bang!““ seggt hei. „„De Nutz-anwenning ward Din leiw' Fru woll äwernemen, wenn Du minen Rad nich folgen deihst.““

Ich set' mi also bi minen Onkel dal, un hei fung an tau vertellen:

Eau Rümpelmannshagen, wo ic̄ mine irsten Lühr-johren as Klutenpedder<sup>2</sup> dörchmaakt heww, wahnnten dunntaumalen<sup>3</sup> zwei junge, schire<sup>4</sup> Kirls, de ein heit Wulf un was de Smidt in den Dörp, un de anner heit Kiwitt<sup>5</sup> un was de Möller.<sup>6</sup> De Smidt was en Pfiffkopp<sup>7</sup> un verstunn sinen Kram, de Möller was man düsig,<sup>8</sup> hadd äwer dat Geld. Na, mit de Tid gung in den Dörp dat Gered: „„Baddersch,<sup>9</sup> heft all hürt? De Smidt un de Möller gahn Beid' nah den Schulten<sup>10</sup> fin Filk un Mariik,<sup>11</sup> un sei seggen jo all von de Hochtid tau Martini.“<sup>12</sup> — Un dat kamm ok̄ so, sei frigten<sup>13</sup> Beid' tau Martini, un de oll Schult rüst't 'ne Hochtid ut, de säd man: „„Stah!“<sup>14</sup> un wi jungen Lüd' von den Hof wiren ok̄ dortau beden, un ic̄ weit dat noch as hät, wo lustig dat hergung, denn uns' Schriwer,<sup>15</sup> Ludwig Brookmaun, stülpst mi gegen Morgen 'ne Sleifkann<sup>16</sup> vull Duwwelbir<sup>17</sup> äwer den Kopf un säd, as ic̄ falsch<sup>18</sup> würd: dat füll jo man Spaß fin.

1) Nutz-anwenning. 2) Kloß-, Erdkloßtreter, Landmann. 3) damals.  
4) schmuck. 5) eigentlich Wolf — Kibiz. 6) Müller. 7) Pfifficus.  
8) beschränkt. 9) Gevatterin. 10) Schulzen. 11) Sophie und Marie.  
12) d. h. 10. November, früher in Mecklenburg üblicher Umzugstermin.  
13) freieten. 14) etwa: gelt! 15) Schreiber, Birthschäfer. 16) Schleifkanne,  
hölzerner Deckelkrug. 17) Doppelbier. 18) ärgerlich, böse.

Nah de Hochtid was dat denn nu Allens will un woll;<sup>1</sup> äwer dat wohrt<sup>2</sup> of man 'ne Tid lang, dunn munkelt dat in't Dörp: „Baddersch, hest all hört? De Möllerfrau fleiht ehren Mann.“ — Un dat was of so. Eins Sündagsnahmiddags künmt de Möller tau den Smidt, dei fitt in'n Kraug<sup>3</sup> un spelt Solo, un de Möller seggt: „Na, wat Di hüt Abend passirt, dat weit ic<sup>d</sup> of.“ — „Wo so?“ fröggt de Smidt un steiht up un geiht mit sinen Swager 'rut. — „Na,“ seggt de Möller, „verstell Di man nich! Wi Beiden hewwen uns schön vermeid't.“<sup>4</sup> — „Wenn Du min Fru meinst,“<sup>5</sup> seggt de Smidt, „denn möt ic<sup>d</sup> Di seggen, ic<sup>d</sup> heww en gauden Meidsmann.“<sup>6</sup> — „Ja,“ seggt de Möller, „wenn sei nich tau Hus is.“ — „Kumm mit!“<sup>7</sup> seggt de Smidt. „Ich heww gestern Swin slacht un Du weitst, min Fru mag girm Swartfur.<sup>8</sup> Ich will Di den Bewis gewen.“<sup>9</sup> — Sei gahn nu also nah den Smidt sinen Hus, un as sei dorvör stahn, röppt de Smidt: „Fiken!“<sup>10</sup> — Sin Fru lädt ut dat Finster un fröggt: „Wat fall ic<sup>d</sup>?“ — „Fiken,“<sup>11</sup> seggt de Smidt, „nimm mal eins<sup>8</sup> de grote Schöttel<sup>9</sup> mit Swartfur un smit dei mal eins hir nah de Strat 'rut.“<sup>12</sup> — „Wat?“ fröggt sin Fru. — „Du fallst de Schöttel mit dat Swartfur nah de Strat 'ruter smiten.“<sup>13</sup> — „Glik!“<sup>10</sup> seggt Fiken, un heft nich gejeihn, fohrt<sup>11</sup> de Schöttel äwer de halw Dör 'räwer as hüt morrn de Kürznermeister. — „Recht so!“<sup>14</sup> seggt Smidt Wulf. „Un nu, Fiken, smit uns den Pott mit dat anner

1) im besten Einvernehmen. 2) währite. 3) Krug, Wirthshaus.  
4) eigentl. vermiethet. 5) Miether. 6) Schwarzsauer, in Blut gekochtes Schweinesfleisch. 7) Sophie. 8) einmal. 9) Schüssel. 10) gleich. 11) fährt.

Swartsur ok man 'rut."<sup>1</sup> Dat schüht<sup>2</sup> denn nu ok, un de Smidt seggt: „Schön Fiken! un lat Di de Tid nich lang warden, wenn ic hüt Abend lat<sup>3</sup> tau Hus kam.“<sup>4</sup>

Dormit geiht hei mit den Möller nah den Kraugtaurügg un fröggt em: „Na? heft nu seihn?<sup>5</sup>“ — „Ja,“ seggt de Möller, „dei is echt. Wo heft dit anfungen?<sup>6</sup>“ — „Up 'ne ganz einfache Wis!,“<sup>7</sup> seggt de Smidt. — „Hest s' inspunnt?<sup>8</sup>“ — „Ne!<sup>9</sup>“ — „Hest s' schacht?<sup>10</sup>“ — „Ne, ok nich!<sup>11</sup>“ — „Na, wo heft' denn makt?<sup>12</sup>“ — „Dat will ic Di seggen,“<sup>13</sup> seggt de Smidt. „As wi noch Brutlünd' wiren, dunn lurt<sup>14</sup> ic ehr dat af, von wecker Stück Tüg<sup>15</sup> sei woll am meisten hollen ded,<sup>16</sup> un dunn funn<sup>17</sup> ic denn, dat dat en lütten, hübschen, roden siden Dauk was, un as sick mal de Gelegenheit gaww, dat wi Frühstück eten<sup>18</sup> hadden, un de Disch en beten stark vull Gaußsmolt smert<sup>19</sup> was, dunn wischt ic mit ehren schönen Dauk den Disch af. Na, nu kannst Du Di denn denken, wo sei up mi losfohren ded! Ict äwer fot sei rundting<sup>20</sup> üm un küft sei un fäd: „Fiken, Du heft mi jo! Wat is an jo'n Dauk gelegen? So'n Dauk kriggst Du woll wedder; äwer Einen, dei so vel von Di hölt, as ic, son'n finnst Du meindag' nich.<sup>21</sup>“ — Na, sei gaww<sup>22</sup> sick denn nu ok, un as wi nah den Teterow'schen Königsschuh<sup>23</sup> wiren, gewunn sei'n Pott,<sup>24</sup> en schönen Pott; un as sei sick so recht dortau freuen ded, dunn namm ic den Pott un spelt dor. so verluren mit, un — haff! — smet ic em up den Stein. Nu fung sei denn en Beten an

1) geschieht. 2) spät. 3) eingesperrt. 4) geschlagen (mit einem Schacht = Brügel). 5) lauerte. 6) von welchem Stück Zeug. 7) hielt. 8) fand. 9) gegeffen. 10) voll Gänsehalsz geöffnert. 11) rund. 12) niemals. 13) gab, d. h. fand sich darein. 14) Topf.

tau rohren;<sup>1</sup> äwer ic<sup>t</sup> küh<sup>t</sup> sei un säd: „Lat sin, Fiken,  
't is beter, dat de Pott intwei sollen is, as dat ic<sup>t</sup> mi  
wat intwei sollen heww, denn ic<sup>t</sup> fall uns uns' Lew  
lang dat Brot verdeinen.“ Na, taulezt brok ic<sup>t</sup> ehr  
noch drei Zähnen<sup>2</sup> ut den Kamm; dunn lacht sei äwer  
all un säd: „Mi fall doch wunnern, ob Du mi taum  
Teterow'schen Harwstmark<sup>3</sup> en nigen<sup>4</sup> wedder schenken  
deihst.“ Na, dat geschach denn nu ok, un so is't denn  
nu ok blewen; sei is mit Allens taufreden<sup>5</sup>. — Äwer  
ic<sup>t</sup> möt 'rinner un möt minen Solo spelen.““

De Smidt gung also in de Stuw un spelt Solo,  
äwer nah 'ne halw Stunn kamm de Kräuger 'rinner  
un säd: „Smidt, kumim 'rut! Möller Kiwitt steiht buten<sup>6</sup>  
un füh<sup>t</sup> schändlich ut.“ — Smidt Wulf geiht also 'rut  
un dröppt denn nu ok finen Swager mit en intweiges<sup>7</sup>  
Gesicht un en dickes Og un verfirt<sup>8</sup> sic<sup>t</sup> denn nich flicht<sup>9</sup>  
un fröggt: „Swager Kiwitt, wat hest nu?“ — „„Ze,  
dat segg man mal!““ seggt de Möller, „„dat künmt  
von Din verfluchtes Geschichten=Vertellen.““ — „Wo  
so?“ fröggt de Smidt. — „„Ze, frag' noch lang!““  
seggt de Möller. „„Ic<sup>t</sup> hadd Din dämlich Geschicht  
gaud naug<sup>10</sup> behollen, un denk jo bi mi, wat bi de ein  
Sweste hulpen<sup>11</sup> hett, kann jo bi de anner ok helpen:  
probiren kannst du't jo wenigstens. Ic<sup>t</sup> gah also nah  
Hus, un min Fru steiht vör'n Speigel un malt sic<sup>t</sup> de  
Hor tau de Hollännerfru<sup>12</sup> ehren Kaffellatsch t'recht,<sup>13</sup> un  
up den Disch liggt ehre beste Huw,<sup>14</sup> un ic<sup>t</sup> segg tau  
mi: „dit trefft sic<sup>t</sup> mal glücklich!“ un nem de Huw  
un denk bi mi: „wenn du sei nu in de Waschschötte<sup>15</sup>

1) weinen. 2) Zähne. 3) Herbstmarkt. 4) einen neuen. 5) zufrieden.  
6) draußen. 7) adj. von entzwei. 8) erschrickt. 9) schlecht. 10) genug. 11) geholfen.  
12) Frau des Holländers, Milchmeiers. 13) zurecht. 14) Haube. 15) Waschschüssel.

in dat smužige Sepenwater<sup>1</sup> stippst, denn kann sei gaud warden." Na, icke dauh dat, un sei jüht jo woll min Anstalten in den Speigel, un ihre icke mi noch up wat prækaviren<sup>2</sup> kann, föhrt sei mi in dat Gesicht herinner, un as icke segg: „Mariken, Du hest mi i jo, un 'ne Huw kriggst du sacht<sup>3</sup> wedder!“ dunn röppt sei: „„Ja, icke heww Di! Un för de Huw fallst Du Din richtig Deil<sup>4</sup> of kriegen!““ — Un kif!<sup>5</sup> seggt de Möller un treckt sin Hand von dat dick Og', „so hett sei mi tauricht't,<sup>6</sup> un dat üm Dine verdanunte Geschicht.“ — „„Du Dummbort!““ seggt de Smidt, „„heww icke Di nich seggt, icke hadd dat Stück vör de Hochtid makt? Wat vör de Hochtid helpt,<sup>6</sup> helpt nich nah de Hochtid.““

„Un dat is de Geschicht, min Sähn,“ säd min Uncle Matthies un stunn up, „un wenn Du klauk büsst, denn kannst Du Di jo dornah richten.“

Icke stunn of up un stellt mi an't Finster un let mi de Geschicht dörch den Kopp gahn un dreicht mi denn endlich üm un säd: „„'Ne dämliche Geschicht, Uncle! Du hest süs all<sup>7</sup> betere Geschichten vertellt.““ — „„Ja,“ lacht de Oll, „wil icke Di süs de Nutzanwenning<sup>8</sup> glük mit gaww, un hir sollst Du sei säulen.““ — „„Du wardst doch nich glöwen,““ segg icke, „„dat icke min Brut ehr Huw in 'ne Waschschöttel stippren un mit ehren siden Dauk den Disch afwischen ward?““ — „„Du kannst' jo mal probiren,“ lachte de olle Spitzbauw. — „„Na,““ segg icke, „„dat fehlt mi noch, denn wir icke just bet an den Hacken.““ — De Oll grint<sup>10</sup> nu ümmer so vör sich hen, un as icke so bi mi denk: oll Lüd' fünd

1) Seifenwasser. 2) prækaviren, vorsehen. 3) wohl. 4) Theil.  
5) zugerichtet. 6) hilft. 7) sonst schon. 8) Nutzanwendung. 9) suchen.  
10) lacht verstohlen.

wunnerlich, wenn't regent,<sup>1</sup> führen s' tau Heu, seggt hei: „‘Zung’, wo olt büsst Du denn eigentlich?“<sup>2</sup> — Von min Öller<sup>3</sup> müggt ic nu in min Brüjamstid nich recht wat hüren, un ic denk bi mi: Haha! fangst du all wedder mit den Päper<sup>4</sup> an? un ic frag: „Worum meinst Du?“ — „‘O,“<sup>5</sup> seggt hei, „‘ic mein man.“<sup>6</sup> — „Denn lat Di seggen,“ segg ic etwas sharp, „‘ic bün den lezten fäbenten November ein un virtig Zohr west.“ — „‘Also,“<sup>7</sup> seggt hei, „‘dörch de Virtigen büsst Du dörch?“<sup>8</sup> — „‘Ja,“ segg ic, „‘is Di dat villicht nich tau Paß?“ — „‘Bör minentwegent!“<sup>9</sup> seggt hei. „‘Mi föllt dorbi man dat Sprückwurd in: wer in de Twintigen<sup>10</sup> nich schön is, in de Dörtigen<sup>11</sup> nich stark, in de Virtigen nich klauk<sup>12</sup> un in de Föftigen nich rit, dei kann't man sin laten, ut den'n ward nicks. Un Du schinst mi in de Virtigen noch nich klauk tau sin.“<sup>13</sup> — „‘Unkel Matthies,“ säd ic un rich't mi stor in En'n,<sup>14</sup> „‘wer mi för dumum köfft, dei ward bedragen;“<sup>15</sup> un dorbi müggt ic woll man en führ dämlich Gesicht maken, denn min Unkel lacht un säd: „‘Un kannst bi Alledem för Di kein Nutzenwenning ut de Geschicht finnen! Zung’, dat is jo man en Glikniz! Wat de Smidt mit den Dauf un den Pott un den Kamm upföhrt hett, dat paßt sich nich för Di; dat weit ic woll. Du möst natürlich wat Anners anstellen. Taum Grempel: trugst<sup>16</sup> Du Di woll tau, in Dinen Öller noch vör de Hochtid en Stückener drei<sup>17</sup> schöne dumme Streich uptaufen?“<sup>18</sup> — „‘Dumme Streich?“ frag ic. — „‘Dumme Streich!“<sup>19</sup> seggt min Unkel, un ic gah nu in de Stuw up un

1) regnet. 2) Alter. 3) Pfesser. 4) zwanziger Jahre. 5) dreißiger Jahre. 6) klug. 7) stramm in die Höhe. 8) betrogen. 9) trauest. 10) etwa drei Stück.

dal un äwerlegg mi de Sak un dreih<sup>1</sup> mi endlich üm  
un segg: „Ja; ic glöw, Unkel, ic krig in aller Ge-  
swindigkeit noch en por taurecht.“ — „„Denn mak  
sei,““ seggt min Unkel. — „Un Du meinst, ic war  
dordörch Herr in den Hus' bliwen?“ — „„Min Sähn,  
ic glöw dat. — Dumme Streich — nich flichte!<sup>2</sup> —  
Süh, wenn sei denn an tau schellen<sup>3</sup> fangl, denn fall  
ehr üm den Hals un lüß sei recht düchtig un segg:  
Lat man sin,<sup>4</sup> lat man sin! Seih äwer de Geschichten  
weg, seih leiwer up min Hart, dat hört Di un sleicht  
für Di von nu bet in alle Ewigkeit. — Un denn,  
Jung,<sup>5</sup> „set't hei hentau, „„denn kannst Du jo oł  
noch en Fautfall anbringen — denn Du magst seggen,  
wat Du willst — dei hört nu einmal dortau.““

Ic äwerläd<sup>6</sup> mi de Sak nu hen un her un säd  
denn endlich tau mi: „Hei 's din Mudder-Brauder un  
fallst em dorin tau Willen sin un fallst en por maken!“  
un ic makt sei oł richtig.

Ic kunn nu hir de Geschichten vertellen,<sup>6</sup> dei ic  
anstellt heww, ward mi äwer woll häuden.<sup>7</sup> Dat  
Unglück kunn sinen Gang gahn, un de Vertellung kunn  
in mine Fru ehr Hän'n fallen, un sei kunn möglich<sup>8</sup>  
marken, dat all dese Stückschäfchen afkortet<sup>9</sup> west sünd un  
dat sei in ehre Gaudheit anführt worden is, un sei  
kunn seggen: Holt! dit Spill<sup>10</sup> gelt nich; Du heft mit  
Fisematenten spelt.<sup>11</sup> Ic will mal de Korten mischen.  
— So! de Wörhand heww ic, un nu man 'rut! Be-  
dein' mi desen un bedein' mi jenen! un nu will wi  
mal seihn, ob Du ut den Ganten büsst?<sup>12</sup>

1) drehe. 2) schlechte. 3) schelten. 4) las nur sein. 5) überlegte.  
6) erzählen. 7) häuten. 8) möglicherweise. 9) abgekortet. 10) Spiel.  
11) etwa: du hast gefuschelt; vgl. Läuschen I., 14. 12) beim Kartenspiel,  
auch: aus dem Schneider.

Äwer männigmål, wenn sei nu so as min Fru  
still un flitig üm mi herümmer geiht un för mi aller-  
wegen forgt un mi in ehre Fründlichkeit nahgiwt,  
denn deuk ic doch so bi mi: „Schäm' di, dat du mit  
Hinnerlistigkeit tau Wark gahn büst!“ un ic säd nülich  
tau minen Unkel: „Weicht wat? Ict vertell ehr, wo't  
mit de dummen Streich vör de Hochtid tausam hängt.“

— „Plagt hei Di?“ fröggt min Unkel. „Zede  
rechtschaff'ne Kiel möt af un an en gauden dummen  
Streich un en gauden Witz maken; äwer hei dawo  
sei nich fülwst wider vertellen, denn denn verliren sei  
all Beid' ehre Kraft. Zi lewt jo glücklich, dormit  
wes taufreden.“<sup>2)</sup> — „Ze,“ segg ic, „dat seggst Du;  
äwer mi is männigmål so tau Maud', as wenn wi  
noch glücklicher lewen kunnen, wenn sei dat Regiment  
hadd.“ — „Min Sähn,“<sup>3)</sup> säd min oll Unkel  
Matthies un läd mi de Hand up de Schuller, „all  
dat Glück, wat up dese Erd mögliche is, föllt meindag'  
nich in eine Hand herinner, begnäug' Di mit dat  
wat Du hest. Un wat den Eh'stand anbedrapen  
deiht,<sup>4)</sup> hest Du den ollen Jochen Smitten noch kennt?  
Den ollen Jochen Smitt mein ic, dei mit sine olle  
Fru achtig Jahr olt würd, un nahsten<sup>5)</sup> mit ehr tau-  
famen an einen schönen Sommer-Sünndagmorn  
begraben würd. Na, dei säd mal tau mi — denn  
ic fülwst verstah nicks von de Sak — „Herr Wacht-  
meister,“ säd hei, „de Eh'stand is as en Apfelsbaum,<sup>6)</sup>  
dor sitt Einer in un plückt un plückt; äwer de schönsten  
un rodsten Apfel sitten in de Spitz, dor langt Keiner  
'ranner, denn dor is de Natur tau fort tau. Wenn

1) wie es. 2) sei zufrieden. 3) anbetrifft. 4) nachher. 5) Apfelbaum.

nu Einer unverst nnig is un mit Gewalt de Appel  
krigen will, denn halt hei sick en Staken<sup>1</sup> un hau't de  
sch nen Appel 'run,  wer ok taunicht, un hau't de  
Telgen<sup>2</sup> dorbi af, woran de besten Dragknuppen<sup>3</sup> f r  
de Laukunst sitten; de vern nftig Mann lett sei ruhig  
sitten un t uwst<sup>4</sup> het up den Sp tharwst,<sup>5</sup> denn fallen  
sei em von s lwst in den Schoot, un denn smecken sei  
vel s uter."<sup>6</sup> — Un dor m, Jung,"<sup>7</sup> set't min oll  
Unkel hentau un sin oll irnsthaft Gesicht sach ok gor  
tau truhartig<sup>7</sup> ut, „fl ter<sup>8</sup> Din roden Appel nich v r  
de Tid von den Bom un t uw het taum Sp tharwst —  
Din wohrt<sup>9</sup> jo nich lang' mihr — un wenn  
Du Din Fru den letzten sch nen Appel bringst, denu  
vertell ehr ok de Geschicht von Din dummen Streich  
v r de Hochtid, denn fallst Du seihn, denn freut sei  
sick dor wer."<sup>9</sup>

---

1) Stange. 2) Zweige. 3) Trage-, Fruchtknospen. 4) wartet  
5) Sp tharwst. 6) s uer. 7) treuherzig. 8) sch ttle. 9) wartet.

# Ut de franzosentid.

## Dat irste Kapittel.

Worüm Möller Voß nich Paukerott spelen<sup>1</sup> kann, un woans<sup>2</sup> hei den Herrn Amtshauptmann in grote Noth bisteht.

Döfft<sup>3</sup> bün ic<sup>t</sup> ok un heww ok Pädings<sup>4</sup> hatt: vir Stück. Un wenn min vir Pädings noch lewten un güngen mit mi äwer de Strat, denn würden de Lüd' still stahn un seggen: „kift,<sup>5</sup> wat jünd dat för dägte Kirls!<sup>6</sup> Nah jo'n Ort<sup>7</sup> kann Ein up Stun'ns lang säuken;<sup>8</sup> dat jünd noch Pädings!<sup>9</sup> Un ein was dorunner, dei was en Kopp länger, as de annern un kel äwer ehr 'rut, as Saul äwer sine Brüder; dat was de oll Amtshauptmann Bewer un hadd en faubern blagen<sup>10</sup> Rock an un 'ne gellriche<sup>11</sup> Hos' un lange blankgewichste Stäweln,<sup>12</sup> un was sin Gesicht ok von Pocken terreten,<sup>13</sup> un hadd de Düwel ok sin Arwten dorup döfcht,<sup>14</sup> dat hei utsach, as hadd hei mit dat Gesicht up en Ruhrstaul seten;<sup>15</sup> up sin breide Stirn stunn schrewen, un ut sin blagen Ogen kunnit Zi lesen: „kein Minschenfurcht, woll äwer Gottesfurcht!“ Un hei was en Kirl up en Platz.

1) Bunkerott spielen, machen. 2) wie. 3) getauft. 4) Bathen. 5) guft. 6) tüchtige, gediegene Kerle. 7) nach solcher Art. 8) suchen. 9) blauen. 10) gelblich. 11) Stiefel. 12) zerrissen. 13) Erbsen darauf gebroschen, Anspielung auf die Pockennarben. 14) auf einem Ruhrstuhl gesessen; wie 11).

Des Morgens hentau elwen,<sup>1</sup> denn fatt hei midden  
in de Stuw up en Staul, un sine leiwe Fru suerte<sup>2</sup>  
em denn 'ne witte Schwurack üm den Hals, wat sei  
dunnmals en „Purgirmantel“ nennen<sup>3</sup> deden, un  
stöwte<sup>4</sup> em mit Puder in un bünn<sup>5</sup> de Hor hin'n tau-  
sam un drellte<sup>6</sup> em en nüdlichen Zopp.

Dat was denn grad nicks Besonders, un uns' Frugenslūd' dreih'n uns achter'n Rüggen jo of noch ümmer en nüdlichen Zopp; äwer so einen, as de Fru Umtshauptman'n dressen ded, so einen kriegen uns' Ort nu nich mihr t'recht, denn wenn de oll Herr 's Middags unner de Kastannenbōm<sup>7</sup> in'n Schatten spazieren gung, denn fel dat oll lütt Spitzbauwen-Zöppken so fidel un vernimm<sup>8</sup> äwer den blagen Rockragen weg un säd tau Jeden, dei 't hüren wull: „Ja, kif, Klas Abendsegen!<sup>9</sup> Wat Du Di denkst? Ich bün blot dat bütelst<sup>10</sup> En'n von finen Kopp, un wippel<sup>11</sup> all so curjos in de Welt herin, nu kannst Du Di vörstellen, wo lustig dat binnen utsüht.“

Un wenn ic denn 'ne Bestellung utrichten ded von minen Vader un hadd't glatt 'rut kregen, denn slog hei mi up den Kopp un säd: „Fix, Jung, as en Flüerslott! Dat möt nich lang' hacken un knarren un knacken, as Du losdrückst, mökt of blizen. — Nu gah hen nah Mansell Westphalen un lat Di en Appel<sup>12</sup> gewen.“ — Tau minen Vader säd hei denn: „Min Herzenskindling, ne, wat denn? Sei freu'n sic woll of, dat Sei en Jungen hewwen. Jung's sünd heter as

---

1) gegen elf Uhr. 2) schnürte. 3) nennen. 4) stäubte. 5) band. 6) drillte, drehte. 7) Kastanienbäume. 8) aufmerksam. 9) scherzhafte Benennung, etwa für Hans Narr. 10) äußerste. 11) schwänzle. 12) Apfel.

Dirns; Dirns sünd mi tau quarig.<sup>1</sup> Gottlob, ic̄ heww ol̄ en Jungen; ic̄ mein minen Jochen. — Ne, wat denn?<sup>2</sup>

Min Vader säd tau min Moder: „Weißt, wat de oll Amtshauptmann seggt? Jung's sünd heter as Dirns.“ Ic̄ stunn äwer in de Kamer<sup>3</sup> un hört dat, un säd natürlich: „Ja woll,“ säd ic̄, „min Päding hett ümmer Recht, Jung's sünd heter as Dirns, un Allens nah Verdeinst un Würdigkeit,“ un nanim dat grot Stück Pottkauken<sup>4</sup> un gaww min Swester dat lütt,<sup>5</sup> un bild't mi nicks Gerings in, denn ic̄ wüxt jo nu, dat ic̄ en grot Stück von en lütten Appel was. Äwer dat füll nich so bliwen, de Sal, dei kreg en Ümswang. — —

Eines Dags — 't was in de Eid, as dat Takel-tüg,<sup>6</sup> de Franzosen, ut Russland frügg kamen wiren, un as sic̄ dat all bi uns so rögen würd<sup>7</sup> — Kloppt wer an den Herrn Amtshauptmann sin Stum. „Herein!“ rep de oll Herr un 'rinner kamm oll Möller Voß ut Gielow, mit't verkihit En'n tauirst, un makt en Diner, dei hellisch<sup>8</sup> dwaslings<sup>9</sup> 'ruter kamm, as müßt hei den Herrn Amtshauptmann vör allen Dingen irst wisen,<sup>10</sup> von wat för 'ne Ort Tüg sin Hosenbodden<sup>11</sup> makt wir. „Gu'n Dag, Herr Amtshauptmann!“<sup>12</sup> säd hei. „Gu'n Morn, min leiw Möller!“<sup>13</sup> säd de oll Herr. — Na, wenn sei sic̄ ol̄ verschiedene Dagstid bödden,<sup>14</sup> so hadden sei doch, jedwverein<sup>15</sup> up sin Ort, Recht, denn de Möller stunn des Morgens Klock vir<sup>16</sup> up, un bi em was't Nahmiddagstid, un bi den Herrn Amtshauptmann was't tidig<sup>17</sup> an'n Morgen, denn hei stunn Klock elwen<sup>18</sup> up. — „Wat wull hei, min leiw

1) quarrig. 2) Kammer. 3) Topfkuchen. 4) kleine. 5) Lumpengesindel. 6) zu röhren anfang. 7) höllisch, sehr. 8) verquer. 9) zeigen. 10) Hosenboden. 11) Tageszeit boten, grüßten. 12) jeder. 13) Glocke, Uhr vier. 14) zeitig. 15) eilf.

Möller?" — denn dunn würden de Möllers noch „Hei" heiten.<sup>1</sup> — „„Se, Herr Amtshauptmann, ic̄ kam tau Sei in 'ne grote Sal. — Ic̄ wull Sei man mellen,<sup>2</sup> ic̄ wull nu ok̄ Pankerott spelen.“" — „Wat wull Hei, min leiw' Möller?" — „„Pankerott spelen, Herr Amtshauptmann.“" — „Hm, hm!" brunnt de oll Herr, „das ist ja eine verzweifelte Sache," un riwvt sic̄ den Kopp un geiht in de Stuw up un dal. „Wo lang' wahnt Hei all in dat Stavenhäger Amt?"<sup>3</sup> — „„Taukamen Johanni<sup>4</sup> warden't drei un dörtig<sup>5</sup> Jöhr.“" — „Hm, hm," brunnt de Herr Amtshauptmann wider, „un wo olt is Hei, Möller?" — „„In'n Urntaust<sup>6</sup> warden 't siw un föhtig<sup>7</sup> Jöhr, känen möglich ok̄ föß un föhtig sin, denn wat uns' oll Pastor Hammersmidt was, dei was nich sihr för de Kirchenbäcker un för Schriiven äwerall nich, un de Fru Pastern, dei dat Unschriiven besorgen ded, — leiwer Gott, sei hadd ok̄ füs<sup>8</sup> ehr Last — dei let dat ümmer up en drei Jöhr ansummen, dormit dat sic̄ de Schriperi ok̄ lohnend ded, un gung denn eins 's Nahmiddags dörch dat Dörp un schrew de Gören<sup>9</sup> an; äwer dat gung denn ümmer mihr nah de Grött un nah de Vülligkeit,<sup>10</sup> as nah't Öller, un min Moder jäd ümmer, sei hadd mi 'n Jöhr in'n Schaden rekent,<sup>11</sup> wil dat ic̄ man en knendlich<sup>12</sup> Kind west wir. — Äwer von siw un föhtig bruf ic̄ mi nicks affstriden<sup>13</sup> tau laten, dei bün ic̄ wiß.“"<sup>14</sup> — De oll Herr Amtshauptmann is währenddeß in de Stuw up un

1) „Er" gehießen, genannt. 2) melden. 3) Stavenhäger Amt. 4) zu kommenden, nächsten Johannis-Termin. 5) dreißig. 6) Erbherrnnte. 7) 65. 8) sonst. 9) Kinder. 10) Größe und Körperfülle. 11) gerechnet. 12) kleinlich schwächlich. 13) abstreiten. 14) gewiß.

dal<sup>1</sup> gahn un hett mit halwen Ihr<sup>2</sup> tauhürt un steiht  
nu vör den Möller still un lädt em stim<sup>3</sup> in de Ogen  
'rin un seggt barsch: „Möller Voß, denn is hei vel  
tau olt tau Sin Vörnemen.“ — „Wo so denn?“<sup>4</sup>  
fröggt de Möller ganz verduft. — „Pankerottmaken  
is en swer Geschäft, dor ward hei in Sinen Öller  
nich mihr mit farig.“<sup>5</sup> — „Meinen Sei, Herr Amts-  
hauptmann?“<sup>6</sup> — „Ja, dat mein ic.  
— Wi sünd  
dor heid tau olt tau, dat möt wi jung'n Lüd' äwer-  
laten. — Bedenk hei mal, wat würden de Lüd' seggen:  
wenn ic Pankerott spelen wull? Sei würden seggen:  
de oll Amtshauptmann up den Sloß is narsch<sup>5</sup>  
worden,“ un läd em nahdrücklich de Hand up de  
Schuller, „un sei hadden Recht, Möller Voß. Ne,  
wat denn?“ — De Möller lädt sin Stäwelsnuten<sup>6</sup> an  
un krafft sic achter de Uhren: „Wohr is't, Herr!“<sup>7</sup>  
— „Na,“ fröggt de oll Herr, un schüddelt den Möller  
so'n Beten<sup>7</sup> an de Schuller, „wo drückt Em denn de  
Schauh?<sup>8</sup> Wat quält Em denn hauptsächlich?“ —  
„Quälen? seggen Sei, Herr Amtshauptmann!“<sup>9</sup> rep-  
de Möller, un 't was, as hadd em 'ne Zimm<sup>9</sup>  
achter't Ihr steken,<sup>10</sup> so krafft hei. „Schinnen,<sup>11</sup> Herr,  
füllen Sei seggen, schinnen! — De Jud'! de ver-  
fluchtige Jud'! Un denn de Prinzeß,<sup>12</sup> Herr Amtshaupt-  
mann! de verfluchtige Prinzeß!“<sup>13</sup> — „Süht hei,  
Möller? dat is ok en Hansbunkenstreich<sup>13</sup> von Em, dat  
hei sic in Sinen Öller in en Prozeß 'rin giwwt.“ —  
„Je, Herr, as ic mi in den'n 'rin gaww, was ic  
noch in gauden Zohren, un ic dacht ok so, ic würd

1) auf und ab. 2) Ihr. 3) stief, fest. 4) fertig. 5) närrisch. 6) Stiefel-  
schnauzen, -spitzen. 7) Bischen. 8) Schuh. 9) Biene. 10) gestochen. 11) schinden.  
12) Prozeß. 13) Narrenstreich.

em noch bi Lewstiden ufsechten; äwer ic̄ mark woll,  
so'n Prinzeß hett en längern Athen,<sup>1</sup> as 'ne iehrlich  
Möllerlung<sup>2</sup> uthollen kann."<sup>4</sup> — „Hei löppt nu äwer,  
mein ic̄, stark tau En'n.“ — „Ja, Herr Amt-  
hauptmann, un denn löppt hei mi dod, denn min Sak  
ward woll slimm stahn, un de Aukaten hewwen s'  
verbruddelt,<sup>3</sup> un wat minen Vaderbrauder,<sup>4</sup> den ollen  
Zochen Vosßen, sin Sähn is, dei nu dat Ganze arwen  
deiht,<sup>5</sup> dat fall so'n richtigen Slus'ühr<sup>6</sup> sin, un de  
Lüd' seggen jo, hei hett en Swur dorup dahn, dat  
hei mi 'rutsmiten will ut de Borchertsche Wirthschaft  
tau Malchin. — Un, Herr Amtshauptmann, ic̄ heww  
'ne gerechte Sak, un wo ic̄ tau'n Prinzeß kamen bün,  
weit ic̄ hüt noch nich, denn de oll Borchertsch, as sei  
noch lewen ded, was de Tanten von min Mudder ehr  
Swesterdochter, un Zochen Voß, wat<sup>7</sup> min Wedder  
was . . .“ — „Ich weit de Geschicht，“ seggt de  
Herr Amtshauptmann, „un wenn ic̄ Em raden kann,  
denn verglik hei sic̄.“ — „Dat kann ic̄ nich, Herr!  
Unner de Hälft deiht dat Zochen Vosßen sin Slüngel  
nich, un wenn ic̄ dei 'rut gewen fall, bün 'd en  
Snurrer.<sup>8</sup> — Ne, Herr Amtshauptmann, 't mag gahn,  
wohen 't gahn will, gewen<sup>9</sup> dauh 'd mi nich, ic̄ gah  
het an den Herzog. — So'n Slüngel, so'n Näßwater,<sup>10</sup>  
dei mit sin Vaders Geld in de Tasch gahn un trecken<sup>11</sup>  
kann, wo hei will, un nich weit, wo 'n Mäuschen tau  
Maud' is, dei 'n Husstand erhollen fall in desen flichten  
Tiden, den'n de gottverdannten Hallunken = Franzosen  
sin Weih nich namen hewwen un sin Mähren nich ut

1) Athem. 2) ehrliche Müllerunge. 3) verpuscht. 4) Vaterbruder.  
5) erbt. 6) etwa: Schlauberger, Schlaufkopf. 7) was, d. h. der.  
8) Schnurrer, Bettler. 9) ergeben. 10) Naseweis. 11) ziehen.

den Stall treckt herwelen un sin Hus nich plünner<sup>2</sup>, herwelen, dei will sic gegen mi rälen?<sup>2</sup> — Herr Amtshauptmann, Sei verlöwen<sup>3</sup> woll, ic haust<sup>4</sup> in so'n Bengel, un nemen S' nich äwel, wenn ic unbescheiden bün."<sup>2</sup> — „Möller Voß," seggt de oll Herr, „ruhig, Möller Voß! De Prozeß künmt jo ok en mal tau En'n, denn hei is jo in vullen Gang." — „In'n Gang, Herr Amtshauptmann? Ne, hei 's in'n Schwung,<sup>5</sup> as de Düwel säd, dunn hadd hei Gottswurd in de Pietsch bunnen<sup>6</sup> un swenkt<sup>t</sup> sic üm den Kopp 'rum."<sup>7</sup> — „Wohr, Möller Voß, — wohr is't! — Uwer indeffen, dit kann Em doch up den Ogenblick nich so drücken."<sup>8</sup> — „Drücken? — Klemmen, seggen Sei, Herr, Klemmen, dat Einen dat Blaud<sup>8</sup> ut de Fingerspitzen sprizt. — De Jud', Herr Amtshauptmann, de dreimal destillirte<sup>9</sup> Jud!"<sup>10</sup> — „Wecke<sup>10</sup> Jud' is dat?" fröggt de Herr Amtshauptmann. — Un de Möller dreicht sinen Haut in de Fingern un kickt sic so halbweg<sup>11</sup> üm, ob em ok Ein hürt, un slept<sup>12</sup> de Tritten so langsam an den ollen Herrn 'ran, leggt de Hand an den Mund un flüstert halbwud: „De Zzig, Herr Amtshauptmann."<sup>13</sup> — „Pfut!" seggt de oll Herr. „Wo künmt hei tau den'n Kirl?" — „Herr Amtshauptmann, wo künmt de Esel tau de langen Ihren? Weck gahn nah'n Erdbeernplücken<sup>13</sup> un verbrennen sic in'n Nettel,<sup>14</sup> un de Gägelowsch Köster<sup>15</sup> glöwt, hei hadd sin Schuifor<sup>16</sup> voll heilige Engel, un as hei haben<sup>17</sup> up den Barg kamm, un as hei

1) geplündert. 2) Rächen; messen. 3) erlauben. 4) huste, spucke. 5) Schwung. 6) gebunden. 7) Sprichwort. 8) Blut. 9) destillirt, etwa: abgefeint. 10) welcher. 11) halbwegs. 12) schlüpft. 13) Erdbeerpflücken. 14) Nessel. 15) Küster. 16) Schiebkarre. 17) oben.

glöwt, sei fullen nu upburren,<sup>1</sup> dunn fatt den Dūwel  
sin Grofmoder dorin un grint<sup>2</sup> em an un säd: „Bad-  
der,<sup>3</sup> wi spreken uns wider!“<sup>4</sup> — In mine grōtste  
Nod, as de Find mi Allens namen hadd, heww ic  
mi tweihunnert Daler von em leihnt,<sup>5</sup> un nu heww  
ic sit zwei Zohr von Termin tau Termin mi ümmer  
unnerschriwen müft, un de Schuld is 'rupper krapen<sup>6</sup>  
het up siwhunnert Daler, un äwermorgen fall icc sei  
betalen.““ — „Möller, hett Hei sicc unnerschrewen?“  
— „Ja, Herr Amtshauptmann.““ — „Denn möt  
Hei s' ok betalen. — Wat schrewen<sup>7</sup> is, is schrewen.“ —  
„Je, Herr Amtshauptmann, icc dacht . . .““ —  
„Helpt Em nicks: wat schrewen is, is schrewen.“ —  
„Awer de Zud' . . .““ — „Möller, wat schrewen  
is, is schrewen.“ — „Je, Herr Amtshauptmann, wat  
dauh icc denn dorbi?““ — De oll Herr gung in de  
Stuw 'rum un rew<sup>8</sup> sicc den Kopp un kek den Möller  
denn mal wedder so recht irnsthaft an, un de Möller  
kek em wedder so an, und endlich säd hei: „Möller,  
jung' Lüd' kamen ut so'n Verlegenheiten heter 'rut, as  
oll; schick Hei mi einen von Sin Jung's.“ — De oll  
Möller kek sicc wedder up de Stäwelsnuten<sup>9</sup> un dreicht  
sicc 'ne halwe Wenning<sup>10</sup> 'rum un säd mit 'ne Stimm,  
dei gung den ollen Herrn Amtshauptmann dörch un  
dörch: „Herr, wen fall icc schicken? — Min Jochen  
hett sicc dod mahlt,<sup>11</sup> un Corlen hewwen verleden Zohr<sup>12</sup>  
de Franzosen mitnamen nah Russland, un hei 's nich  
wedder kamen.““ — „Möller,“ seggt de oll Amts-

---

1) aufliegen. 2) grinste. 3) Gevatter. 4) hier, wie im Folgenden  
oft, alles landläufige Sprichwörter. 5) geliehen. 6) getrocknet. 7) ge-  
schrieben. 8) rieb. 9) Stiefelschnauzen, -spitzen. 10) Wendung. 11) tod-  
gemahlen. 12) voriges Jahr.

hauptmann un strakt<sup>1</sup> den Möller den Puckel dal<sup>2</sup>  
un fött<sup>3</sup> em unner dat Kinn, „hett hei denn gor  
kein Kinner?“ — „Ja, Herr Amtshauptmann,“<sup>4</sup> seggt  
hei un wischt sic über de Ogen, „„noch so'n lütt  
Dirnwarts.“<sup>5</sup> — „Ja,“ seggt de oll Herr, „Möller,  
ic bün nich sihr för de Dirns, Dirns sünd mi tau  
quarig!“ — „Dat sünd sei, Herr, sei sünd tau qua-  
rig!“ — „Un nützen känen sei Em in so'n Ümstän'n  
gor nich, Möller.“ — „Wat ward denn ut min  
Sak?“<sup>6</sup> — „Exkutschon,<sup>5</sup> oll Fründ; de Zud' ward  
Em Allens wegdragen laten.“ — „Na, Herr Amts-  
hauptmann, dat hett de Franzof' all zweimal dahn,  
denn kann't de Zud' nu of mal versäulen.<sup>6</sup> De Mählen-  
stein<sup>7</sup> ward hei jo liggen laten. Un tau'n Pankerott,  
meinen Sei, bün ic tau olt?“<sup>8</sup> — „Ja, min leiw'  
Möller.“ — „Na, denn adjüs Herr Amtshauptmann!“<sup>9</sup>  
— Dormit gung hei.

De oll Herr steiht noch 'ne Wil un lädt den  
Möller nah, as hei über den Slozhof geiht, un seggt  
tau sic: „'E is en slimm Stück för einen ollen  
Mann, den an ner n so allmählich an de slichten Tiden<sup>8</sup>  
un an de noch slichteren Minschen tau Grun'n<sup>9</sup> gahn  
tau seihn. Wer über kann em helpen? Dat Einzigst  
is, em Eid gewinnen laten. — Firhunnert Daler!  
— Wer hett up Stun'ns<sup>10</sup> firhunnert Daler? Ic  
glöw, wenn de oll Roggenbom tau Scharpzow utnamen  
ward, denn kann Ein dat ganze Stemhäger Amt up  
den Kopp stellen un de Stadt dortau, dor fallen kein  
firhunnert Daler 'rut; un Roggenbom deiht dat nich.

1) streichelt. 2) den Rücken herunter. 3) faßt. 4) Mädchen.  
5) Execution, Abpfändung. 6) versuchen. 7) Mühlsteine. 8) Zeiten.  
9) zu Grunde. 10) zur Stunde, jetzt.

Eau Ostern güng dat mäglicher Wif'; so lang' täwnt<sup>1</sup>  
äwer de Zud' nich. — Ja, ja! Föör oll Lüd' is't 'ne  
slimme Eid!"

Un as hei noch so 'ruter kicht ut dat Finster, dunn  
ward dat buten<sup>2</sup> so lewig<sup>3</sup> up den Hof, un säben<sup>4</sup>  
französche Schaffürs ride<sup>5</sup> in't Dur<sup>6</sup> 'rin, un de ein  
stiggt af un bin't sin Vird an de Klink<sup>7</sup> von Mamsell  
Westphalen ehren Häunerstall un geiht stracks 'rinner  
nah den ollen Herrn sin Stuw un fangt dor an, em  
wat vör tau hackeriren<sup>8</sup> un mit de Arm tau fuchteln,  
wobi de oll Herr ganz ruhig stahn bliwnt un em an-  
fickt. — Als dat äwer düller<sup>9</sup> ward, un de Franzos' de  
Plämp<sup>10</sup> blank treckt, geiht de oll Herr an de Klingel  
un röppt<sup>11</sup> nah Fritz Sahlmannen, wat sin Klaefakter<sup>12</sup>  
was un de lopenden Geschäfte besorgen müft,<sup>13</sup> un hei  
seggt: „Fritz," seggt hei, „lop 'runner nah den Herrn  
Burmeister,<sup>14</sup> ob hei nich glik en Beten kamen wull,  
denn min Latin wir wedder mal tau En'n."

Un Fritz Sahlmann kümmt nu dal nah minen  
Bader un seggt: „Herr Burmeister, kamen S' fixing<sup>15</sup>  
'rupper nah't Sloß; dat geiht süs<sup>16</sup> allmeindag' nich  
gaud!" — „Wat is 'e<sup>17</sup> denn los?" fröggt min  
Oll. — „Up den Sloßhof hollen<sup>18</sup> söß entfamtige,  
französche Spizbauwen-Schaffürs, un wat de Oberst<sup>19</sup>  
von ehr is, dei is binnen bi den ollen Herrn un hett  
allen Respect vergeten un hett blank treckt un facelt  
em mit de nackte Plämp vör de Ogen, un de oll Herr  
steiht vör em steidel in En'u<sup>20</sup> un rüppelt un rögt<sup>21</sup>

1) wartet. 2) draußen. 3) lebendig. 4) sieben. 5) reiten. 6) Thor.  
7) Klinke, Thürdrücker. 8) fluchen. 9) toller, ärger. 10) Plempe, Seiten-  
gewehr. 11) rust. 12) Calefactor. 13) d. h. als kleiner Knecht, Ausläufer.  
14) Bürgermeister. 15) fix, adv. 16) sonst. 17) da. 18) halten. 19) oberste,  
erste. 20) steil aufrecht. 21) bewegt und röhrt.

sich nich, denn hei versteiht so vel von't Französch, as de Kauh<sup>1</sup> von'n Sünndag." — „Dat wir der Deuwel!“<sup>2</sup> seggt min Oll<sup>3</sup> un sprung up, denn hei was en kräfigen,<sup>4</sup> resolvirten Mann, un Furcht hadd hei nich so vel, as dat Swart' unner'n Nagel, un lep up't Sloß.

As min Oll 'rin kümmt tau den Herrn Amts-hauptmann, dunn futert<sup>5</sup> de Franzos' dor 'rum as en will Dirt,<sup>6</sup> un ut sin Mulwark prust't<sup>7</sup> dat herut, as wenn en Tappen<sup>8</sup> ut 'ne Tunn<sup>9</sup> treckt is; de oll Herr äwerst steiht ruhig dor un hett sinen Tizionnöhr von Pochen<sup>10</sup> in de Hand, un wenn hei'n Wurd von den Franzosen hallweg' versteiht, denn sleiht hei nah, wat Poche woll dortau seggen deiht, un as min Oll heran kümmt, dunn fröggt hei: „Min Herzenskindting, wat will de Kirl? — Ne, wat denn? — Fragen S' doch den Kirl, wat hei will.“ — Min Vader fangt also mit den Kirl an tau reden, dei äwer stellt sich so ungebirdig un schimpt un schandirt, dat de oll Amts-hauptmann wedder fröggt: „Min Herzenskindting, wat iwert<sup>11</sup> sich de Kirl?“ — Na, endlich kriggt min Oll den Franzosen so wid, dat hei mit sin Sak herut rückt, un as hei nu den ollen Herrn verfloren<sup>12</sup> deiht, dat de Franzmann föfsteihn fett Ossen<sup>13</sup> un 'ne Last Weiten<sup>14</sup> un säbenhunnert Ehl gräun Laken<sup>15</sup> un hunnert Luggedur<sup>16</sup> verlangt un denn för sich un sin Lüd' noch velen „dü Wäng“, dunn seggt de oll Amtshauptmann: „Min Herzenskindting, seggen S' den Kirl, wi wull'n em

1) Kuh. 2) Alter = Vater. 3) herhaft, corr. aus courageux.  
4) schläft, tobt. 5) wildes Thier. 6) schießt es brausend heraus. 7) Zapfen.  
8) Tonnen. 9) Dictionnaire de poche. 10) ereifert. 11) erklären.  
12) sette Ochsen. 13) Weizen. 14) 700 Ellen grünes Tuch. 15) Louis'dor.

brav . . . .“ — „Holt!““ röppt min Oll, „Herr Amtshauptmann! Dat Wurd seggen Sei nich, dat ward hei in de letzte Tid up vele Fläg<sup>1</sup> all hürt hewwen, un hei kunn't mögliche Wis' verstahn. Ne, ich rad' dortau, wi gewen em den „dü Wäng“, denn mag jo woll dat Anner in de Hor drögen.““<sup>2</sup> — Un de Herr Amtshauptmann giwot em Recht un röppt Fritz Sahlmannen, hei fall von Mamzell Westphalen Gläf<sup>3</sup> un Win besorgen, äwer nich von den besten.

Na, de Win, dei kümmt, un min Bader schenkt den Franzosen in, un de Franzos' schenkt minen Bader in un 't geiht ümmer ümschichtig, un min Oll, dei seggt: „Herr Amtshauptmann,“ seggt hei, „Sei möten mit 'ran un möten mi helpen, denn dit is ein von dei Ort,<sup>4</sup> dei keinen Bodden in'n Liw<sup>5</sup> hett.“ — „Min Herzensklindting,““ seggt de oll Herr, „ich bün en ollen Mann un bün irste Herzogliche Beamte in't Stemhäger Amt, wo paht sicd dat för mi, dat ich mi mit den'n Kirl in de Zech gew?““ — „Ja,“<sup>6</sup> seggt min Oll, „Noch kennt kein Gebot; un dit is för't Baderland.“ — Un de oll Herr set't sicd mit 'ran un wirkt of nah Kräften. Doch nah einige Wil seggt min Oll: „Herr Amtshauptmann, de Kirl ward uns äwer;<sup>6</sup> dat wir 'ne Gnad von Gott, wenn hei uns up Stun's Einen schicken ded, dei en gauden Magen un en fasten Kopp<sup>7</sup> hett.“ Un as hei dit seggt, dunn kloppt dor wat an de Dör. „Herein!“ — „Gu'n Dag of!““ seggt oll Möller Bož ut Gielow un kümmt in de Dör. „Gu'n Dag, Herr Amtshauptmann.““ — „Gu'n

1) Flecken, Stellen. 2) in die Haare tröcken = vergessen werden.  
3) Art. 4) Boden im Leibe. 5) abgeschwächtes „ja“. 6) wird uns über = ist uns überlegen. 7) festen Kopf.

Dag, min leiw' Möller." — „Se, Herr, ic̄ kam noch mal in min Gal.“ — „Dor is hüt kein Tid dortau," seggt de oll Herr, „denn Hei führt woll, in wat vör Ünstan'n wi uns besinnen." — Un min Vader röppt: „Min leiw' Voß, kumm Hei her un däuh Hei en christlich Wark un legg Hei sic̄ dwars<sup>1</sup> vör den Franzosen in't Geschirr un nehm Hei'n mal tau Protokoll, äwer scharp." — Un Möller Voß klickt minen Ollen an un klickt den Herrn Amtshauptmann an un denkt sin Deil as jenne Kuhnhahn,<sup>2</sup> un seggt tau sic̄: up so'n Gerichtsdag bün 'd noch nich weit, fin'nt sic̄ äwer licht in de Gal.

Min Vader geiht nu an den Herrn Amtshauptmann 'ran un seggt: „Herr Amtshauptmann, dit is uns' Mann, dei ward mit em farig,<sup>3</sup> ic̄ kenn em." — „Schön,"<sup>4</sup> seggt de oll Herr, „min Herzenstindting, wo warden wi äwer mit de föß<sup>5</sup> Kirls hir buten<sup>6</sup> up den Sloßplatz farig?" — „Dit is man so'ne Marodür- un Ströper-Ban'n,"<sup>7</sup> seggt min Oll, „laten S' mi man minen Willen, ic̄ mak hei grugen;"<sup>8</sup> un hei röppt Fritz Sahlmannen un seggt: „Fritz, min Sähn, gäh hinnen dörch den Sloßgoren,<sup>9</sup> dat Di Keiner führt, un lop<sup>10</sup> nah den Uhrenmäker<sup>11</sup> Droz, un hei füll stantepöh<sup>12</sup> sin Unnenform antreden mit de langen swarten Stifeletten un de Borenmütz<sup>13</sup> un Obergewehr un Unnergewehr un füll sic̄ dörch de lütt gräun Purt<sup>14</sup> dörch den Goren sliken bet unner dat Eßfinster, un denn füll hei hausten."<sup>14</sup>

1) quer. 2) sprichwörtl. 3) fertig. 4) sechs. 5) draußen. 6) Streifer-, Strolchen-Bande. 7) grauen. 8) Schlossgarten. 9) laufe. 10) Uhrmacher. 11) stante pede, sofort. 12) Bärenmütze. 13) Kleine grüne Pforte. 14) husten.

Wat nu den Uhrkenmaker Droz anbedrapen deist,<sup>1</sup>  
so was hei von Geburt en Nöffschandeller,<sup>2</sup> hadd vele  
Potentaten deint<sup>3</sup> un ok de Franzosen, un was nahsten  
in min Vaderstadt hadden blewen, indem dat hei 'ne  
Wittfru frigen ded.<sup>4</sup> Sine französche Unneform hadd  
hei uphegt,<sup>5</sup> un wenn hei des Abends in de Schummers-  
stun'n tau'n Uhrenflicken nich mihr seihn kunn, denn  
tredt<sup>6</sup> hei sick sin Mondirung an un gung ümmer in  
sin lütt Kamer' up un dal; äwer in'n Horen,<sup>7</sup> denn  
mit de Borenmüß gung't nich, dei schrammt an'n  
Bän.<sup>8</sup> Un denn red'te hei von „la grang Nationong“  
un „Iö grang Amperör“ un kummandirte dat ganze  
Battalion un let rechts inswenden un links inhau'n,  
dat sick Fru un Kinner achter't Bedd verkröpen.<sup>9</sup> Hei  
was äwer<sup>10</sup> en gauden Mann un ded kein Kind wat,  
un Dags äwer<sup>11</sup> lagg „la grang Nationong“ in'n Kuffert,<sup>12</sup>  
un hei flicke Uhren un pust'e un smerte sei un att  
meckelbörgsch Pölltüsten<sup>13</sup> un stippte sei in meckelbörgsch  
Speck.

Na, während deß nu also de Uhrkenmaker sich de  
Stifeletten anknöpt un de Borenmüß upset't, satt  
Möller Voß mit den Franzosen tausam un let sick dat  
in den Herrn Amtshauptmann finen Rodwin sur<sup>14</sup>  
warden, un de Franzos' stödd<sup>15</sup> mit den Möller an un  
säd: „A Wuh!“ un de Möller namm denn sin Glas,  
drunk un säd: „„Na nu!““ un denn stödd de Möller  
wedder mit den Franzosen an, un de Franzos' bedankte  
sich un säd: „Serwitör!“ un de Möller drunk denn ok

---

1) anbetrifft. 2) ein Neufchateller. 3) gedient. 4) freierte. 5) auf-  
gehoben. 6) zog. 7) in haaren. 8) Boden, Decke. 9) hinter's Bett  
verkrochen. 10) aber. 11) über. 12) Koffer. 13) ab — Bellkartoffeln.  
14) sauer. 15) stieß.

un säd: „*Sett en vör de Dör!*“ un so red'ten sei  
französch mit enanner un drunken.

So würden sei denn nu ümmer fründschaftlicher  
mit enanner; de Franzos' stek de blanke Plänz in de  
Scheid, un't wohrt nich lang', dunn russelt<sup>1</sup> sin swarte  
Snurrbort den ollen Möller unner de stuw<sup>2</sup> Näs' un  
de Möller smet em en Vor<sup>3</sup> in't Gesicht, dei säd'en  
man so „*Stah!*“<sup>4</sup> denn de oll Möller hadd en Mul-  
geschirr, as wir hei mit 'ne Worpshüpp<sup>5</sup> upfödd,<sup>6</sup> un  
jedwenein von sin Küß güß gaud drei gatlich.<sup>7</sup>

Grad as dit geschach, dunn haust' dat unner dat  
Eäfinster, un min Oll slek<sup>8</sup> sick 'rut un säd den Uhrken-  
maker Bescheid, wat hei dauhn füll. De Herr Amts-  
hauptmann äwer gung up un dal un dacht, wat hohe  
Herzogliche Kammer woll dortau seggen würd, wenn  
sei dit mit anseg,<sup>9</sup> un säd tau den Möller: „Möller,  
verzag' Hei nich, icke ward't Em gedenken.“ Un de  
Möller verzagt of nich, sondern drunk rüstig wider.

De Uhrkenmaker gung wildef<sup>10</sup> heimlich wedder  
trügg dörch den Sloßgoren, as hei äwerst up den  
gewöhnlichen Weg kammin, dei nah't Sloß 'rupper geiht,  
dunn smet hei sick in de Bost<sup>11</sup> un trampst up, denn  
hei was nu wedder „grang Nationong,“ un hei marschirt  
strack un stramm in't Sloßdur 'rinner, wat hei denu  
ok schön taurecht kreg, wil dat hei von Angesicht un  
Statut en anseihnlichen Kirl was. Na, de söß Schaf-  
fürs, dei bi ehr Vird' stunnen, dei teken<sup>12</sup> un flüsterten  
mit enanner, un de ein gung nah em 'ran un frog,

1) raschelte. 2) stumpf. 3) Baar, (nämlich Küsse.) 4) eigentl. stehe!  
= gelt! 5) Wurfschaufel. 6) aufgefüttert. 7) galt gut drei tüchtige.  
8) schlich. 9) ansähe. 10) unterdes. 11) Brust. 12) guchten.

wohen? un woher? Droz äwerst kek em recht höhnschen  
äwer de Schuller an un antwurt' t em fort un barsch  
up Französch, hei wir de Quartirmeister von't drei un  
säbentigste Regiment, un in 'ne halw Stun'n kem dat  
von Malchin 'rup, un hei müht irst mit Muhiö lö  
Balljif reden. Dunn schot<sup>1</sup> den Schaffür dat Bladd,  
un as Droz en beten handgriplich mit den Tunpal<sup>2</sup>  
up Marodürs tau spizen anfang un vertelte, dat sin  
Oberst gestern en por hadd dod scheiten laten,<sup>3</sup> dunn  
drückt sich irst de ein un dunn de anner, un wenn ok  
noch weck von ehr tausam snatern deden un up dat  
Sloß wiß'ten<sup>4</sup> von wegen ehren Kummandür, so hadd  
doch Keiner rechte Tid taum Täuwen,<sup>5</sup> un in'n Hand-  
ümdreihn was de Slozhof leddig,<sup>6</sup> un in't Bramborg'sch  
Dur<sup>7</sup> stun'n wi Jung's un seien de föß französch'en  
Schaffürs nah, wo sei den deipen Lehmweg hendal  
Labasterten,<sup>8</sup> denn dat was grad in de schönste Tid  
von de dunnmaligen meckelbörgschen Landweg', so in'n  
Frühjahr, in'n Andäu.<sup>9</sup>

---

1) schob. 2) Baumpfahl. 3) tott schießen lassen. 4) wiesen.  
5) Warten. 6) leer. 7) Brandenburger Thor. 8) wie sie den tiefen  
Lehmweg herunter jagten. 9) „Anthau“ = Anfang des Aufbaus.

---

## Dat zweite Kapittel.

Wat Mamsell Westphalen un de Uhrkenmaker mit enanner red'ten, un worüm Fridrich den Franzosen de Knöp<sup>1</sup> von de Hosen sniden will un em nahsten in den Stavenhäger Babenholt<sup>2</sup> tau Bedd bringt, un worüm Fiken den Malchiner Kopmann nich namen hett.

As de Slozhof leddig was, marschirt de Uhrkenmaker mit Obergewehr un Unnergewehr in Mamsell Westphalen ehr Spisslamer 'rin, un Mamsell Westphalen drogt<sup>3</sup> sic de Ogen un säd: „Herr Droi, Sei sünd en Engel der Rettung!“ — Sei nennt em nämlich ümmer „Droi“ stat<sup>4</sup> „Droz“, wil sei glöwt, „Droi“ wir richtiger Französch, un de Lüd' gewen em den richtigen Alzang nich. — De Engel der Rettung set't nu sinen Schapschinken an den Septubben,<sup>5</sup> hung sin Kef'mez<sup>6</sup> an den Fleischhaken, stülpt sin Borenmü<sup>7</sup> up dat Butterfatt<sup>8</sup> un set't sic fülvost up den Anrichtkloz,<sup>9</sup> treckt en gewürfelt Snuwdauk<sup>10</sup> herut, läd<sup>11</sup> dat sauber up de Knei tausam un sohrt<sup>12</sup> sic dormit zweimal sachtmäudig unner de krumme Näs' dörch, treckt d'rup sine grote, runne Snuwtobacksdos' herut un rekt sei Mamsell Westphalen hen un frog ehr: „Pläh t'i?“ „Ja woll,“<sup>13</sup> säd Mamsell Westphalen, „pläh t'i mi dat, denn, Herr Droi, ic<sup>14</sup> heww sihr slichte Ogen, un sei sünd sic verleden Harwst<sup>15</sup> ümmer swäcker worden; ic<sup>16</sup> hadd dunn de grote Krankheit, un de Doktors gewen

1) Knöpfe. 2) Stavenhäger Oberholz, ein Gehölz. 3) trocknete.  
4) statt. 5) Seifenbüttle, -bottig. 6) Käsemesser, d. h. Seitengewehr.  
7) Butterfaß. 8) Anrichte, Küchentisch. 9) Schnupftuch. 10) legte.  
11) fuhr. 12) seit vorigem Herbst.

ehr en hogen Namen; äwer, Herr Droi, ic segg, dat was dat gewöhnliche miserabile Stoppelfieber<sup>1</sup> un dorbi bliw ic. Se, " " säd sei un set't vör Herr Droi'n 'ne schöne braden Ahnt<sup>2</sup> un 'ne Buddel Win, äwer von den Herrn Amtshauptmann sinen gauden, un maßt en Knicks, as wenn Ein in't Water unnerduken deihst,<sup>3</sup> un säd ok: „Pläh t'i?“ Na, den Uhrkenmaker „pläh t'i 't“ denn dit ok sihr, un em würd tau Maud, as wir hei 'n würllichen Engel, un Mamfell Westphalen ehr Spisskamer wir gegen sin Pölllüsten<sup>4</sup> un Speck en Paradis, un as hei bi de zweite Buddel Win was, red'te hei vel von den schönen „Wäng dö Walangäng“ un von „der höne Sweiz.“ — Un Mamfell Westphalen säd: „Sei hewwen Recht, Herr Droi, Sweit<sup>5</sup> is 'ne schöne Sak, vör Allen bi'n Snuppen:<sup>6</sup> ic drink denn ümmer Flederthee.“ — „Ah,“ seggt Herr Droi, „Fiereteh! Wui, sche swi stähr von meine Land. — Oh, Sie muß mal kommen in die Land, da singen die Bögel, un da brummen die Bachen.“

Na, mitedwil<sup>7</sup> was dat düster worden, un Fritz Gahlmann kümmt herin in de Spisskamer un seggt: „Na, dit's 'ne schöne Geschicht: de Herr Amtshauptmann löppt in'n Horen bi düster Nacht in'n Goren 'rümmer, un resonirt för sick hen, de Burmeister hett sick sachten ut den Stohm<sup>8</sup> maßt, Möller Bossen sin Friedrich hölt nu all 'ne Stun'n lang vör den Dur un schimpt up de verfluchten Patriotten un up den Spitzbauwen Dümurrjöh,<sup>9</sup> un de Möller hölt den Franzosen de Fust vör de Snut un fröggt, wo sin vir Mähren

1) Stoppel-, Herbstfieber. 2) gebratene Ente. 3) untertaucht.  
4) Pellkartoffeln. 5) Schweiß. 6) Schnupfen. 7) mittlerweise. 8) Staub.  
9) Moreau.

un sin föß Offen blewen sünd, dei em de Franzosen  
namen hewwen, un de Franzos' sitt dor un rüppelt  
un rögt sic̄ nich un rallöḡt.<sup>1</sup> — „Fritz Sahlmann,“  
frögḡt Mamzell Westphalen, „rögt hei sic̄ nich?“<sup>2</sup> —  
„Ne, Mamelling.“ — „Fritz Sahlmann, ic̄ weit,  
Du heft tauwilen den Hasensaut<sup>3</sup> in de Tasch, un Du  
drögḡst<sup>4</sup> Di männigmal stark mit Unwohrheiten; ic̄  
frag Di up Din Gewissen: rögt hei sic̄ gor nich?“<sup>5</sup>  
— „Ne, Mamelling, ganz un gor nich.“ — „Na,  
Herr Droi, denn kamen S', denn will wi 'rupper gahn  
un dor taum Rechten seihn; nemen Sei sic̄ äwer wat  
von Ehr Geschirr taum Hauen un taum Steken<sup>6</sup> mit,  
un wenn Sei seihn, dat hei mi tau Liw will, denn  
stahn Sei mi bi. Un Du, Fritz Sahlmann, lop<sup>7</sup> nah  
den Möller finen Friedrich un segḡ em, hei soll de  
Pird' afsträngen un soll 'rin kamen, denn beter is  
beter, un wat Ein gaud dauhn kann, ward Zweि nich  
fur.“<sup>8</sup>

Friedrich kümmt denn nu of 'rin un kriggt en  
dägten<sup>9</sup> Snaps un schüdd't sic̄,<sup>10</sup> as dat nah en groten  
Sluck Mod' is, un de Zug<sup>11</sup> geiht nu vörwarts nah  
den Herrn Amtshauptmann sin Stuw; Friedrich vöran,  
denn Mamzell Westphalen, dei den Uhrkenmaker unner  
den Arm sat't<sup>12</sup> hett, un taulezt Fritz Sahlmann in'n  
Hinnerholz.<sup>13</sup>

As sei 'rin kamen in de Stuw, sitt de Möller  
an'n Disch un hett zwei vulle Gläs' vör sic̄ stahn un  
stött<sup>14</sup> mit dat ein an dat anner, un mit dat anner  
an dat ein, un drinckt ümschichtig för Zweि un grit

1) bewegt und röhrt sic̄ nicht und verdreht die Augen. 2) Hasensau.  
3) trägt. 4) Stechen. 5) laufe. 6) sauer. 7) tüchtig. 8) schüttelt.  
sic̄. 9) Zug. 10) gefaßt. 11) Hinterhalt. 12) stößt.

lustig äwer dat ganze breide Gesicht. Den Rock hett hei uttagen,<sup>1</sup> wil em bi de Sat<sup>2</sup> heit worden is, un up den Kopp hett hei den Franzosen sine Kaskett mit den langen Pird'swanz, un äwer sinen dicken Bu<sup>3</sup> hett hei, so gaud as't geiht, den Franzosen sinen Säbel snallt. Dei äwer liggt verlangs in 'ne Eck von den Sopha un hett den Herrn Amtshauptmann sine witt-hemwull'ne Slapmüz up un sinen Slaprock mit de roden Blaumen<sup>4</sup> an, un de Spitzbaum von Möller hett em stats den Säbel 'ne grote Fedderflunk<sup>5</sup> in de Hand gewen un dormit fuchtel hei stillswigend in de Luft 'rüm, denn reden kann hei kein Wurd.

As Mamsell Westphalen in de Dör kümmt un den Umstand führt, set't sei de beiden Arm in de Sid, as jede rechtfchaffene, öllerhaftes Person, dei up richtigen Wegen is, eigentlich dauhn müht, un fröggt: „Möller Voß, wat fall dit? Wat heit dit? Un wat bedüd't dit?“ De Möller will antwurten, kriggt äwer dat Lachen un bringt mit knappe Noth herut: „„Kemedientram!““<sup>6</sup> — „Wat?“ fröggt Mamsell Westphalen. „Is dat 'ne Antwort von en Mann mit Fru un Kinner? Is dat en Respect vör sinen Vörgesezten, io'ne Ullenspeigelstreich<sup>8</sup> in sine Studirstuw antaustellen? Herr Droi, kamen S' mit.“<sup>9</sup> Dormit geiht sei up den Franzosen los un ritt<sup>9</sup> em de Slapmüz von den Kopp un sleicht sei em zweimal üm de Uhren un seggt blot de beiden Würd: „de unschüllige Slapmüz!“ un „Du Farken!“<sup>10</sup> Un dreicht sich üm un röppt: „Un hei, Friedrich, kam hei her, un help hei mi den Kirl ut

1) ausgezogen. 2) Bauch. 3) Blumen. 4) Federwisch (-flügel).  
5) öltlich. 6) bedeutet. 7) Komödientram, Possenspiel. 8) Eulenspiegel-streiche. 9) reift. 10) Ferkel.

den ollen Herrn sinen Rockelur;<sup>1</sup> un Sei, Herr Droi, denn Sei warden sick dorup verstahn, nemen S' den unklauen Möller den Suppenpott<sup>2</sup> von den Kopp un snallen S' em von den Säbel los."<sup>3</sup> — As dit denn nu gescheihn is, dunn seggt sei: „Un Du, Fritz Sahlmann, Du olle Plätertasch,<sup>4</sup> Du Snackfatt von de Ede!<sup>5</sup> Du unnersteihst Di nich un seggst den Herrn Amtshauptmann, wat mit sin Commoditäten hir passirt is, denn hei lett sei füs<sup>6</sup> verbrennen, un wat kann de Slaprock un de Slapmück dorför, dat olle Lüd' tau Jung's warden."<sup>7</sup> Dorbi kicht sei den ollen grinigen<sup>8</sup> Möller scharp an, steckt den Proppen up de Winbuddel, set't de Arm wedder in de Sid un fröggt: „Wat nu?<sup>9</sup>" —

„Ich weit't,"<sup>10</sup> seggt Friedrich, tüht<sup>7</sup> sin Klappmezz<sup>8</sup> ut de Tasch, snappt dat up, geiht up den Franzosen los, ritt em de Mondirung up un ward em dor up 'ne sihr sonderbare Ort unner de korten Rippen 'rumfummeln.<sup>9</sup>

„Herre Jesus, Friedrich!" röppt Mamzell Westphalen un springt dorwischen, „wo plagt Em de Böf?<sup>11</sup> Hei ward hir doch keinen Murd anstiften?" — „Diabel!"<sup>12</sup> seggt Herr Droi un ritt Friedrichen den Arm t'rügg, un Fritz Sahlmann, de unverstännige Slüngel, ritt dat Finster up un schrie't: „Herr Amtshauptmann, Herr Amtshauptmann! Nu geiht' los!" — Swabb! hett hei einen up dat Mul, dei em ganz bekannt vörkamm, wil dat hei däglich von Mamzell

1) roquelaure. 2) Suppentopf. 3) Plättertasche. 4) Schnackfaß, d. h. jemand, der an der Straßenende plaudert. 5) sonst. 6) greinend, lachend. 7) zieht. 8) Klapp-, Taschenmesser. 9) herumhandtieren.

Westphalen ehr Ort<sup>1</sup> en Stückener drei<sup>2</sup> kreg; dat heit in'n poehischen Bogen berekent,<sup>3</sup> denn tellt<sup>4</sup> würden sei nich.

Fridrich äwer stunn ganz ruhig dor un säd: „Wo so denn? Wat meinen Sei? Denken Sei, dat ic̄ Kinner freten dauh?<sup>5</sup> — Ic̄ will em blot de Knöp von de Büx<sup>6</sup> affniden, denn so hewwen wi dat ümmer maht, wenn wi wed fungen hadden, as ic̄ noch gegen de verfluchten Patriotten in Holland deinen ded un gegen den Spitzbauwen Dümurrijöh unner den Herzog von Brunswik<sup>7</sup> in de nägentiger<sup>8</sup> Johren.““ Un wend't sick an Mansell Westphalen: „Denn, Manselling, denn länen sei nich schappiren,<sup>9</sup> deun fact<sup>10</sup> ehr de Hof in de Knei.““<sup>11</sup>

„Schäm hei sick, Fridrich, mi so wat tau seggen. Wat gellen<sup>12</sup> mi den Franzosen sin Hosen an un sin Knei? Un von so'n Anblick will ic̄ hir nicks weiten, un kein Minsch soll seggen, dat hir in den Herrn Amtshauptmann sine Studirstuw so wat Despectirliches tau seihn west is. Ne, leiwerst<sup>13</sup> will'n wi radslagen,<sup>14</sup> wo wi mit den Kirl bliwen.“

Dunn drängt sick Möller Voß nah vör un will sick vör de Bost<sup>15</sup> slagen, sleicht sick äwer wider dalswarts<sup>16</sup> up de Mag' un seggt: „Bliwen? Wat bliwen? Wo ic̄ bliw, bliwt hei of, un wi beiden hewwen Bräundershaft drunken, un hei 's en richtigen Franzos', un ic̄ en richtigen Medelbörger, un wer

1) Art, Sorte. 2) etwa drei Stüd. 3) im polnischen Bogen, in Bausch und Bogen berechnet. 4) gezählt. 5) daß ich Kinder fresse. 6) Hofe. 7) Braunschweig. 8) neunziger. 9) entfliehen (schapper). 10) sinkt. 11) Knie. 12) gelten, gehen an. 13) lieber. 14) rathsschlagen. 15) Brust. 16) weiter nach unten.

dorvon wat weiten will, dei kam her!“<sup>1</sup> Un këft sei all de Reih nah an, un as Keiner wat dortau seggt, kloppt hei den Franzosen up de Schuller un seggt: „Brauder, ic nem Di mit mi.“<sup>2</sup> — „Dat is of dat Best,“ seggt Mamzell Westphalen, „denn fünd wi em los. — Herr Droi, saten<sup>3</sup> S' an!“ Un de ein „grang Nationong“ fött<sup>4</sup> de anner „grang Nationong“ an de Bein, un Fridrich fött em t'Ens den Kopp,<sup>5</sup> Fritz Sahlmann dröggt<sup>6</sup> dat Licht, Mamzell Westphalen kummandirt dat Ganze, un de Möller geiht in'n lütten<sup>7</sup> Bagen achter her.

„So,“ seggt Fridrich, „nu man hinnen 'rin in dat Krett!<sup>8</sup> — So, nu ligg Du man! — Fritz Sahlmann, sträng mi de Mähren an! Un Sei, Herr Droi, helpen S' mi den Möller 'rup; äwer nemen S' sic in Acht, dat hei de Blansirung<sup>9</sup> nich verlirt, denn ic kenn em, hei fleiht äwer.“<sup>10</sup>

As de Möller nu sitt, fröggt Fridrich: „Na, Allens an Burd?<sup>11</sup> — „Allens an Burd!“<sup>12</sup> seggt Mamzell Westphalen. — „Na, denn man „jüh!“ seggt Fridrich. Knapp äwerst is hei en por Schritt führt, dunn röppt de Uhrkenmaker: „Alt! alt! Friderik! — Sie aben vergestern die Camerad sein Schewal, es stehn in die Logis für die kleine Pühl!“ — „Ja,“<sup>13</sup> seggt Fritz Sahlmann, „'t steiht in den Haunerstall.“<sup>14</sup> — „Na, denn hal't,“<sup>15</sup> seggt Fridrich, „un bin'nt achter<sup>16</sup> den Wagen.“

1) fassen. 2) fasst. 3) am Kopfende. 4) trägt. 5) klein.  
6) eigentl. das hintere Schlüsselstück des Wagens zum Verschließen der  
Schotterkelle (franz. vache), daher auch diese selbst. 7) Balance. 8) über-  
schlägt sich. 9) Bord. 10) hole es. 11) binde es hinter.

Na, dat schüht<sup>1</sup> denn ok, un as sei noch dorbi  
sünd, kümmt de oll Auntshauptmann von sin Motschon<sup>2</sup>  
ut den Goren taurügg un fröggt, wat hir los wir.  
„Nicks nich,“ seggt Mansell Westphalen. „Möller  
Woß hett blot den Franzosen inladen, mit em tau  
führen un de Nacht up de Gielowisch Mähl<sup>3</sup> tau bliwen.“  
— „Das ist denn eine andere Sache!“ seggt de oll  
Herr. „Adjüs ok, Möller! Ich ward Em dat ge-  
denken.“ — De Möller brummelt wat in den Bort  
von sihr schönes, fruchtbiores Weder, un Mansell West-  
phalen flüstert Fritz Sahlmannen tau, hei süll vörup  
lopen un süll den Franzosen sinen Säbel un sinen  
Pird'swanz ut den Herrn sine Stuw halen, dat sei em  
nich in de Ogen felen. „Bring sei man nah min  
Stuw,“ säd sei, „un stell sei achter min Bedd.“

Fridrich äwer klappete<sup>4</sup> nu mang<sup>5</sup> de Mähren un  
jog<sup>6</sup> den Sloßbarg hendal,<sup>7</sup> 'rin in de Malchiner Strat  
un säd tau sic<sup>8</sup>: „dit is dat Prauwstück;<sup>9</sup> wenn de  
Möller bi desen Damm un bi dit Bädeln<sup>10</sup> up den  
Sack sitten bliwt, denn kümmt hei hüt Abend ok  
allein von den Wagen 'run.“ Äwer as hei mang de  
Schüns<sup>11</sup> kamm un sic<sup>12</sup> ümsach, dunn lagg de Möller  
twischen den vöddelsten un hindelsten<sup>13</sup> Sack, un  
Fridrich säd: „Ahn<sup>14</sup> Hülp kümmt dei nich wedder  
'run,“ un halt en por Sack hervör un deckt sei em  
äwer't Leib,<sup>15</sup> dat hei sic<sup>16</sup> nich verfüllen ded.<sup>17</sup>

So kemen sei ut de Schüns 'rut, un de Mähren  
sleus'ten<sup>18</sup> ümmer 'n eben Schritt dörch den deipen<sup>19</sup>

---

1) geschieht. 2) Motion. 3) Gielower Mühle. 4) peitschte.  
5) zwischen. 6) jagte. 7) herunter. 8) Probestück. 9) wildes Sagen.  
10) Scheunen (vor der Stadt). 11) vorbersten und hintersten. 12) ohne.  
13) über den Leib. 14) erkälte. 15) schlcken. 16) tief.

Weg un de düster Nacht hendörch, un Friedrichen kemen allerlei Gedanken. Taurist föll<sup>1</sup> em de Möllerfru in, wat dei vördem seggt hadd, wenn de Möller allein so ankamen was, un wat sei nu woll seggen würd, wenn hei sülwt zweit<sup>2</sup> so ankem, un wat den Möller sin Fiken<sup>3</sup> woll dortau seggen würd, un hei schüdd't<sup>4</sup> mit den Kopp un säd: „Keinen gauden Gang geiht't nich.“ — Un taum Annern föll em in, dat dat ok üm dese Jahrstd west was un in so'ne Nacht, as hei vör 'n halw Stig<sup>5</sup> Jahr von de Preußen ut Prenzlow diffentirt<sup>6</sup> was, un dat hei ok dunntaumalen,<sup>7</sup> het hei sick in't Stemhäger Amt 'rin slagen, in'n Frien legen hadd, un hadd sick mit en Gledurnbusch<sup>8</sup> taudeckt. — Un taum Drüdden föll em in — un as em dat infallen ded, dunn gnurrscht<sup>9</sup> hei mit de Zähn<sup>10</sup> — wo hei mit den Herzog von Brunswik in Frankreich west was, nicks up den Liw, nicks in den Liw, as de rode Ruhr, un wo em de Franzosen jagt un stäkert<sup>11</sup> hadden, un wo so vel von sine Kanimeraden an de Landstrat liggen blewen wiren, un ok sin beste Fründ, Krishan Kräuger,<sup>12</sup> un wo dat Volk kein Erbarmen hewwen ded: „Un de beiden schönen Brunen,<sup>13</sup> säd hei tau sick, „hewwen sei mi ok namen, un ic möt hir führen mit zwei olle spattlahme Schinners?<sup>14</sup> Un dei sälen sic hir noch in den deipen Weg mit so'n Karnallenwagel<sup>15</sup> von Marodür asquälen, wat gor keinen orndlichen Militör is? — Verfluchte Patriotten! — Spitzbauw

1) fiel. 2) selbzweit. 3) Sophie(chen). 4) schüttelte. 5) eine halbe Steige à 20 Stück, also eigentl. 10, bezeichnet eine unbestimmte, mittel-große Zahl. 6) desertirt. 7) dazumal. 8) Schlehdonbusch. 9) knirschte. 10) Zähne. 11) eigentl. mit Staken (Stangen) gestoßen. 12) Krüger. 13) Braune (Pferde). 14) eigentl. Schinder, Pferde, die für den Schinder reif sind. 15) statt: Canaille.

— Dümurrjöh!“ dit wiren sin einzigsten Flüch, wenn hei bös was. — „Purr, öh!“ rep hei un sprung von den Wagen un gung achter 'rum un klinkt dat Krett up un kreg den Franzosen bi de Bein un treckt em halw ut den Wagen, hult<sup>1</sup> mit de Schuller unner un drög<sup>2</sup> em äwer'n Graben in dat Stemhäger Babenholt un läd em unner 'ne Bäuf.<sup>3</sup> — „Se,“ seggt hei, as de Franzos' sick dor wat rögen würd,<sup>4</sup> „dat is Di woll en beten fucht,<sup>5</sup> äwer Du büst binnen fucht, worüm denn nich of buten?<sup>6</sup>“ un lek tau Höcht taum Hewen<sup>7</sup> un säd: „Vör de leßten Dag' von den Februarwoi is dit 'ne fähr schöne warme Nacht, un wenn de Kükul of just nich singt, so heww ich em doch verleden<sup>8</sup> Sommer in dese Bäuf singen hört, un — so Gott will — singt hei dit Jahr hir wedder.“ — Un as de Franzos' so'n beten schuddern<sup>9</sup> ded, as wenn em frür,<sup>10</sup> seggt hei: „Rich wohr, Brauder, 't is en beten läul,<sup>11</sup> un ich kunn Di hir nu schön taudecken mit en gauden widen Schacht,<sup>12</sup> un dor freih<sup>13</sup> nich Hund noch Hahn nah, äwer ich will Di wisen, dat ich en christlich Hart<sup>14</sup> heww,“ un geiht nah'n Wagen 'ran un halt en por Arm voll Stroh un switt em dat äwer un seggt: „Na, Adjüs! Mitnemen dauh 'ct Di nich, wotau soll sick de Möllerfrau un Tüten äwer Di argern?“ Stiggt up den Wagen 'rup un führt sachten nah Hus.

Rich wid von de Mähl weckte hei den Möller up un vermünterte em un säd: „Möller, setten S' sick steidel<sup>15</sup> up den Sack, ich help Sei nahst 'raf.“<sup>16</sup> —

1) hockte. 2) trug. 3) Buche. 4) anfing, sich da etwas zu führen.  
5) feucht. 6) außen. 7) Himmel. 8) vergangen. 9) schaudern. 10) fröre.  
11) kühl. 12) Weidenstoc. 13) krähete. 14) Herz. 15) steil, gerade..  
16) herab.

De Möller richt' sic<sup>t</sup> up un säd: „Ick bedank mi of,  
Herr Amtshauptmann!“ un ke<sup>t</sup><sup>1</sup> sic<sup>t</sup> wild üm, wo  
hei wir, un frog, wat dat för 'ne Mähr wir, dei  
achter'n Wagen an hammeln ded, un as hei sic<sup>t</sup> wat<sup>2</sup>  
besunnen hadd, grep<sup>3</sup> hei achter dal<sup>4</sup> in dat Krett un  
frog: „Fridrich, wo 's de Franzos?“ — „Je, wo 's  
dei!“ — säd Fridrich un führt vör de Husdör vör un  
sprung von den Wagen un hülp den Möller 'runner,  
ihre de Frugenslüb<sup>5</sup> mit Licht kemen. Sin Herr krä-  
pelst<sup>6</sup> sic<sup>t</sup> nah de Del<sup>7</sup> herup, un de Möllerfru kamm  
em entgegen un frog: „Na, Vadding, wo is't worden?“  
— De Möller snuwelt<sup>8</sup> äwer den Dörenfüll<sup>9</sup> nah de  
Stuw herinner, läd Haut un Hanschen<sup>10</sup> up den Disch  
un gung en pormal in de Stuw up un dal, wobi hei  
sich de Ritz<sup>11</sup> in't Og sat't hadd,<sup>12</sup> un säd: „Dat is en  
sworen<sup>13</sup> Gang!“ — „Dat seih ic<sup>t</sup>,“ seggt de  
Möllerfru. — Filken satt achter'n Disch un neiht  
Linnentüg.<sup>14</sup> — Un de Möller gung wedder stolz up  
un dal un frog: „Seiht Zi mi gor nicks an?“ —  
„Naug,“<sup>15</sup> säd sin Fru. „Du heft wedder bi  
Bäcker Witten seten<sup>16</sup> un heft Dine bedrängten Üm-  
stän'n vergeten un Din Fru un Kinner un heft Di  
in 'ne Zech gewen.“ — „So? Meinst Du? Denn  
lat Di seggen: en Klauk Haun<sup>17</sup> leggt of vörbi. Ne,  
ick heww mit den Herrn Amtshauptmann un den  
Burmeister un en franzöischen General, oder so wat,  
Bräuderschaft drunken, un de Herr Amtshauptmann

1) guckte. 2) etwas. 3) griff. 4) hinten herunter. 5) Frauensleute.  
6) krüppelste. 7) Diele, Hausflur. 8) strauchelte. 9) Thürschwelle.  
10) hut und Handschuhe. 11) die Rize zwischen den Dielen, ob  
er noch „auf dem Strich“, gerade gehen könne. 12) gefaßt.  
13) schwer. 14) nähere Leinenzeug. 15) genug. 16) gefessen. 17) ein  
fluges Huhn.

hett mi seggt, hei wull mi't gedenken, denn dit güng  
für't Vaderland. — Un, Fiken, Di segg ic, smit Di  
nich weg! Dat hest Du nich nödig! — Den Malchiner  
Kopmann haddst Du vör minentwegent frigen<sup>1</sup> künnt;  
äwer Du wullst jo nich!" — Fiken lek so halw tau  
Höcht<sup>2</sup> von ehr Reiheri un säd: „„Padding,<sup>3</sup> lat dat  
doch, tau'm wenigsten hüt Abend!"“ — „Schön, min  
Döchting! Du hest Recht, min Kindting. Süh, Du  
büst jo min Einzigst, denn wo is Karl un Joachim?<sup>4</sup>  
Ach, du leiwer Gott! Äwer ic segg blot: smit Di  
nich weg! un wider segg ic nicks. — Un Mudder, uns'  
Geldsak?<sup>5</sup> — Wat seggt de oll Herr Amtshauptmann?  
— „Möller Bos, ic will Em dat gedenken.“ — Un  
denn de Franzos! Mudder de Franzos! — We,  
Dunnerweder, is de Franzos? Hei lagg doch in  
dat Krett; Friedrich möt dat doch weiten.“ Un ritt  
dat Finster up un röppt: „Friedrich! Friedrich, hürst  
Du nich?<sup>6</sup>"

Friedrich hürt em recht gaud; äwer hei plinkt  
mit dat ein Og' un säd: „„Ja, schri Du man!  
— Wat fall ic dat grot seggen, wat de Möllerfrau  
gaud seih'n kann? Ic ward mi de Fingern nich  
klemmen.““ Dorbi bunn<sup>6</sup> hei den Franzosen sin  
Mähr an de Röp<sup>7</sup> un namm ehr dat Sadeltügs  
af, un as hei den Mantelsack afnamm, säd hei:  
„„Deuwel!<sup>9</sup> Is dei swor!"“ un läd em in sin  
Fauderkist,<sup>10</sup> schüdd't<sup>11</sup> sin Mähren de letzte Faudering<sup>12</sup>  
in, läd sic in't Bedd un slep, as wir em hüt nicks  
passirt.

1) freien. 2) in die Höhe, auf. 3) Väterchen. 4) Karl und Joachim.  
5) Geldsache. 6) band. 7) Raufe. 8) Sattelzeug. 9) Teufel. 10) Futter-  
kiste. 11) schüttete. 12) Futterung.

As nu de Möller an tau schellen<sup>1</sup> fangen wuß,  
dat Friedrich nich kamm, säd sin leiv Fru: „Badding,  
lat em, Du büst mäud,<sup>2</sup> Du heft den Dag äwer up  
den Wagen zuckelt<sup>3</sup> un heft Di sur warden laten,  
kumm tau Bedd; Eiken fall Di 'n beten Bir warm  
maken, dat Di de Nachtluft nich schaden deicht.“ —

„Mudding,“<sup>4</sup> antwurt' hei, „Du heft ümmer Recht,  
ic̄ heww mi schändlich affstrapzirt, denn Geldsaken  
gripen<sup>5</sup> ümmer an. Na, min sünd in de Reīh, so  
gaud as in de Reīh, denn de Herr Amtshauptmann  
säd: „Möller Vōz, ic̄ ward Em dat gedenken.“ Un  
morgen tidig<sup>6</sup> möt ic̄ wedder hen nah Stemhagen.“<sup>7</sup>  
Un dormit ward<sup>8</sup> hei in de Kamer gahn, leggt sic̄ dal,  
un snart<sup>9</sup> sloppt hei los.

Mudder un Eiken sitten noch 'ne Tid lang up,  
un Eiken sitt still in Gedanken un neift förfötsch<sup>10</sup>  
weg. — „Ja,“ seggt Mudder endlich, „Eiken, Du  
büst flitig, un ic̄ legg de Hän'n of nich in'n  
Schot, un uns' Vader hett sin Lewdag' wirkt un  
dahn, wat hei kunnt hett; äwer wat helpt<sup>11</sup> dat All?  
De slimmen Tiden wassen<sup>12</sup> uns äwer den Kopf,  
un wat uns de Franzosen laten hewwen, dat nemen  
uns de Arkaten un de Juden; ävermorgen säl wi<sup>13</sup>  
firhunnert Daler an Ekhigen betalen, un wi hewwen  
keinen Schilling.“ — „Badding deicht jo doch jo,  
as wenn hei mit Allens dörch is.“ — „Kühr<sup>14</sup> Di  
hüt Abend an den'n nich; Abendred' un Morgenred'

1) schelten. 2) müde. 3) eigentl. in kurzem Trab gefahren; auf  
den Fuhrmann übertragen: Du bist bei solchem Fahren durchgeschüttelt.  
4) greifen — an. 5) zeitig, früh. 6) bezeichnet den Anfang der Tätigkeit.  
7) alsbald. 8) eigentl. vorfüzig; rasch, unverweilt. 9) hilft.  
10) wachsen. 11) sollen wir. 12) kehre.

sünd tweierlei; äwer in ein Sak hett hei hüt Abend  
Recht hatt: haddst Du man den Malchiner Kop-  
mann namen." — „Mudding,"<sup>1</sup> seggt Fiken un  
läd ehr Hand sachten up Muddern ehr un <sup>sek<sup>1</sup></sup> ehr  
ruhig in de Ogen: „Mudding, dat was nich de  
Rechte."<sup>2</sup> — „Min Döchting,<sup>3</sup> ganz nah ehren  
frien Willen frigen up Stun'ns Wenig in de Welt,  
wat<sup>4</sup> hammelt dor ümmer bi 'rum. Süh, de Kop-  
mann hett sin gaud Brod, un wenn Din Bader  
un ic<sup>5</sup> Di versorgt wühten, denn wir uns en groten  
Stein von'n Harten namen."<sup>6</sup> — „Mudding, Mud-  
ding, red' nich so! Ich füll Zug verlaten,<sup>7</sup> wenn Zi  
in Noth wirt? Un dat noch dortau up 'ne unihrliche  
Wif?"<sup>8</sup> — „Unihrlich, Fiken?" — „Ja, unihrlich,  
Mudding!"<sup>9</sup> säd Fiken, un Ein<sup>10</sup> künnt ehr anseihn,  
dat' ehr kribbeln würd, „denn as de Kopmann üm  
mi anhöll,<sup>11</sup> dacht hei, bi uns häng vel ut, un dorüm  
wull hei mi hewwen, ic<sup>12</sup> wull em äwer nich bedreigen,<sup>13</sup>  
denn wenn Du un Bader in Zug Gaudheit mi't of  
nich seggt hewwt, wo dat mit uns steiht, un dat wi  
arm Lüd' worden sünd, so heww ic<sup>14</sup> dat doch lang  
markt. Nu weiten't<sup>15</sup> de Lüd' so tämlisch<sup>16</sup> all, un  
wenn nu Ein künmt un will mi heww'n, denn will  
hei mi un nich dat Geld, un't is jo möglich, dat  
hei de Rechte is."<sup>17</sup> Un dormit stunn sei up un  
namm ehr Neihgeschirr tausam un küßt ehr Mudding:  
„Gu'n Nacht, Mudding!"<sup>18</sup> un gung in ehr Slap-  
kamer.<sup>19</sup> De Möllerfru fatt noch 'ne Lidlang still in

1) guckte. 2) Löchterchen. 3) etwas. 4) vom Herzen genommen.

5) Euch verlassen. 6) Einer, man. 7) anhielt. 8) betrügen. 9) wissen's.

10) ziemlich. 11) Schlaftammer.

Gedanken un sätz: „Recht hett sei, un uns' Herrgott  
mag Allens taum Besten regiren!“ — Sei gung ok  
tau Bedd, un Allens lag in deipe Rauh;<sup>1</sup> blot de  
Mähl, dei dreicht sich ahn Rauh un Rast un klappert  
un jog,<sup>2</sup> un de Arm grepen<sup>3</sup> nah links un nah rechts in  
wille<sup>4</sup> Hast, as en Minsch, dei in drange Noth sitt  
un arbeit'st sich af un quält sich, dat hei 'ruter lamen  
müggut den Stoff<sup>5</sup> von dat dägliche Gewarb;<sup>6</sup> un  
von dat Mählrad leckt dat Water 'run, as wir't de  
bittersure Sweit,<sup>7</sup> un deip un'n in'n Grun'n,<sup>8</sup> dor  
rauscht de Bæk<sup>9</sup> mit einerlei Red' un mit einerlei  
Sang: „Dat helpt di nich! Dat helpt di nich! Zäf  
hün din Hart. So lang icf fleit<sup>10</sup> mit Well up Well,  
mit Wunsch up Wunsch, so lang hest du kein Rauh.  
Wenn de Lust<sup>11</sup> äwer kümmt un dat Kurn ript,<sup>12</sup>  
denn ward min Strom fächter fleiten,<sup>13</sup> denn mäkt de  
Möller dat Schütt<sup>14</sup> tau, denn steiht Allens still, un  
denn is't Sünndag.“

---

1) in tiefer Ruhe. 2) jagte. 3) grissen. 4) wild. 5) Staub.  
6) Gewerbe. 7) Schweiß. 8) tief unten im Grunde. 9) rieselt (vergl.  
Kunst), rauscht der Bach. 10) fließe. 11) August. 12) reift. 13) fließen.  
14) Schoß.

## Dat drüdde Kapittel.

Worüm Fritz Sahlmann 'ne Mauschelle<sup>1</sup> triggt, um de Uhrkenmaker de ganze Nacht mit Mamsell Westphalen ehr Gardinenbeddstell in de Stuw herümmer führt, um worüm de französche Oberst in 'ne rode Bedddeck bi den Uhrkenmaker taum Besäuf kümmt.

As de Möller den Slohweg dalführt<sup>2</sup> was, gung de Herr Amtshauptmann nah sin Stuw tau, führt äwer wedder üm, gung up Herr Droi'n los un frog: „Wat hün ic̄ Sei schüllig,<sup>3</sup> min leiw Droz?“ — Na, dei säd nu so gaud as hei kunn: hei hadd dat girn dahn, denn die Allemange sei nun seine Patrie, un hei wir tuh för de Patrie. — „Dat mein ic̄ nich，“ säd de oll Herr, „ic̄ mein för min Taschenuhr, dei Sei mi t'recht makt hewwen.“ — Dat wir Allens betalt,<sup>4</sup> säd Herr Droz, die kleine Garßong, die Fritz Sahlmann, hadd Allens richtig makt. — „Dat weit ic̄ woll，“ säd de oll Herr, „äwer min leiw' Droz, einen Uhrmaker möt Einer nich blot dorför betalen, dat hei an de Uhr wat makt hett, ne, of dorför, dat hei dor nicks an makt hett, un wil Sei dit nich dahn hewwen, dorüm hir, min leiw' Droz,“ un drückt em zwei Daler in de Hand un gung in't Hus.

„Na,“ säd Mamsell Westphalen, „lat em gahn! Hei is en ollen wunderlichen Heiligen; äwer hei meint dat gaud. Äwer, Herr Droi, nu kamen S' mit 'rin un däuen S' sick en beten up<sup>5</sup> in min Stuw, denn bi

1) Mauschelle. 2) herunter gefahren. 3) schuldig. 4) bezahlt.  
5) thauen, wärmen Sie sich ein Bläschchen auf.

dit oll grusig Weder<sup>1</sup> kann Einen de Seel in'n Liew  
friren warden.<sup>2</sup> Herr Droi gung of mit, un as sei  
sich knapp dal set't<sup>3</sup> hadden, kamm Fritz Sahlmann  
herin mit den Franzosen sinen Pird'swanz up den Kopp  
un den blanken Säbel in de Hand un hadd sich in alle  
Geswindigkeit en Snurrbort mit en Lichtäsel<sup>4</sup> makt.  
Swabb! hadd hei einen von Mansell Westphalen ehr  
Ort an de Uhren: „Ullenspeigel!<sup>5</sup>“<sup>6</sup> un sei ret em den  
Blackpott<sup>7</sup> von den Kopp un den Säbel ut de Hand  
un stellt sei achter ehr Bedd: „Ullenspeigel! An so'n  
Abend, wo wi All in Nöthen sitten, willst Du Din  
Hanswurstenstreich maken? — Gah leiwerst<sup>8</sup> 'runner  
nah Herr Droi'n sine leive Fru un en Kumpelment<sup>9</sup>  
von mi, sei füll sich nich ängsten, Herr Droi wir bi mi  
in min Stuw, un Gefohr hadd dat hir gor nich.“

Fritz Sahlmann geiht, un nu sitten sei dor un  
vertellen<sup>8</sup> sich von ollen un nigen Tiden;<sup>9</sup> dat heit, wat  
Herr Droi vertellt, dat versteiht Mansell Westphalen  
man führ sicht, un wat Mansell Westphalen vertellt,  
dat versteiht Herr Droi nich recht. „Er sein bong!“  
seggt Droi un klimpert mit de beiden Dalers in de  
Hand herüm. „Ja woll,“<sup>10</sup> seggt Mansell West-  
phalen, „sünd sei gaud. — Meinen Sei, dat de Herr  
Amtshauptmann Sei falsch Geld gewen ward?“<sup>11</sup> —  
„Ah, nicks falsch Geld! Ich meinen ihn Lüi mehm,“  
seggt Herr Droi un wis't mit den Finger nah haben.<sup>10</sup>  
— „Ah so, Sei meinen den Herrn Amtshauptmann!  
Ja woll is hei bong, äwer je öller<sup>11</sup> hei ward, je  
wunnerlicher ward hei, denn hei makt de Nacht taum

<sup>1</sup>) graufiges Wetter. <sup>2</sup>) nieder gesetzt. <sup>3</sup>) glimmender, abgebrannter  
Lichtdocht. <sup>4</sup>) Eulenspiegel. <sup>5</sup>) verächtlich für Hut. <sup>6</sup>) lieber. <sup>7</sup>) Com-  
pliment. <sup>8</sup>) erzählen. <sup>9</sup>) von alten und neuen Zeiten. <sup>10</sup>) nach oben. <sup>11</sup>) älter.

Dag, Herr Droi. Seihn S', dor möt ic nu sitten un möt braden un rösten in de Nacht herin, denn hei ett<sup>1</sup> sin Abendbrod irst Nachts Klock elwen,<sup>2</sup> un't ward ok woll twölv;<sup>3</sup> un wenn dat leiw Eten verdrögt un verbrad't<sup>4</sup> is, denn schellt<sup>5</sup> hei, un de Fru Amtshauptmannen is man sihr weikmäudig<sup>6</sup> un kriggt denn dat Rohren.<sup>7</sup> Denn segg ic: „Fru Amtshauptmannen, wat hulen<sup>8</sup> S'? Känen wi dorför, dat hei lewt as en Unchrist? — Laten S' dat Hulen, wi hewwen en gaud Gewissen!“ Äwer, Herr Droi, dat is en swor Stück för mi, hir tau sitten as 'ne einsame Person un tau-tauhüren,<sup>9</sup> wo de Stormwind üm dat Sloß 'rümmer brus't, de Regen anklöpppt an de Finstern, de Ulen<sup>10</sup> schri'n un de Togwind<sup>11</sup> dörch de Gäng' hult, as wiren de bösen Geister los. — Nu hüren S' blot, wat is dat wedder för en Weder! — Herr Droi, Sei grugen<sup>12</sup> sic woll gor nich?“ — „Ah, nong,“ seggt Herr Droi, sitt äwer still un horkt nah dat Weder 'rut un seggt endlich: „Altangdeh, dü Tonnähr!“ — „Wat Pommidetähr?“ — fröggt Mansell Westphalen, „wat hett dat Weder in dese Zohrstid mit de Lüsten<sup>13</sup> tau dauhn?“ — „Ich meinen nich die kleine Garßong mit die graue Szak, ich meinen“ — un hei rückt mit den Finger krüz un quer in de Luft — „ich meinen der helle Szak — Szak mit Rumpel, Pumpel, Rattetetah.“ — „Denn hewwen Sei Recht, Herr Droi,“ seggt Mansell Westphalen, „denn buten<sup>14</sup> geiht dat würflich: Rumpel, Pumpel, Rattetetah.“ —

1) ist. 2) elf Uhr. 3) zwölf. 4) vertrocknet und verbraten.  
5) schilt. 6) von weichem Gemüth. 7) Weinen. 8) Heulen. 9) zuzuhören. 10) Eulen. 11) Zugwind. 12) grauen. 13) Kartoffeln.  
14) draußen.

„Ah,” seggt Herr Droi, „das sein deh Tambur, das sein meine Kamerad, die Grenadier,” un sprung up un marschirt up un dal<sup>1</sup> mit de Borenmütz up den Kopp, denn hir was’t hoch naug<sup>2</sup> dortau, un stunn denn wedder still: „Hork! Sie marschir auf die Marsché, auf die Markt!” un „Hork! Das sein die grang Kanong, die swere Geßütz!” Un Mamzell Westphalen sitt dor un hett de Hän’n in den Schot<sup>3</sup> un lädt em an un schüddelt mit den Kopp, un seggt: „Wo dat doch einmal insitt! Hei ‘s füß<sup>4</sup> en ordentlich Minsch, üm wat stellt hei sic<sup>c</sup> denn nu so wüthig an? ‘E is as mit de ollen Fuhrlüd’, wenn sei nich mihr führen känen, mägen sei noch ümmer klappen.”<sup>5</sup>

Un’t woht<sup>6</sup> nich lang’, dunn tünnit Bewer Stahlisch<sup>7</sup> in de Dör ’rin — dat was Mamzell Westphalen ehr dägliche Alportendräger<sup>8</sup> un Apostel, dei drog ehr dat Nige<sup>9</sup> ut de Stadt tau, un för jeden Mund vull Neiglichkeiten,<sup>10</sup> den’n sei ‘rup drog up’t Sloß, drog sei en Henkelpott<sup>11</sup> vull Eten<sup>12</sup> wedder ’raf — hadd den Rock äwer’n Kopp namen un leckt, as ‘ne Dachrönn,<sup>13</sup> schüddelt sic<sup>c</sup> irst en pormal un säd dunn: „Brr, wat is’t för’n Weder!” — „Dat is dat, Fru Meistern,”<sup>14</sup> säd de Mamzell — sei nennt sei ümmer „Fru Meistern”; „nich üm Stahlisch ehrentwillen,”<sup>15</sup> säd sei, „„ne, üm minentwillen, denn wat würden de Lüd’ dortau seggen, wenn ic<sup>c</sup> mi mit en gewöhnlich Frugensminsch afgew<sup>16</sup> — ne! ic<sup>c</sup> heww ok minen Stolz!”<sup>17</sup> — „Mamzelling,” säd de Fru Meistern, „ic<sup>c</sup> kam

1) auf und ab. 2) genug. 3) Schoß. 4) er ist sonst. 5) mit der Peitsche knallen. 6) währte. 7) d. h. die Frau des Webers Stahl. 8) Zuträger. 9) das Neue. 10) Neiglichkeiten. 11) Henkelpf. 12) Essen. 13) Dachrinne. 14) abgabe.

'rupper: up den Mark grimmelt<sup>1</sup> un wimmelt dat vull Franzosen, un hewwen en groten Hümpel<sup>2</sup> Kanonen mitbröcht, un de Burmeister hett nah minen Mann schickt, dei fall in dit Weder un in de düster Nacht up de Dörpe<sup>3</sup> 'rumlopen, un fall de Buren un de Häw<sup>4</sup> tau Fuhrwerk bestellen up morgen Middag, un passen S' up, Sei kriegen of Enquartirung." — „Dat weit de leiw Gott!" seggt Mansell Westphalen un geiht an de Dör un röppt Corlin un Fif,<sup>5</sup> sei sälen Füer in de blag'<sup>6</sup> Stuw maken neben ehr an un sälen zwei Bedden uprichten, denn de Düwel würd bald so'n grotmüligen<sup>7</sup> französchen Obersten un so'n hawwerig<sup>8</sup> Krät<sup>9</sup> von Adjutanten den Sloßbarg 'rup karen,<sup>10</sup> un dreicht sic üm tau ehr Gesellschaft un seggt: „dor känen sei liggen; un wenn dat Späuf<sup>11</sup> in de blag' Stuw en christlich Späuf is, denn warden sei just nich vel Rauh<sup>12</sup> finnen in de Nacht, un dat günn<sup>13</sup> idk ehr. Denn, Herr Droi," seggt sei, „hir neben an späuft<sup>14</sup> dat, glöwen Sei of an Späuf?" — Herr Droi seggt: „Ne," un't ward mitdewil buten en Upstand,<sup>15</sup> un as Mansell Westphalen 'ruter lädt, kümmt richtig en französchen Oberst mit sinen Adjutanten 'rinner in de Husdör un en por Ordonnazen folgen achter d'rin. Sei warden in de blag' Stuw bröcht,<sup>16</sup> wo sei sic drög antreden,<sup>17</sup> un gahn dunn 'rup nah'n Herrn Amtshauptmann un eten<sup>18</sup> dor Abendbrod.

Wildef sitt Herr Droi deip<sup>19</sup> in Gedanken un hei seggt einmal äwer't anner: „Diabel!" un

1) trümmelt. 2) Haufen. 3) Dörfer. 4) die Bauern und die (Söhne der) Hölle. 5) Caroline und Sophie. 6) blau. 7) großmäulig. 8) bissig zankend. 9) boshaftes Männchen (von Kröte). 10) karen. 11) Spuk. 12) Ruhe. 13) gönne. 14) spukt. 15) Aufstand, Lärm. 16) gebracht. 17) trocken anziehen. 18) essen. 19) tief.

„Dianger!“ un as sei em fragen, kümmt hei endlich dormit 'rut: hei wir in grote Swulitäten,<sup>1</sup> un't kün̄n̄ sin Unglück sin, denn wenn hei mit sin Mondirung un de Borenmütz un Obergewehr un Unnergewehr ut de Stuw güng un dörch de Straten, kün̄n̄ em de Ordonnanz seih̄ oder ein von de franzöſchen Wacht-posten oder so'n Ströper<sup>2</sup> von Franzoſ', un sei kün̄n̄ em fragen: wo so? un woans?<sup>3</sup> un wenn hei denn nich Hals gewen<sup>4</sup> kün̄n̄, kün̄n̄ de Düwel sin Spill<sup>5</sup> herw̄n un de Geschicht von hüt Nahmiddag kün̄n̄ 'ruter kamen, un wat d e n n ? — „Herr Droi,“ seggt Mamfell Westphalen, „dat is en slimm Stück! Den Slüngel, den Fritz Sahmann sin Tüg<sup>6</sup> kün̄nen Sei nich antrecken, denn wenn Sei ok Ehr leiw' Middelstück dorinner premfen<sup>7</sup> wullen, wo bliwen de En'n ? — Un von den Herrn Amtshauptmann sin Tüg? Ne, Herc Droi, verlangen S' nich von mi so 'ne Undaht, denn dat wir jo, as füll ic̄ mit eigne Hand dat Sloß ansticken.<sup>8</sup> Un anner Mannslüd' herwwen wi, Gott sei Dank, nich hir. — Äwer Herr Droi, Sei herwwen uns hüt Nahmiddag ut grote Noth redd't, un dorüm redd ic̄ Sei wedder. Ehr Fru weit, dat Sei hir haben<sup>9</sup> unner Christenminſchen ſünd; Sei sälen def' Nacht in min Gardinenbeddstäd' ſlapen, ic̄ legg Sei frisch Laken up, un ic̄ ſlap bi dat Stubenmäten. Fru Meiftern, kamen S'!“ dormit geiht sei ut de Dör,<sup>10</sup> un't woht nich lang', dunn kümmt sei wedder 'rin un deckt frisch Laken äwer dat Bedd un fröggt wedder: „Herr Droi, grugen<sup>11</sup> Sei ſic̄ ok?“ — Herr Droi

1) Röthen. 2) Herumstreicher. 3) wie so und wie denn? 4) Aus-kunft geben, Rede stehen. 5) Spiel. 6) Zeug. 7) preßen. 8) anstecken, anzünden. 9) oben. 10) Thür. 11) grauen.

seggt wedder: „Ne,” un sei seggt: „Dat is schön!  
denn männigmal geiht dat hir nebenan up ‘ne sonders-  
hore Ort üm, „tap! tap! tap!” äwer hir kümmt dat  
nich ‘rinner, ik heww en Haufisen up min Dör nageln  
laten.<sup>1</sup> — Nu hür mal Einer! Nu hür mal Einer!  
Nu gahn de Franzosen hir bian<sup>2</sup> of tau Bedd. Nu  
hür mal Einer dat Gesnater!<sup>3</sup> Herr Droi,” fröggt  
sei lis, „känen Sei dat All verftahn?<sup>4</sup> — „„Wui,”“  
seggt Herr Droi. — „Ic glöw’t,” seggt sei, „denn de  
Wand is sihr dünn. Dit was irst<sup>4</sup> ‘ne grote Stuw,  
nu sünd dor äwer twei ut maakt worden. — Na, gu’n  
Nacht of, Herr Droi! Fru Meistern, kamen S’!<sup>6</sup> —  
Herr Droi seggt of sin gu’n Nacht up Französch, führt  
äwer ut, as hadd hei noch wat up den Harten,<sup>5</sup> wat  
hei nich seggen künnt, oder nich seggen müggt, un  
Mamsell Westphalen seggt sachten<sup>6</sup> tau de Fru Meistern:  
„Fru Meistern, Sei sünd ‘ne verfrigte<sup>7</sup> Fru, för mi  
paht sick dat nich, seggen S’ den Mann Bescheid,” un  
geiht. As sei furt is, geiht de Uhrkenmaker mit de  
Fru Meistern of ‘rut.

As sei All ’rut sünd, dunn wutschit wat äwer den  
Gang, wo de Nachtlamp brennt, in Mamsell West-  
phalen ehr Stuw herin, dat is de Spitzbauwen-Zung’,  
de Frix Sahlmann, un hett unner’n Arm en groten  
Klumpen Eis,<sup>8</sup> as en Hautköppel<sup>9</sup> grot, un as ‘ne  
Katt<sup>10</sup> springt hei up de Beddlad<sup>11</sup> von Mamsell West-  
phalen ehr grot Gardinenlutsch in de Höcht<sup>12</sup> un leggt  
den Eisklumpen haben<sup>13</sup> up den Himmel von dat Bedd-

1) ein Hufeisen auf die Thür(schwelle) nageln lassen, gilt als Mittel gegen allerlei Unheil. 2) bian. 3) Geschnatter. 4) erst, früher. 5) auf dem Herzen. 6) leise. 7) verfreitet, verheirathet. 8) Eis. 9) Hukkopf. 10) Kätz. 11) Bettgestell. 12) in die Höhe, hinauf. 13) oben.

gestell un seggt tau sic<sup>t</sup>: „Täuw,<sup>1</sup> du olle Racker! Dit  
is för de Müllschellen, dei ic<sup>k</sup> kregen heww; dit fall  
di de upstigende Hiz woll käulen,”<sup>2</sup> un dormit wutsch<sup>t</sup>  
hei wedder 'rut ut de Dör.

Herr Droi kümmt nu of wedder 'rin, treckt<sup>3</sup> sic<sup>t</sup>  
ut, leggt „la grang Nationg“ vör't Bedd up den Staul,  
pust' dat Licht ut un leggt sic<sup>t</sup> dal, reckt sic<sup>t</sup> in dat  
schöne, weike Bedd lang ut un seggt: „Ah! Szeh  
hong!“, horkt nu up den Storm buten<sup>4</sup> un up den  
Regen, wo dei dal gütt,<sup>5</sup> un up dat Resonniren von  
de beiden Franzosen nebenan, doch endlich hört dat  
Szackeriren up, un Herr Droi is grad so twisch<sup>n</sup>  
Slapen un Waken,<sup>6</sup> dunn geiht dat: tap — tap — tap.  
„Haha,“ denkt Herr Droi up Französch, „dat is dat  
Späuk hir nebenan!“ un horkt nu, wat sin Landslüd'  
woll dortau seggen warden. Dei liggen ganz still;  
äwer tap — tap — tap geiht dat ruhig wider, un nu  
is dat Herr Droi'n, as wenn't in sin Stuw is. Ja,  
in sin Stuw is't, un wenn't in sin Stuw is, denn  
is't in de Dör<sup>7</sup> 'rinner kamen, wo süll't füs<sup>8</sup> 'rin  
kamen sin? Hei grippt<sup>9</sup> also nah einen von sin  
Schauh<sup>10</sup> un smitt nah de Dör hen, bauß! föhrt<sup>11</sup> de  
Schauh gegen de Dör, un up den Gang bullert dat,  
as wenn't Gewitter inflagen hadd. De Franzosen  
nebenan fangen an sic<sup>t</sup> tau rögen<sup>12</sup> un reden mit  
enanner. Bald is dat indeß wedder still; äwer tap —  
tap — tap geiht dat wedder dicht bi Herr Droi'n sin  
Bedd. Herr Droi rich't sic<sup>t</sup> in En'n<sup>13</sup> un bögt<sup>14</sup> sic<sup>t</sup>

---

1) warte. 2) kühlen. 3) zieht. 4) drausen. 5) herunter zieht.  
6) Schlaßen und Wachen. 7) Thür. 8) sonst. 9) greift. 10) Schuhe.  
11) fährt. 12) führen. 13) in die Höhe. 14) biegt.

vöräwer, üm heter hüren tau känen, — klatjch! — föllt em en Druppen<sup>1</sup> up den kahlen Kopp — un klatjch! — noch ein up de krumme Näs', un as hei vör sich hengrippt, dunn fäult hei, dat sin Überbedd<sup>2</sup> so bi Lütten<sup>3</sup> anfangt dörchtauweiken.<sup>4</sup> „Diangter!“ seggt hei, „dat Dach<sup>5</sup> is nich dicht, un dat leckt dörch den Bän.<sup>6</sup> Wat nu?“ hei verföllt natürlich glif up dat vernünftigste Mittel, up wat en Minsch in jo'n Ümstän'n verfallen kann, hei will mit sin Bedd ümtrecken; hei steiht also up un fangt mit de olle swere Beddlad' t'Gus den Kopp<sup>7</sup> an tau schurren, denkt äwer nich an den Franzosen sin Kaskett un Säbel, dei in de Eck stahn, un — heft nich gesehn — schurrt dat an de Wand entlang un klappert un rummelt up den Fautbodden<sup>8</sup> dal. Herr Droi verfirt sich<sup>9</sup> nich slicht un steiht un horft, un — richtig! — de beiden Franzosen sünd upwält<sup>10</sup> von den Spektakel un schellen un futern.<sup>11</sup> hei denkt äwer, dat mag jo woll hulpen<sup>12</sup> heww'n, un krüpppt<sup>13</sup> in't Bedd. Nu was de oll Ischlumpen äwer all schön dörchdäu't<sup>14</sup> un dat pirrt<sup>15</sup> natürlich in dat Bedd herin; hei liggt 'ne Wil, äwer dat löppt ümmer düller,<sup>16</sup> dat ward em all so läulhaftig,<sup>17</sup> dat Water sleiht all dörch, un hei denkt — natürlich up Französch —: „Nu slapen s' woll. Wenn du dat Fauten'n<sup>18</sup> nu so nahbringen künfst, denn müggst du jo woll von de Leck loskamen;“ steiht up un rückt dat Fauten'n los, — hauz! — föllt sin Obergewehr de

1) Tropfen. 2) Überbett. 3) bei Kleinem. 4) durchzuweichen.  
5) Dach. 6) Boden, Zimmerdecke. 7) am Kopfende. 8) Fußboden.  
9) erschrickt. 10) aufgewacht. 11) schelten und schimpfen. 12) geholfen.  
13) kriecht. 14) durchgehauen. 15) bezeichnet den Ton des schnell herablauffenden Wassers. 16) toller, ärger. 17) fühl. 18) Fußende.

Wand entlang up den Fautbodden, un hett dat iſt  
nich knallt, denn knallt dat nu.

Dor stunn nu de arm Uhrkenmafer un het<sup>1</sup> sick  
up de Lipp un kau't sick up de Nägel un höll<sup>2</sup> de Lust  
an, as wenn sin Athenhalen de Franzosen upweden  
künn, dei nebenan all lud'half<sup>3</sup> schimpten un schandirten  
un „Szilangz!“ repen un an de Wand kloppten. „Kö  
fähr?“ säd hei up Franzöſisch vör sick hen. „De iſte  
Mod möt kihrt<sup>4</sup> warden, as dat oll Wiw<sup>5</sup> säd, duun  
slog s' denn Backeltrog intwei un maakt dat Sürwater<sup>6</sup>  
dormit heit,“ krop<sup>7</sup> in dat Bedd un säd: „Gott sei  
Dank! Nu bün ic̄ ut de Leet.“ Hei was äwer ut den  
Regen in de Drupp<sup>8</sup> kamen, denn — strull! — göt<sup>9</sup>  
dat 'runner von den Bän — strull! — göt dat in  
dat Bedd herin. Em würd ganz kolt un waterig<sup>10</sup> tau  
Maud', as wir hei 'ne Pogg<sup>11</sup> in Frühjohrstdid. —  
Dat hülp<sup>12</sup> em Allens nich, hei müht wedder 'rut un  
müht wedder ümtreden; äwer lising,<sup>13</sup> dat hei nicks  
ümfstoßen ded.<sup>14</sup> Hei treckt in de ein Ee, dor was't dech  
vörher drög<sup>15</sup> west, hei treckt in de anner Ee, dor  
was't doch of drög west, un so führt hei de schöne  
lange Nacht mit de Gardinenkutsch in de Stuw ümmer  
rund herüm, lising, ganz lising, äwer wo hei henkamm,  
was of de Leet.

So stunn hei denn nu in'n blanken Hemd midden  
in de Stuw un sünne<sup>16</sup> un sünn, wo dit woll wir, un  
wo dat woll wir, un slog sick endlich up Franzöſisch mit  
de Hand vör'n Kopp un säd: „Zä Schapskopp!“ denn

1) biß. 2) hielt. 3) aus vollem Halse. 4) gefehrt. 5) Weiß.  
6) Wasser zum Säuern des Brotes. 7) kroch. 8) Traufe. 9) goß.  
10) wässerig. 11) Grosch. 12) half. 13) leise, adv. 14) umstoße. 15) trocken.  
16) saam.

em was en Licht upgahn. Dat heit in'n Kopp, denn  
in de Stuw was't düster, un Licht müft hei doch  
hewwen. hei stek<sup>1</sup> sich also lising 'rut up den Gang  
un — richtig! — dor brennt ok de Lamp noch; hei  
stek<sup>1</sup> sin Licht an, gung t'rügg,<sup>2</sup> lücht't nah den Bedd-  
himmel 'rup, sach dor wat haben<sup>3</sup> liggen, säd: „Ah,  
Cannalje!“, steg up de Beddlad', kunn't äwer nich  
langen. hei reckt sich nah Möglichkeit un grawwelt<sup>4</sup>  
up den Ischlumpen 'rum, dei was äwer tau gliwferig,<sup>5</sup>  
hei let sich nich faten.<sup>6</sup> Parblöh! Einen halwen Zoll<sup>7</sup>  
länger! hei leggt sich mit aller Gewalt in't Geschirr  
— knack! — seggt de Himmel, un Himmel un Is-  
chlumpen un Droi, Allens föllt gegen de Franzosen ehr  
Wand, un dor liggt Herr Droi unner de unschülligen  
witten Gardinen un ampelt mit de nakten Beinen in  
de Lust herüm, as kunnen dei vertellen,<sup>8</sup> wo ehren  
Herrn tau Maud' was.

Mit einmal geiht de Dör up, un herinner kümmt  
de französche Oberst un hett sich gegen de Verküllung<sup>9</sup>  
'ne rode wullin'tlinnen<sup>10</sup> Bedddeck ünnamen un höllt  
'ne duwwelköpig Pistol vör sich hen, un achter em  
steiht mit en blanken Degen un süss<sup>11</sup> noch mit allerlei  
Blanks sin Adjudant. — Herr Droi rappelt sich ut den  
Himmel 'rut, stülpt sich de Borenmüz up den Kopp,  
richt't sich steidel in'n En'n,<sup>12</sup> leggt de Hand an de  
Müz un seggt: „Beng Swar, mong Colonel!“ —  
De Oberst, dei kückt em an, de Adjudant kückt den  
Obersten an, sei hüren, dat sei mit en Franzosen tau  
dauhn hewwen, sei seihn de swarten Stifeletten un de

1) stedte. 2) zurück. 3) oben. 4) griff hin und her. 5) gliwferig,  
schlüpferig und glatt. 6) fassen. 7) Zoll. 8) erzählen. 9) Erklärung.  
10) aus Wolle und Leinen gewebt. 11) sonst. 12) steil, gerade in die Höhe.

ganze „grang Nationg“ vör dat Bedd liggen, sei seihn Obergewehr un Unnergewehr, un — wat düller<sup>1</sup> is, as dull — sei seihn den Säbel un den Pird'swanz von den Schäffür. Wat heit dit? un wat fall dit? — Herr Droi stamert<sup>2</sup> up sine Ort wat taurecht, Herr Droi fangt an von Marengo un Zena tau vertellen, Herr Droi fangt an tau leigen,<sup>3</sup> Herr Droi lüggt<sup>4</sup> wunnerischön, man schad', sei glöwen em nich. In de Stuw un up den Gang ward dat en Höllenalarm, de Oberst schellt<sup>5</sup> Herr Droi'n för en Dissentür<sup>6</sup> un en Marodür, de Adjudant röppt äwer de Ordonnazen; de Ordonnazen störten<sup>7</sup> von de ein Sid' von den Gang in Hast un kerten Tüg'<sup>8</sup> vör, as wir wer in't Water fallen un sei wullen em nahspringen, ahn sick de Hosen natt tau maken; von de anner Sid' rückt Mansell Westphalen mit dat Stubenmäten un de Käfisch<sup>9</sup> vör un hett 'ne grote Stalllücht<sup>10</sup> in de Hand, süss äwer man<sup>11</sup> in sihr bedrängten Kledungsümstän'n. Sei höllt sick de Hand vör de Ogen, as wir sei ganz blen'nt von de Stalllücht, un äwer ehr Schuller kift de Stubendirn un seggt tau de Käfisch: „Herre Ze, doch! kif Korlin . . . .“ — „Schäm Di wat,“<sup>12</sup> seggt Mansell Westphalen, „„wat fall sei kiken? Wat hest Du tau kiken? Un wat is hir tau kiken? — Wi fünd hir wegen dat unchristlich Wesen bi Nachtslapentid, un wil dat Herr Droi'n sin Stimm ut Ängsten un Nöthen tau uns raupen<sup>13</sup> hett. Un nu dreicht Zug üm!“<sup>14</sup> — De beiden Dirns un Mansell Westphalen dreihn sich nu üm un wisen de Franzosen ehr Rüggfid',<sup>15</sup> un de

1) ärger. 2) stottert. 3) lügen. 4) lügt. 5) schilt. 6) Deserteur. 7) stürzen. 8) in kurzem Zeuge. 9) Stubenmädchen und Köchin. 10) Stalllüchte. 11) sonst aber nur. 12) gerufen. 13) Rückseite.

Mansell seggt: „Herr französche Oberst, wat fall dit? wat is dit? un wat bedüd't<sup>1</sup> dit? Wat laten Sei Herr Droi'n nich in min Stuw ruhig slapen? Dit is en christlich Hus un en ruhig Hus, un so'n Upstand sünd wi hir nich gewennt.“<sup>2</sup> Un set't halwlud' för sick hentau: „Ein von't oll Takeltüg<sup>3</sup> ward mi jo woll verstahn.“<sup>4</sup> — De französche Oberst lädt sick an, wo hei dor steiht in sin rod' Deck, un denn Herr Droi'n mit de Borenmütz up den Kopp un sinen spurrbeinigen<sup>5</sup> Adjudenten, wo dei herümmer hüppen<sup>6</sup> deih in sinen Zwer,<sup>6</sup> un Mansell Westphalen ehr breide Achtersid',<sup>7</sup> un dat Ganze kümmt em so narsch<sup>8</sup> vör, dat hei lud' anfangt tau lachen, un hei seggt up gaud Dütsch: sei füll man wider reden, hei kunn ehr gaud naug<sup>9</sup> verstahn, denn hei wir en Dütscher, hei wir en Westphal. — „So schriw ic̄ mi ok!“<sup>10</sup> seggt Mansell Westphalen. — De Oberst lacht un seggt: hei wir blot en Westphal, heiten ded hei „von Toll“. — Mansell Westphalen malt en deipen Knicks von achter: „Um Vergebung tau fragen: sünd Sei villicht 'ne Fründschaft<sup>10</sup> von den Herrn Postmeister un Gastwirth Tollen hir unnen in de Stadt?“<sup>11</sup> — Dat nich! säd de Oberst; äwer em würd' nahgrad'<sup>11</sup> friren; de Ordonnazen füllen bi Herr Droi'n bliwen, denn hei würd' woll'n französchen Dissentür sin, un sei füllen ok nahforschen, wo de französche Schassür blewen wir, den'n Säbel un Kaskett hüren ded.<sup>12</sup> — Herr Droi sünd nu wedder an tau leigen,<sup>13</sup> un Mansell Westphalen schäunt sick in sine Seel un dreiht sick in'n

1) bedeutet. 2) gewohnt. 3) Lumpengesindel. 4) dummbeinig.  
5) hüpfen. 6) Eiser. 7) Hinterseite. 8) närrisch. 9) gut genug. 10) Freund-,  
Verwandtschaft. 11) nachgerade, mittlerweile. 12) gehörten. 13) lügen.

Arger 'rüm un seggt: „Schämen S' sick, Herr Droi,  
den Lehnstaul för't Öller<sup>1</sup> mit Slichtigkeiten tau  
pulstern,<sup>2</sup> dat giwvt en hart Küssen<sup>3</sup> för't Gewissen.  
Un schämen S' sick, Herr Droi, wecke<sup>4</sup> anständig  
Mannsminsch set' sick irft de Mütz up un treckt sick  
nahft irft<sup>5</sup> de Hosen an!“ Dreicht sick üm, un as sei  
gewohr ward, dat dat Stubenmäten sick of ündreicht  
hett, giwvt sei ehr en lütten Fuck<sup>6</sup> in de korten  
Ribben un seggt: „Dumme Dirn!“ un makt wedder  
en deipen Knicks von achter un seggt: „Mine Empfehlung,  
Herr Oberst von Toll!“ un marschirt mit de  
beiden Dirns af. De Annern gungen of, un bald  
wird denn Allens still, un de Herr Amtshauptmann  
hadd kein Ahnung dorvon, wat in sinen Hus' passieren  
ded, denn hei slep<sup>7</sup> den Slap des Gerechten.

---

### Dat virke Kapittel.

Woans den Möller den annern Morgen tau Maud' was;  
worüm Friedrich de Möllerfrau as de Slang' ut den Paradies-  
goren vörkamm, un worüm Fiken de Meinung is, dat  
Sochen Vossen sin Sähn von Gott schickt is.

Den annern Morgen was Möller Vossen tau  
Maud', as hadd hei'n halv Dutzend Sparlings in den  
Kopp un snappten dor nah Brümmers,<sup>8</sup> nich blot von  
wegen dat swer Gedränk von gestern Abend, ne, in de  
Hauptsaal von wegen den Franzosen. „Mudder,<sup>9</sup> säd  
hei, as hei sick de Stäweln antog,<sup>9</sup> un wiwalt<sup>10</sup> mit

1) Alter. 2) polstern. 3) Küssen. 4) welcher. 5) nachher erst.  
6) Stoß. 7) schließt. 8) Brummfliegen. 9) anzog. 10) wiegte.  
6\*

den Kopp so hen un her un kek so wiß<sup>1</sup> in de Stäwel-schächt 'rinner, „Rodwin is des Abends 'ne schöne Sal,  
äwer des Morgens kümmt hei mi of man so vör, as  
Bramwin un Brunbir.<sup>2</sup> Indeſſen, kümmt Ein äwer'n  
Hund, kümmt hei of äwer'n Swanz; dat is blot mit  
den Franzosen! — in't Krett<sup>3</sup> hett hei legen, un  
Fridrich möt weiten, wo hei blewen is.“ — „Was-  
ding,“<sup>4</sup> seggt sin Fru, „lat dat; Fridrich möt jo  
kamen, denn't is Tid tau't irſte Frühstück.“<sup>5</sup> — De  
Möller geiht 'rin in sin Dönsel<sup>6</sup> un set't sich achter den  
Disch, wo de Mehlsuppschöttel<sup>7</sup> steiht, un langt mit  
den Läpel<sup>8</sup> tauirst in de Supp, un dorup langt Mudder  
tau un Fiken un taulekt de beiden Deinstdirns<sup>9</sup> —  
denn so was't dunn Mod, un von Koffe wüſt noch  
kein Möller wat.

De Möller ett un leggt den Läpel hen: „Wo  
Fridrich woll bliwst?“ Hei ett wedder un geiht an't  
Finster un röppt äwer'n Hof: „Fridrich!“ — Fridrich  
kümmert nich. — De Schöttel ward leddig, de Dirns  
dragen dat Geschirr 'rut, un de Möller seggt: „Wenn'd  
en Knecht meid't<sup>10</sup> heww, will'ct feinen Herrn in'n Hus'  
hewwen!“ un will eben 'rut un den Knecht up den  
Deinst passen, dunn kümmert Fridrich in de Dör herin  
un dröggt<sup>11</sup> wat unner'n Arm. — „Wo bliwst Du,  
Hallunk?“ fröggt de Möller. — „Möller,“<sup>12</sup> seggt  
Fridrich un treckt sin Klappmesser<sup>13</sup> ut de Tasch un  
klemmt dat unner'n Dörendrücker,<sup>14</sup> „wenn'n<sup>15</sup> Sei sich  
sp'ne Redensorten af, dat paſt sic̄ nich för Sei

1) fest (gewiß). 2) Branntwein und Braumbier. 3) Schößlelle (vache). 4) Stube. 5) Schüssel. 6) Löffel. 7) Dienstmädchen. 8) ge-miehet. 9) trägt. 10) Taschenmesser. 11) Thürdrücker (an der Klinke). 12) gewöhnen.

un nich för mi. — Wenn will Gäuſ<sup>1</sup> in de  
Luſt ſünd, is ſlicht Arwten ſei'n,<sup>2</sup> un wenn ſna-  
trige<sup>3</sup> Dirns in de Stuw ſünd, is ſlicht Geſchichten  
tau vertellen. Dorüm heww iſt ſo lang täuwt,<sup>4</sup> bet  
de Dirns 'rut ſünd. Un hir!<sup>5</sup> seggt hei un ſmitt  
wat up den Disch, dat dat binnen<sup>6</sup> klimpert un flingt,  
„un hir, Möller Voß, is tworſ<sup>6</sup> nich de Voß<sup>7</sup> ſülfwſt  
un of nich ſin Fell, äwer ſin Fellifen!“<sup>8</sup> — „Wat  
fall dit?“<sup>9</sup> fröggt de Möller un föhrt in Haſt äwer  
den Mantelsack her un ſnallt de Reimſ<sup>8</sup> up. — „Wat  
dat fall?“<sup>9</sup> seggt Fridrich, „dat mägen Sei ſeggen,  
dat's nich min Sak. Min Deil heww iſt mi namen.“<sup>10</sup>

De Möller ſchüdd't<sup>9</sup> den Mantelsack äwer den  
Disch ut un en Pack ſülfwerne Läpel<sup>10</sup> felen 'rut un  
grotes Sülvergeld un ſchönes, rundes, geles<sup>11</sup> Gold,  
un 'ne lütt Schachtel kamm taum Wörſchin, un as de  
Möllerfrau dei apen<sup>12</sup> maken ded, dunn lagg dor King  
bi Uhrring,<sup>13</sup> un de gollen Keden<sup>14</sup> ſlügen<sup>15</sup> ſich dor-  
dörch as Slangen unner bunte Blaumen. „Gott be-  
wohr uns!“ ſchreg<sup>16</sup> ſei up un let de Schachtel fallen.

Fiken hadd dor stahn un Allens mit anſeihn, un  
de Hän'n läden<sup>17</sup> ſich äwer ehr Voſt,<sup>18</sup> un ehr Ogen  
würden gröter un gröter, un blaß as de Dod ſinet ſei  
ſich äwer den Disch un äwer den gollen un ſülfwernen  
Schatz un deckt de Arm doräwer un rep: „Dat is den  
Franzofen ſin! Dat is den Franzofen ſin! Dat is  
nich uns!“ Sei hört<sup>19</sup> den Kopf up un kek ehren  
Bader an un ſach ut, as hadd Ein ehr 'n Meß<sup>20</sup> in

1) wilde Gänſe. 2) Erbſen ſäen. 3) ſchwachhaft. 4) gewartet.  
5) hinwendig. 6) zwar. 7) Fuchs. 8) Niemen. 9) ſchüttet. 10) ſilberne Löffel.  
11) gelbes. 12) offen, auf. 13) Uhrring. 14) goldene Ketten. 15) ſchlangen.  
16) ſchrie. 17) legten. 18) Brust. 19) hob — auf. 20) Meſſer.

de Bost stött,<sup>1</sup> un de Dodesangst lagg up ehr Gesicht  
un sei säd: „Badding, Badding!“ — Un de oll Möller  
satt dor un schow<sup>2</sup> mit de Slapmütz up den Kopp  
herüm un kek sin Kind an un sin Angst un denn  
wedder dat blanke Geld, un mit einmai sprung hei up,  
dat hei binah den Disch ümstött<sup>3</sup> hadd, un rep: „Gott  
in'n Himmel, icke weit von nicks, icke weit nich, wo hei  
blewen is, hei lagg in min Krett,<sup>4</sup> dat weit icke!“ un  
ganz swack set't hei hentau: „Fridrich möt dat Awrig<sup>5</sup>  
weiten.“ — Fiken let dat Geld un sprung up Frid-  
richen in un schreg:<sup>6</sup> „Wo is de Franzos' blewen?“  
— Fridrich stunn ruhig dor un kek sei mit sin oll  
isern<sup>7</sup> Gesicht an un säd: „Gott bewohr uns, dat  
ward jo woll en ordlichen<sup>8</sup> Gerichtsdag? — Fiken!  
Fiken! Wo?<sup>9</sup> seih icke denn ut as en Röwer<sup>10</sup> un  
Mürder? — Den Franzosen heww icke mit min eigen Hand  
in'n Stemhäger Babenholt unner 'ne Bäuf<sup>11</sup> leggt, un  
wenn em de Nacht nich tau käul worden is, denn liggt  
hei noch dor as 'ne Rott,<sup>12</sup> denn hei was stiw dun.“<sup>13</sup>  
— „Dat was hei,“<sup>14</sup> seggt de Möller; un Fiken lädt  
Fridrichen an un ehren ollen Vader, dei ok up Frid-  
richen sin Red' horkt,<sup>15</sup> un seggt: „Fridrich, Fridrich!  
Wat kann icke dorfür? Hei<sup>16</sup> hett all ümmer so'ne Reden  
führt von Ümbringen und Franzosendodslahn;“ un namin  
de Schört<sup>17</sup> vör de Ogen, smet sick up de Bänk achter'n  
Aben<sup>18</sup> un fung bitterlich an tau weinen. — „Dümurr-  
jöh!“ seggt Fridrich, „dat he w w icke! Un wenn icke dit  
verdamnite Patriottentakel mit de Hand dat Gnid<sup>19</sup>

1) gestoßen. 2) schob. 3) umgestoßen. 4) Schößkelle (vache). 5) das  
Nebirge. 6) schrie. 7) eisern. 8) ordentlich. 9) wie. 10) Räuber. 11) Buche.  
12) Platte. 13) steif (schwer) betrunken. 14) horchte. 15) Er (als Anrede).  
16) Schürze. 17) Bank hinterm Ogen. 18) Genick.

ümdreihn kün, denn ded ic't; äwer'n Minschen, dei  
sich nich wehren kann, un denn noch üm Geld un  
Gaud?" brummt wat in'n Bort un gung an de Dör,  
treckt sin Klappmeß unner den Drücker 'rut, un as hei  
'rut gahn woll, dreicht hei sich üm un seggt: „Möller,  
de Lust is nu rein, denn de beiden Dirns<sup>1</sup> gahn  
nah'n Meßstreuen.<sup>2</sup> Ick heww Sei nu den Kram  
gewen, äwerlegen<sup>3</sup> S' sicke de Sak woll. Willen  
Sei't behollen — gaud! För minentwegen, icke heww  
nicks dorwedder,<sup>4</sup> denn nah minen dummen Verstand  
heww'n Sei Recht dortau. De Franzosen heww'n Sei  
mehr namen<sup>5</sup> as dit, un will'n Sei nich, dat doräwer  
red't ward, icke för min Part kann schwigen.<sup>6</sup> Willen  
Sei't äwerst an't Amt utliwern,<sup>7</sup> un sälen Sei dat  
beswören, dat dor nicks von afshannen kamen<sup>8</sup> is, denn  
seggen Sei man, icke hadd min Deil dorvon namen.“  
— „„Fridrich, Fridrich,““ seggt de Möllerfrau, „„sett  
hei sich in kein Ungelegenheiten un uns of nich; denn  
in desen Ogenblick künmit hei mi vör, as de Slang'  
ut den Paradiisgoren.““ — „Fru,“<sup>9</sup> seggt Fridrich,  
„Zedverein<sup>10</sup> möt weiten, wat hei tau dauhn hett.  
Vör zwei Jahren fürt icke för Rathsherr Krügern tau  
Malchin mit Solt<sup>11</sup> äwer'n Klaukow'schen Kraug,<sup>12</sup> un  
as icke min Zech dor betalen woll, un en Achtgrößchen-  
stück up den Disch läd, sprung so'n infame Spitzbauwen-  
Schaffür tau un grappst mi dat weg, un as icke mi  
dorwedder läd,<sup>13</sup> kemen sei sülwt drei<sup>14</sup> äwer mi her  
un slogen mi dat Fell so mör,<sup>15</sup> dat icke dacht, icke sül

1) d. h. Dienstmädchen. 2) Mist-, Dungstreuen. 3) überlegen.  
4) dawider. 5) genommen. 6) schweigen. 7) ausliefern. 8) abhanden  
gekommen. 9) Frau, als Anrede der Hausfrau. 10) Zeder. 11) Salz.  
12) Klockower Krug, ländliches Wirthshaus. 13) dawider legte. 14) selbdritt.  
15) mürbe.

an'n Lewen verzagen. De acht Gröschen heww ic̄ mi wedder namen; äwer de Släg' behollen sei noch tau Gaud'. Un hett des' Kirl dat ōk nich dahn, denn het't mögliche<sup>1</sup> sin Brauder dahn, oder sin Kammerad, un't bliwvt denn in de Fründschäft. De acht Gröschen beholl ic̄." Un dormit gung hei ut de Dör.

De oll Möller was wildeß<sup>2</sup> in de Stuw up undal gahn un hadd sic̄ den Kopp rewen<sup>3</sup> un sic̄ in de Hor<sup>4</sup> krafft, hadd denn mal stillstahn un dat Geld ansehn, un as Friedrich ut de Dör was, gung hei an sin Schapp<sup>5</sup> un halt den Klenner<sup>6</sup> von Adlers Erben in Rostock<sup>7</sup> herut un kel dornah, wo hei all hunnertmal nah kelen<sup>8</sup> hadd, un füsst vör sic̄ hen: „Ja, morgen is dat.“ — Sin Fru stunn mit den Rüggen an de Stuwenklock<sup>9</sup> un slog einmal äwer't anner de Hän'n tausam un wunnerwarkt<sup>10</sup> in'n Stillen. — „Ja,“ seggt de Möller, „wenn wi't behollen, sünd wi ut all uns' Nod.“ — „Ah Gott, Badding!“<sup>11</sup> seggt de Fru un ficht so verzagt tau em tau Höch<sup>12</sup>. — „Un stahlen<sup>13</sup> hett de Kirl dat,“ seggt hei wider, „de fülwern Läpel hewwen en großes Wapen,<sup>14</sup> un wenn sic̄ dat ōl utsinnig<sup>15</sup> maken let, wen dei tauhürt<sup>16</sup> hewwen, so is dat Geld von allerlei Ort, un de enzeln Stücken warden woll knapp<sup>17</sup> in de richtige Tasch taurügg finnen.“ — „Badding!“<sup>18</sup> seggt sin Fru, „Du wagst den Hals, wenn de Kirl nu flagt, dat Zi't em namen hewwt.“<sup>19</sup> — „Dei ward dat Mül<sup>20</sup> woll hollen, denn

1) möglicherweise. 2) unterdessen. 3) gerieben. 4) Haare. 5) Schrank.  
6) Kalender. 7) früher privilegierte Verleger des mecklenb. Kalenders.  
8) geguckt. 9) Stubenuhr. 10) „wunderwerke“, Verstärkung von: wunderte sich. 11) in die Höhe, auf. 12) gestohlen. 13) Wappen.  
14) ansfindig. 15) zugehört. 16) kaum. 17) Maul.

wenn dei vertellen<sup>1</sup> fall, wo hei tau dat Geld kamen is, denn warden s' em of grad nich sin Lewlang mit Rosinen un Mandelkarn fettmaken. — Un hewwen wi't denn namen?“ — Dat Pird hewwen s' uns up den Sloß achter'n Wagen anbunner, dat Pird hett den Mantelsack Friedrichen gestern in den Stall 'rinner bröcht;<sup>2</sup> wer seggt denn nu, dat ic't namen heww?<sup>3</sup> un dorbi fung hei an, de Geldstücken utenanner tau lesen, un tellt<sup>4</sup> sei in Reih un Glid. — „„Je, hüren<sup>4</sup> deicht' uns äwer nich,““ seggt sin Fru. — „Wen hürt' denn?<sup>5</sup>“ fröggt de Möller. „Den Franzosen hürt' of nich, un wenn wi't em wedder gewen wullen, wo is hei?<sup>6</sup>“ — „„Fridrich seggt jo : in'n Babenholt.““ — „So?<sup>7</sup>“ fröggt de Oll. „Meinst Du, dat dei bi dit Weder<sup>8</sup> von 's Abends Klock acht het 's Morgens Klock nägen<sup>9</sup> dor liggen ward? Dei ward lang' sin Weg' gahn sin; un wer hett mi tau befehlen, dat ic achter em an farjolen<sup>10</sup> un em sin Geld nahdragen<sup>11</sup> fall?<sup>12</sup>“ Dromit tellt hei wider, un de Fru set't sic dal un leggt de Hän'n in den Schot, lätt vör sic hen un süfzt: „Du möst dat weiten.“ — Filen sitt up de Bänk un weint sachten vör sic hen.

De Möller tellt dat Geld tau En'n un lädt af un an so unsäker<sup>9</sup> nah Filen 'räwer, un't is denn ümmer, as wenn hei sic vertellen<sup>10</sup> müht. Endlich is hei dromit farig<sup>11</sup> un stemmt de beiden Hän'n vör sic up den Disch un lädt dat Geld noch mal äwer un seggt: „Wenn ic dat Drüddelgeld<sup>12</sup> un dat Gold tau

1) erzählen. 2) gebracht. 3) zählte. 4) gehören. 5) Wetter. 6) neun Uhr. 7) karren, spöttisch für fahren. 8) nachfragen. 9) unsicher. 10) verzählen. 11) fertig. 12) Drittelpfund, d. h. die s. g. Medlenb. Neuzweidrittel, nämlich  $\frac{2}{3}$ -Thalerstücke, und die nach diesem Fuß ausgeprägten Münzen.

preußischen Crant<sup>1</sup> reken,<sup>2</sup> denn sünd't äwer säben-hunnert Daler. Nu sünd wi ut all uns' Nod." — Dunn steiht Fiken up un drögt<sup>3</sup> sick de Kranen af, un ehr Gesicht is ganz witt<sup>4</sup> un ruhig, un sei seggt still vör sick hen: „„Uns' Nod geiht nu ißt an.““ — „Fiken, red' nich so," seggt ehr Vader un lädt bi Sid' weg. — „„Bon nu an““ seggt sei, „„eten wi un-gesegent Brod un slapen ungesegtenten Slap, un Du kannst dat Geld vergrawen un vergröwist<sup>5</sup> Dinen ihrlichen Namen mit.““ — „„Bon Vergrawen is kein Red',“ seggt de Möller. „Ne, ich betal ihrlich min Schullen<sup>6</sup> dormit.“ — „„Ihrlich, Badding? Un wenn't oß all so wir, as't nich is, ward de oll Herr Amtshauptmann nich fragen, mit wat för Geld Du den Juden betalt heft, un warden de Franzosen nich fragen, woher Du dat Vird heft, un wer steiht Di dorfsör, dat Friedrich reinen Mund höllt?““ — De Oll maakt en Gesicht, halw verdukt un halw argerlich, un wull eben losbultern,<sup>7</sup> as de Minsch deiht, wenn en Auner em up 'ne Dummheit oder 'ne Unredlichkeit bedröppt.<sup>8</sup> Hei will sick denn binnen<sup>9</sup> dat Gewissen wegresonniren, as de Kinner dauhn, wenn sei in'n Düstern singen un fläutnen,<sup>10</sup> üm sick dat Späuk<sup>11</sup> von'n Liw tau hollen.

Äwer Fiken let dat dortau nich kamen, sei smet sick hastig an ehren Vader 'ran, flog de Arm üm em, lek em so wiß<sup>12</sup> in de Ogen un rep: „Badding! Badding! drag<sup>13</sup> dat Geld up't Amt, giww dat den ollen Amtshauptmann, hei hett seggt, hei wull Di dat gedenken, hei ward Di dit oß gedenken. — Wo oft

1) Courant. 2) rechnen. 3) trocknet. 4) weiß. 5) vergraben und vergräbst. 6) bezahle — Schulden. 7) lospoltern. 8) betrifft. 9) innen. 10) sielen, pfeifen. 11) Spuk. 12) fest. 13) trage.

hest Du mi vertellt von Dinen ollen Vader, wo oft  
hest Du mi seggt von Din Mōder, wo sei sick mit  
Spinnen hett ihrlich dörchhulpen<sup>1</sup> bet an ehr En'n;  
wo oft heft Du mi vertellt, wo Du up Din Wanner-  
schaft den annern Handwarksburzen finen Geldbüdel  
funnen, un wo Du em den'n wedder gewen heft; wo de  
Minsch sick freut hett, un wo Di tau Maud' west is!""  
— „Dat was jo ok ganz wat Aluners," seggt de Möller,  
„ich wüsst jo, wen dat Geld hürt, un hir weit ic't  
nich, un heww't jo ok nich stahlen un namen.<sup>2</sup> Ic'  
heww en gaud Gewissen."<sup>3</sup>

Mit einmal springt de Möllerfrau vpon ehren Staul  
tau Höcht un röppt:<sup>4</sup> „Herre Jesuſ! dor geiht en  
frönden<sup>5</sup> Minſch an't Finſter vörbi un kümmt nah de  
Dör 'rin!" — „Holl<sup>6</sup> de Dör tau!"" röppt de  
Möller un springt fort herüm nah dat Geld, stött<sup>7</sup> an  
den Disch, un weck<sup>8</sup> Stapel fallen üm, un dat Geld  
tründelt<sup>9</sup> in de Stuw 'rin. — „Is dat Zug gaud'  
Gewissen?" fröggt Fiken un kückt ehren Vader un ehr  
Mōder an un seggt: „Mudding, lat de Dör los! Den'n  
Minſchen ſchickt uns' Herr Gott, dei bringt uns Segen  
in't Hus." — De Möllerfrau lett de Dör los un kückt  
ſtill vör ſick dal; de Möller ward äwer un äwer rod  
un dreift ſick haſtig üm un kückt ut dat Finſter.

Buten<sup>10</sup> kloppt dat. „Herein!" röppt Fiken; un  
'rin kümmt en jungen ſchiren Kirl<sup>11</sup> von fo'n Zohrener  
twintig un noch eu por<sup>12</sup> un kückt ſick fo en beten  
niglich<sup>13</sup> üm, as Einer tau dauhn pleggt,<sup>14</sup> dei all

<sup>1</sup>) durchgeholt. <sup>2</sup>) gestohlen und genommen. <sup>3</sup>) ruft. <sup>4</sup>) fremd.  
<sup>5</sup>) halte. <sup>6</sup>) fröhlt. <sup>7</sup>) welche, einige. <sup>8</sup>) rollt. <sup>9</sup>) draußen. <sup>10</sup>) schmucker  
Kerl. <sup>11</sup>) fo etwa von einigen 20 Jahren. <sup>12</sup>) neugierig. <sup>13</sup>) pflegt.

lang' girt hadd weiten müggt, woans<sup>1</sup> dat woll bi  
dei un dei Lüd usseg,<sup>2</sup> un makt en anständigen Diner  
mit en lütt En'n von Kratzfaut un seggt: „Gu'n  
Morrn!“ — „Schön Dank!“<sup>3</sup> seggt Fiken; de Möller  
rögt<sup>4</sup> sich nich, un de Fru bückt sich dal un sammelt  
de Daler<sup>s</sup> up, dei in de Stuw fallen sünd. Als de  
beiden Ollen em nich „schön Dank!“<sup>5</sup> beiden,<sup>6</sup> un hei  
dat Geld up den Disch gewohr ward, seggt de jung'  
Minsch: „Rich för ungaud! Ich kam Sei hir woll nich  
tau Paß?“ — „Oh doch!“<sup>7</sup> seggt Fiken un set't en  
Staul an den Aben<sup>8</sup> taurecht. „Setten S' sich en  
heten. Badding is glik mit sin Angelegenheiten prat.“<sup>9</sup>  
— „Ja, glik!“ seggt de Möller un ritt dat Finster up  
un röppt: „Fridrich! schirr de Mähren an den lütten  
Wagen un bin'n dat Franzosenpird achter an; wi  
führen tau Amt.“ Makt dat Finster tau, dreift sich  
üm un seggt tau Mudder un Fiken: „So! mit dei  
Sak sünd wi dörch. Nu packt den Kram hir tausam  
in den Mantelsack, un Fridrich kann em nahsten<sup>10</sup> 'rupper  
smiten.“ Geiht up den Frömden tau, reicht<sup>11</sup> em de  
Hand hen un seggt: „Willkam o!“<sup>12</sup> — „Möller  
Vos,“<sup>13</sup> seggt de jung' Minisch, giwwt em de Hand un  
steiht von den Staul up, „laten S' sich nich stören<sup>14</sup>  
in Ehr Geschäften, min Sak hett Eid,<sup>15</sup> un wenn ic  
o! in 'ne besondere Angelegenheit kamen bün, so hett  
dei doch kein Gl,<sup>16</sup> un de Hauptsa<sup>k</sup> is doch dorbi: ic  
wull min Fründschaft<sup>17</sup> mal begrüßen.“<sup>18</sup> — „Fründ-  
schaft?“ fröggt de Möller, un lädt em ungewiß an. —

1) wie. 2) aussähe. 3) röhrt. 4) bieten. 5) Ofen. 6) fertig.  
7) nächber. 8) reicht. 9) willkommen auch; letzteres oft dem Gruß,  
regelmäßig dem Gegengruß hinzugefügt. 10) stören. 11) Zeit. 12) Eile.  
13) Verwandtschaft.

„ „Ja,““ seggt de Unner, „ „denn ic̄ bün Jochen Vossen  
sin Sähn un Chr Unnerbäullenkind,““<sup>1</sup> un as de Oll  
nicks seggt un sin Hand t'ruugg tüht,<sup>2</sup> set't hei noch  
tau: „ „un vör virteihn Dag' hewwen sei mi münnig  
spraken,<sup>3</sup> un dunn dacht ic̄ so bi mi: Swestern un  
Bräuder hest Du nich un ok̄ kein Fründschaft hir in  
de Gegend, fallst mal in't Stemhäger Amt führen un  
dor mal nahseih, wat<sup>4</sup> sei dor noch woll wat von  
Jochen Vossen sinen Sähn weiten willen.““ — Un  
dormit geiht hei up de Möllerfru tau un giwvt ehr  
de Hand un Fiken ok̄, un as de Möller noch ümmer  
so ebendrächtig<sup>5</sup> dor steiht un utsüht,<sup>6</sup> as hadden em  
de Müß<sup>7</sup> de Botter von't Brod namen, seggt hei:  
„ „Bett'er, Sei liggt uns' Prinzeß<sup>8</sup> in den Sinn, laten  
S' den'n, wi känen bi Alldem gaude Frün'n<sup>9</sup> sin.““ —  
— „ „So?““ seggt de Möller, „ „un hest Di vör de Lüd'  
beräumt,<sup>10</sup> Du willst mi 'rutsmiten ut de Borcherfche  
Wirthschaft?“ — „ „Wat Lüd'?““ fröggt Hinrich Voß.  
„ „De Lüd' reden. Wat kann ic̄ dorfür? — Min  
Vader hett den Strid anfungen un glöwt ok̄, hei hadd  
Recht, un min Börmund hett em wider fuchten,<sup>11</sup> un  
ic̄ heww taukeken.<sup>12</sup> Åwer dat will ic̄ iherlich bekennen,  
en schön Stück Geld hett hei mi all ut de Fingern  
reten,<sup>13</sup> un wenn wi uns einigen kün'n, an mi süss't  
nich fehlen.““ — „ „Du willst up den Busch floppen;  
dit Stück hett Di Din Avklat raden.“<sup>14</sup> — „ „Ic̄ rad'  
mi süssfst, Bett'er,““ seggt de jung' Mann un langt  
nah sinen Haut,<sup>15</sup> „denn wenn ic̄ noch lang' up de

1) Bett'er im zweiten Grade. 2) zieht. 3) mündig gesprochen.  
4) ob. 5) langsam und bedächtig, ruhig. 6) aussteht. 7) Mäuse.  
8) Prinzeß. 9) Freunde. 10) berühmt. 11) gefoschten. 12) zugeguckt.  
13) gerissen. 14) gerathen. 15) Hut.

Aukaten ehren Nad hüren will, küm mi't Water<sup>1</sup>  
knapp warden, un min Mähl küm still stahn. Bi  
Sei frilich is dat wat Unners. Wer sin Fellisen so  
spicken kann, dei kann noch lang braden, ihr<sup>2</sup> hei an-  
brennt,"" un wiſt up den Mantelsack, den'n Mudder  
un Fiken grad vull packt hadden. — „Dat gelt<sup>3</sup> Di  
en Quark an!“ begehrt de Möller up un dreicht sic<sup>k</sup>  
hastig üm, ganz brun<sup>4</sup> in't Gesicht. „Dat Geld —  
dat Geld, dat hört mi nich.“ — Fiken geiht nah ehren  
Vader 'ran un strakt<sup>5</sup> em un seggt: „„Wadding, dat  
was jo nich böß meint.““ — „Ne,“ seggt Hinrich,  
„ich bün in'n Gauden kamen un will ok in'n Gauden  
gahn. Min Fuhrwark steiht buten<sup>6</sup> vör de Hoffstäd<sup>7</sup>  
anbunnen, un bet dorhen sünd dat man en por  
Schritt.“ — „„Holt!““ seggt Fiken, „„Better Hinrich,  
nich so hastig! Uns' Vader hett vermorrn<sup>8</sup> sinen  
Kopp vull von 'ne Sak, dei besorgt warden möt. Dat  
würd' em arg verdreiten,<sup>9</sup> wenn Sei in Uufreden von  
em gahn wieren.““ — „Fiken,“ seggt de oll Möller  
un dreicht sic üm un küßt sin Dochter up de Stirn,  
„Du heft hüt morrn all zweimal Recht hatt, un ich  
tweimal Uurecht; Du büſt min leiw Kind,“ un reicht  
den jungen Mann de Hand hen. „Un, Hinrich, dat  
sall Keiner von mi seggen, dat ich Jochen Vossen sinen  
Sähn mit harte Würd<sup>10</sup> ut minen Hus' drewen<sup>11</sup> hewwo.  
— Du wullst hir gahn ahn Natt un Drög?<sup>12</sup> Ne, min  
Sähn, Du bliwwst mi hir, bet ich wedder kam, denn  
ich möt tau Amt in 'ne nodwennige Sak. — Süh,

1) Wasser. 2) ehe. 3) gilt, geht — an. 4) braun. 5) streichelt.  
6) draußen. 7) Hoffstelle. 8) heute morgen. 9) verbriezen. 10) Worte.  
11) getrieben. 12) ohne Nass und Trocken, d. h. ohne Speise und Trank.

Fridrich hölt all.<sup>1</sup> Na, adjüs, min Sähn, un wenn  
Du't mit dat Einigen iherlich meint heft, denn kann  
dor wat ut warden. — Adjüs Mudder, adjüs Fiken!<sup>2</sup>  
Somit geiht hei 'rut un stiggt<sup>3</sup> up den Wagen.

### Dat föste Kapittel.

Wo Fridrich den Möller den preußischen Spruch „suum  
enique“ äwersetten deih<sup>4</sup>t un achter den Schaffür up de  
wille Gaußjagd<sup>5</sup> geiht, un wo den Möller klor ward, dat  
hei sick in en Immenswarm<sup>6</sup> dalset<sup>7</sup>t hett.

„Möller,“ seggt Fridrich, as sei ut dat Gehöft  
sünd un in den deipen<sup>8</sup> Weg kamen, „hewwen Sei all  
mal 'ne olle Fru seihn, wenn s' en Pott<sup>9</sup> intwei  
smeten<sup>10</sup> hett un paft denn de Stücken an enanner un  
seggt: ,So het't seten' ?“<sup>11</sup> — „Worüm meinst Du?“<sup>12</sup>  
fröggt oll<sup>13</sup> Bos. — „Oh, ich mein man,“<sup>14</sup> seggt Fridrich  
un swäpt<sup>15</sup> so verluren mit de Peitsch äwer de  
Mähren, as wir't in de Fleigentid.<sup>16</sup> De Möller sitt  
in Gedanken. — Nah 'ne Wil fröggt Fridrich wedder:  
„Möller, hewwen S' mal en Zungen seihn, den'n de  
Sparling ut de Hand flagen<sup>17</sup> is, un dei denn in de  
leddig<sup>18</sup> Hand herinkicht un seggt: ,Oh' ?“ — „Worüm  
meinst Du?“ fröggt de Möller, un Fridrich seggt:  
„Oh, ich mein man.“ — De Möller sitt wedder still  
vor, lett sick allerlei dörch den Kopp gahn, un set't  
grad en schönes Regeldetri-Exempel in den Kopp tau-

1) hält schon. 2) steigt. 3) übersezt. 4) wilde Gänsejagd.  
5) Bienenschwarm. 6) niedergesetzt. 7) tief. 8) Topf. 9) geschnitten.  
10) gefessen. 11) der alte. 12) ich meine nur (so). 13) schlägt (mit der  
Peitsche [Swäp], so leise, daß sie nur leicht über den Rücken der Pferde  
hinschwebt), knatscht. 14) Fliegenzeit. 15) gestlogen. 16) leer.

sam: wat woll üm Ostern ut<sup>1</sup> de Schäpel<sup>2</sup> Roggen  
kösten würd, wenn hei morgen den Juden dat Geld  
nich gew, un kamm dorbi führ in de Brück. — Sei  
führen un führen; endlich dreicht sich Fridrich so halw  
up den Sack 'rüm un fröggt: „Möller, kennen Sei dat  
Sprükwurd woll: geit<sup>3</sup> kein smutzig Water ut, ihr du  
rein wedder heft?“ — Den Möller fung dat nu an  
tau argern, un as hei sich so'n Tidlang bedacht hadd,  
wat Fridrichen sin Fragen woll eigentlich bedüden  
füllen, smet hei de Unnerlipp tau Höch<sup>4</sup> un säd:  
„Wo, dit sälen jo woll Spiken sin?“ — „Spiken?“  
fragt Fridrich wedder. „Bewohr uns!<sup>5</sup> — Ich mein  
man. — Äwer ich weit noch en anner Sprükwurd, dat  
heit: Wat Einer hett, dat hett 'e; un wi Preußen  
hewwen en Adler in't Wapen, un dor steiht en latinschen  
Vers unner, dei hört sich binah an, as wenn Ein en  
Farken<sup>6</sup> in den Start<sup>7</sup> knippt,<sup>8</sup> un wat uns' Feld-  
webel bi de Kumpani was, was en weglopen<sup>9</sup> Student  
un verstunn den Vers un äwersetzt<sup>10</sup> em: holl wiß,<sup>11</sup>  
wat du heft, un nimm, wat du kriegen kannst. De  
Spruch is up Fläg<sup>12</sup> tau bruken,<sup>13</sup> vör allen in Kriegs-  
tiden. — Prrr öh!<sup>14</sup> säd hei un dreicht sich wedder 'rüm  
up den Sack. „Möller Voß, verflucht fall de Schilling  
sin, den'n ich in minen Lewen minen Mitcollegen  
stahlen un namen heww, un verflucht fall dat  
Kurn Hawern<sup>14</sup> oder Roggen sin, wat ich minen  
Brodherrn veruntrut heww; äwer in'n Krig is dat  
anners: de Türk un de Franzos' is de Riksfund,<sup>15</sup> un

1) hinaus, herum. 2) Scheffel. 3) gieße. 4) in die Höhe, auf.  
5) bewahre uns (Gott). 6) Ferkel. 7) Sterz, Schwanz. 8) kneift. 9) weg-  
gelaufener. 10) übersetzte. 11) halte fest. 12) auf (gewissen) Flecken,  
Stellen, unter Umständen. 13) brauchen. 14) Korn Hafer. 15) Reichsfeind.

en Riksfind is üm kein Hor heter, as de Erzfind, un uns Herr Gott lacht äwer't ganze Gesicht, wenn Einer den Dūwel orndlich eins<sup>1</sup> up de Lüdūrn pedd't.<sup>2</sup> Wo säd de oll Hauptmann von Restörp?<sup>3</sup> „Dem Feinde muß in jeder Weise Abbruch geschehn.“ — „Möller Voß“ — un hei wiss't up den Mantelsack — „dit wir denn nu woll so'n Abbruch.“ — „Lat<sup>4</sup> dat!“ seggt de Möller fortweg, „de Sak is afmaßt, ic will nids mit de Geschicht tau dauhn hewwen, ic bring dat Geld tau Amt un ic wull, ic kunn den Franzosen mit henbringen; Tiken meint of, dat kunn en slimm Stück warden.“ — „Mi nich tauwedder,<sup>5</sup>“ seggt Friedrich. „Süh!“ — un klappit<sup>6</sup> de Mähren an — „weck hüren up Mannslüd“, un weck up Frugenslüd; ic bün nich führ för de Frugenslüd' ehren Rad.“ — „Ich füss<sup>7</sup> of nich,“ seggt de Möller.

Sei führen nu sachten wider, un Friedrich fröggt nah 'ne Wil: „Möller, wat was dat för en schiren<sup>8</sup> Kirl, dei hüt morgen in de Mähl 'rin gung?“ — „Dat was Fochen Vossen sin Sähn, mit den'n ic den Prinzeß<sup>9</sup> heww. — Geföllt hei Di?“ — „Ich heww em blot von achter<sup>10</sup> seihn. — Ich, ja; 't giwwt en Granedir.“<sup>11</sup> — „Hei seggt jo, hei will sic mit mi verglichen.“<sup>12</sup> — „Deun geföllt hei mi all en ganz Deil heter.<sup>13</sup> En magern Berglik is heter as en fetten Prozeß.“ — „Hei will up mi täuwen,<sup>14</sup> bet ic wedder kam.“ — „So?“ fröggt Friedrich un dreicht sic wedder so halv üm un seggt: „Möller, weiten S' wat, hei füll sic leitver mit

1) einmal ordentlich. 2) auf die Leichdörner tritt. 3) Restorf.  
4) lasse. 5) mir nicht zuwider, meinewegen. 6) treibt — an (mit der Peitsche). 7) sonst. 8) schmuck. 9) Prozeß. 10) von hinten. 11) Grenadier. 12) vergleichen. 13) besser. 14) warten.

uns' Fiken vergliken; dat wir dat Best." — „Wo  
meinst Du dat?" " fröggt de Möller. — „Ick mein  
man," seggt Friedrich, un as hei sich wedder ümdreicht  
hett, bögt<sup>1</sup> hei sich vöräwer un lädt sharp den Weg  
langs, giwvt den Möller de Lin<sup>2</sup> in de Hand, springt  
von den Wagen, bin'nt<sup>3</sup> dat Schaffürpird hinnen von  
dat Krett<sup>4</sup> los, un ihr<sup>5</sup> de Möller noch recht weit,  
wat los warden fall, is hei mit de Mähr in den  
groten Kölpiner Scheidelgraben<sup>6</sup> 'rinner, bögt üm 'ne  
Eck un bin'nt dat Kretur<sup>7</sup> an'n Durnbusch<sup>8</sup> in den  
Graben an, dat de Möller nicks von em seihn kann.

„Wat hest Du?" " fröggt de Möller, as hei wedder  
kümmt. — „Wat icc heww? — Ick heww nicks Gaud's  
seihn. Dor hinnen up den Stenhäger Stadtfell'n<sup>9</sup>  
kamen zwei an tau ridein,<sup>10</sup> un as de Sünn<sup>11</sup> so'n  
heten hervör kæk,<sup>12</sup> blikt dat so; dat sind Franzosen,  
un wenn dei hir en Schaffürpird mit Sadel un Tom<sup>13</sup>  
drapen<sup>14</sup> hadden, dei würden nich slicht mit uns red't  
hewwen." — „Wohr is't," " seggt de Möller.

So kamen sei nah't Stenhäger Babenholt 'ran,  
un Friedrich wißt mit de Pitsch nah de Bäuf,<sup>15</sup> wo  
noch dat Stroh liggt, un seggt: „Dor heww 'ck en  
henleggt." — „Wenn hei doch noch dor leg," " seggt  
Möller Boß. — „Nich tau verlangen, Möller! Denn  
dat hett dese Nacht Bindfaden regent,<sup>17</sup> un in dese  
Zohrstid höllt so'ne Bäuf nich recht dicht." — „Wohr  
is't," " seggt de Möller, un as sei dor noch d'räwer  
judiciren, kamen zwei Franzosen an tau ridein un

1) biegt. 2) Leine, Bügel. 3) bindet. 4) Schößkelle (vache). 5) ehe.  
6) Scheide-, Grenzgraben. 7) Creatur. 8) Dornbusch. 9) auf dem  
Stavenhäger Stadtfelde. 10) an zu reiten, angeritten. 11) Sonne.  
12) guckte. 13) Sattel und Baum. 14) getroffen. 15) Buche. 16) läge.  
17) Bindfaden, d. h. sehr stark, ununterbrochen geregnet.

fragen in ehre Wiss' nah de Gielowsch Mähl, denn hii  
was en Krüzweg, un ihr<sup>1</sup> de Möller noch antwurten  
kann, wißt<sup>2</sup> ehr Fridrich rechts af nah'n Cummrow-  
schen Holt<sup>3</sup> 'rin, un as sei fragen: wo wid noch?  
seggt hei: „ne lütt Liöh;“ un de Franzosen riden af.

„Wo? Plagt hei Di, oder ritt hei Di?“<sup>4</sup>  
fröggt de Möller un schüddelt mit den Kopp: „Wenn  
dei so wider riden, denn känen sei ehr Lewlang de  
Gielowsch Mähl mit den Start<sup>5</sup> aniken. — Äwer  
wotau dat?“<sup>6</sup> — „Möller,“ seggt Fridrich, „dei Ort  
dröggt<sup>6</sup> Einen nids in't Hus, un ic̄ heww kein Lust  
alle Morgen taum irsten Frühstück korten,<sup>7</sup> up-  
gewarmteu Kohl tau eten.“ — „Wo meinst Du  
dat?“<sup>8</sup> fröggt de Möller. — „Oh, ic̄ mein man. —  
Seihu S', Möller, wer weit, ob de Beiden, wenn sei  
nah de Mähl kämen wiren, sick nich in uns' Stin<sup>9</sup>  
verleiwit hadden. Un't kunn jo of möglich sin, dat sei  
ehr nah den Kauhfstell nahgahn wiren, un dat ehr dat  
in den Stall en beten heengt vörkamen<sup>9</sup> wir, un  
hadden uns' beiden lezten Melkfäuh<sup>10</sup> 'ruter ledd't;<sup>11</sup>  
un wenn sei s' denn buten<sup>12</sup> hatt hadden, hadden sei  
s' villicht in Gedanken vör sick hen drewen,<sup>13</sup> un denn  
wir't mit de Melkhupp<sup>14</sup> des Morgens vörbi west, un  
de gräun Kohl<sup>15</sup> wir an de Reih kämen, un ic̄ mag  
den Kohl nich.“ — „Möglich wir dat,“<sup>16</sup> säd de  
Möller. — „Möglich is't of, dat dat nich de Räuh  
gelt,“<sup>16</sup> seggt Fridrich. „Dit sünd en por von ehr  
Armeeschandoren,<sup>17</sup> dei säuk'en woll wat Unners, un

<sup>1)</sup> ehe. <sup>2)</sup> weist, zeigt. <sup>3)</sup> Holt, Gehölz. <sup>4)</sup> reitet er (der Teufel)  
dich. <sup>5)</sup> Sterz, Schwanz. <sup>6)</sup> trägt. <sup>7)</sup> kurzen. <sup>8)</sup> Christine. <sup>9)</sup> vor-  
gekommen. <sup>10)</sup> Milchföhre. <sup>11)</sup> geleitet. <sup>12)</sup> draußen. <sup>13)</sup> getrieben.  
<sup>14)</sup> Milchsuppe. <sup>15)</sup> der grüne (braune) Kohl. <sup>16)</sup> den Kühen gilt.  
<sup>17)</sup> Gendarmen.

ich glöw, dat is en Glück von Gott, dat wi 'rut ut de Mähl sünd, denn — Möller, Möller, passen S' up! — sei säulen den Franzosen oder ok Sei sülwst. Wer weit, wat in Stemhagen passirt is! Dor kann wat ruchbor worden sin, un wer weit, ob Eiken nich Recht hatt hett. Nu wull ich sülwst, wi hadde den Franzosen." — „Dat segg ich!“ röppt de Möller. „Dat segg ich!“ — „Hm,“ seggt Fridrich, „legen<sup>1</sup> hett hei hir, un upstahn<sup>2</sup> is hei, un hir is hei henden gahn;<sup>3</sup> dit sünd sin Spor<sup>4</sup> in den deipen Lehm,<sup>5</sup> un Eiken S', hei hett dat Stroh noch en En'n lang mit slept,<sup>6</sup> un nah Gützow is hei hentau gahn.<sup>7</sup> Nu will ich Sei dat Vird halen,<sup>8</sup> un Sei führen tau Amt un liwern Vird un Mantelsack af un ich gah achter den Franzosen her un grip<sup>9</sup> em."

Geseggt, gedahn. Dat Vird ward anbun'n, un Fridrich geiht dörch dat Babenholt nah Gützow tau un seggt tau sick: „Dümurrjöh! Ich heww den ollen Möller schön wat anrührt, un uns' Eiken is doch 'ne lütte hellische<sup>10</sup> Dirn, un wenn de Franzos' noch twischen hir un Gripswold<sup>11</sup> tau finnen<sup>12</sup> is, her fall hei!“ —

De Möller satt up den Wagen un führt nah Stemhagen tau, un hei krafft sick den Kopp un wunnerwarkt,<sup>13</sup> un allerlei gung em mit Grundis.<sup>14</sup> „Herr du meines Lewens," säd hei, „wenn min lütt Eiken nich west wir, ich set<sup>15</sup> jo woll all in Block un in Eisen,<sup>16</sup>

---

1) gelogen. 2) aufgestanden. 3) herunter gegangen. 4) Spuren.  
5) Lehm. 6) geschleppt. 7) (in der Richtung) nach Gützow hinzu ist er gegangen. 8) holen. 9) greife. 10) eigentl. höllisch, hier im guten Sinne als Auszeichnung. 11) Greifswald. 12) finden. 13) Verst. v. wunderte. 14) ging ihm mit Grundeis d. h. ging ihm im Kopfe herum. 15) säße. 16) Eisen.

un 'rut bün ic̄ noch lang nich, denn der Deuwel  
geiht nu irft los un regen<sup>1</sup> deiht' nu ōl all, un dat  
nich slicht."

So kümmt hei mang de Stavenhäger Schüns,<sup>2</sup> un  
de Irft, dei em upstött,<sup>3</sup> is Bäcker Witt; dei höllt mit  
en Strohwagen vör sin Schün un seggt: „„Gu'n  
Morgen, Gevadder! Wo Dunner? Wo kümmt Du  
tau 'n Franzosenpird?““ — „Je dat segg man mal!“  
seggt Möller Voß un vertellt em de Sak ganz in'n  
Korten.<sup>4</sup> „„Dat's en slimm Stück,““ seggt Bäcker  
Witt, „„denn de ganze Stadt liggt voll Franzosen, un  
dat Vird kannst Du nich dörchbringen, ahn dat sei't  
kunnig<sup>5</sup> warden; ic̄ rad' Di, stell't hir in min ledig  
Schünfack.““<sup>6</sup>

Na, dat geschüht, un oll Bäcker Witt treckt siuen  
krummen, missingschen Horkamm<sup>7</sup> von vör nah achter  
dörch dat grise Hor, schüddelt den Kopp un seggt:  
„„Vadder,<sup>8</sup> Du heft Di dor in 'ne Sak inlaten, wo  
Du vel Ungelegenheiten von hewwen kannst; un up  
den Sloß schint mi dat all gor nich richtig tau sin,  
denn de Herr Amtshauptmann hett sich hüt Morgen  
sin Herrenbrod tau'n Kosse all Klock acht<sup>9</sup> halen laten,  
stats füs Klock elben;<sup>10</sup> un Fritz Sahlnann seggt,  
Mamsell Westphalen wir feldflüchtig worden, kein  
Minsch wüst, wo sei staben un flagen<sup>11</sup> wir; un dat  
de Uhrkenmaker in't Börgergehorsam<sup>12</sup> smeten is,  
heww ic̄ sülwst seihn, un de Lüd' reden jo von

1) regnen. 2) zwischen die Stavenhäger Scheunen. 3) aufstößt.  
4) in Kurzem. 5) kündig = gewähr. 6) leeres Scheunensach, Abthei-  
lung der Scheune von einem Ständer zum andern. 7) Haarkamm von  
Messing. 8) Gevatter. 9) schon um 8 Uhr. 10) statt sonst um 11 Uhr.  
11) gestoßen und geflogen. 12) Bürgergehorsam, das städtische Gefängniß.

Standrecht un von Dodjscheiten.”<sup>1</sup> — „Gott soll mi bewohren!“ röppt de oll Möller. „In wat för'n Innienswarm<sup>2</sup> heww ic̄ mi dalset't!<sup>3</sup> Äwer dat helpt nich, den Mantelsack möt ic̄ den ollen Herrn up't Sloß bringen. Un, Badder, ic̄ ward üm de Stadt 'rum führen bet nah de gräun Purt von den Sloßgoren,<sup>4</sup> un dor ward ic̄ min Mähren anbin'n, gah mi nah un bring dat Fuhrwark in Sicherheit,<sup>5</sup> un sülln sei mi in den Presong<sup>6</sup> bringen, denn führ 'rut nah de Mähl un bring min Fru un Fiken dat mit Glimplichkeit<sup>7</sup> bi, un segg den jungen Menschen, den'n Du dor drapen<sup>8</sup> wardst, hei süll't finen Better tau Gefallen dauhn un süll up Mähl un Wirthschaft passen un de Frugenslünd'<sup>9</sup> nich verlaten.” — Bäcker Witt versprecht em dat, un hei führt üm den Sloßgoren 'rum, bin'nt dat Fuhrwark an un will den Mantelsack up't Sloß dragen,<sup>10</sup> dunn jagt oll Nächter Roggenbomen sin Kutscher, Johann Brümmer, dörch de Purt<sup>11</sup> un klappt achter<sup>12</sup> de vir Hellbrunen, dat sei hinnen utslahn<sup>13</sup> un em den Dreck in de Ogen smiten, un röppt: „Beter<sup>14</sup> mi ~~nat~~ in't Gesicht, as jug Strimen up't Fell!” — Achter d'rin künmt oll Zanner ut Güszow mit sin beiden Gelen<sup>15</sup> un seggt: „Na, dat fehlt noch! — Schinnerban'n!<sup>16</sup> un jögg<sup>17</sup> in'n G'slopp äwer'n Amtsbrink.<sup>18</sup> „Ja,” seggt oll Ackersmann Adler ut Stemhagen, hett sic̄ en Sack äwer de Schullern namen — denn dat wieren de dummaligen<sup>19</sup>

1) Todtschießen. 2) Bienen Schwarm. 3) niedergesezt. 4) grüne Pforte des Schloßgartens. 5) Sicherheit. 6) Prison. 7) mit Glimpf. 8) treffen. 9) Frauenleute. 10) tragen. 11) Pforte. 12) peitscht hinter ic̄. 13) hinten ausschlagen. 14) besser. 15) Gelbe (Pferde). 16) Schinderbande. 17) jagt. 18) ein zum Amtsgebiet gehöriger, bei der Stadt belegener Brink, Anger. 19) damalig.

Regenröck — un stangelt<sup>1</sup> sin oll swart Sadelmähr<sup>2</sup> in de Ribben 'rum, „Kanonenführen? Rich wohr, Ollsch,<sup>3</sup> dat wir en Geschäft för uns? — Ne, icc bring jug in't Stemhäger Stadtholt un bin'n jug in de Sandkuhl<sup>4</sup> an. 'E is ganz egal: tau freten<sup>5</sup> hewwt ji tau Hus ok nicks; äwer regen<sup>6</sup> deiht' t verfluchtet.“<sup>7</sup> — Un as de Möller in den Goren künimt, dunn todt un hurricht<sup>8</sup> dat Allens dor mit de Ge spannen 'rümmmer achter de Büsch un achter den Wall, un Zeder will sin Mähren in Säkerheit bringen. — „Möller Voß,<sup>9</sup>“ seggt Schult Besserdichen sin Sähn<sup>9</sup> ut Gützow, „bring Hei sin Mähren bi Sid'! Wat jichtens en heten klauk<sup>10</sup> is, maakt sich den schönen Regen tau Nutz, denn de Franzosen sünd unner Dach un Fach krapen.“<sup>11</sup> De oll Möller geiht äwer stramm<sup>12</sup> wider un dröggt<sup>13</sup> sinen Mantelsack up't Sloß.

---

### Dat sökste Kapittel.

Wat Mamsell Westphalen för 'ne Ansicht von ehr Bedd kreg, un worüm sei sicc von Corlin<sup>14</sup> en por in't Genic<sup>15</sup> gewen let.<sup>16</sup> Worüm Friß Sahlmann den Herrn Amtshauptmann sin Pipen intwei smet, un de französche Oberst binah den Degen treckt<sup>17</sup> hadd.

Wenn Einer 'ne Geschicht richtig vertellen<sup>18</sup> will, denn möt hei 't grad' so maken as de Häkers un de Pläugers,<sup>19</sup> wenn s' en Äcker bestellen, hei möt ümmer

---

1) stöht mit den Füßen (statt Sporen). 2) schwarzes Sattelpferd.  
3) Alte. 4) Sandgrube. 5) fressen. 6) regnen. 7) verflucht, Adv.  
8) zieht und hüttet versteckt herum. 9) der Sohn des Schulzen Besserdich.  
10) irgend ein bisschen Flug. 11) unter Dach und Fach gekrochen. 12) strackt.  
13) trägt. 14) Caroline. 15) Genick. 16) ließ. 17) gezogen. 18) erzählen.  
19) Häker (die mit dem Haken) und Pläuger (die mit dem Pflug den Äcker bestellen. Haken ist der alte mechl. Pflug ohne Räder.)

grad'ut<sup>1</sup> haken, Allens mitnemen un kein Balken<sup>2</sup> stahn laten. Äwer wenn hei dit ok All besolt, so bliwt doch hir un dor en En'n liggen, un hei möt taurügg trecken<sup>3</sup> un hir en Kiel<sup>4</sup> utspißen un dor 'ne Ahnwening<sup>5</sup> nahhalen.<sup>6</sup> So geiht mi dat denn nu ok, ic möt en Strämel<sup>7</sup> taurügg trecken un möt Herr Droi'n un Mamzell Westphalen ehr En'n heranhalen, dormit ic wedder in eine Flucht<sup>8</sup> weghaken kann. —

Den sülwigen<sup>9</sup> Morgen, as de Möller mit de Koppweihdag<sup>10</sup> in sin Stäwelschächt<sup>11</sup> 'rin leß,<sup>12</sup> treckt<sup>13</sup> sich Mamzell Westphalen vollstännig an, denn sei was sihr ordentlich, un as sei ehr Mützenwark<sup>14</sup> upsetten wull,<sup>15</sup> dücht<sup>16</sup> ehr dat nich mihr in den richtigen Verfat<sup>17</sup> tau sin, denn sei was sihr rendlich;<sup>18</sup> sei gung also nah ehr Stuw un wull sick 'ne reine Müz halen, kloppt äwer irst an un frog: „Herr Droi, sünd Sei ok in Ehren vollstännigen Habit?“ — „Wui,“<sup>19</sup> säd de Uhrkenmaker. — Sei makt de Stuwendör up — Gott in den hogen<sup>20</sup> Himmel! — wo sach<sup>21</sup> dat dor ut! So wat hadd sei noch meindag' nich<sup>22</sup> seihn; denn in de Nacht was sei man het up den Gang kamen un hadd kein Òg<sup>23</sup> in ehr Stuw sueten.<sup>24</sup> De ganze Himmel<sup>25</sup> was dalbraken,<sup>25</sup> un dwarå<sup>26</sup> vör de Stuwendör lagg ein von de Franzosen in de witten Wulkgardinen<sup>27</sup> un rokt<sup>28</sup> ut 'ne irden Pip,<sup>29</sup> den schönen

1) geradeaus. 2) ungepflegte Streifen zwischen den Furchen.  
3) zurückziehen (den Pflug). 4) Kell. 5) Abwand, Abergrenze, wo der Pflug gewendet wird. 6) nachholen. 7) Streifen, Ende. 8) in einer geraden Linie. 9) selben. 10) Kopfschmerzen. 11) Stiefelschäfte. 12) quidte. 13) zog. 14) d. h. Mütze, Haube. 15) aufsehen wollte. 16) däuchte. 17) Verfassung, Zustand. 18) reinlich. 19) hohen. 20) sach. 21) niemals. 22) Auge. 23) geichmissen, geworfen. 24) Bettthimmel. 25) niedergebrochen. 26) quer. 27) weiße Wulkengardinen, die den Bettthimmel wie Wollen umgehen. 28) rauchte. 29) irdene Pfeife.

witt- un rodstripigen Pähl<sup>1</sup> unner'n Kopp; dei anner satt in ehren Lehnstaul un hadd sick de Beinen mit ehren nigen<sup>2</sup> ghinghangenen Überrock<sup>3</sup> taudeckt;<sup>4</sup> Herr Droi satt up't Fauten'n<sup>5</sup> von't Bedd, un unner sin Borenmühl<sup>6</sup> kek en Gesicht 'rut, dat red't von nicks anners, as von Waddik un Weihdag'.<sup>8</sup> Wo sach dat in ehr lütt Stünken ut! — Dat was ümmer ehr Stolz west, ehr Puzkasten; hir hadd sei ümmer up ehr eigen Hand regirt, hir hadd sei ümmer in purer Ordnung un Kendlichkeit seten, hadd Allens eigenhännig afwischt un afstöhmt.<sup>7</sup> Keiner dürwt ehr hir wat anfaten un ümkatern,<sup>9</sup> fülwst de Fru Meistern<sup>9</sup> nich: „Ne,“ säd sei, „de Fru Meistern is recht gaud; äwer förredem,<sup>10</sup> dat sei mi mal min Bernsteinkrallen<sup>11</sup> up de Zrd'<sup>12</sup> fallen let, förredem tru<sup>13</sup> id ehr nich.“ — Un nu! — Allens was ümreten<sup>14</sup> un ümstellt, de Stuw was blag<sup>15</sup> von Tobacksqualm, ehr Kledungsstücke wieren unner dat Rigel 'rutreten un legen bi Herr Droi'n sin Obergewehr un den Franzosen finen Pird'swanz,<sup>16</sup> un ehr Bedd, ehr schönes Bedd, stunn midden in de Stuw. — Dat Bedd was ehr eigen; ehr Gevadder, de Discher<sup>17</sup> Neuß, de oll Neuß — nich de jung' — hadd ehr de Beddlad' ut dat fülwige<sup>18</sup> Stück Holt malt, worut hei ehr ehr Sark<sup>19</sup> hadd maken müßt, sei hadd dat Garn<sup>20</sup> tau de Inlett<sup>21</sup> fülwst spunnen;<sup>22</sup> Meister Stahl hadd't wewt,<sup>23</sup> „tämlich gaud,“<sup>24</sup> säd sei, „äwer jede Bahn

1) weiß und roth gestreifter Pfuhl. 2) neuen. 3) Überrock. 4) zugedeckt. 5) Fußende. 6) eigentl. Mollen und Schmerzen; die allitt. Redensart bezeichnet ein sehr elendes, namentlich bleiches Aussehen. 7) abgestäubt. 8) von einer an die andere Stelle sezen. 9) Meisterin. 10) seitdem. 11) Bernsteinkorallen. 12) Erbe. 13) traue. 14) umgerissen. 15) blau. 16) Pferdeschwanz st. Helmbusch. 17) Tischler. 18) selbige. 19) Sarg. 20) Garn. 21) Bettrell. 22) gesponnen. 23) gewebt. 24) ziemlich gut.

twei Finger breid tau small,<sup>1</sup> un dat is 'ne Dummheit, denn ich bün en wat vollkamen<sup>2</sup> Frugensmänsch, un dat möt hei weiten." De Feddern<sup>3</sup> hadd ehr de Fru Amtshauptmannen schenken wullt, sei hadd s' äwer nich annamen<sup>4</sup> un hadd s' ehr betalt,<sup>5</sup> „deun" — säd sei, — „Fru Meistern, mine zeitliche un mine ewige Rauh will ich mi verdeint hewven, denn dat is min Stolz." Un as nu dat Bedd so wid farig<sup>6</sup> was, dunn köfft<sup>7</sup> sei sick twei Gäng<sup>8</sup> slohwitte Gardinen von dow Hirschen<sup>9</sup> un stek<sup>10</sup> sei sick an dat Himmelgestell un stellt sich in de Stuw drei Schritt von af un nicht mit den Kopp un säd: „Fru Meistern, dat En'n krönt dat Wark!" — Nu legen de Beddstücken in Unordnung heruum un de Kron lagg up de Ird'.

Tauirst steiht sei as andunnert<sup>11</sup> un lädt dörch den Tobacksqualm, as de Bullman<sup>12</sup> dörch den Abenddak,<sup>13</sup> dorup geiht sei en por Schritt up Herr Droi'n los, ehr Gesicht ward so rod as de Bodden<sup>14</sup> von den großen Köppern Waschkessel<sup>15</sup> in ehr Käk,<sup>16</sup> ehr Nachtmüz bewert<sup>17</sup> ehr up den Kopp vör Arger; äwer sei seggt nicks wider, as: „Wat is dit?" — Herr Droi stamert<sup>18</sup> wat taurecht von dit un von dat, äwer sei führt em sharp in't Gesicht un seggt: „Lügen,<sup>19</sup> Herr Droi! Sei hewven dese Nacht lagen,<sup>20</sup> Sei leigen<sup>21</sup> of hüt morrn. Ich heww Sei ut Barmherzigkeit min Slapstäd',<sup>22</sup> min Bedd inräumt,<sup>23</sup> un dit is min Dank!" — Dormit geiht sei an ehr Kommod' un halt sick 'ne

1) schmal. 2) etwas vollkommen, d. h. ziemlich corpulent. 3) Geben. 4) angenommen. 5) bezahlt. 6) so weit fertig. 7) kaufte. 8) d. h. so viel, um wechseln zu können. 9) von dem tauben Hirsch. 10) steckte. 11) angedonnert. 12) Bollmord. 13) Abendnebel. 14) Boden. 15) kupferner Waschkessel. 16) Küche. 17) hebt, zittert. 18) stottert. 19) Lügen. 20) gelogen. 21) liegen. 22) Schlafstätte. 23) eingeräumt.

reine Morgenmüß ut de Schuwlad<sup>1</sup> un will nu ut de Dör gahn, ahn<sup>2</sup> Herr Droi'n antauseihn, dunn führt sei äwer ehr schönes Unnerbedd ut de Beddlad' heruthängen, halw an de Frd'; dat jammert ehr denn doch tau sihr, un sei will't in de Höcht hören,<sup>3</sup> fött<sup>4</sup> äwer unglückliche Wis' grad' up dat natte Flag,<sup>5</sup> wo dat Water 'rin lopen<sup>6</sup> was, un smitt dat Herr Droi'n an den Kopp un seggt: „Pfui! Ok<sup>7</sup> dat noch!“ un segelt ut de Dör, un lett von achter<sup>8</sup> so priswürdig un iherenfaßt,<sup>9</sup> as wenn de Unschuld up den Richtplatz führt<sup>10</sup> ward.

De beiden Franzosen lachen un häckeriren, sei äwer führt sich nich doran, un as sei den Gang hendaßen<sup>11</sup> geiht, trett<sup>12</sup> de französche Oberst mit sinen Adjutanten in voller Unneform ut de blag' Stuw<sup>13</sup> un makt ehr 'ne höfliche Rewerenz. Frilich is ehr gor nich sihr nah Höflichkeiten tau Maud'; äwer so as Einer anfröggt,<sup>14</sup> möt hei jo doch ok Antwort hewen, un as de Mann is, möt em doch ok de Wurst brad't<sup>15</sup> warden, sei dükert<sup>16</sup> also wedder mit en Knicks unner un seggt: „Gu'n Morrn, Herr Oberst von Toll,“ un will vör-äwer. — De Oberst höllt sei äwer up un seggt: „„Erlauben Sei, ich möt den Herrn Amtshauptmann sprechen. Wo is dei woll tau finnen?““<sup>17</sup> — Mansell Westphalen denkt, ehr fall de Slag röhren. „Wat wull'n Sei?“ fröggt sei ganz verduzt. — De Franzos' bringt sin Gewarw<sup>18</sup> noch mal an. — „Wo wir dat woll möglich!“ seggt Mansell Westphalen. „Unfern

1) Schiebleade. 2) ohne. 3) in die Höhe, aufheben. 4) faßt. 5) auf den nassen Fleck, Stelle. 6) gelaufen. 7) auch. 8) lässt, sieht aus von hinten. 9) ehrenfest. 10) geführt. 11) herunter. 12) tritt. 13) aus der blauen Stube. 14) anfragt. 15) Wurst gebraten. 16) eigentl. taucht unter, verniegt sich. 17) finden. 18) Gewerbe.

Herrn Amtshauptmann willen Sei des Morgens halwig<sup>1</sup>  
acht spreken?" un as de Franzos' dorbi bliwwt, seggt  
sei: „Herr Oberst von Toll, in mine Stuw is mi dese  
Nacht dat Bäbelst tau't Unnerst ümkührt<sup>2</sup> — leider  
Gotts möt ic̄ mi dat gefallen laten — äwer Keiner  
fall von mi seggen, dat ic̄ de Hand dortau baden<sup>3</sup>  
heww, dat de Weltordnung ümkührt warden soll. Un  
wenn dat ok̄ kein christlich Slapen<sup>4</sup> is mit den ollen  
Herrn, so is hei doch Herr un kann slapen as en  
Herr un dauhn, wat em geföllt. Kein König un kein  
Kaiser, un wenn uns' Herzog Friedrich Franz fülvwen<sup>5</sup>  
kem, füllen mi dortau bewegen, mi in 'ne Rebellsjon  
gegen dat häusliche Herkommen intaulaten."<sup>6</sup> — Denn  
würd' hei dat fülvst dauhn, säd de Oberst, schow<sup>7</sup>  
Mamsell Westphalen höflich bi Sid' un gung de Stufen  
nah haben<sup>8</sup> 'rup. „Gott fall mi bewohren!" säd de  
oll Dam, un ehr sagten<sup>9</sup> de Hän'n an den Liw hen-  
dal:<sup>10</sup> „ic̄ glöw, de Kirl deiht't!<sup>11</sup> un as sei den  
Franzosen in den ollen Herrn sine Stuw 'rinner gahn  
hürt, seggt sei: „hei deiht't!" un as de Adjutant nah  
ehr Stuw tau Herr Droī'n geiht, seggt sei: „schei-  
beinige Ekel,<sup>12</sup> du fehlst noch!" un geiht in de Räk<sup>13</sup>  
un seggt tau de beiden Dirns:<sup>14</sup> „Fik un Corlin, unsen  
Herrgott sin häutige Dag fangt slimm an, un wenn dat  
so bibliwwt,<sup>15</sup> denn ward hei dat fülvst am besten  
weiten, womit dat hei en'n<sup>16</sup> fall. — Morgen legg wi  
up de Bük,<sup>17</sup> dor heww ic̄ min Grün'n<sup>18</sup> tau; hüt

1) halb. 2) das oberste zu unterst gelehrt. 3) geboten. 4) Schlafen.  
5) selber. 6) gegen das häusliche Herkommen einzulassen. 7) schob.  
8) oben. 9) sagten. 10) herunter. 11) thut es. 12) schiefbeiniger „Ekel“,  
Scheltwort. 13) Küche. 14) Dirnen = Dienstmädchen. 15) bleibt.  
16) enden. 17) legen wir auf die Bäuche, d. h. weichen wir Wäsche in  
Länge ein. 18) Gründe.

geiht Feder von uns an sin Arbeit un deiht, as wenn nicks passirt is." Un dormit namm sei de Kassemäh'l, un dreih't un dreih't un de Kassemäh'l, dei 'rätert<sup>1</sup> un rätert, un as sei de lütt Schuwlad' unnen utschüdden wull, dunn was dor nicks in, denn sei hadd haben<sup>2</sup> kein Bohnen upschüdd't. —

Baben bi den ollen Herrn würd dat nu sihr lebendig, un sihr lud'<sup>3</sup> würd dor spraken, un Fritz Gahlmann, de unverstännige Slüngel, dei grad' dorbi was, den ollen Herrn sin irden Pipen<sup>4</sup> tau stoppen,<sup>5</sup> vull denn nu jo doch vertellen,<sup>6</sup> wo't haben hergung, un stört't<sup>7</sup> mit dat ganze Pipengedriw<sup>8</sup> in de Hand nah de Käkendör'r 'rin, wo Fil grad' ganz andächtig ehr Uhr an den Dörenpost<sup>9</sup> leggt hadd, üm ol en beten dorvon tau profentiren,<sup>10</sup> un — bauß! — fohrt hei gegen Fil, un — flacks! — liggt de ganze Pipenbeschierung un flätert<sup>11</sup> in de Käk<sup>12</sup> 'rum. Mamzell Westphalen ehr Hand reckt<sup>13</sup> sich äwerst nich äwer em, ehr Hän'n liggen in ehren Schot,<sup>14</sup> un sei seggt ganz sachtmäudig:<sup>15</sup> „Ganz in de Ordnung! — Wenn Allens unnergahn un taufambreken<sup>16</sup> fall, brecht so'n irden Pip woll am irsten, un wenn de Himmel inföllt,<sup>17</sup> fallen all de Sparlings dod. — Mi süll't gor nich wunnern, wenn nu wer 'rin kem un smet all uns' puzzellanen<sup>18</sup> Geschirr dörch de Finsterruten."<sup>19</sup>

De Strid<sup>20</sup> haben würd' luder,<sup>21</sup> de Wurdwessel<sup>22</sup> schallt von den Börplatz her, un de oll Herr Amtshauptmann steg mit den Obersten de Stufen 'runner

1) rästert, rasselt. 2) oben. 3) laut. 4) irdene Pfelsen. 5) stopfen.  
6) erzählen. 7) stürzte. 8) Getriebe, hier: Geschirr. 9) Thürposten.  
10) profitiren. 11) flappert. 12) Küche. 13) streckt. 14) Schoß.  
15) sanftmäudig, gelassen. 16) zusammenbrechen. 17) einfällt. 18) porzellanen. 19) Fensterscheiben. 20) Streit. 21) lauter. 22) Wortwechsel.

nah den Gang. De oll Herr säd mit barsche, korte Würd': de Unner füll dauhn, wat hei nich laten künne, denan hei hadd jo de Macht. De Oberst säd: dat wüft hei. Ihre hei äwerst von de Macht Gebruk makt, wull hei ißt unnerjäulen,<sup>1</sup> wo de Sak stünn, denn dat künne nich anners sin: hir wiren Ding' vörgahn, dei vertuscht warden füllen. — Hei hadd nicks tau vertuschen, säd de Amtshauptmann. Wenn hir wat tau vertuschen wir, denn hadden de Franzosen wat tau vertuschen; oder ob so'n Hallunk, as de Schaffür west wir, bi ehr in Ihren<sup>2</sup> un Achtung stünn.<sup>3</sup> Hei för sin Part wüft wider nicks, as dat de Kirl as en Röwer<sup>4</sup> tau em kamen wir, un as en Swinhund sic bedrangen hadd, un dat sin Lüd' un de Uhrkenmaker Droz em seggt hadden, de Gielowsch Möller hadd em up den Wagen un wull em mitnemen; denn seihn hadd hei'n nich. — Woher denn äwer de Uhrkenmaker Droz in de französische Unneform kem? fragt de Oberst. — Dat kümmt em nich, säd de oll Herr, un hei brukt dor nich för uptaukamen,<sup>5</sup> denn de Mann wir nich amtsjässig. Hei hadd man hürt, de Mann treckt<sup>6</sup> männigmal tau sinen Vergnäugen de Unneform an. — Dat wiren Utflücht,<sup>7</sup> säd de Oberst. — Dunn brus't äwer de oll Herr up un hei rich't sic in sine ganze Läng' in de Höcht, hei kek den Franzosen mit so'n vörnemen Blick an un säd: „Utflücht sind Schwesterner von Lügen.<sup>8</sup> Sei vergessen<sup>9</sup> min Öller<sup>10</sup> un minen Stand!“ — De Oberst ward heftiger un seggt: Kori un gaud, de Sak wir em unwohfschinlich. — „So?“

1) untersuchen. 2) Ehren. 3) stände. 4) Räuber. 5) er brauche dafür nicht aufzukommen. 6) zöge. 7) Ausflüchte. 8) Schwesterner von Lügen. 9) vergessen. 10) Alter.

fröggt de oll Herr, un unner sin grisen Ogenbrauen<sup>1</sup>  
lücht't<sup>2</sup> dat 'ruter mit en Blick vull Hah un Grull, as  
wenn ut 'ne düster Donnerwulf<sup>3</sup> en Blitz äwer 'ne  
fründliche Landschaft sohrt.<sup>4</sup> „Dat schint Sei un-  
wohrschinlich?“ un makt 'ne halwe Wenning<sup>5</sup> un  
käck den Obersten so äwer de Schuller an. „Worüm  
füll sich en Franzos' nich tau sinen Bergnäugen 'ne  
französche Unneform antrecken, wenn dorin so vele  
Dütsche tau ehren Bergnäugen 'rümmer lopen?“<sup>6</sup>

Füerrod gütt<sup>7</sup> dat den Obersten äwer dat Gesicht  
— en kerten Ogenblick — blaß as de Dod trett<sup>8</sup> hei  
en por Schritt taurügg, grippt<sup>9</sup> nah den Degen, un't  
was, as wenn 'ne grugliche<sup>10</sup> Gewaltdaht as en Späuf<sup>11</sup>  
achter em stünn un em de Hand lenken wull — of  
man en kerten Ogenblick — hastig dreicht hei sich üm  
un gung mit starken Schritten den Gang dal<sup>12</sup> — un  
Eik, dei in de Käf<sup>13</sup> dörch de Dörenriß<sup>14</sup> Allens mit  
anseihn hadd, säd nahsten ümmer,<sup>15</sup> so wat hadd sei  
in ehren Lewen nich seihn: „hei was jo en smuden  
Mann un hadd en fründlich Gesicht,“ set't sei hentau,  
„äwer, as hei den Gang so 'runner kamm, dunn weit  
ick nich, föll<sup>16</sup> mi dat mit einmal in, dat ic̄ mal, as  
ick noch Gääuf' häuden ded,<sup>17</sup> midden in'n Sommer bi  
hellen Sünneschin en Küselwind<sup>18</sup> erlewt heww, dei  
in'n Handümdreihn von de schöne Eik achter'n Preister-  
goren<sup>19</sup> all de Telgen afbröf,<sup>20</sup> dat Allens dörchenanner  
flog, un so flog dat of äwer sin Gesicht.“

---

1) Augenbrauen. 2) leuchtet. 3) Donner-, „Gewitterwolke. 4) fährt.  
5) Wendung. 6) herumlaufen. 7) gieft. 8) tritt. 9) greift. 10) gräu-  
lich, gräßlich. 11) Spuk. 12) herunter. 13) Küche. 14) Thürzige.  
15) immer. 16) fiel. 17) Gänse hüte. 18) Wirbelwind. 19) Eiche hinter  
dem Priestergarten. 20) alle Zweige abbrach.

De Oberst dreicht sic wedder üm, gung up den Amtshauptmann los un säd kolt un ruhig: sei spröken sic äwer den'n Punkt woll mal wider; sin Pflicht verlangt, de Sak up den Grund tau kamen. — Worüm de Uhrkenmaker dese Nacht up den Sloß slapen<sup>1</sup> hadd? — „Hei hett hir nich slapen,“ säd de oll Herr. — Ja, säd de Oberst, hei hadd hir slapen, in dei Stuw hadd hei slapen — un wiſt up Mamsell Westphalen ehr Stuw. — „Nich möglichs!“ rep de oll Herr un erhöw de Stimm, as wull hei vör aller Welt 'ne Unſchuld vertreden, „dat is Mamsell Westphalen ehr Stuw. Dat olle Mäten<sup>2</sup> is äwer twintig Johr<sup>3</sup> in minen Hus' un dei süll des Nachts Mannslüd' bi sic beharbargen?“ — „Corlin,“<sup>4</sup> säd Mamsell Westphalen in de Räk,<sup>4</sup> „slah mi dreimal drift<sup>5</sup> in dat Genick,<sup>6</sup> denn mi treden de Ahnmachten an,<sup>7</sup> un allens geiht mit mi rund!“<sup>8</sup> —

Indessen ritt de Oberst de Dör up, un dor führt denn de Herr Amtshauptmann den Uhrkenmaker vör sic stahn, den'n währenddes grad' de Adjudant in't Gebett namen<sup>9</sup> hett, un dei allens Mögliche vertellt<sup>10</sup> hett, blot nich de Wahrheit, dat min Vader em as Schugels<sup>11</sup> gegen de Franzosen brukt<sup>12</sup> hett, un dei oł Stein un Bein sworen<sup>13</sup> hett, dat de Gielowsch Möller den Schassür mitnamen hett. — De oll Herr Amtshauptmann verfirt sic dägern,<sup>14</sup> as hei den Uhrkenmaker dor führt. „Dit is mi unerklärlich!“ röppt hei it. — De Oberst lacht höhnſchen<sup>15</sup> vör sic hen un

1) geschlafen. 2) Mädchen. 3) über zwanzig Jahre. 4) Küche. 5) breift, tüchtig. 6) Genick. 7) d. h. ich falle in Ohnmacht. 8) sieht. 9) ins Gebet, in Verhör genommen. 10) erzählt. 11) Scheuche. 12) gebraucht. 13) geschworen. 14) erschrickt sich gewaltig. 15) höhnisch.

seggt: hei hofft, dat sull nich lang' unerklärlich bliwen; red't dorup en por Würd' heimlich mit den Adjudenten un verlangt de Slätel<sup>1</sup> tau't Amtsgefängniß. — „Dei gew id nich 'rut för desen Gefangen,” seggt de Amtshauptmann, „denn de Mann hett kein Recht an dat Amtsgefängniß, hei is en Börger un hei hürt<sup>2</sup> up't Börgergehursam.“<sup>3</sup> — Dat wir schön, seggt de Oberst, un so wir't em ok leiwer, denn so wüxt hei doch, dat nich so licht Dörchstelerien<sup>4</sup> passiren kün'n. —

Herr Droi ward also in de Midd von en por Soldaten namen — denn mithewil grimmelt<sup>5</sup> dat all vull allerlei französch Volk up den Slozhof — un würd' nah't Rathhus transportirt. De Oberst gung ok; äwerst as hei in de Dör was, dreicht hei sich üm un säd, wenn hei streng nah sin Pflicht güng, müxt hei den Herrn Amtshauptmann ok arretiren laten, äwer wil hei en ollen Mann wir, un vör Allen, wil hei em persönlich hir so'n grausam bitter Wurd seggt hadd, wull hei em in Freden laten, denn hei wull in dese Sak ok nich den entfirntesten Schin up sich laden, as wull hei sich vör dat Wurd reken;<sup>6</sup> äwer dat säd hei em, sull sin Gegenwärtigkeit oder de von Mansell Westphalen in de Unnersäukung<sup>7</sup> nödig warden, denn kunn hei't em nich schenken, un hei müxt för sich un Mansell Westphalen stahn. Dat säd de oll Herr ruhig un kolt tau, un de Oberst gung, beordert äwer up de Städ<sup>8</sup> en por Schandoren nah de Gielowsch Mähl, wobi hei den ollen Herrn scharp anfek.<sup>9</sup>

1) Schlüssel. 2) gehört. 3) das städtische Gefängniß. (Es handelt sich hier um den Unterschied der im Amtsgebiet bestehenden fürstlichen, domandalen, und der städtischen Gerichtsbarkeit.) 4) Durchstechereien. 5) grimmelt. 6) rächen. 7) Untersuchung. 8) auf der Stelle. 9) scharf anguckte.

De oll Herr gung irft up de Käf<sup>1</sup> tau, un Fil verkröp<sup>2</sup> sict all un buct<sup>3</sup> von ehr Dörenritz t'rügg, denn sei dacht, de Herr würd 'rinkamen, dei äwer stunn mit einmal still un dreihst sich üm un säd vör sict hen: „Wat säd de Kirl von Dörchstekeri un von Schin up sict laden? — Wat jo'n französch Oberst blot reden kann, kann de Amtshauptmann Bewer gaud dauhn: ic will of nich den Schin up mi laden, as hadd ic in den Sinn, Dörchstekeri tau driwen.“<sup>4</sup> Un hei gung in sin Stuw.

---

### Dat sâbente Kapittel.

Wat min Uncle Hers' säd, un wat min Uncle Hers' was; un worüm Fritz Gahsmann fläuten<sup>5</sup> müßt.

As de Uhrkenmaker den Sloßbarg hendal bröcht<sup>6</sup> würd', was jo denn nu natürlich Fritz Gahsmann mitgahn, blot üm tau seihn, wo den Arrestanten de Sak Neden<sup>7</sup> würd', un wat<sup>8</sup> hei woll nich utritschen<sup>9</sup> ded; doch dit Lebztere geschach nich. De Zug<sup>10</sup> gung langsam dal nah't Rathhus, denn hei müßt sict mit Mäuh<sup>11</sup> dörchwinnen<sup>12</sup> dörch allerlei Gespann un Fuhrwark, dat taum Transportiren von Gepäck un Maroden un taum Vörspann von Kanonen ut de Dörper<sup>13</sup> un de Stadt kummandirt was, un dei nu up den Sloßhof un den Weg taum Sloß tausam dreyen<sup>14</sup> un mit Franzosen ümfellt wieren, dat sei nich wedder schapiren<sup>15</sup> füllen, denn dor wieren de ollen Buren<sup>16</sup> nu

1) Küche. 2) verkröch. 3) bog sich. 4) treiben. 5) flöten, pfeifen.  
6) heruntergebracht. 7) Kleiden. 8) ob. 9) ausbreiten. 10) Zug. 11) Mühe.  
12) durchwinden. 13) aus den Dörfern. 14) zusammen getrieben.  
15) entfliehen (échapper). 16) Bauern.

all hellischen Klauk<sup>1</sup> up. — De Uirkennmaker gung gedüllig<sup>2</sup> as en Lamm, un of ganz ruhig mit sin beiden Wächters dörch den Hümpel,<sup>3</sup> denn wenn hei sick of in de Erst<sup>4</sup> hellischen verfirt<sup>5</sup> hadd, un wenn em de ganze Sak dese Nacht äwer of hellischen eßlich un bedenklich was, so was hei doch während dat Verhür, wat de Adjudant mit em anstellen ded, in 'ne Ort von Bersat<sup>6</sup> kamen, dei sick mit de Nedensort befeiken lett:<sup>7</sup> „Ned' du man! Du kannst vel reden, ihre<sup>8</sup> mi en Wurd dorvon geföllt,” un sin Antwortn wiren hellischen sporsam utfollen.<sup>9</sup> Un wenn hei of nich so'ne wille Krasch<sup>10</sup> in sick hadd, dei up Allens glik<sup>11</sup> losgeiht, so was hei doch all tau lang' in de Welt west un hadd all so oft in de Tint' seten,<sup>12</sup> dat hei nich glik verzagt. hei let dat an sick kamen. „Wo dit woll ward?” säd hei sülwst, as hei in de Rathhusdör 'rinner schubbst<sup>13</sup> würd. —

„Fritz Sahlmann,” seggt Rathsherr Hers<sup>f</sup>, as de Jung' wedder nah't Sloß 'rupper will, „wat heit dit?” — Fritz vertellt<sup>14</sup> denn nu mit de grötste Wichtigkeit de Geschicht von gestern, un wo Herr Droi in Mamsell Westphalen ehre Stuw slapen un Allens Fort flagen<sup>15</sup> hadd, un wo hei sülwst den Herrn Amtshauptmann sin Pipen<sup>16</sup> intwei smeten hadd, — hei kunn dor äwer nich för, denn Fik wir schüllig<sup>17</sup> doran, — un wo de Oberst den Herrn Amtshauptmann hadd dodsteken<sup>18</sup> wulst, un wo Mamsell Westphalen in de

1) sehr klug. 2) gebuldig. 3) haufen. 4) zuerst. 5) erschrocken.  
6) Ort von Bersatzung. 7) bezeichnen läßt. 8) ehe. 9) ausgefallen.  
10) wilde Courage. 11) gleich. 12) gesessen. 13) geschupft, gestoßen.  
14) erzählt. 15) kurz, entzwei geschlagen. 16) Pfeisen. 17) schuldig.  
18) todtsiechen.

Käf set, as en Bild des Leidens; von den Eisklumpen<sup>1</sup>  
säd hei äwerst nicks.

Nu was äwerst min Uncle, de Rathsherr Herz',  
en ungeheuren Patriot, wenn ok man heimlich. Ut  
dat hett sinen Grund. Denn, as hei mi nah langen  
Jahren, as Bonapart<sup>2</sup> all dod was, tauflustern ded,<sup>3</sup>  
hürt<sup>4</sup> hei üm dese Eid<sup>5</sup> tau den Eugenbund. Un  
glöwen will ic̄ em dat, denn wenn hei in Gesellschaft  
was, denn spelt<sup>6</sup> hei ümmer mit 'ne lange Uhrled'<sup>7</sup>  
von sihr helle Hor — un Tanten Herzen ehr wiren  
swart — un wiſt ümmer en gefährlich groten isern  
Fingerring, womit hei mal den Vagebunden, den  
Slößergesellen Höpner, binah dodslagen hadd, as dei  
sic̄ in de Gerichtsstuw sihr unhöflich upführen ded.  
— „Fritz,“ säd hei später tau mi, „dit helle Hor is  
von eine heldenmüthige Jungfrau, dei sic̄ Anno  
drütteihn<sup>8</sup> den Kopp för't Vadersland hett scheeren  
Laten, un de isern Ring hett mi minen gollenen kost.<sup>9</sup>  
Red' äwer nich dorvon, ic̄ mag dat nich.“ Hei was  
also üm dei Eid, as dese Geschicht spelen ded, mit  
Recht sihr för Heimlichkeiten. Un möglich is't ok, dat  
sū Ort un Wiſ,<sup>10</sup> Allens in'n Ganzen, ut en widen  
Gesichtspunkt tau äwerslahn,<sup>11</sup> mit sine heimliche Ver-  
bräuferung tausam hung, denn wenn min Oll<sup>12</sup> mit de  
nidswürdigsten Plackerien un Schinnerien<sup>13</sup> sic̄ Nacht  
un Dag afquälen müſt, doimit dat oll lütt dürtig  
Stadtwesen knapp noch tausam haken<sup>14</sup> bleu un nich  
ganz ut den Lim<sup>15</sup> güng, denn let Rathsherr Herz'

1) Eisklumpen. 2) Bonaparte. 3) zuflüsterte. 4) gehörte. 5) Zeit.  
6) spielte. 7) Uhrkette. 8) dreizehn. 9) gekostet. 10) Art und Weise.  
11) überschlagen. 12) Alter, Vater. 13) Schindereien, Scherereien.  
14) zusammenhängen. 15) Leim.

Kutusoffen rechts marschiren un Czernitscheffen links  
un lawt<sup>1</sup> Yorken un schüll<sup>2</sup> up Bülown, hei ver-  
stunn<sup>3</sup> sin Sak nich, denn hei hadd sic<sup>t</sup> nich up  
Berlin, hei hadd sic<sup>t</sup> bet rechts nah Stenihagen trecken<sup>4</sup>  
un hadd Boneparten het<sup>5</sup> in de Flanken fohren müßt.  
Kort, hei was so recht de Mann dortau, ut en  
Eünnenprust<sup>6</sup> en Dunnerstag tau maken:<sup>7</sup> in jeden  
unschülligen französchchen Kapperal<sup>8</sup> sach hei den kor-  
sikanischen Wütherich, un hadd de Stadtdeiner Luth  
an'n klagen Maudag<sup>9</sup> bi 'ne Gesellen-Slägeri en  
por Kappes afkregen,<sup>10</sup> denn hadd hei sic<sup>t</sup>, as wir  
de Herzog von Meckelborg mit Mulschellen traktirt  
worden.

„Holl Din Mul, Zung‘,“ flüstert Rathsherr Herf-  
schr in dringlich, „willst Du Zug‘ Dodsurthel<sup>11</sup> hir up  
den öffentlichen Markt utschrigien?<sup>12</sup> — För den Uhrken-  
maker sin Lewen gew ic<sup>t</sup> keinen Gröschchen, denn dat is  
gewiß, dat de Möller un sin Fridrich den Schassür  
dodslagen hewwen . . . .“ — „De Möller nich,“<sup>13</sup>  
söllt em Fritz in de Ned, „de Möller was gisternd nids  
as Bramwin un Barmherzigkeit.“ — „Na, denn sin  
Fridrich, dat's en Preuß. Weitst Du, wat en Preuß is?  
Weitst Du, wat en Preuß tau bedüden<sup>14</sup> hett? Weitst  
Du . . . ? Dunime Zung‘, wat kicst<sup>15</sup> mi an? Meinst  
Du, dat ic<sup>t</sup> Di min Angelegenheit up de Näs' binnen<sup>16</sup>  
fall? — Doch, wat ic<sup>t</sup> seggen wull — den ollen  
Amitshauptmann warden sei nah Bäjonn<sup>17</sup> in Frankrik  
schicken, wo sei den Ivenacker Grafen sinen Schimmel-

1) lobt. 2) schalt. 3) verstände. 4) ziehen. 5) mehr. 6) Niesen  
(durch das Sonnenlicht erzeugt). 7) d. h. aus Kleinem Großes zu  
machen. 8) Corporal. 9) am blauen Montag. 10) Schläge abgetragen.  
11) Euer Todesurtheil. 12) ausschreien. 13) bedeuten. 14) guckt.  
15) binden. 16) Bayonne.

hingst, den Herodoht, of henschicht hewwen, un Mam-  
sell Westphalen — so vel as ic de franzöischen Kriegs-  
gesetze kennen dauh — ward woll einfach uphängt<sup>1</sup>  
warden, un Du, min Sähn, för de Bestellung, dei  
Du utrich't heft, wardst woll en ungeheuren Puckel  
vull Släg'<sup>2</sup> kriegen." — Fritz Sahmann sach den nu  
in 'ne traurige Zukunft<sup>3</sup> un maßt of en Gesicht  
dornah. „Herr Mathsherr, doch nich up den öffent-  
lichen Markt?"<sup>4</sup> frag hei. — „Wo Du grad' geiht un  
steihst; dorüm heit dat jo Standrecht. Wenn äwer  
de Sak in de richtige Hand namen ward, kann Allens  
noch schön taurecht kamen. — Kannst Du swigen?"<sup>5</sup>  
— Fritz Sahmann säd, hei kunn ganz utverschamten<sup>6</sup>  
swigen. — „Na, denn kumm mal her un steck<sup>6</sup> de  
beiden Hän'n in de Hosentaschen un fläut<sup>7</sup> mal. —  
So! dat geiht all! — Un nu maß mal so'n ver-  
luren Gesicht, as wir Di gor nids weg,<sup>8</sup> as Du bi  
Sommertiden maßst, wenn Du in'n Sloßgoren Appel  
von de Böm<sup>9</sup> smittst un Mamfell Westphalen d'räwer  
taukümmt.<sup>10</sup> — Richtig! — un nu markt<sup>11</sup> Di jedes  
Wurd, wat ic Di segg: nu gehst Du mit dit Gesicht  
un mit desen schönen Schin vull kindliche Unschuld  
dörch de Franzosen un de Buren<sup>12</sup> dörch up dat Sloß  
in de Käk<sup>13</sup> un röppst<sup>14</sup> Mamfell Westphalen allein in  
de Eck un seggst denn blot de beiden Würd': „Rettung  
naht!" Süll sei sick dor nich mit taufreden<sup>15</sup> gewen,  
denn kannst Du ehr in aller Glimplichkeit segggen, wat

1) aufgehängt. 2) Buckel voll Schläge, d. h. Tracht Prügel.  
3) traurige Zukunft. 4) schweigen. 5) unverschämmt, d. h. außerordentlich.  
6) stecke. 7) flöte, pfeife. 8) als wäre Dir gar nichts weg, d. h. als wärst  
Du ganz unbeteiligt. 9) Apfel von den Bäumen. 10) drüber zukommt.  
11) merke. 12) Bauern. 13) Küche. 14) rufst. 15) zufrieden.

ic̄ von't Uphängen seggt heww, un sūll sei sic̄ dor-  
äwer in Etwas verfiren,<sup>1</sup> denn seggst Du ehr, sei  
sūll noch lang' nich verzagen, denn ic̄, de Rathsherr  
Hers', hadd de Sak in de Hand namen. Vör Allen  
sūll sei äwerst<sup>2</sup> glik̄ de Kükendör affluten<sup>3</sup> un de  
Achterdör<sup>4</sup> nah den Goren<sup>5</sup> hen, un sei un de beiden  
Dirns un Du sūllen jeder en Stück Dings in de  
Hand nemen un keinen Franzosen 'rinner laten un  
sūll'n sic̄ wehren het up den letzten Mann, het ic̄  
lam. Ic̄ äwer ward' glik̄ dörch den Slohgoren nah  
de Achterdör gahn — will mi man irft en Mantel  
halen,<sup>6</sup> denn dat regent<sup>7</sup> all infam — un min Parol  
wir: „Wohl, wohl!“ un min Feldgeschrei wir: „Yor!“  
Ne, dat geiht nich, dat versteiht sei nich. — Na,  
wat denn? 'E is ganz egal — 't is ganz egal. —  
Na, min Feldgeschri wir — wir — „Sur<sup>8</sup> Swin-  
fleisch!“ Dat versteiht sei. — Wenn also Einer  
kem un röp<sup>9</sup> dit Wurd, denn sūll sei de Achterdör  
upmaken.<sup>10</sup> — Hest Allens behollen?<sup>11</sup> — „Ja, Herr  
Rathsherr.“ — „Na, denn gah! Un Keiner, sūlwst  
de Amtshauptmann nich, erfohrt dorvon en Wurd!“  
— Frix gung, un ok̄ de Herr Rathsherr.

Min Uncle Hers' hadd sic̄ natürlich glik̄, as hei  
Rathsherr worden was, de blage<sup>12</sup> Rathsherrnunneformi  
mit den roden un gollen<sup>13</sup> Kragen maken laten, un  
wil hei en groten, starken, stattschen<sup>14</sup> Mann was,  
trect<sup>15</sup> hei sei führ girt an, wenn jichtens<sup>16</sup> Gelegen-  
heit dortau was, taum Bispill,<sup>17</sup> wenn de Sprütten<sup>18</sup>

1) erschrecken. 2) aber. 3) die Küchenthür abschließen. 4) hinter  
thür. 5) Garten. 6) holen. 7) regnet. 8) sauer. 9) läme und riefe  
10) aufmachen. 11) behalten. 12) blaue. 13) golden. 14) stattlich  
15) zog. 16) irgend. 17) zum Beispiel. 18) Spritzen.

probirt würden, oder wenn an'n Maidag de Käuh<sup>1</sup> in de Koppel kemen, oder wenn Inquartirung kamm, üm sich in den gehörigen Respekt tau setzen. Wenn denn min Bader in finen grisen Röckchen<sup>2</sup> achter den Gerichtsdisch sitten ded, un schrew, dat em de Fingern knackten, gung Rathsherr Herf<sup>3</sup> vör den Gerichtsdisch up un dal<sup>4</sup> un besorgte de Würd un den Glanz, wobi em dat denn führ ketteln<sup>4</sup> ded, wenn so'n Franzos' em mit „Monsieur le maire“ anred't! Minen Bader was dat ok nich entgegen, denn meistendeils gaww dat bi dit Geschäft wat uttaubaden,<sup>5</sup> un dat äwerlet<sup>6</sup> hei denn mit den Glanz ok den Herrn Rathsherrn, un hei ävernamm<sup>7</sup> de Arbeit. So hadden sei sich dat richtig indeilt,<sup>8</sup> un wenn Rathsherr Susemühl sin swor Deil<sup>9</sup> as Besitzer bi 'n Gerichtsdag ordentlich besorgte, un Stadtdeiner Luth dat Lopen<sup>10</sup> up de Strat, un Stadtspreker<sup>11</sup> Dohmstreich nich dicker würd, as hei würflich was, dat hei noch af un an dörch Feld un Holt gung un up 'ne weike Grabenburd<sup>12</sup> finen Middagslap beschaffte, wenn de Viertelsslüd<sup>13</sup> af un an de Sprütten probirten un de Bullenangelegenheit<sup>14</sup> besorgten un Panner<sup>15</sup> Hirsch de Jung's ut de Urwtpalen<sup>16</sup> jog,<sup>17</sup> — denn null ic mal eins sehn, wo 'ne Stadt un 'ne Feldmark tau finnen wir, dei so in'n Zug<sup>18</sup> un up den Danim<sup>19</sup> was, as min Baderstadt Stemhagen! Un dat kamm all dorvon her, dat Rathsherr Herf<sup>20</sup> giri fin Unneform dragen müggt.<sup>20</sup>

1) Kühe. 2) greises Röckchen. 3) auf und ab. 4) L. heln. 5) auszubaden. 6) überließ. 7) übernahm. 8) eingetheilt. 9) schweres Theil. 10) Laufen. 11) Stadtsprecher, Bürgerworthalter. 12) weiche Grabenborte, -ufer. 13) Viertelsleute, Bürgervorsteher. 14) in Betreff des Gemeindehollens. 15) Pfänder, Hirschklüß. 16) Erbsenschoten. 17) jagte. 18) Zug. 19) d. h. wohlauß. 20) tragen möchte.

Also, as min Unkel Hers' nu nah Hus gung —  
denn dat regent all piplings<sup>1</sup> — söcht<sup>2</sup> hei in sinen  
Kleiderschapp<sup>3</sup> nah sinen grisen Mantel, un dorbi föll  
em sin Unneform in de Hand un hei dacht: „Süh, hüt  
is de Gelegenheit bornah, un wer weit, sei kann mi  
mäglich in min Vörnemen nütten,<sup>4</sup> un treckt sei an  
un set't sich of den schönen Dreimaster up, den'n wi  
Zung's nahsten ünner<sup>5</sup> as Kahn up den ollen Nah-  
maker<sup>6</sup> sinen Dik<sup>7</sup> hewwen sweninen laten. Na, tau  
deße Tid was hei noch in sinen besten Verfat,<sup>8</sup> un  
as de Herr Rathsherr ut de Husdör gung, slog hei  
den Mantelkragen doräwer, dat de Haut<sup>9</sup> nich natt<sup>10</sup>  
würd, un min Unkel Hers' sach nu bi helligen Dag'  
ut as en französchchen General bi Nacht, wenn hei de  
findlichen Posten wohrschu't.<sup>11</sup> „So，“ säd hei, „un  
nu kennt mi of kein Minisch!<sup>12</sup>“ hei gung äwer'n  
Mark un maßt en lütten Umweg äwer'n Buhof,<sup>13</sup> wo  
Pächter Nahmaker ut dat Eckenster fine Mähren nah-  
kek,<sup>14</sup> dei em de Franzosen ut den Stall trefft<sup>15</sup>  
hadden. „Gu'n Morrn, Herr Rathsherr!“ säd de  
Pächter. „Min Herzling,<sup>16</sup> wat is dit för 'ne Tid!“  
— „„Still!““ säd min Unkel Hers' un gung wider.  
Achter de Buhofschün<sup>17</sup> begegent em Dresler Schwert-  
feger:<sup>18</sup> „Gu'n Morrn, Herr Rathsherr!“ — „„Hollen<sup>19</sup>  
S' Ehr Mul!““ seggt min Unkel argerlich, un geiht  
achter'n Sloßgoren 'rüm. — „Gu'n Morrn, Herr  
Rathsherr!“ seggt oll Spelmann<sup>20</sup> Hartloffsen sin Zung'.

1) strömand (wie aus einer Röhre — Pip — laufend). 2) suchte.  
3) Kleiderschrank. 4) nützen. 5) nachher immer. 6) Nahmaker.  
7) Teich. 8) Verfassung, Zustand. 9) Hut. 10) naß. 11) genau be-  
obachtet (wahrhauet). 12) Buhof, Name des zum Amt gehörigen Pacht-  
hofes. 13) nachgekuckte. 14) gezogen. 15) Herzchen. 16) Buhofschüne.  
17) Dresler Schwertfeger. 18) halten. 19) Spelmann, Musitkus.

— Swabb! hett hei eins mit de verwendte<sup>1</sup> Hand  
an den Däts:<sup>2</sup> „Dumme Jung! fübst Du nich, dat  
ich nich kundbor<sup>3</sup> warden will?““ Somit geiht hei  
in den Sloßgoren un argert sick un seggt: „Dat weit  
de Düwel! 'Ne öffentliche Stellung liggt ordentlich as  
en Fluch up Einen!““

---

### Dat achte Kapittel.

Worüm min Uncle Hers' mit Parol un Feldgeschri kümmt;  
worüm Mamfell Westphalen nich in't Torfmur<sup>4</sup> sitten will,  
un worüm de Herr Rathsherr up den Möller sinen Wagen  
'rup un of wedder 'runner kümmt.

Wildef<sup>5</sup> is Fritz Sahlmann mit dat vörgeschrewene<sup>6</sup>  
Gesicht, de Hän'n in de Tasch, un mit Fläuten<sup>7</sup> up't  
Sloß 'rupper gahn, doch as hei in de Käf<sup>8</sup> 'rin  
kümmt, vergett<sup>9</sup> hei alle Vörschriften un set't en  
Gesicht up, dat kunn Ein verlangt bekiken un verdwas<sup>10</sup>  
bekiken, dat sach ümmer ut as Bileammen sin, as sin  
Esel an tau reden fung, un stamert<sup>11</sup> Mamfell West-  
phalen in't Uhr: „Rettung naht!“ — „Jung! Fritz  
Sahlmann!““ seggt Mamfell Westphalen, „wat is  
dit? wat fall dit? un wat bedüd't<sup>12</sup> dit?““ — Fritz  
seggt denn nu, wat sei dauhn füllen, dat sei sick in de  
Käf het up den letzten Mann hollen<sup>13</sup> füllen un  
keinen Franzosen 'rinner laten, un dat Rathsherr Hers'

---

1) umgewandt. 2) Kopf. 3) erkannt. 4) Torfmoor. 5) unter-  
dessen. 6) vorgeschriebene. 7) Flöten, Pfeifen. 8) Küche. 9) vergift.  
10) der Länge nach — quer; kreuz und quer. 11) stotterte. 12) bedeutet.  
13) halten.

mit Parol un Feldgeschri kamen un't Commando äwer-nemen<sup>1</sup> wull. „Leiwer Gott!“<sup>2</sup> seggt Mamfell West-phalen, „wat fall ic̄ dauhn? Den Herrn Amts-hauptmann kann ic̄ unner so'ne Ümstän'n nich unner de Ogen gahn, denn dat litt<sup>3</sup> min Schimp nich. Ic̄ will mi also getrost den Herrn Rathsherrn in de Arm smiten un sinen Rath folgen, un dei ward richtig sin, wosör wir hei süs<sup>3</sup> Rathshert. — Fik un Corlin, nemt Zi beiden de Achterdör,<sup>4</sup> Fritz Sahl-mann un ic̄ nemen de Käkendör,<sup>5</sup> un nu paht gaud up, dat Zi dat Feldgeschri nich verfehlt.“ — De Dören würden afflatten,<sup>6</sup> Fik namm en Bessen,<sup>7</sup> Corlin 'ne Köhlhack, Fritz Sahlmann 'ne Füllkell, un Mamfell Westphalen langt all nah 'ne Mäuserkü<sup>8</sup> let f' äwer liggen und säd: „Gott fall mi bewöhren, dat ic̄ mit Murd un Dodslag<sup>9</sup> min Schuld gröter mak! Ne, ic̄ weit en beter Middel,<sup>10</sup> un halt en Aschlaſten, set't em vör sick up den Käkendisch,<sup>10</sup> von wo ut sei de Achter-dör un de Käkendör bestriken<sup>11</sup> kunn, un säd: „So nu mit Gott! Nu lat f' man kamen! — Wer äwer von min Ort<sup>12</sup> 'ne Salw<sup>13</sup> in't Gesicht kriggt, dei fall sick de Ogen gaud wiſchen.“

Dat woht denn of nich alltaulang', dunn röp<sup>14</sup> Ein vör de Achterdör: „Wohl, wohl!“ un nah 'ne lütte Wil röp de sülwige Stimm halblud<sup>15</sup> dörch dat Slätelloch:<sup>16</sup> „Sur Swinfleisch.“ — „Dat is de Rechte,<sup>17</sup>“ seggt Mamfell Westphalen. „Corlin, mak mannsbreid de Dör up, un wenn hei 'rin is, denn

1) übernehmen. 2) leidet. 3) sonst. 4) Hinterthür. 5) Küchen-thür. 6) abgeschlossen. 7) Bessen. 8) Mäuserküle. 9) Mord und Todtschlag. 10) Küchentisch. 11) bestreichen. 12) Art. 13) Salve. 14) rief. 15) halblaut. 16) Schlüsselloch.

snapp<sup>1</sup> glik wedder tau.”“ — Corlin maakt denn nu also de Dör en En’lang up, un de Herr Rathsherr will sich dor dörchdrängen, dunn schüwwt<sup>2</sup> sich sin Mantelkragen taurügg, un sin Dreimaster un rode Unneformskragen künmit taum Börschin. „Huch!“ frischt<sup>3</sup> Corlin un klemmt den Herrn Rathsherrn halw in de Dör fast,<sup>4</sup> „en Franzosenkirl! en Franzosenkirl!“ — „Sur Swinfleisch!““ röppt Rathsherr Hers<sup>5</sup>, „hür<sup>6</sup> Zi nich? Sur Swinfleisch!““ Äwer’t kamui tau lat:<sup>6</sup> Fik hadd em all mit ehren stuwen Bessen<sup>7</sup> den Haut<sup>8</sup> von den Kopp un dat Fell<sup>9</sup> von’t Gesicht ‘runnerstrakt,<sup>10</sup> un Mamzell Westphalen hadd em all mit zwei Hän’n vull Aßch in de Ogen schaten.<sup>11</sup>

Min Uncle Hers<sup>12</sup> stunn dor un pust’t un prust’t un snow un grappst<sup>13</sup> mit de Hän’n vör sich hen, as wenn Einer Blindkuh spelt,<sup>14</sup> Nacht vör fine Ogen un helle Wuth in finen Harten.<sup>14</sup> Sin ganzes Börnenmen was en Klackeierkaufen<sup>15</sup> worden, denn wat will ’ne Heimlichkeit seggen, ut de en Käkenspektakel<sup>16</sup> ward, wat kann en wichtig Gesicht utrichten, wenn’t mit en stuwen Bessen bearbeit’t is, un wo bliwt alle Glanz, wenn de Dorfesch doräwer liggt, as de Mehldau up ’ne Blaum.<sup>17</sup>

De irste, dei de Besinnung wedder kreg un gewohr würd, wen eigentlich dit Allens passirt was, was Fik; mit einen Satz was sei ut de Achterdör ’rin in den Regen. Corlin folgt ehr nah un rep: „Beter en natt

1) schnappe. 2) schiebt. 3) freischt. 4) fest. 5) hört.  
6) spät. 7) stumper Bejen, d.h. ein abgefeigter Reisbesen. 8) Hut. 9) Fell, Haut. 10) heruntergefegt, eigentl. gestreichelt. 11) geschlossen. 12) pustete (blies), prustete (nieste), schnob und grappste (griss eisfrig). 13) Blindkuh spielt. 14) Herzen. 15) misräthener Kuchen; misräthen. 16) Küchen-spektakel. 17) Mehldau auf einer Blume.

Zohr<sup>1</sup> von unsen Herrgott, as von uns' Mamzell!<sup>2</sup>  
— Fritz Sahlmann röp:<sup>2</sup> „Herr Ze, dat is de Herr Rathsherr!“<sup>3</sup> — Mamzell Westphalen stunn<sup>3</sup> dor as Lot's Wiv — man blot, dat sei vollstänniger was, as de Lotten<sup>4</sup> — un kek up den Herrn Rathsherrn, as wir hei Sodom un Gomorrha, un röp ganz swack:  
„Allbarmherziger! Wi wandeln All in Finsterniz!“ —  
„Sei hewwen gaud reden,“<sup>5</sup> prust't<sup>5</sup> min Uncle Hers'  
Herut, „Sei länen doch kiken;<sup>6</sup> äwer iß kann de  
Ogen nich upmaken. — Water<sup>7</sup> her!“<sup>8</sup> — Nu gung  
denn dat Waschen los un dat Wischen un dat Duren<sup>9</sup>  
un dat Wunnern<sup>9</sup> un dat Schellen<sup>10</sup> un dat Begäuschen;<sup>11</sup>  
äwer min Uncle was tau arg<sup>12</sup> un säd: för sinent-  
wegen kunnen all de Sloßmamzells uphängt werden,  
hei würd' sich woll häuden<sup>13</sup> un sich mit Frugenslüd'  
in 'ne heimliche Verschwörung inlaten. — Mamzell West-  
phalen trekt de Schört<sup>14</sup> an de Ogen un fung an tau  
rohren<sup>15</sup> un säd: „Herr Rathsherr, raden<sup>16</sup> Sei mi;  
Vader un Moder<sup>17</sup> heww ic nich mihr, den Herrn  
Amtshauptmann kann ic in so'ne Ünstän'n nich unner  
de Ogen treden;<sup>18</sup> Sei sünd min einzige Trost.

Min Uncle Hers' hadd en Hart<sup>19</sup> un en gaudes  
Hart, min Uncle Hers' hadd en Sinn un en weik-  
mäudigen<sup>20</sup> Sinn, un as em de Wsch nich mihr in de  
Ogen fratt,<sup>21</sup> un as em Mamzell Westphalen de  
Schrammen in sin Gesicht mit säuten Rohm insmert<sup>22</sup>  
hadd, dat sin leiwes rodes Anlitiz utsach, as en

1) nasses Jahr, auch Schelte. 2) rief. 3) stand. 4) „en“ ist die  
weibliche Endung des Namens. 5) prustete, stieß heraus. 6) gucken,  
sehen. 7) Wasser. 8) Bedauern. 9) Wundern. 10) Schelten. 11) Be-  
glüttigen. 12) ärgerlich, böse. 13) hüten. 14) zog die Schürze. 15) weinen.  
16) rathe. 17) Vater und Mutter. 18) treten. 19) Herz. 20) weich-  
muthig. 21) fraß. 22) mit sühem Rahm, Sahne eingeschmiert.

Poggenstaul,<sup>1</sup> wo de Fliegen<sup>2</sup> mit dodmakt<sup>3</sup> warden,  
säd hei fründlich: „„Laten S' dat Weinen man sin,  
id help Sei taurecht: Sei möten feldflüchtig warden.““  
— „Feldflüchtig?“ röp<sup>4</sup> sei un let<sup>5</sup> ganz verdukt  
ehre Figur von haben bet unnen<sup>6</sup> an. „Herr Rathsherr,  
id feldflüchtig!“ un dacht dorbi an de Feld-  
flüchters, dei sei haben up den Duwenstag<sup>7</sup> hadd, un  
wenn ehr Ümstän'n nich so bedräuwt<sup>8</sup> west wiren,  
hadd sei binah lacht. — „„Ja,““ seggt min Unkel.  
„„Känen Sei bi desen Weg un Weder<sup>9</sup> woll so'n  
Milener drei bet vir<sup>10</sup> in einer Tour marschiren? Denn  
Fuhrwark is nich tau kriegen, is ok nich heimlich naug.““<sup>11</sup>  
— „Herr Rathsherr,“ seggt Mamzell Westphalen, un  
dat Lachen vergung ehr ganz un gor, „sehn S' min  
Perhon an, id bün wat vüllig bugt,<sup>12</sup> un dat Treppen-  
stigen ward mi tau Tiden all wat sur.“<sup>13</sup> — „„Känen  
Sei denn ride?““<sup>14</sup> — „Wat seggen Sei?“ — „„Id  
mein', ob Sei ride känen?““ — Mamzell Westphalen  
stunn nu up un set't de Hän'n in de Sid' un säd:  
„Mit Schan'n<sup>15</sup> will id nich lewen. Wecker Frugens-  
minsch ritt?<sup>16</sup> Id heww man ein kennt in minen  
Lewen, un dat was en Frölen,<sup>17</sup> äwer dei was ok dor-  
nah.“ — Rathsherr Herf' stunn nu ok up un gung  
en pormal in Gedanken in de Käf up un dal<sup>18</sup> un  
frog endlich: „„Trugen<sup>19</sup> Sei sic dat woll tau, dat  
Sei bi dese Witterung viruntwintig Stun'n<sup>20</sup> in uns“

---

1) Poggen-, Froschstuhl, der rothe Fliegenschwamm (boletus).  
2) Fliegen. 3) tott gemacht. 4) rief. 5) quakte. 6) von oben bis unten.  
7) Taubenschlag. 8) betrübt. 9) Wetter. 10) etwa 3–4 Meilen.  
11) genug. 12) etwas voll, corpulent gebaut. 13) zu Seiten schon etwas  
schwer. 14) reiten. 15) Schande. 16) welches Frauenszimmer rettet.  
17) Fräulein (adliges). 18) in der Küche auf und ab. 19) trauen.  
20) vierundzwanzig Stunden.

städt'sches Dorfmur in't Schülp stecken<sup>1</sup> känen?" — „Herr Rathsherr," seggt Mansell Westphalen un grippt wedder<sup>2</sup> nah de Schört un drögt<sup>3</sup> sich de Ogen, „sehn S', icb bün nu in de Föftigen<sup>4</sup> un heww verleden Harwst<sup>5</sup> de grote Krankheit hatt . . ." — „Denn geiht dat of nich," " föllt ehr Rathsherr Herf' in de Sted', „denn giwt dat blot noch zwei Weg', einen nah haben<sup>6</sup> un einen nah unnen.<sup>7</sup> Flüchten möten Sei, entweder up den Bähn<sup>8</sup> oder in den Keller."  
— „Herr Rathsherr," röppt Fritz Schlimann un krüpppt<sup>9</sup> achtern Füerhird herut, „icb weit't."<sup>10</sup> — „Jung," " seggt min Uncle, „büst Du hir?" — „Ja," seggt Fritz ganz benau't.<sup>11</sup> — „Denn is't wedder mit de ganze Heimlichkeit nicks, denn wat Drei weiten, weit de Welt."  
— „Herr Rathsherr," seggt Fritz, „icb segg wohrhaftig in Gott<sup>12</sup> nicks nah! Un, Manselling, icb weit en Flag.<sup>13</sup> An den Nökerbän<sup>14</sup> is de ein Plan<sup>15</sup> los un lett sich abhögen,<sup>16</sup> un wenn Sei sich en beten<sup>17</sup> dünn maken, denn känen Sei sich dordörch bängen,<sup>18</sup> un dor achter is unner de Alken<sup>19</sup> 'ne lütte Affid',<sup>20</sup> dor find't Sei kein Deuwel nich." — „Entsamte Glüngel,"<sup>21</sup> seggt Mansell Westphalen un vergett<sup>22</sup> all ehr Angst un Trübsal, „denn büst Du dat west, dei mi ümmer de Mettwurst von den Bän stahlen<sup>23</sup> hett, un, Herr Rathsherr, icb heww ümmer de unschülligen Rotten<sup>24</sup> in Verdacht hatt."  
— Min Uncle

1) im Schilfe stecken. 2) greift wieder. 3) trocknet. 4) in den Fünfzigern. 5) vergangenen Herbst. 6) oben. 7) unten. 8) Hausboden. 9) kriecht. 10) weiß es. 11) beeinigt, angstlich. 12) Betheuerungsformel. 13) Fleck, Stelle. 14) Räucherboden. 15) Blanke, Brett. 16) abbiegen. 17) ein bisschen. 18) zwängen. 19) der Raum unter den Dachsparren. 20) Abseite. 21) infamer Schlingel. 22) vergibt. 23) vom Boden gestohlen. 24) Ratten.

redd't<sup>1</sup> nu Frix Sahlmannen vör 'ne düchtige Dracht  
Släg' un seggt, dat wir nu de höchste Eid, un sei  
müht flüchten, un dit wir dat richtige Flag.

Sei flüchten nu all Drei nah den Rökerbän  
herup, un as Frix Sahlmann de los' Plank un de  
Gelegenheit dor achter wißt<sup>2</sup> hett, seggt min Uncle  
Hers': „So, Mamselling, nu setten<sup>3</sup> Sei sick hir up  
den Rökerbän, denn sitten<sup>4</sup> möten Sei nu; ic<sup>5</sup> ward  
achter Sei taußluten,<sup>6</sup> un wenn Sei hüren,<sup>6</sup> dat wer  
hir vör an de Dör<sup>7</sup> kümmt, denn krupen<sup>8</sup> Sei sachten<sup>9</sup>  
dörrch de Plank in de Aßfid' un nemen S' sick vör  
Hausten un Prusten<sup>10</sup> in Acht.“ — „Dat seggen Sei  
woll, Herr Rathsherr — in desen Rok!“<sup>11</sup> seggt sei.  
— „Dat will wi kriegen!“ seggt hei un stött<sup>12</sup> de  
Luk<sup>13</sup> up. — Sei willen nu gahn, dunn seggt sei:  
„Frix Sahlmann, min Sähn, verlat mi nich un  
bring mi Orre,<sup>14</sup> wo de Sak steiht.“ — „Un-  
ner keinen Ümstän'n,<sup>15</sup>“ seggt Rathsherr Hers',  
„darf hei up den Bän<sup>16</sup> 'rupper gahn, dat kunn  
wer seihn, un denn is Allens verraden.“<sup>15</sup> — „Laten  
S' man, Mamselling,“ seggt Frix, „ic<sup>17</sup> ward dat woll  
kriegen,“ un plinkt<sup>18</sup> ehr listig tau. — Sei gahn, un  
Mamsell Westphalen fitt in Trauer<sup>17</sup> unner ehr Speck-  
siden<sup>18</sup> un Schinken un Wurst<sup>19</sup> un seggt: „Wat helpt  
all de leiwe Gottes Segen, wenn Ein in mine Zohren  
up de Flucht is!“

As Uncle Hers' Mamsell Westphalen in den Drögen  
wüßt,<sup>20</sup> gung hei wedder nah de Käf<sup>21</sup> hendalen<sup>22</sup> un

1) rettet. 2) dahinter gezeigt. 3) setzen. 4) sitzen. 5) zuschließen.  
6) hören. 7) Thür. 8) kriechen. 9) leise. 10) Husten und Niesen.  
11) Rauch. 12) stößt. 13) Orde, Nachricht. 14) Boden. 15) verrathen.  
16) blinzelt. 17) Trauer. 18) Speckseiten. 19) Wurst. 20) im Trocknen  
wüßte. 21) Käufe. 22) herunter.

rem'st<sup>1</sup> Fritz Sahlmannen noch einmal recht düchlig mit  
en lütten<sup>2</sup> Handgriff an de Uhren dat Swigen in.  
In de Käf treck<sup>3</sup> hei sick den grisen Kragen von  
sien Mantäng<sup>4</sup> wedder äwer den gestickten Rockskragen  
un den Dreimaster un slek heimlich, as de Katt von  
den Duwenstag,<sup>5</sup> ut de Achterdör.<sup>6</sup> Knapp hadd hei  
äwer sin Babengestell<sup>7</sup> ut de Dör stecken, dunn krischt<sup>8</sup>  
un jucht dor wat los, un Filk un Corlin, dei glöwt  
hadden, de Lust wir nu wedder rein, un in de Käf  
'rin wullen, preschten utenein<sup>9</sup> as en por wittbunt  
Duwen,<sup>10</sup> wenn de Häwl dor mang fohrt.<sup>11</sup> — „Hollt  
Zug Mul!“<sup>12</sup> rep min Unkel Hers<sup>f</sup>, „ich dauh Zug  
nicht!“ — Doch wat hülp<sup>13</sup> dat? De Buren,<sup>14</sup> dei  
noch mit ehr Vird' in den Goren<sup>15</sup> blewen wiren, leken  
sick bi dat Krischen üm, un as sei achter sick den ver-  
puppten französchchen Offzirer segen,<sup>16</sup> wat äwer eigentlich  
min Unkel Hers<sup>f</sup> was, dunn bündelten sei ut,<sup>17</sup> all up  
de gräune Purt<sup>18</sup> los, un 't woht<sup>19</sup> nich lang', dunn  
was kein Hauf un kein Klaw<sup>20</sup> von Kanonenwörspann  
tau seihn. De Herr Rathsherr slog sick nu sidwarts  
in de Büsch', un as hei so'n lütten verdeckten Kater-  
stig<sup>21</sup> entlang geiht, wer künnt an tau gahu? Oll  
Möller Voß mit sien Mantelsack unner den Arm.  
„Gu'n Morrn, Herr Rathsherr!“ — „Dat weit doch  
der Deuwel!“<sup>22</sup> seggt Rathsherr Hers<sup>f</sup>. „Möller Voß,  
seihn Sei nich? Ich will jo nich kundbor<sup>22</sup> warden.“

1) prägt — ein. 2) klein. 3) zog. 4) Mantel (mantin). 5) wie  
die Käze vom Laubenschlag. 6) Hinterthür. 7) Obergestell, Oberkörper.  
8) kreischte. 9) stieben auseinander. 10) weißbunte Lauben. 11) Habicht  
dazwischenfahrt. 12) haltet Euer Maul. 13) half. 14) Bauern.  
15) Garten. 16) sahen. 17) da rissen sie aus. 18) grüne Pforte.  
19) währte. 20) kein Huf und keine Klaue. 21) Katersteig, ein versteckter  
Weg. 22) erkannt, verrathen.

— „Na, mi verlangt dor of nich nah,” seggt de Möller. „Åwer, Herr Rathsherr, Sei kunnen mi en Gefallen dauhn: an de gräun Purt heww ic̄ min Fuhrwark anbunnen, bringen S' mi dat in Säkerheit!<sup>1</sup> Ic̄ dauh Sei mal wedder en Gefallen; so drad' de Bors in den Mähldik biten deiht,<sup>2</sup> lat ic̄ Sei't weiten.”<sup>3</sup> — „Will't besorgen,”<sup>4</sup> seggt de Herr Rathsherr un geiht nah de gräune Purt, un as hei den Möller sin Fuhrwark dor fin'nt, bin'nt<sup>5</sup> hei dat los, stiggt<sup>6</sup> up den Wagen un will eben afklarjolen,<sup>6</sup> dunn trott<sup>7</sup> em 'ne Parti Franzosen entgegen, vöran de Kanonenoberst fülwst,<sup>8</sup> up den'n finen Befehl all dat Vörspann anordnirt<sup>9</sup> was, un dei nu Bele sach,<sup>10</sup> dei nich dor wiren, denn sei wiren so tämlich<sup>11</sup> all utbrummt.<sup>12</sup> Min Uncle Hers' würd' denn nu glit<sup>13</sup> arretirt un von den Wagen reten,<sup>14</sup> un as de Kanonenoberst sin Unneform sach, un hei ümmer röp:<sup>15</sup> hei wir conseiller d'état — denn hei wüft in den Ogerblick keinen betern<sup>16</sup> französchen Namen för en Stemhäger Rathsherrn tau finnen<sup>17</sup> —, dunn dachten de Franzosen, sei hadden en rechten Fats<sup>18</sup> małt un hadden den Häupter<sup>19</sup> von dat Ganze. De Kanonenoberst verfluchte un verswur sich up dat unchristlichste Französch: hei wull an em en Exempel statuwiren; vir Mann müßten em in de Midd nemen, un so würd' min Uncle Hers', dei in de schönste Heimlichkeit kamen was, en gaud Wark tau stiftsen, taum aperboren<sup>20</sup> Spektakel

---

1) Sicherheit. 2) sobald der Barsch (perca) im Mühlenteich heißt (an die Angel). 3) wissen. 4) findet, bindet. 5) steigt. 6) abklatschieren. 7) tritt. 8) selbst. 9) angeordnet. 10) sah. 11) ziemlich. 12) durchgebrannt. 13) gleich. 14) gerissen. 15) rief. 16) besser. 17) finden. 18) Fang. 19) Häuptling, Anstifter. 20) offenbar.

äwer'n Buhof<sup>1</sup> in de Stadt t'rügg ledd't,<sup>2</sup> üm an sic  
fülwst en leges<sup>3</sup> Stück tau erföhren.

As dit geschach, stunn dicht dorbi oll Bäcker Witt  
achter'n groten Kastannenbonn,<sup>4</sup> denn hei was of kamen,  
den Möller sin Fuhrwark in Säkerheit<sup>5</sup> tau bringen.  
„Schaden kann dat den Herrn Rathsherrn nich,” säd  
hei tau sic, „hei köfft<sup>6</sup> sinen Stuten<sup>7</sup> von Guhlen,<sup>8</sup>  
worüm nich von mi? Na, hei möt sic fülwst raden,<sup>9</sup>  
un hei kann't of, denn hei is sehr lauf;<sup>10</sup> äwer dat  
unschüllige, unvernünftige Weih kann't nich, dorför möt  
unserein sorgen,” un dormit steg<sup>11</sup> hei up den Wagen  
un führt sachten achter<sup>12</sup> de Franzosen her nah sin  
Schün<sup>13</sup> un treckt de Pird' in't Fach.<sup>14</sup>

---

### Dat nägende Kapittel.

Worüm de Herr Amtshauptmann in den Markt Aurel lesen  
müßt un sic dat Gesicht nich waschen dürwt,<sup>15</sup> un worüm  
em den. Möller sin Eiken nich mihr tau quarig<sup>16</sup> dündt.<sup>17</sup>

De oll Herr Amtshauptmann gung in sin Stuw  
'rümmer un argert sic, denn wenn hei of kein von de  
haftige Ort<sup>18</sup> was, so was hei doch en ollen Mann,  
dei dat Kummandiren geweunnt<sup>19</sup> was un sin Moden  
für sic hadd, un nu süll hei sic Kummandiren laten  
un hadd des Morgens Klock<sup>20</sup> acht upstahn müßt —  
wat gegen sin Natur was — un Kosse hadd hei of

---

1) über den Bauhof. 2) zurück geleitet. 3) schlecht, schlimm.  
4) Kastanienbaum. 5) Sicherheit. 6) läuft. 7) Sammel. 8) von Guhl.  
9) ratzen. 10) flug. 11) stieg. 12) fuhr langsam hinter. 13) Scheune.  
14) Fach (Abtheilung in der Scheune). 15) durfte. 16) quarrig. 17) dündte.  
18) Art. 19) gewohnt. 20) Uhr.

nich kregen,<sup>1</sup> un as hei sick tau sine Vermünterung<sup>2</sup>  
'ne irden Pip<sup>3</sup> i n't Gesicht stecken<sup>4</sup> wull, wiren kein  
Pipen dor. Hei klingelt einmal, Friß Sahlmann kann  
nich; hei klingelt zweimal, Fik kann ok nich. Hei  
treckt<sup>5</sup> sin Schnupftabaksdos'<sup>6</sup> ut de Tasch un nammi de  
Pris' mit so'n nahdenlichen Snäw,<sup>7</sup> as Einer deiht,  
dei sick up allens mögliche Ungemach gefaßt maken will,  
treckt de Vorjeit<sup>8</sup> ut de Tasch un tek<sup>9</sup> in't Weder.  
Buten regent dat Bindfaden,<sup>10</sup> un in de hogen naften  
Telgen<sup>11</sup> von de Rüstern seten<sup>12</sup> de Kreihn<sup>13</sup> so still  
un dukerig,<sup>14</sup> as wiren ehr de Flüchten<sup>15</sup> tausambacht,<sup>16</sup>  
un leckten as oll Bur<sup>17</sup> Kugler, as hei mal 's Abends  
het an de Hautkemp<sup>18</sup> in den Dörpdik seten<sup>19</sup> hadd.  
„Ok kein Bergnäugen!“ säd de oll Herr. „Üwer wo  
is up Stun'ns Bergnäugen in dütschen Länden? Es  
ist doch eine sonderbare Sache mit der Weltregierung!  
Uns' Herrgott lett dat tau,<sup>20</sup> dat ein so'n Hundsvott  
de ganze Welt in Schaden bringt. Dat is swor<sup>21</sup> för'n  
Christenmischchen intauseihn.<sup>22</sup> Hohe herzogliche Kammer  
malt ok männigmal<sup>23</sup> Inrichtungen un Verordnungen,  
dei kein Christ un Beamter begripen<sup>24</sup> kann, üwer hohe  
Domainenkanmer is doch ok man so'n armen Sünder,<sup>25</sup>  
den'n von Anfang an bi alle hogen Eigenschaften de  
Dämllichkeit in de ein Slippe<sup>26</sup> mit eingeknüppt<sup>27</sup> is, un  
dat weiten wi un finnen uns dorin, dat heit<sup>28</sup> mit ge-  
linden Arger un Verdruf. Üwer hir, bi den christlichen

1) gekriegt. 2) Ermunterung. 3) irdene Pfeife. 4) stecken. 5) zog.  
6) Schnupftabaksdose. 7) Schnauben. 8) zog die Orgnette. 9) gründte.  
10) draußen regnet es Bindfaden, d. h. sehr stark, ununterbrochen. 11) in  
den hohen nackten (Stahlen) Zweigen. 12) sahen. 13) Krähen. 14) gebückt.  
15) Flügel. 16) zusammengeklebt. 17) wie der alte Bauer. 18) Hutschau.  
19) im Dorfsteich gesessen. 20) läßt das zu. 21) schwer. 22) einzusehen.  
23) manchmal. 24) begreifen. 25) Sünder. 26) Slippe, Rockschöß.  
27) eingeknüpft. 28) das heißt.

Globen an 'ne göttliche Weltregirung, den Nutzen von  
den Hundsvott Bonepart intaufsehn, dat is — dat  
is . . ." — un hei namin sin Slapmütz af un höll  
sei en Toll'ner drei<sup>1</sup> äwer finen Kopp. „Uns' Herr-  
gott mag mi de Sün'n<sup>2</sup> vergewen! Ich heww gegen  
keinen Minschen en Haß hatt, gegen keinen Minschen  
Findschaft, ok nich gegen hohe Kammer mit ehre Baker-  
mentschen Monitorien, äwer nu heww ich einen Haß," un  
hei suet<sup>3</sup> de Slapmütz up de Frd'<sup>4</sup> un set't<sup>5</sup> den Bein dorup,  
„nu heww ich einen! un ich will em ok behollen!"<sup>6</sup>

Dit letztere müggt hei woll en Beten lud' raupen<sup>7</sup>  
hewwen, denn sine leiwe Fru kammi ganz ängstlich in  
de Dör 'rinner: „„Wewer!<sup>8</sup> Wewer! wat is Di?  
Hett Friß Sahmann oder Fik . . . ?" — „„Ne,  
Neiting,"<sup>9</sup> föll<sup>10</sup> hei ehr in de Red' un namin de  
Slapmütz up, „dei nich, blot Bonepart." — „„Gott  
in den Himmel,"" röp sei, „„all wedder! Wat willst  
Du Di an den'n argern?"<sup>11</sup> un gung an den Herrn  
Amtshauptmann sin Bäuferschapp<sup>12</sup> 'ranner un halt en  
Bauk<sup>13</sup> 'rut. „„Da, Wewer, les in Din Bauk!"<sup>14</sup>  
Dat was nu dat Bauk von Mark Aurelen, dorut las  
de Herr Amtshauptmann, wenn hei in Urger geraden  
was, ein Kapittel, un wenn't dull<sup>15</sup> was, zwei. hei  
nammi nu also ok dat Bauk un las, un sine leiwe Fru  
bünn<sup>16</sup> em den witten Purgirmantel<sup>15</sup> üm, un strählt  
em dat gaude, grise Hor<sup>16</sup> un wickelt em dat oll lütte  
vernimmme<sup>17</sup> Zöppken<sup>18</sup> un stöhmt<sup>19</sup> em sacht un lising<sup>20</sup>  
den weißen Puder äwer den Kopp; Mark Aurel ded

1) etwa drei Zoll. 2) Sünde. 3) schmäb. 4) Erde. 5) seigte.  
6) behalten. 7) laut gerufen. 8) Weber. 9) Neitichen, v. Agnes. 10) fiel.  
11) Bücherschrank. 12) Buch. 13) toll, arg. 14) band. 15) statt: Puder-  
mantel. 16) Haar. 17) von vernehmen; eigentl. flug, verständig.  
18) Zöpfchen. 19) stänkte. 20) eben und leise.

ok dat Sinige, un all de argerlichen Schrumpeln<sup>1</sup> wiren weg von sine ernstfaste<sup>2</sup> Stirn, as de Fru Amtshauptmannen mit dat lütte sülwerne Puzmiez<sup>3</sup> den Puder ut dat Gesicht schrapte.<sup>4</sup> — „Denn dat möt sei em ümmer asschrapen,” säd Fik, wenn sei dorup tau reden kanum, „un waschen kann hei sick denn nich, wil dat em süss<sup>5</sup> dat Weitenmehl de Ogen taufliester<sup>6</sup> würd.“

„Reiting,” säd de Herr Amtshauptmann, as hei von Koppswegen<sup>7</sup> in den Stand set't was, „lik doch mal, wenn Di dat paft, in de Wirthschaft 'runner. Es ist doch eine sonderbare Sache! Fik künmit nich, Frix Sahlmann künmit nich; de gottverd . . . wull ic seggen — dat gottlose Franzosentüg hett jo woll dat ganze Hus ümkliert.<sup>8</sup> — Ne, wat denn?“

De Fru Amtshauptmannen was 'ne lütte gauide Fru, en beten schwälich<sup>9</sup> von Person, dorbi äwerst nich verdreitlich<sup>10</sup> un ümmer parat, in Fründlichkeit de Wunnerlichkeiten von den ollen Herrn tau dragen.<sup>11</sup> Sei hadden einen Sähn, ehren Zochen, dei was all in de Frömd,<sup>12</sup> un so wiren de beiden ollen Lüd' in dat oll grote Sloß allein up sick anwist un drögen in Tru un Ihrborkeit<sup>13</sup> Leid un Lust tausam, un wenn de Langewil sich bi ehr insliken<sup>14</sup> wull, denn gaww dat Glück ümmer, dat de Herr Amtshauptmann grad' tau rechter Tid up en nigen<sup>15</sup> wunnerlichen Infall verföll,<sup>16</sup> un ut dat Hujahnen<sup>17</sup> würd denn en rechten gesunken

---

1) Kunzeln, Falten. 2) ernst-feste. 3) mit dem kleinen silbernen Nasirmesser. 4) kräzte. 5) sonst. 6) zuliesteren. 7) hinsichtlich des Kopfes. 8) umgekehrt. 9) schwäichlich. 10) verdrießlich. 11) tragen. 12) Fremde. 13) trugen in Treue und Ehrbarkeit. 14) einschleichen. 15) auf einen neuen. 16) verfiel. 17) Gähnen.

Sünnenprust,<sup>1</sup> dei de Leiw wedder upfrischen ded,  
denn mit de Leiw is dat, as mit en Bom,<sup>2</sup> je mihr  
de Wind in de Kron un in de Bläder spält,<sup>3</sup> desto  
fester smitt hei sin Wörtel.<sup>4</sup>

Na, dat de Herr Amtshauptmann von sine leive  
Fru hüt Morrn verlangte, dat sei sick mal nah de  
Wirthschaft ümhehn füll, was denn nu grad' kein  
wunnerliche Infall, un dorüm prust' te de Fru Amts-  
hauptmannen of nich glik los, obschonst dat in unsere  
itzige Eid männige<sup>5</sup> wollertagene<sup>6</sup> Fru woll dah'n<sup>7</sup>  
hadd. — Sei was grad' ehren Gang gahu, as oll  
Möller Voß mit dat Fellisen in de Dör kamm.

„Gu'n Morrn, Herr Amtshauptmann,<sup>8</sup> säd de  
Möller un malt finen Diner, „mit Verlöw!<sup>9</sup>“ un  
läd<sup>9</sup> dat Fellisen up den Disch, „hir is't!“ — „Wat  
is't?“<sup>10</sup> frog de oll Herr. — „Herr, wat weit<sup>10</sup> ic?  
Ic weit wat, ic weit vel, ic weit gor nicks: doch so  
vel weit ic, Spitzbauwenkram is't.“ — „Möller Voß,  
wo künmt hei tau Spitzbauwenkram?“ — „Wo  
künmt de Hund in de Koppel, Herr Amtshauptmann?  
Wo kamm jen'n Mäten<sup>11</sup> tau't Kind? — Ic weit  
blot, dat dit den Franzosen fin Fellisen is, un dat  
de Dūwel mi den Franzosen gestern Abend up den  
Wagen, un min Friedrich em nahsten<sup>12</sup> wedder 'runner  
smeten<sup>13</sup> hett.“ Un nu vertellte<sup>14</sup> de Möller de ganze  
Geschicht.

De oll Herr gung wildeß in de Stuw up un  
dal<sup>15</sup> un brummte wat von „übele Sache!“ in den

1) gesundes Niesen (eigentl. das durch das Sonnenlicht erzeugte.)  
2) Baum. 3) in den Blättern spielt. 4) desto fester (schmeißt) wirft er  
seine Wurzel. 5) manche. 6) wohlerzogene. 7) gehahn. 8) mit Verlaub.  
9) legte. 10) weiß. 11) jenes Mädchen (sprichwörtl.) 12) nachher.  
13) geschmissen. 14) erzählte. 15) auf und ab.

Bort, un stunn denn wedder vör den Möller still un  
lief em fast<sup>1</sup> in de Ogen, un as de Möller tau En'n<sup>2</sup>  
was, sad hei: „Na, Möller Vöß, dat is denn nu äwer  
doch gewiß, dat de Franzos' noch lewt?“ — „Se,  
Herr Amtshauptmann, wat weit ic<sup>t</sup>? — Seiñ S',  
ic<sup>t</sup> mak minen Rechnungsüberschlag<sup>3</sup> so: kolt<sup>4</sup> was dat  
de Nacht för dese Fohrstid grad' nich; äwer regent<sup>5</sup>  
hett dat de ganze Nacht, un wenn wi Beiden, Herr  
Amtshauptmann, Sei oder ic<sup>t</sup>, de Nacht dor legen<sup>6</sup>  
hadden, wi wieren mögliche Wif' verklamt.<sup>7</sup> Äwer ic<sup>t</sup>  
reken<sup>8</sup> so: so'n Volk' is dat 'Rümliggen<sup>9</sup> heter ge-  
wennt<sup>10</sup> as wi, un hett em dat in Russland nicks dahm,  
so mag em dat jo hir of woll nich jchad't<sup>11</sup> hewwen.  
Un weggahn<sup>12</sup> is hei jo nahsten;<sup>13</sup> Fridrich is em jo  
nah, un wenn em denn nahsten noch wat taufstött<sup>14</sup>  
is, so sünd wi jo dor nich an schüllig.“<sup>15</sup> — „Möller,  
Möller,“ sad de oll Herr un schüddelt mit den Kopp,  
„dit is en slimm Stück! Wenn Sin Fridrich den Fran-  
zosen nich wedder grippt,<sup>16</sup> kann Em dat an den Kragen  
gahn.“ — „Gott fall mi bewöhren!“<sup>17</sup> rep de Möller,  
„von wat för Dämlichkeiten lat ic<sup>t</sup> mi in minen ollen  
Dagen rideñ!<sup>18</sup> Herr Amtshauptmann, ic<sup>t</sup> bün jo uns-  
schüllig, un ic<sup>t</sup> heww jo of dat Fellisen nich behollen,<sup>19</sup>  
un dat Pird steiht in Bäcker Witten sin Schün.“<sup>20</sup> —  
„Dat's of Sin Glück, Möller, dat's of Sin grotes-  
Glück; denn dit kann ic<sup>t</sup> Em betügen.<sup>21</sup> Un luter<sup>22</sup>  
Gold un Sülwer is in dat Fellisen, seggt hei?“ —

---

1) fest. 2) zu Ende. 3) Rechnungsüberschlag. 4) kalt. 5) ge-  
regnet. 6) gelegen. 7) verklamt, vor Kälte erstarri. 8) rechne.  
9) herumliegen. 10) besser gewohnt. 11) geschadet. 12) gegangen.  
13) nachher. 14) zugeschlagen. 15) daran nicht schuld. 16) greift. 17) reiten.  
18) behalten. 19) Scheune. 20) bezeugen. 21) lauter.

„Uuter Gold un Sülwer, preußischen K'rant un Drüddel<sup>1</sup> un Luggedurs<sup>2</sup> un sülwerne Läpel!“<sup>3</sup> un dormit snallte hei dat Fellisen up un wiſte de Beſcherung.

De Herr Amtshauptmann matte grote Ogen.  
„Gott bewohr uns!“ röp hei, „dat is jo en Schätz.“  
— „Je, dat seggen S' man mal, Herr Amtshauptmann! Min Fru seggt süss<sup>4</sup> nich vel, äwer as sei dit jach, slog sei de Hän'n tausam un säd kein Wurd.“<sup>5</sup>  
— „Stahlen<sup>6</sup> is dat All, Möller. Hir up dat Sülwertüg<sup>7</sup> is dat Ueržensche Wapen,<sup>8</sup> dat kenn ic. De Läpel hett de Spitzbauw hir in de Nahwerschaft<sup>9</sup> stahlen. — Äwer dormit ward Sin Sak nich beter.“<sup>10</sup>

De oll Möller stunn dor, as jüll hei verörgeln;<sup>11</sup> de Herr Amtshauptmann gung in de Stuw 'rum un rew<sup>12</sup> sich den Kopp, endlich gung hei up den Möller tau, läd<sup>13</sup> em de Hand up de Schuller: „Möller Voß, ich heww Em ümmer för en iherlichen Mann hollen, äwer so'ne Ihrlichkeit in so'ne Ümstän'n! Hei kann nich von einen Dag taum annern kamen, un hei giwnt ut eigenen Gewissen so'n Deil<sup>14</sup> Geld taurügg, von dat eigentlich Keiner weit, wo't henhält?“<sup>15</sup> — De oll Möller sticke sich äwer un äwer rodt<sup>16</sup> as en Füer an un lek up sin Stäwelsnuten.<sup>17</sup> „Ja, Möller,“ säd de oll Amtshauptmann wider, „dat is ein besonderes Benemen von Em, denn von dat, wat hir passirt is, kann hei kein Kundschaft hewwen; äwer

1) Mecl. Neu  $\frac{2}{3}$  =  $\frac{2}{3}$  Thaler. 2) Louisd'or. 3) sonst. 4) gestohlen. 5) Silberzeug. 6) Ueržen'sche Wappen. 7) Nahwerschaft. 8) besser. 9) „verörgeln“ etwa: aus dem letzten Loche pfeifen, vergehen. 10) rieb. 11) legte. 12) Theil, Menge. 13) hingehört. 14) sticke sich an, wurde über und über roth. 15) Stiefelschnauzen, -spitzen.

dank hei Sinen Schöpfer, denn 't is mäglich, dat Em  
dit Stück dat Lewen redd't." —

De Gefohr, in dei hei sic<sup>t</sup> meinen<sup>1</sup> müfft, dat un-  
verdeinte Loww,<sup>2</sup> wat em juft so sacht ankamm,<sup>3</sup> as  
wenn Einer sic<sup>t</sup> up en Lehnstaul dalset't,<sup>4</sup> wo sin  
leive Fru en Nadelküffen henleggt<sup>5</sup> hett, de Utsicht,  
dat hei mit Gotts Hülp ut desen slimmen Handel noch  
dörch en lütt Loch kriopen künn,<sup>6</sup> un dat hei dat All  
nich verdeint hadd, set'ten<sup>7</sup> den ollen Möller hart tau.  
Hei stunn dor mit dalslagene<sup>8</sup> Ogen un wrung<sup>9</sup> sic<sup>t</sup>  
hen un her, un dreihet sinen Haut dull un düller,<sup>10</sup>  
endlich flog hei'n mit beide Hän'n tausam, dat hei  
ganz ut de Faßong<sup>11</sup> kamm, un röp:<sup>12</sup> „Hal de Düwel  
de ganze Franzosengeschicht un mi dortau, Herr Amts-  
hauptmann! Wenn uns' Herrgott gegen mi Gnad'  
für Recht ergahn laten will un mi ut desen Trübsal  
helpt,<sup>13</sup> denn will ic<sup>t</sup> of nich mit Ungerechtigkeiten  
gegen em bestahn. Ne, wat woehr is, is woehr! Un  
wenn min lütt Fiken<sup>14</sup> nich west wir, denn leg dat  
entfahmte Franzosengeld in min Schapp<sup>15</sup> un ic<sup>t</sup>  
hammelt<sup>16</sup> hüt Abend an den Galgen."<sup>17</sup> Un nu ver-  
tellst<sup>17</sup> hei de Sat.

„Möller," säd de Amtshauptmann, as de Üm-  
stän'n<sup>18</sup> vertellt wiren, „ic<sup>t</sup> bün nich sihr för Dirns,  
Jung's sind beter; Dirns sind mi tau quarig;<sup>19</sup> äwer  
mit Sin Fiken . . . ? Das ist denn eine andere  
Sache. Möller, dat gereikt Em un Sin Fru tau

1) glauben. 2) Loh. 3) gerade so wohl that. 4) niedersezt. 5) hingelegt.  
6) durch ein kleines Loch kriechen könne. 7) sehten. 8) niedergeschlagen.  
9) wrang, wand. 10) toll, arg und ärger. 11) Faßon. 12) rief. 13) hilft.  
14) meine kleine Sophie. 15) Schrank. 16) baumelte. 17) erzählte.  
18) Umstände, Sachverhalt. 19) quarrig.

'ne Zhr,<sup>1</sup> dat Zi so'n Kind upfött<sup>2</sup> hewwt. — Möller, hürt Hei, wenn Hei mal wedder tau Amt kümmt, bring' Hei Sin Fiken mal mit; ic — dat heit min Fru ward sicke dortau freu'u. Ne, wat denn? — Un nu nem<sup>3</sup> Hei dat Fellisen un drag<sup>4</sup> Hei dat 'runner nah den Rathhus' un mell<sup>5</sup> Hei sicke dor, denn de Franzosen warden dor woll all so'ne Ort Gerichtsdag hollens<sup>6</sup> — ward dor ok nah sin;<sup>7</sup> — un frag Hei ißt nah den Burmeister, dat is en wollmeinend<sup>8</sup> Mann un kann ok französch, un binnen Korten<sup>9</sup> ward icke dor sin, un, wat jichtens<sup>10</sup> möglich, ward icke för Emi dauhu." — „Schön, Herr Amtshauptmann! Mi is en ganz Deil lichter<sup>11</sup> üm't Hart. — Un mit de anner Geschicht, mit dat Pankrottspelen,<sup>12</sup> meinen Sei . . . ?" — „Dat Hei en ollen Nar<sup>13</sup> is, sicke in finen ollen Dagen in noch mihr Widlüftigkeiten intaulaten."<sup>14</sup> — „Schön, Herr Amtshauptmann! Na denn adjüs!" — Un dormit gung de Möller. —

---

### Dat feihste Kapittel.

Worüm Fritz Sahlmann tau Winterstid ahn<sup>15</sup> Regenschirm in'n Kantappelbaum<sup>16</sup> fatt, worüm hei sicke en lütt Altenbund unner de West knöpen ded, un worüm sicke Mamzell Westphalen för 'ne arge Sünderin erklärte.

Nah 'ne lütte Wil kam de Fru Amtshauptmannen wedder 'rin nah de Stuw un säd: „Wewer, wat heit dit? Fritz Sahlmann is nich dor, Mamzell Westphalen

---

1) Ehre. 2) aufgefüttert, ergogen. 3) nehme. 4) trage. 5) melde.  
6) halten. 7) wird auch darnach sein! 8) wohlmeinend, -wollend.  
9) binnen Kurzem. 10) irgend. 11) leichter. 12) Bankrott machen.  
13) Narr. 14) einzulassen. 15) ohne. 16) Kantapfelbaum.

is nich dor, in ehre Stuw führt dat ut, as wenn  
Heiden un Türken dor Hus hollen<sup>1</sup> hewwen, un de  
Dirns,<sup>2</sup> dei seggen, sei weiten von nicks, as dat Rathsherr  
Herr<sup>3</sup> in de Achterdör<sup>4</sup> sick 'rinsleken<sup>5</sup> hett un Fil  
hett em ut Verfeihn mit en stuwen Bessen<sup>6</sup> äwer't  
Gesicht straft,<sup>7</sup> un Mansell Westphalen hett em en  
por Hän'n vull Dorfesch in de Ogen smeten,<sup>8</sup> of blot  
ut Verfeihn, un nahsten<sup>9</sup> is Friz Sahlmann un  
Mansell Westphalen weg west; un sei weiten<sup>9</sup> nich,  
wo sei sünd." — „Dies ist doch eine besondere  
Sache,"<sup>10</sup> seggt de oll Herr. „Wat deih Rathsherr  
Herr<sup>3</sup> in min Räf?<sup>11</sup> Ic mag den Mann füs<sup>12</sup> woll  
liden, Nettin,<sup>13</sup> hei 's en pläsrlichen Mann; äwer  
hei steckt sin Näs' in jeden Quark, un wat Bernünftiges  
is dorbi seindag' nich<sup>14</sup> herut kamen. — Segg  
mal, Nettin, wecker<sup>15</sup> von de Dirns höllst Du woll  
für de Verständigst?"<sup>16</sup> — „Weiver, wat red'st Du?  
Von Verstand kann bi dei Ort woll nich vel de Ned'  
wesen." — „Na, denn de Kläuft,<sup>17</sup> de Pfiffigst."<sup>18</sup>  
— „Oh, denn woll Fil Besserdihs,<sup>19</sup> denn de Ogen  
gahn ehr ganz fix in den Kopp, un't Maulwerk<sup>20</sup>  
noch vel beter." — „Raup<sup>21</sup> mi dei mal eins  
herinner."<sup>22</sup> —

Dat geschach, un Fil kamm. — Fil Besserdihs  
was 'ne lütte fixe Dirn, so wacht un kregel,<sup>19</sup> as 'ne  
Gülzow'sche Schultendochter<sup>20</sup> man sin kann — denn

---

1) hausgehalten. 2) Dienstmädchen. 3) Hinterthür. 4) herenhöflichen. 5) stumpfer Besen. 6) eigentl. gestreichelt. 7) gefümmiffen. 8) nachher. 9) wissen. 10) Küche. 11) sonst. 12) Nettchen, v. Agnes. 13) niemals. 14) welche. 15) Klügste. 16) „s“ bildet die weibliche Form des Eigennamens, wie „sich“. 17) Maulwerk. 18) rufe. 19) aufgeweckt, munter und frisch, quid. 20) Tochter des Schulzen, Dorfvorstechers.

dunnmals deinten<sup>1</sup> de Schultendöchter noch. — Nu stunn sei äwerst vör den Herrn Amtshauptmann un slog de Ogen dal un knäsel<sup>2</sup> an den Schürzenband,<sup>3</sup> denn sei hadd't in't Gefäul, dat dit woll 'ne Ort Gerichtsdag warden würd'. — „Also," fung de oll Herr an, „zur Wahrheit ermahnt und so weiter — Fil Besserdihs, wat weist Du von Mamsell Westphalen? Fang von gestern Abend an.“ — Fil vertellte<sup>4</sup> nu, wat sei wüft, un wat wi weiten. „Also," säd de oll Herr, „sei hett bi Di slapen<sup>5</sup> un nich in ein Stuw mit Herrn Droß'n.“ — „„Bewer, wat red'st Du?““ föll<sup>6</sup> de Fru Amtshauptmannen in. — „Neiting, jede Umstand is wichtig, wenn de Unschuld an den Dag kamen fall. — Un Du meinst nich，“ wend't hei sic an Fil, „dat sei mit den Herrn Rathsherrn Hers' weglopen<sup>7</sup> is?“ — „„Ne, Herr, flüchtig is sei, glöw<sup>8</sup> id; äwer nich mit den Herrn Rathsherrn, denn dei is mi nahst<sup>9</sup> allein in de Achterdör<sup>10</sup> begegent, as ic von minen Brauder trügg kamm; denn dei was hir in den Goren,<sup>11</sup> Herr Amtshauptmann, mit uns' Vird' tau Vörspann; äwer —““ un hir slog sei de Ogen up, un ut dat frische Gesicht lücht't<sup>12</sup> so'n hellen Spitzbaum<sup>13</sup> 'rut, „„äwer, Herr Amtshauptmann, hei is de Franzosen utritscht.““<sup>14</sup> — „So?“ frog<sup>15</sup> de oll Herr, „hei 's also utritscht?“ — „„Ja, Herr,““ säd Fil un lacht so schelmischen<sup>16</sup> vör sic hen, „„un hei hett de ganze Utritschung anstift<sup>17</sup> un hett de Annern de gräun Purt wißt.““<sup>18</sup> — „Dat is en dummen Streich von em,

1) dienten. 2) knitterte, knüllte. 3) Schürzenband. 4) erzählte.  
5) geschlafen. 6) fiel. 7) weggelaufen. 8) glaube. 9) nachher. 10) Hintertür.  
11) Garten. 12) leuchtete. 13) Spitzbube, Schelm. 14) ausgerissen.  
15) fragte. 16) schelmisch. 17) Ausreizerei angestiftet. 18) die grüne  
Pforte gewiesen, gezeigt.

un wenn de Franzosen em kriegen, warden sei't em  
inköopen.<sup>1</sup> Zi sid 'ne näseweise Ort,<sup>2</sup> Zi Besserdichs.  
— Neiting, help mi mal an den Glüngel, den Fritz  
Besserdich, bedenken.<sup>3</sup> — Un wo is Fritz Sahmann?<sup>4</sup>  
Nu was fil denn wedder sihr benau't<sup>4</sup> un wat nu  
kann, dat kann man ganz dünn un druppweis:<sup>5</sup>  
„Ze, Herr Amtshauptmann, hüt Morrn smet hei all  
Sei Ehr Pipen<sup>6</sup> intwei, un nahsten<sup>7</sup> säd hei, ic  
hadd't dahn. Un, Herr Amtshauptmann, ic kann dor  
nich för, denn ic wull blot üm de Ek kiken,<sup>8</sup> as de  
französche Oberst dor so 'rum towen<sup>9</sup> ded, dünn lep  
hei mi mit de Pipen entgegen, un nu liggen de  
Schören<sup>10</sup> in de Käf.“<sup>11</sup> — „Un wider heft Du em  
hüt Morrn nich seihn?<sup>12</sup>“ — „Ja, Herr, as de Uhrken-  
mäker transperirt<sup>12</sup> würd, dünn lep hei mit, un as hei  
dünn wedder kann, dünn redt hei mit de Mansell  
hochdütsch, un nahsten<sup>13</sup> flusterten sei tausamen.“<sup>14</sup> —  
„Hochdütsch? Fritz Sahmann, hochdütsch? Wat hett  
de Glüngel hochdütsch tau reden? Wat säd hei denn?<sup>15</sup>“  
— „Hei säd: Rettung naht.“<sup>16</sup> — „So? un nahsten  
kann de Herr Rathsherr?<sup>17</sup>“ — „Ja, Herr Amtshauptmann, un ic föhrt<sup>18</sup> em mit den Besen<sup>19</sup> in dat  
Gesicht; äwer ic kann dor of nich för.“<sup>20</sup> — „Dies  
ist doch eine besondere Sache!“ säd de oll Herr un  
gung up un dal<sup>21</sup> un fot<sup>22</sup> sich unner dat Kinn un fel  
up den Bodden<sup>23</sup> un fel an den Bähn.<sup>24</sup> Endlich  
stunn hei still un säd: „Neiting, de Sak is mi flor,

1) einknöpfen, einreiben. 2) næseweise Art. 3) denken, erinnern. 4) beengt, verlegen. 5) tropfenweise. 6) all' Ihre Pfeifen. 7) nachher. 8) gucken. 9) toben. 10) Scherben. 11) Käufe. 12) transportirt. 13) nachher. 14) fuhr. 15) Besen. 16) auf und ab. 17) fäste. 18) Fußboden. 19) Boden, Zimmerdecke.

dat olle Worm,<sup>1</sup> de Westphalen, hett dat mit 'ne Angst kregen,<sup>2</sup> un de Rathsherr hett sic dorinner mengelirt<sup>3</sup> un hett jichtens wat Verdrehtes anstifft.<sup>4</sup> Du fallst seihn, sei hett sic verstelen."<sup>5</sup> — „Den lat sei; Wewer.“<sup>6</sup> — „Dat geiht nich, Neiting, sei möt tau Städ“,<sup>6</sup> denn sei möt Eügnis<sup>7</sup> aflegen för den Uhrkenmaker un fôr den Möller; dat kann de Beiden süs<sup>8</sup> an den Kragen gahn. — Wenn ik blot wüft, wo de Slüngel, de Fritz Sahlmann, is, dei weit üm den ganzen Umstand.<sup>9</sup> — Un Du weist nich, wo hei is, Fik?<sup>10</sup> — „Ne, Herr.“<sup>11</sup> — „Na, denn kannst Du gahn.“ —

As sic Fik ümdreihen ded, föllen<sup>12</sup> ehr Ogen up dat Eäfinster; äwer wil dat<sup>11</sup> ehr Ogen sihr hell un wacht wiren, föllen sei of dörch dat Finster un segen,<sup>13</sup> wat wid achter passiren ded. Sei dreichte sic fir wedder üm un säd: „Herr Amtshauptmann, nu weit ik, wo hei is.“ — „Na, wo denn?“<sup>14</sup> — „Seihn S“, dor sitt 'e.<sup>15</sup> — „Wo?“<sup>16</sup> frog de oll Herr, un läd<sup>14</sup> sin Vörspann von Lorjett<sup>15</sup> an de Ogen, un sek allenthalben hen, blot nich dorhen, wo Fritz Sahlmann satt. — „Dor, Herr Amtshauptmann, dor in unsen ollen Kantappelbom,<sup>16</sup> dei an de Eä von de Käk<sup>17</sup> steiht.“ — „Wohrhaftig! ja! — Dies ist doch eine besondere Sache! — Neiting, in'n Winter! — Wenn dat in'n Harwst<sup>18</sup> wir, wenn Appel up den Bom sünd; äwer Neiting, in'n Winter!“<sup>19</sup> — „Oh, Wewer,“ säd sin leiwe Fru, „hei äuwt<sup>19</sup> sic woll man dorup.“ —

1) der alte, arme Wurm. 2) gekriegt. 3) gemengt. 4) irgend etwas Verdrehtes angestiftet. 5) versteckt. 6) zur Stelle. 7) Zeugniß. 8) sonst. 9) Umstand, Sachverhalt. 10) fielen. 11) weil (daß). 12) sahen. 13) da sitzt er. 14) legte. 15) Lorgnette. 16) alter Kantapfelbaum. 17) Küche. 18) Herbst. 19) übt.

„Fil Besserdichs, Du heft flore Ogen, wat deicht<sup>1</sup>  
hei dor?““ frog de oll Herr un schow<sup>2</sup> mit de Vorgett  
vör de Ogen hen un her. — „Se, Herr, en langen  
Staken<sup>3</sup> hett hei dor; äwer wat hei dormit bezwecken  
deicht, dat's minen Ogen verborgen. Hei handtirt dor-  
mit gegen de Rökerbänluſ.“<sup>4</sup> — „Reiting, gegen  
unsen Rökerbän! Wat mag hei dor handtiren,  
Reiting?““ — „Ich weilt' nich, Bewer; äwer wun-  
nern fall mi dat nich, wenn morgen wedder Wüst-  
fehlen.“ — „Süh mal! süh mal! — Zih, dit wir  
nett! — Dat is jo en prächtigen Bom för minen  
Fritz Sahlmann! 's Sommers Appel un 's Winters  
Wüst!““ Dormit makst hei dat Finster up un röp:<sup>6</sup>  
„Fritz Sahlmann! Fritz! kumm dor 'runner, min  
Sähn, Du künfst Di dor in den Regen vertüllen.“<sup>7</sup>

Dat fall en Dirts<sup>8</sup> gewen, wat sei 'n Fuldirt<sup>9</sup>  
nennen, dat brukt säben<sup>10</sup> Dag', het dat in den Bom  
'rinner kümmt, un säben Dag', het dat wedder 'runner  
kümmt. Na, vull so lang' brukte Fritz Sahlmann nu  
nich, as hei ut den Appelbom kamm; äwer 't was  
doch lang' naug,<sup>11</sup> un von wegen sine Büxen<sup>12</sup>  
kletterte<sup>13</sup> hei woll nich so bedächtig, un as hei unnen  
was, dunn was dat ogenscheinlich, dat hei in en starkes  
Bedenken stunn, ob hei kamen oder dörchbrennen süll.  
Äwer Fritz Sahlmann was en frames<sup>14</sup> Kind, hei  
kamm; blot männigmal höll<sup>15</sup> hei sich en heten up. —  
„Fil, wat makst hei dor achter den Stichelbeerbusch?<sup>16</sup>“  
frog de oll Herr. — „Se, Herr, hei hett dor jo woll.

1) thut. 2) schob. 3) Stange. 4) Räucherbodenluſe. 5) Würste.  
6) rief. 7) erkläten. 8) Thier. 9) Faulthier. 10) sieben. 11) genug.  
12) hosen. 13) kletterte. 14) fromm, gehorsam. 15) manchmal hieß.  
16) Stachelbeerbusch.

wat achter smeten."<sup>11</sup> — „So? Das ist denn eine andere Sache. — Na, Fritz, kumm man dörch de Käkendör<sup>2</sup> 'rinner! Un Du, Filz, gah hen un paß mi up, dat hei nich dörch de Bördör<sup>3</sup> wedder schappirt.“<sup>4</sup> — Filz gung, un Fritz kamm, langsam as de düre Eid;<sup>5</sup> äwer hei kamm. „Fritz Sahlmann, min Sähn, so vel Insichten<sup>6</sup> möst Du all hewwen, dat dat nich gaud för de Gesundheit is, bi Regenweder buten<sup>7</sup> tau fitten, nimm Di nah dissen en Regenschirm mit, wenn Du buten fitten willst; un so vel Insichten möst Du ok all hewwen, dat dat nich gaud för de Hosen is, bi Regenweder in en Bom tau stigen,<sup>8</sup> sääk Di nah dissen 'ne dröge Zohrstid<sup>9</sup> dortau ut. Nu segg mi mal: wat ded'ft<sup>10</sup> Du in den Bom?“ — „„Oh, Herr Amtshauptmann, doch man<sup>11</sup> so.““ — „Hm，“ säd de oll Herr, „dei Grund lett sic hüren. Äwer wat ic eigentlich fragen wull: Hest Du nicks von Mamzell Westphalen seihn?“

Fritz Sahlmann, dei sic 'ne ganz anner Frag' vermauden<sup>12</sup> was, lewte ogenšinlich wedder up<sup>13</sup> un säd ganz kregel:<sup>14</sup> „„Ne, Herr Amtshauptmann.““ — „Ja, min Sähn, worüm fallst Du ok von 'ne Sak wat weiten, wovon Keiner wat weit. Nu dauh mi äwer mal den Gefallen un kif mi mal grad' in de Ogen.“ — Fritz Sahlmann ded<sup>15</sup> em den Gefallen; äwer sin Blick was en falschen Gröschchen, un de oll Herr müggt em woll nich för vull<sup>16</sup> annemen willen, denn hei säd: „Fritz Sahlmann, hir is en Mez,<sup>17</sup> gah

1) dahinter geschmissen. 2) Küchenthür. 3) Vorberthür. 4) entwickele (von schappert). 5) wie die theure Bett (Sprichwörtl.) 6) Einsicht, pl. 7) draußen. 8) steigen, klettern. 9) trockene Jahreszeit. 10) thatest. 11) nur. 12) vermuthen. 13) lebte augenscheinlich wieder auf. 14) frisch, quick. 15) hat. 16) für voll. 17) Messer.

mal nah den Goren<sup>1</sup> un snid<sup>2</sup> mi mal ut de Hasseln<sup>3</sup> — Du weifst jo, wo sei stahn — so'n lütten Stock, so as en — as en — na, as Din Mittelfinger dick, un denn, min Sähn, heft Du achter den Stielbeerenbusch in den Goren<sup>4</sup> wat verluren, raup<sup>5</sup> Di Fir Besserdihs, dei fall Di jäuken helfen,<sup>6</sup> dat Du doch wedder tau dat Dinige künimst. — Äwer hürst Du, Fir Besserdihs fall mit.<sup>7</sup>

Fritz Sahlmann sach<sup>8</sup> nu also unner sihr bedrängten Ümstän'n in 'ne trurige Taulunft; hei bugte<sup>9</sup> äwer up zwei Ding', worup de Minschen meistendeils in ehr Verlegenheit bugen, nämlich irstens up den Himmel, dat dei noch tau rechter Eid<sup>10</sup> den ollen Herrn tau finen Vörnemen en Stein in den Weg smiten würd, un denn zweitens up sine früheren Erfohrungen in so'ne Verlegenheiten; un utherdem hadd hei noch 'ne Hülpe<sup>11</sup> in de Noth, von dei de gewöhnlichen Minschen nicks weiten, nämlich so'n lütt Altenbund, wat hei sic in bedenklichen Fällen unner de West tau Knöppen<sup>12</sup> plegte; dit verget<sup>13</sup> hei denn nu hüt ok nich. Hei gung nu also tämlich<sup>14</sup> beruhigt in den Goren, in de stille Hoffnung, Fir, dei mit em gung, würd' den richtigen Stielbeerenbusch verfehlen; äwer as hei grad' beschäftigt was, de passende Gadung von Hasselrauden uttausäuen,<sup>15</sup> sach hei mit inwendigen Grugel,<sup>16</sup> dat de Dirn grad' up den richtigen Busch losgung un dor wat upnammi, wat em in de Firn vele Ähnlichkeit mit 'ne Wust tau hewwen schint.<sup>17</sup> Hei müht sic also

1) Garten. 2) schneide. 3) Haselbüsche. 4) in dem Garten.  
5) rufe. 6) suchen helfen. 7) sah. 8) baute. 9) Zeit. 10) Hülfe.  
11) Knöpfen. 12) vergaß. 13) ziemlich. 14) Gattung von Hasselruthen  
auszu suchen. 15) Grauen. 16) schien.

anners tau helpen säuken,<sup>1</sup> hei sned<sup>2</sup> also för't Frst  
en por unmarkliche Kerben<sup>3</sup> in de Hasselraud', wat  
denn grad' nich führ tau ehre Holtborkeit<sup>4</sup> bidrog,<sup>5</sup> un  
denn versöchte hei Fik den Fund astausnacken.<sup>6</sup> Dit  
gelung em äwer nich, denn Fik hadd kein Lust, en  
tweit<sup>7</sup> Examen vör den Herrn Amtshauptmann tau  
bestahn, un denn föll<sup>8</sup> ehr in, dat dat mögliche Wis'  
Fritz Sahlmann west wir, dei ehr vör'n Dagener acht<sup>9</sup>  
'ne Hand vull kortsneden Swinsbösten<sup>10</sup> in't Bedd  
streut hadd. So kamm denn nu Fritz Sahlmann mit  
den Stock, un Fik mit 'ne lütte nüdliche<sup>11</sup> Mettwurst  
wedder vör den Herrn Amtshauptmann.

„Fik,“ säd de Herr Amtshauptmann un namm ehr  
de Wurst af, „Du kannst nu gahn, min Dochter. —  
Neiting,“ säd hei tau fine leiwe Fru un höll<sup>12</sup> ehr de  
Wurst vör de Ogen, „dit nennen wi en corpus delicti.“  
— „'T is möglich, Bewer, dat sei up Latinsch so  
heit, wi seggen dor Mettwurst tau.“ — „Schön,  
Neiting! Segg mal, kannst Du dat behaupten, dat dat  
ein von uns' Mettwüst is?“ — „Ja, Bewer, ic  
kenn sei an den Band.“ — „Fritz Sahlmann, wo  
hüft Du tau de Mettwurst kamen?“ — Dit was nu  
för Frizen eine ganz entfahmte Frag' von den Herrn  
Amtshauptmann; de Himmel läd<sup>13</sup> sich ogenschinlich  
nich in't Middel; fine Erfahrungen leten<sup>14</sup> em in Stich,  
de Herr Amtshauptmann stunn vör em, in de ein  
Hand de Wurst, in de anner den Stock, un de Stock  
was knapp zwei Faut<sup>15</sup> von sinen Pudel af, hei was

1) suchen. 2) schnitt. 3) Kerben. 4) Haltbarkeit. 5) beitrug.  
6) abzuschwagen. 7) zweites. 8) fiel. 9) vor etwa acht Tagen. 10) kurz-  
geschnittene Schweinsborsten. 11) niedlich. 12) hielt. 13) legte.  
14) ließen. 15) Fuß.

also vüllig up dat lütt Achtenbund anwist, un dat was  
of man so, so; de Herr Amtshauptmann hadd't all  
mal an't Klappen markt.<sup>1</sup> Hei gaww sicl also ver-  
luren, fung an tau rohren<sup>2</sup> un säd: „„Ick heww sei  
gewen kregen.““<sup>3</sup> — „Dat lüggst Du!“ föhrt de Fru  
Amtshauptmannen up, „Du hest sei mit den Staken  
von den Rökerbän halt.“<sup>4</sup> — „„Neiting, ruhig! keine  
Suggestivfragen! — Fritz, wer hett Di de Wust  
gewen?““<sup>5</sup> — „Mamsell Westphalen.“ — „„Fritz, wo?““<sup>6</sup>  
— „As icl in den Bom fatt.“<sup>7</sup> — „„Satt sei dor  
bi Di?““<sup>8</sup> — „Ne, sei fatt up den Rökerbän, un  
dunn hett sei mi de Wust up den Staken steken, dor  
hadd icl en Nagel inslagen.“<sup>9</sup> — „„Du hest mi doch  
eben seggt, Du wüft nich, wo Mamsell Westphalen  
wir. Fritz Sahlmann, Du hest also lagen.““<sup>10</sup> —  
„Herr Amtshauptmann, Herr Amtshauptmann! Slagen  
S' mi nich! Ick kann dor jo nich för. Ick un Rathsh-  
herr Hers' hewwen uns verswuren, un icl heww em  
heilig verspreken müßt, keinen Minschen, of Sei nich,  
tau seggen, wo Mamsell Westphalen wir.“ — „„Steihst  
Du bi den Herrn Rathsherrn in Lohn un Brod, oder  
bi mi? Du hest lagen, Fritz, un wenn Du lüggst,  
denn kriggst Du Släg', so steiht dat in unsen Kun-  
trakt.““<sup>11</sup> Un dormit kreg de Herr Amtshauptmann  
Frißen in den Kragen un hört<sup>12</sup> den Stock tau Höcht, un  
wenn de Himmel noch in't Middel treden wull, denn  
was't nu de allerhöchste Eid, un — de Himmel ded't.<sup>13</sup>

Buten<sup>14</sup> würd' anklopppt,<sup>15</sup> un herin kamm de  
Stadtdeiner Luth: „Empfehlung von den Herrn Bur-

1) gemerkt. 2) weinen. 3) gegeben, geschenkt gekriegt. 4) geholt.  
5) säß. 6) eingefüllagen. 7) gelogen. 8) Contract. 9) hob — auf.  
10) that es. 11) drausen. 12) angeklopft.

meister, un de Sak stünn heil leg<sup>1</sup> för den Uhrken-mäker un den Möller, un de Herr Amtshauptmann müggt doch so gefällig sin un so drad<sup>2</sup> 'runner kamen! vör Allen äwer Mamzell Westphalen mitbringen, denn ehr Tügniß<sup>3</sup> wir hauptsächlich von Wichtigkeit." — „Sak kam glik, min leiw' Luth. — Reiting, de Sak is pressant. Fritz Sahlmann, hal<sup>4</sup> mi minen Rock, un Du, Reiting, gah nah dat oll Unglücksworm up den Rökerbän un hal sei 'runner." — Wo fir bröcht<sup>5</sup> Fritz Sahlmann den Rock! Wo hild<sup>6</sup> hadd hei't, den Herrn Amtshauptmann ut de Ogen tau kamen! „Fru Amtshauptmannen, ic̄ möt mit, allein för Sei makt sei nich up, un eigentlich sitt sei gor nich up den Rökerbän, sei sitt dor achter up en Flag,<sup>7</sup> wat ic̄ allein weit." So lep hei denn vörup, un de Fru Amtshauptmannen folgte em, äwer sachten.<sup>8</sup>

Fritz kloppte an de Dör: „Mamfelling, malen S' up, ic̄ bün't!" — Kein Antwort. — „Mamfelling, wohl, wohl! Sur Swinfleisch!" — Kein Antwort. — „Mamfelling, de Franzosen sind weg!" — Dunn let sich wat hüren, un 'ne bedräuwte<sup>9</sup> Stimm let sich vernemen: „Fritz Sahlmann, Du büsst en Lägner<sup>10</sup> Dines Namens. — Führ mi nich in Versäufung!"<sup>11</sup> — Middewil<sup>12</sup> rep nu ok de Fru Amtshauptmannen: „Westphalen, malen Sei up! Sak bün dat, de Fru."<sup>13</sup> — „Sak kann mi nich vör Sei seihn laten,"<sup>14</sup> rep de Stimm, „ic̄ bün 'ne Sünderin, 'ne arge Sünderin!" — „Maken Sei man up, dat kümmt All wedder tau Schick."

Nah langen Prekademen<sup>14</sup> makte Mamzell Westphalen denn endlich up un stunn nu dor, rod in't

1) sehr schlecht. 2) sofort. 3) Zeugniß. 4) hole. 5) brachte. 6) geschäftig, eilig. 7) Fleck, Stelle. 8) langsam, ruhig. 9) betrübt. 10) Lägner. 11) Versuchung. 12) mittlerweile. 13) die Frau, Hausfrau, Herrin. 14) bitten.

Gesicht un de hellen Thranen lepen<sup>1</sup> ehr de Baden dal.<sup>2</sup> Åwer dat weit het up den hütigen Dag noch Keiner: was dat von Rührung, oder was dat von Not;<sup>3</sup> genaug,<sup>4</sup> de Thranen lepen, un wenn dat bi 'ne corpulente, öllerhafte<sup>5</sup> Jungfrau statuwirt warden kann, so müggt ic<sup>6</sup> seggen, sei stunn dor as en „knicktes Rühr.“<sup>6</sup> — „Fru Amtshauptninnen,“ säd sei, „ic<sup>6</sup> kann Sei nich unner de Ogen gahn, ic<sup>6</sup> bün deip sunken;<sup>7</sup> åwer twintig Joehr<sup>8</sup> bün ic<sup>6</sup> in Ehren gesegten Hus<sup>9</sup>, un meindag' nich<sup>9</sup> heww ic<sup>6</sup> Sei dat Swarte unner den Nagel entfirnt,<sup>10</sup> eine böse Stun'n hett dat anners maßt: ic<sup>6</sup> heww mi an dat Ehrige vergrepen.“<sup>11</sup> — „Ih, Westphalen, laten Sei dat doch; kamen Sei man mit 'runner!“<sup>11</sup> — „Keinen Schritt, Fru Amtshauptmannen! Erst en ümständlich Beleuntniß! — Seihn S', Sei weiten, ic<sup>6</sup> bün up de Flucht; Rathsherr Hers' hett mi flüchten hulpen,<sup>12</sup> un dese Glüngel, dese Fritz Sahlmann. Un nu sitt ic<sup>6</sup> hir in Waddik un Weihdag'<sup>13</sup> un denk an Herr Droi'n sin Schicksal un an all dat Anner, un denk, dese Glüngel, de Fritz Sahlmann, soll mi Nachricht bringen, wo de Sak steiht, dunn hür ic<sup>6</sup> buten<sup>14</sup> vör de Luk wat hausten,<sup>15</sup> un dunn röppt dat minen Namen, un as ic<sup>6</sup> mi 'ranner slikt<sup>16</sup> an de Luk un 'ruter seih, dunn denk ic<sup>6</sup> doch, mi röhrt de Slag; denn denken S' sic, Fru Amtshauptmannen, dat Unglückskind is in den

---

1) ließen. 2) herunter. 3) Rauch. 4) genug. 5) ältlich. 6) geknicktes Rohr. 7) tief gesunken. 8) über zwanzig Jahre. 9) niemals. 10) das Schwarze unter dem Nagel, d. h. das Geringste entfernt, entwands. 11) vergriffen. 12) fliehen geholfen. 13) wörtlich: Mollen und Schmerzen; der allt. Ausdruck bezeichnet einen hohen Grad des Elends, sowie das bleiche Aussehen in solchem Zustande. 14) höre ich draußen. 15) husten. 16) schleiche.

Kantappelbom stegen<sup>1</sup> un is den langen Telgen<sup>2</sup> entlang rutscht un swewt<sup>3</sup> as 'ne Kreih<sup>4</sup> äwer den Aßgrund. „Jung“, segg ic, „Fritz Sahlmann, willst Du woll ut den Bom!“ Dunn grint<sup>5</sup> de Jung' mi an. „Jung“, raup ic, „ic kann dat nich vör Dinen Vader verantwurten, Di in so'ne Gefohr tau seihn. Seihn S', Fru Amtshauptmannen, dunn lacht de Jung' lud' up un säd: „Ic wull Sei blot Nachricht bringen: de Uhrkenmaker ward uphängt, un Rathsherr Hersen Hewwen de Franzosen kregen,<sup>6</sup> dei liggt in Keden;<sup>7</sup> un en ganzes Batteljohn is utschickt, Sei tau säuken.“<sup>8</sup> Fru Amtshauptmannen, dat was keine tröstliche Nachricht un min Angst was grot; äwer ic kann mi dat Zeugniß<sup>9</sup> gewen, min Angst üm den Jungen was gröter. „Jung“, rep ic, „stig ut den Bom!“ Seihn S', dunn grint hei mi an, as en Ap<sup>10</sup> up en Kameel, un säd: „Ja, wenn S' mi 'ne Wust gewen,“ un dormit fung hei an, allerhand Hanswüstenstreich tau maken, un hüppt<sup>11</sup> up den Telgen 'rum, as en Kärrnchen in'n Kohlgoren,<sup>12</sup> dat mi gräun un gel<sup>13</sup> vör de Ogen würd'. Dunn, Fru Amtshauptmannen, dunn dacht ic, wat is 'ne Mettwurst? un wat is en Minschenlewen? un in mine Angst vergrep<sup>14</sup> ic mi an Ehr Eigendaum, hei höll<sup>15</sup> den Staken 'rin, un ic stek<sup>16</sup> em de Wurst up. Dunn kreg hei Raup<sup>17</sup> von den Herrn Amtshauptmann, un as hei 'run steg, röp hei mi sachten tau, hei hadd mi wat inbild't,<sup>18</sup> dat wir All nich woahr. Dorüm segg ic, hei is en Lägner, Fru Amtshaupt-

1) gestiegen, geflettert. 2) Zweig. 3) schwebt. 4) Krähe. 5) greint, lacht, grinst. 6) gekriegt. 7) Ketten. 8) suchen. 9) Zeugniß. 10) Affe. 11) hüpfte. 12) wie ein Kaninchen im Kohlgarten. 13) grün und gelb. 14) vergriff. 15) hielt. 16) steckte. 17) wurde er gerufen. 18) eingebildet.

mannen, un dorbi bliw ic." — „Laten S' man,  
Westphalen, hei hett bi minen Mann ok noch en  
Schinken in't Solt;<sup>1</sup> hei ward sinen Richter nich ent-  
gahn.““

Mit Mäuh<sup>2</sup> kreg de Fru Amtshauptmannen de  
olle Dam von den Bän<sup>3</sup> heraf, un as sei unnen  
ankemen, gung de Herr Amtshauptmann mit sinen  
statschen<sup>4</sup> Schritt in vullen Autog<sup>5</sup> up un dal un  
täuwte all.<sup>6</sup> En swor<sup>7</sup> Stück was dat nu, Mamzell  
Westphalen tau bewegen, mit den ollen Herrn nah't  
Rathhus daltaugahn<sup>8</sup> — „in den apnen<sup>9</sup> Löwenrachen“,  
säd sei. Sei wull liden,<sup>10</sup> wat sei in ehren Unverstand  
verdeint hadd, obschonst dat in Gaudheit un in Ehren<sup>11</sup>  
gescheihn wir; äwer vör all dat frönde Mannsvolk tau  
stahn un sick von wegen Herr Droß'n tau dessimiren,<sup>12</sup>  
dat wir äwer ehre Kräften, as ordentliches Frugens-  
minsch, un wenn de Herr Amtshauptmann doch dorup  
bestünn,<sup>13</sup> so müßten Fil un Corlin ok mit, denn dei  
müßten ehr wedder betügen,<sup>14</sup> dat sei de Nacht bi ehr  
slapen<sup>15</sup> hadd.

In desen Punkt müßt de Herr Amtshauptmann  
denn nahgewen, un as Mamzell Westphalen in ehr  
Stuw gahn<sup>16</sup> was, sick in Geswindigkeit en Dauf<sup>17</sup> un  
'ne Kapp tau halen, gung de oll Herr mit groten  
Schriften in Gedanken up un dal un fuchtelt mit sinen  
Zenenser Ziegenhainer in de Luft, denn ahn<sup>18</sup> desen  
gung hei seindag' nich<sup>19</sup> ut, un säd endlich: „Reiting,  
sei hett Recht; de Dirüs länen uns nich schaden.

1) im Salz. 2) Mühe. 3) Boden. 4) stattlich. 5) Anzug.  
6) wartete schon. 7) schwer. 8) herunterzugehen. 9) offen. 10) leiden.  
11) in Güte, in guter Absicht und in Ehren. 12) vertheidigen. 13) be-  
stände. 14) bezeugen. 15) bei ihnen geschlafen. 16) gegangen. 17) Zuch.  
18) ohne. 19) niemals.

Äwer, Neiting,<sup>4</sup> un hir snüffelte<sup>1</sup> hei so'n Beten in  
de Lust'rümmer, „dit rückt<sup>2</sup> hir jo nah Spickaal;<sup>3</sup>  
is oll<sup>4</sup> Neils ut Gützow mit sin Alal hir west?“ —

„Wat red'st Du, Bewer? dat is jo von ehr, sei hett  
jo äwer 'ne Stun'n up den Rökerbän seten.““ —

„Das ist denn eine andere Sache!“ säd de oll Herr,  
un sin Fru müßt de beiden Dirns raupen.<sup>5</sup> As  
Mamsell Westphalen kamen was, was de Tog<sup>6</sup> tausam  
un gung af, nahe dem de Mamsell von de Fru Amts-  
hauptmannen en Aßschid up Lewen un Dod namen  
hadd. Keiner sprök<sup>7</sup> en Wurd, blot as sei an dat  
Sloßdur kemen, bögt<sup>8</sup> sich Mamsell Westphalen taurügg  
un säd: „Fit, wenn wi up den Markt<sup>9</sup> kamen, denn  
lop 'räwer nah den Herrn Dokter Lukow, hei füll sic  
in finnen in minen Unglück, mi kunn wat Menschliches  
passiren, denn mi künnen de Ahnmachten antreden.“<sup>10</sup>

---

### Dat elfste Kapittel.

Worüm Bäcker Witt dörch sinen meerschümenen Pipenkopp<sup>11</sup>  
mit in dat Kumpfplotz kümmt; worüm Mamsell Westphalen  
den Herrn Amtshauptmann för 'ne witte Duw,<sup>12</sup> un fit  
Besserdichs för einen Gottesengel ansführt, un wat sei för  
'ne Meinung von den französchchen Auditör hett.

Gung dat up den Sloß all tämlich<sup>13</sup> hund her, so  
sach<sup>14</sup> dat in de Stadt noch vel bunter ut. Frilich, wenn  
so'n Hümpel<sup>15</sup> Inquartirung äwer 'ne lütte Stadt  
kümmt, wenn de Buren von den Lan'n un de Börgers<sup>16</sup>

---

1) schnüffelte. 2) riecht. 3) geräucherte Ale. 4) der alte.  
5) rufen. 6) Zug. 7) sprach. 8) bog. 9) Markt. 10) ich könnte in  
Öhnacht fallen. 11) meerschümener Pfeifenkopf. 12) weiße Taube.  
13) ziemlich. 14) sah. 15) haufen. 16) die Bauern vom Lande und die  
Bürger.

ut de Stadt tau Hand- un Spann=Deinsten tausamen trummelt<sup>1</sup> warden, wenn hir de Zammer un dat Glend weint un flagt, un dor de Älwermaud sich breid makt, denn kann't nich still hergahn as in de Kirch. Äwer as achteihnhunnert un föß<sup>2</sup> Mürat un Bernadott un Dawuh<sup>3</sup> achter den ollen Blücherten<sup>4</sup> herjagten, un hei ehr bi Speck<sup>5</sup> un Wohren<sup>6</sup> de Zähn wif'te,<sup>7</sup> as von Berlin dat saubere Stichwurd utgahn was: „Ruhe ist die erste Bürgerpflicht,“ dunn gung dat ruhiger her, as tau dese Eid; dunn was blot von Befehl un Gehursam de Ned'. Dunn plünnereten<sup>8</sup> un brandschatzten de Herrn Franzosen nah Hartenslust, un dat Volk dükerte sich<sup>9</sup> un schow<sup>10</sup> sich Ein achter den Almern, un de richtige Niedertracht<sup>11</sup> gaww sich allentwegent kund, denn ein Feder dachte an sich un sin Habseligkeiten, un Meister Kähler in Malchow säd tau sin Fru un Kinner: „Ich möt mi redden, an Zug is nicks gelegen; Si bliwwt hir, wenn de Franzosen kamen,“ un lep in't Ellerbrauk<sup>12</sup> un kröp in't Rühr.<sup>13</sup> — Ful un anrüchig was Allens von haben het unnen.<sup>14</sup>

De Eiden sullen sich ännern. De Ned lihrt beden;<sup>15</sup> äwer sei lihrt ok sich wehren. Schill brok<sup>16</sup> los un de Herzog von Brunswik; in ganz Nedderdütschland<sup>17</sup> würd't späulen;<sup>18</sup> Keiner wüft, woher't kam; Keiner wüft, wohen't führen soll. Schill tredete dwars<sup>19</sup> dörch Medelborg nah Stralsund. Up Befehl von Boneparten müfthen em' de Meckelbörger den Paß

1) getrommelt. 2) 1806. 3) Davoust. 4) hinter dem alten Blücher.  
5) Hof, südöstlich von Baren. 6) Baren, Stadt im südöstlichen Mecklenburg.  
7) die Zähne wies, zeigte. 8) plünderten. 9) duckte sich. 10) schob.  
11) Niederträchtigkeit. 12) Erlenbruch. 13) froch in's Rühr. 14) von oben bis unten. 15) lehrt beten. 16) brach. 17) Niederdeutschland.  
18) fing's an zu spülen. 19) quer.

bi Damgoren<sup>1</sup> un Tribsees verleggen; sei kregen Släg', denn sei slogen sick hundsvötzsch flicht. Ein Schillsche Husor namm 'ne ganze Kapperalshäft<sup>2</sup> lange meckelbörgsche Granedir<sup>3</sup> gesangen. „Kinner,“ röp hei ehr tau, „sid Zi all<sup>4</sup> gefangen?“ — „Ne,“ „sid de brave Kapperal, „uns hett Nümmis<sup>5</sup> wat seggt.“ — „Na, denn kamt man mit!“ — Un sei gungen mit. — Was dat Feigheit? Was dat Furcht? Wer uns' Landslünd' achteihnhunnertdrütteihn un virteihn<sup>6</sup> seihn hett, wer wat von't strelitzsche Husoren-Regiment hürt<sup>7</sup> hett, urthelt anners. Wenn ein Stamm in Dütschland dat Tüg<sup>8</sup> dortau hett, up en Slachtfeld tau stahn, denn hett' t de Meckelbörger. — Ne, dat was kein Feigheit — dat was de Unwill, gegen dat tau striden, wat sei sülwst in den deipsten Harten drogen<sup>9</sup> un wünschten. Dat späukte<sup>10</sup> in Meckelborg; un as't in Preußen losbrok,<sup>11</sup> was Meckelborg dat irste Land in Dütschland, wat folgen ded. So is't west, un so möt't of bliwen.

Un de Tiden wiren anners worden. Uns' Herrgott hadd den Franzosen in den russchen Winter de goldschinige Snaakenhut affstropt.<sup>12</sup> Hei, dei füs<sup>13</sup> as Herr 'rümmer pucht<sup>14</sup> hadd, kamm as Smurrer un Pracher<sup>15</sup> taurügg un wen'nt sick an't dütsche Erbarmen, un dit schöne dütsche Gottsgeschenk kreg de Überhand<sup>16</sup> äwer den grimmigen Haß. Keiner woll de Hand up bören<sup>17</sup> gegen den Mann, dei von Gott slagen was, dat Mittled let vergeten, wat hei verschuld't hadd.

1) Damgarten. 2) Korporalschaft. 3) Grenadiere. 4) seit Ihr schon.  
5) Niemand. 6) 1813 und 14. 7) gehört. 8) Zeug. 9) im tieffesten  
Herzen trugen. 10) spukte, bereitete sich heimlich vor. 11) losbrach.  
12) die goldscheinende Schlangenhaut abgestreift. 13) sonst. 14) ge-  
pocht. 15) Schnurrant und Bettler. 16) kriegte die Überhand. 17) auf-  
heben.

Knapp<sup>1</sup> hadd sic̄ äwer de verklamte Sna<sup>2</sup> wedder verdort<sup>3</sup> in dat warme dütsche Bedd, as sei ōk den Stachel wedder wisen würd',<sup>4</sup> un de Schinneri<sup>5</sup> füll wedder losgahn: äwer dat Späul<sup>6</sup> in Nedderdütschland was taum Schatten worden, un de Schatten kreg Fleisch un Bein un kreg en Namen, un de Namen würd' lud' up de Strat rauen:<sup>7</sup> „Upstand gegen den Minschen schlachter!“<sup>8</sup> — Dat was dat Feldgeschri. Äwer dat Feldgeschri was kein Dagsgeschri. Nich en Hümpel<sup>9</sup> unbedarwte<sup>10</sup> junge Lüd', nich de Janhagel up de Strat fung dormit an, ne, de Besten un Ver nünftigsten treden tauſam,<sup>11</sup> nich tau 'ne Verchwörung mit Mez<sup>12</sup> un Gift, ne, tau 'ne Verbräuiderung<sup>13</sup> mit Wehr un Wurd gegen andahne<sup>14</sup> Gewalt; de Ollen red'ten dat Wurd, un de Jungen schafften de Wehr. Nich up apne<sup>15</sup> Strat blückte<sup>16</sup> de irſte Flamm tau Höcht; wi Nedderdütschen liden kein Füer up de Strat; ne, ein Feder stücke<sup>17</sup> dat still in ſinen Hus' an, un de Nahwer<sup>18</sup> kamir taum Nahwer un warmte ſich an fine Glaut.<sup>19</sup> Nich as en Füer von Dannenholt<sup>20</sup> un Stroh, wat tauſeigt blot en Hümpel Usch äwrig lett,<sup>21</sup> ſteg de Läuchen<sup>22</sup> taum Hewen,<sup>23</sup> ne, wi Nedderdütschen ſünd en hart Holt, wat langſam Füer fangt, äwer denn ōk Hitt<sup>24</sup> giwwt. Un tau de dunnmalige Sid was ganz Nedderdütschland en groten Kohlenmiler,<sup>25</sup> dei in ſic̄ zwälte un gläuhte,<sup>26</sup> heimlich

1) taum. 2) die verklamte, erstarnte Schlange. 3) erholt. 4) zu weisen, zeigen anfang. 5) Schinderei, Quälerei. 6) Spül, Gespenſt. 7) gerufen. 8) Menschen schlachter. 9) Haufen. 10) unbedeutend. 11) traten zusammen. 12) Messer. 13) Verbräuiderung. 14) angethan. 15) offen. 16) blickte — auf. 17) stücke — an. 18) Nachbar. 19) Gluth. 20) Tannenholz. 21) Haufen Usch überig läſt. 22) Feuerschein. 23) Himmel. 24) Hitze. 25) Kohlenmiler. 26) glomm und glühete.

un still, bet de Kahlen gor<sup>1</sup> wiren; un as sei fri  
wiren von Rot<sup>2</sup> un Fläckerflammen,<sup>3</sup> dunn smeten  
wi uns' Iesen<sup>4</sup> in de Kohlenglaut<sup>5</sup> un smäd'ten<sup>6</sup> uns'  
Waff un Wehr dorin, un de Haß gegen den Franzosen  
was de Slipstein,<sup>7</sup> dei makte sei scharp, un wat dunn  
kamm, weit jedes Kind up de Strat, un füll't dat nich  
weiten, denn is't dütſche Mannspflicht för finen Vader,  
em dat so intauremſen,<sup>8</sup> dat hei't sindag nich vergett.

Ok in unsre Gegend swälte un smölkte<sup>9</sup> de Kahlen-  
miler, un de Franzosen röken't<sup>10</sup> in de Luft; sei fäulten<sup>11</sup>  
bi jeden Schritt un Tritt, dat de Bodden, up den'n  
sei marschirten, unner sei bewern ded<sup>12</sup> as 'ne Ruhr-  
plag<sup>13</sup>: sei müßten erfohren, dat de süss so demäudigen<sup>14</sup>  
Beamten un Magistratspersonen anfungen, sick tau  
winnen un tau strüben<sup>15</sup> un kathorig<sup>16</sup> tau warden,  
sei segen,<sup>17</sup> dat Börger un Bur unnod<sup>18</sup> worden was,  
un sei läden<sup>19</sup> ehr Hand sworer up dat Land. Dat  
was nu nich dat Middel, den upsternatſchen<sup>20</sup> Sinn  
ſachter<sup>21</sup> tau stimmen, dat Volk würd' ümmer wedder-  
horiger;<sup>22</sup> de Befehle von un för de Franzosen würden  
mit Ufficht falich verſtahn; wat süss<sup>23</sup> glatt gahn was,  
würd' nu 'ne Lüderi.<sup>24</sup> Tag<sup>25</sup> as en Reimen<sup>26</sup> wehrte  
ſick dat Volk mit Listen allerlei Ort,<sup>27</sup> un de Franzosen,  
dei woll marken müggten,<sup>28</sup> dat ehr Regiment hir bald  
ſin Endſchaft hadd, nemen, wat sei mit de Zähnen<sup>29</sup>

---

1) gar. 2) Rauch. 3) die einzelnen, vor dem vollen Glühen der Kohlen aufflackernden Flammen. 4) Eisen. 5) Kohlengluth. 6) schmiedeten. 7) Schleifstein. 8) einzuprägen = blauen. 9) schmauchte. 10) rochen es. 11) fühlten. 12) bebt. 13) Rohrplagge. 14) demäudig. 15) zu winden und zu strüben. 16) widerwendig. 17) sahen. 18) schwierig, ungern etwas thuen. 19) legten. 20) obstinat. 21) ruhiger. 22) widerhaarter. 23) sonst. 24) Verwirrung. 25) zähne. 26) Reimen. 27) Art. 28) merken möchten. 29) Zähne.

dorvon wegtrecken<sup>1</sup> kunnen, denn de Soldat wüxt, dat sin Offzirers dat nich beter makten.

So bald, as dat würlich geschach, wieren sei sic  
frilich keinen apenboren<sup>2</sup> Upstand vermauden;<sup>3</sup> hadden  
sei äwerst verstahn, in de Gesichter tau lesen, taum  
Bispill blot in oll Bäcker Witten sin Gesicht, as hei  
von den Möller sin Fuhrwark ut de Schün taurügg<sup>4</sup>  
kamen was un nu äwer sin halwe Dör<sup>5</sup> lagg un sin  
Pip Loback smökte<sup>6</sup> un dorbi spuckte un achter de  
Franzosen so gnittig<sup>7</sup> herkek, sei hadden sic hött,<sup>8</sup> den  
Bagen<sup>9</sup> tau stramm tau spannen; taum wenigsten hadd  
de Franzos', dei eben an em vörbi gung un em den  
fülverbeslagenen Meerschumpikenkopp ut de Tähnen  
ret<sup>10</sup> un ruhig in sinen Äwermaud<sup>11</sup> dorut wider smökte,  
sic hastiger up de Bein maßt. Denn de Oll hadd  
knapp den Rück in de Tähnen fäult,<sup>12</sup> as hei ut de  
Dör fohrte,<sup>13</sup> so'n lütten Fustenstein<sup>14</sup> upfammelte un  
den'n den Franzosen en beten unsach<sup>15</sup> in dat Gnic  
läd,<sup>16</sup> so dat sin Kopp un de Pipenkopp in den König  
stein tründelten.<sup>17</sup> Un grad' as de Herr Amtshaupt  
mann mit sinen Zug Wiwer<sup>18</sup> up den Markt kamm,  
slogen Bäckergesellen un Franzosen, un Franzosen un  
Nahwers mit scharpe un mit stumpfe Ding' upenanner  
los, bet en Offzirer dor mang<sup>19</sup> kamm un sei utenanner  
bröcht.<sup>20</sup> Oll Bäcker Witt würd' mit en bläudigen<sup>21</sup>  
Kopp nah't Rathhus slept,<sup>22</sup> denn hei hadd sic an de

1) wegziehen. 2) offenbar. 3) vermuthen. 4) aus der Scheune  
zurück. 5) über seine halbe Thür, d. h. die untere gewöhnlich ge  
schlossene Hälfte der, in Mecklenburg üblichen zweitheiligen Hausthür.  
6) schmauchte. 7) ärgerlich, giftig. 8) gehütet. 9) Bogen. 10) riß.  
11) Uebermuth. 12) gefühlt. 13) aus der Thür fuhr. 14) faustgroßer  
Stein, den die Faust fassen kann. 15) unsanft. 16) legte. 17) in den  
Rathstein rollten. 18) Zug Weiber. 19) dazwischen. 20) aus einander  
brachte. 21) blutig. 22) geschleppt.

grande nation vergrepen,<sup>1</sup> un wat hei of seggen ded,  
dat de grande nation sic<sup>t</sup> an sinen Pipenkopp ver-  
grepen hadd, nicks hülp,<sup>2</sup> hei müßt mit.

Up den Rathhus satt de französche Auditör un  
hadd oll Möller Wossen in't Verhür von wegen den  
afhandenkamen<sup>3</sup> Franzosen; de Manteljack mit dat  
Geld lagg up den Disch; de Oberst von Toll un min  
Oll, as Burmeister, wieren dorbi gegenwärtig. Min  
Bader hadd de Geschicht, so wid hei sei wüht, ganz  
in de Wahrheit vertellt,<sup>4</sup> blot dat de Uhrkenmaker up  
sinen Befehl de Franzosen hadd grugen maken<sup>5</sup> müßt,  
hadd hei verswegen, denn hei dacht of so: wotau? De  
Uhrkenmaker ward't woll sülwist seggen, oder wenn hei'st  
nich seggt, denn möt<sup>6</sup> hei doch dörch Mamfell West-  
phalen ehr Tügniß<sup>7</sup> fri kamen. Mit den Möller stunn  
de Sak äwerst slümmer: hei von Allen, dei bi de Sak  
bedeilt<sup>8</sup> wieren, was de Lezt west, dei den Franzosen  
seihn hadd, hei hadd em mitnemen wullt nah sin  
Mähl, un de Kirl was nich tau finnen. Wat för em  
spröł,<sup>9</sup> was, dat hei sihr dun<sup>10</sup> west was, un dat hei  
ut frigen Stücken<sup>11</sup> dat Geld aслиert hadd, un dat of  
dat Schaffürpird von em ahn Ümstän'n,<sup>12</sup> as in Bäcker  
Witten sin Schün befindlich, nahwist<sup>13</sup> würd. As hei  
dese Angaben małt un ut min Badern sin Fragen dat  
spiz kregen hadd,<sup>14</sup> dat em sine Dunigkeit<sup>15</sup> wat nützen  
kunn, małt hei 'ne grugliche<sup>16</sup> un ümständliche Be-  
schreibung dorvon un blew dorbi, up alle Fragen tau  
antwurten, hei wüht von nicks, denn hei wir rech-

1) vergriffen. 2) half. 3) abhanden gekommen. 4) erzählt.  
5) grauen machen. 6) muß. 7) Zeugniß. 8) betheiligt. 9) sprach.  
10) betrunknen. 11) aus freien Stücken. 12) ohne Umstände. 13) nach-  
gewiesen. 14) d. h. gemerkt hatte. 15) Betrunkenheit. 16) gräulich.

schaffen dun west; wenn Einer äwer Fridrichen fragen wull, dei müht Allens weiten.<sup>1</sup>

So stunn de Sak, as buten up den Markt<sup>2</sup> de Slägeri mit Bäcker Witten losgung. Min Vader sprung ut de Dör, üm tau Rechten tau sehn, as oll Witt of all 'ranner slept<sup>3</sup> würd, wobi hei denn af un an en por Knüff mit sin Geleit wesseln ded<sup>4</sup> un för sin „Spitzbauwen un Röwers“ en por „bougres un sacres“ intuschte.<sup>5</sup> Na, dordörch, dat hei in de Gerichtsstuw 'rinner schubbst<sup>6</sup> würd', würd' dat binnen grad' nich ruhiger; hei schimpte, hei schull,<sup>7</sup> un min Oll<sup>8</sup> hadd himmelnaug<sup>9</sup> tau dauhn, em man hallweg<sup>10</sup> still tau krigen. — „Minen Pipenkopp, Herr Burmeister! En Urwdeil<sup>11</sup> von minen Vader! Wat? Un den'n mi vör min sichtlichen Ogen ut de Lähnen tau riten! Wat? Bün ic<sup>d</sup> en Stemhäger Börger oder nich?<sup>12</sup>“ — De Franzosen zausterten un zäckerirten dormang;<sup>13</sup> Oberst von Toll was 'ruter gahn, un de Auditör beföhl, den Bäcker tau binnen,<sup>14</sup> up den Wagen tau smiten un mittauñemen; dat Widere würd' sick finnen, hei hadd sick an den Franzosen vergrepen, un dat wir naug.<sup>15</sup> Dunn tred'<sup>16</sup> min Oll em entgegen un set't em utenanner, dat de Bäcker en iehrlich Mann wir, dat hei Lasten<sup>17</sup> un Kriegsunterbutschonen<sup>18</sup> dragen<sup>19</sup> hadd un sick nich gegen dat französche Regiment, man blot gegen einen gewöhnlichen Spitzbauwen wehrt hadd; oder wat de Franzosen nu all fülwerbeschlagene Pipenkopp för Kriegsunterbutschonen ansegen?<sup>20</sup> — Dit

<sup>1)</sup> wissen. <sup>2)</sup> draußen auf dem Markt. <sup>3)</sup> heran geschleppt. <sup>4)</sup> wechselte. <sup>5)</sup> eintauschte. <sup>6)</sup> stoßend geschoben. <sup>7)</sup> schalt. <sup>8)</sup> Alter. Vater. <sup>9)</sup> himmel-genug, überreichlich. <sup>10)</sup> halbwegs. <sup>11)</sup> Erbtheil. <sup>12)</sup> sprachen zankend und fluchten dazwischen. <sup>13)</sup> binden. <sup>14)</sup> genug. <sup>15)</sup> trat. <sup>6)</sup> Lasten = Abgaben. <sup>17)</sup> Kriegscontributionen. <sup>18)</sup> getragen. <sup>19)</sup> ansähen.

tredde<sup>1</sup> den Franzosen in de Kron', hei snauzte minen Vader an un makte em begriplich, dat hei fülvst gor nich in alltaugrote Säkerheit wir.<sup>2</sup> Min Vader was en krätigen<sup>3</sup> Kirl, un wenn hei mal wat för Recht inseihn hadd, was hei so steinpöttig,<sup>4</sup> as en richtigen Meckelbörger man sin kann. Dat wüste hei, säd hei, dat up Stun'ns kein ihrlich Mann in sinen eigenen Lan'n<sup>5</sup> säker wir, hei för sin Part äwer höll<sup>6</sup> dat för sin Pflicht, sinen Börger bitaufstahn in 'ne gerechte Sak, un dat würd hei dauhn, un wenn ok so vel Franzosen in'n Lan'n wiren, dat Ein dor Swin mit faudern kunn.<sup>7</sup> — De Franzos' schümte<sup>8</sup> vör Wuth un prust'e<sup>9</sup> den Befehl herut, minen Ollen gliß tau arretiren un ut de Stuw tau ledden.<sup>10</sup> As dat nu losgahn süll, sprung oll Bäcker Witt vör den Ollen tau un schot<sup>11</sup> en pormal mit „Snurrers un Spitzbauwen“ dormang,<sup>12</sup> un ok Möller Voß was all dorbi, Faust un Maulregister<sup>13</sup> in den Stand tau setten, as de Oberst von Toll wedder 'rin kamm un, as hei erfohren hadd, wat de Upstand bedüden ded,<sup>14</sup> säd: de Bäcker hadd in de Pipenkoppsgeschicht Recht, hei hadd sich dat buten<sup>15</sup> befragt, un de ganze Geschicht wir 'ne Nebensak; äwer de Bäcker wir de sülwige Mann, dei dat Schaffürpird in sin Schün stahn hadd, un em kem dat vör as wenn hir en Murd in en grotes Kumplott begahn wir — un dorbi fel hei minen Vader sihr sharp an — un dat süll herut, hei set't sin Leben tau

1) zog. 2) in allzu großer Sicherheit wäre. 3) reizbar, heftig.  
4) harinächtig. 5) Lande. 6) halte. 7) daß man damit Schweine füttern könnte. 8) schümte. 9) stieß heftig — heraus. 10) leiten, führen.  
11) schoß. 12) dazwischen. 13) Faust und Maulwerk. 14) bedeutete.  
15) drausen.

Pand:<sup>1</sup> un wenn't hir nich 'ruttaufrigen wir,<sup>2</sup> denn  
wüft hei en Flag,<sup>3</sup> dor süllt woll 'ruter kamen, un  
dat Flag heit<sup>4</sup> Stettin.

Min Bader, Möller Voß un Bäcker Witt würden  
nu 'ruter gahn heiten<sup>5</sup> un in 'ne annere Stuw unner  
Wach' hollen,<sup>6</sup> un de Herr Amtshauptmann würd'  
'rinner raupen.<sup>7</sup> De oll Herr kamm grad' upgericht<sup>t</sup>  
un statsch,<sup>8</sup> as sick dat för en irsten Beamten un en  
gaud' Gewissen hürt,<sup>9</sup> mit den Ziegenhainer in de  
Hand, in de Dör 'rinner. De Ein von de Franzosen  
wull de Dör achter<sup>10</sup> em taumaken; äwer dat gung  
so nich: Mansell Westphalen klemme sich sträwig<sup>11</sup>  
dörch de Dör, un achter ehr her schöwen<sup>12</sup> sich Fit un  
Corlin in ehr breides Fohrwater<sup>13</sup> mit hendörch, denn  
sei wullen of nich, as sei säden,<sup>14</sup> taum Spektakel för  
de Lüd' mang<sup>15</sup> all de ollen Franzosenkirls up de apne  
Del<sup>16</sup> stahn; un Mansell Westphalen säd, as sei sick  
'rin klemme: „Musjöh Franzos' parduh! Wo de  
Herr Amtshauptmann bliwvt, bliw ic of, denn hei  
is min Schutz.“

As de oll Herr herinner kamn, dreicht sick de  
Oberst üm un tek<sup>17</sup> ut dat Finster. De Auditör frog  
nu den Herrn Amtshauptmann dörch den Dollmetzher,  
wer hei wir, un wo hei heit.<sup>18</sup> — „Ik bün irster  
Beamter hir in't Stemhäger Amt, un min Nam is:  
Zochen Bewer;“ un dormit läd hei Haut<sup>19</sup> un Stock  
up den Staul. Bi den Namen „Zochen Bewer“  
was't, as wenn de französche Oberst hellhürig würd,

1) Pfand. 2) herauszukriegen wäre. 3) Fleck, Stelle. 4) hieße.  
5) geheißen. 6) gehalten. 7) gerufen. 8) stattlich. 9) gehört. 10) hinter.  
11) kräftig. 12) schoben. 13) breites Fahrwasser. 14) wie sie sagten.  
15) zwischen. 16) offene Diele. 17) guckte. 18) wie er heiße. 19) Hut.

hei dreichte sich halw um un kek den ollen Herrn an,  
un't was, as wull hei em wonach<sup>1</sup> fragen, doch unner-  
let<sup>2</sup> hei dat un kek wedder ut dat Finster.

De Herr Amtshauptmann würd' nu bedüd't, dat  
hei sich setten süll. „Ick dank Sei,” säd hei, „tau  
mine Bequemlichkeit bün icc hir nich herkamen, un  
int' Verhür tau sin, is 'ne tau ungewennte Sak<sup>3</sup> för  
mi, as dat icc sei in'n Sitten<sup>4</sup> afmaken kann.“ — hei  
vertellste<sup>5</sup> nu up Befragen von den Schaffür sin irstes  
Uptreden<sup>6</sup> an Allens, wat hei dorvon weiten kunn. Un,  
slot hei sine Red', wenn Ein den Möller dorut en Verbreken  
maken wull, dat hei den Kirl dun maken hulpen hadd,<sup>7</sup>  
denn stunn hei sülwst vör den Kitz, denn up si n  
Geheit hadd de Unner sich mit dat Geschäft hemengt,<sup>8</sup>  
un hei wir sin Vörgezettler. — Hir fung de Auditör  
höhnischen<sup>9</sup> an tau lachen un meint, dat dat spafig  
wir, dat de Burmeister irst för finen Bäcker, un dat  
de Amtshauptmann nu för finen Möller intreden<sup>10</sup>  
wull. — „Un dor lachen Sei äwer?“ frog de oll Herr  
so ruhig, as hadd hei mit Frix Sahlmannen tau  
dauhn. „Is dat in Frankrik nich so? Sünd in  
Ehren Lan'n de Beamten blot dortau dor, de Lüd' dat  
Fell äwer de Uhren tau trecken?<sup>11</sup> Möten Sei ehe  
nich in 'ne gerechte Sak bistahn? Un is dat nich  
'ne gerechte Sak, wenn man sick en Röwer<sup>12</sup> un Spitz-  
bauwen, dei de Gewalt hett, mit en por Buddel Win  
von'n Hals' schafft?“ — Na, nu was denn wedder  
dat Kalw in't Og' flagen.<sup>13</sup> Röwer un Spitzbauw un

1) wonach, nach etwas. 2) unterließ. 3) zu ungewohnte Saché.  
4) im Sitten. 5) erzählte. 6) Auftreten. 7) betrunklen machen geholzen  
hätte. 8) besaßt. 9) höhnisch, adv. 10) eintreten. 11) über die Ohren  
zu ziehen. 12) Räuber. 13) das Kalb ins Auge geschlagen.

en franzöſchen Schaffür, dat wieren twei Ding', dei ſet ſich nich taufamen 'rimen lun'n,<sup>1</sup> oder wat beter iſ, wullen. De Oberſt hadd ſich von't Finſter aſwenn't<sup>2</sup> un gung mit groten Schritten achter den ollen Herrn up un dal,<sup>3</sup> de Auditör fohrte<sup>4</sup> em mit harten Würden<sup>5</sup> an; de Herr Amtshauptmann blew ruhig, gung an den Difch un halte ut den Franzosen ſinen Mantelsack en ſülwernen Läpel<sup>6</sup> herut, höll den Auditör den Läpel hen un ſäd: „Seihn S' hir, dit Wapen!<sup>7</sup> Ict kenn't un kenn ok de Lüd', dei't führen. Dei Ort Lüd' verköpen<sup>8</sup> ehr ſülwern Läpel nich, un nah mine Meinung hett en ihrlichen Soldat wat Anners tau dauhn, as Handel mit ſülwerne Läpels tau driwen.“<sup>9</sup> — Hir was nu nich vel gegen tau ſeggen, de Auditör malte alſo en geschickten Sidsensprung<sup>10</sup> un kamm up den Uhrkenmaker un frog den ollen Herrn, wo dei in de französche Uniform kamen wir, un wat dei de Nacht up den Sloß tau dauhn hatt hadd? — „Dor fragen Sei mi tau vel,“ ſäd de Herr Amtshauptmann, „idc heww em dat nich heiten; idc heww em blot des Abends, as de Möller mit den Schaffür fortführte,<sup>11</sup> flüchtig feihn, un dat hei de Nacht up den Sloß blewen iſ, iſ gegen min Willen un Weiten<sup>12</sup> gescheihn.“

De Auditör müggt woll marken, dat mit den ollen Herrn nich vel uptaustellen wir; hei brok<sup>13</sup> de Sak af un bedüd't den Herrn Amtshauptmann, hei kunn gahn, ſüll ſich äwer nich ut dat Rathhus entſirnen. „Schön!“ ſäd de oll Herr, un dreichte ſich üm. „Alſo bis auf ausgemachte Sache.“

---

1) reimen konnten. 2) abgewandt. 3) hinter dem alten Herrn auf und ab. 4) fuhr. 5) Worten. 6) Löffel. 7) Wappen. 8) verlaufen. 9) treiben. 10) Seitensprung. 11) fortführ. 12) Wissen. 13) brach.

As hei sick ümdreihn ded un Haut un Stock nemen  
wull, hadd de französche Oberst sinen Stock in de Hand,  
un kek<sup>1</sup> up den Stock so iwig<sup>2</sup> un doch so unsäker,<sup>3</sup>  
as wenn Einer in de Xidingen<sup>4</sup> sin Nummer mit dat  
grote Loß<sup>5</sup> find't. Un up den Stock was ok würlich  
wat tau lesen, denn hei was ut den ollen Herrn sin  
Zenenser Studententid, un Nam hi Nam was dorup  
snieden.<sup>6</sup> De Herr Amtshauptmann kek em einen  
Ogenblick an, dorup makte hei em so'n verluren<sup>7</sup>  
Diner von baben dal:<sup>8</sup> „Mit Verlöw<sup>9</sup> Herr Oberst,  
minen Stock.“ — De Oberst fohrte<sup>10</sup> etwas verlegen  
tausam, gaww em den Stock, un as de oll Herr ut de  
Stuw gung, gung hei em nah. Mamsell Westphalen  
wull nu ok nah, un Fik un Corlin schickten sick ok  
dortau an; äwer „Alt! Alt!“ schreg<sup>11</sup> de Auditör, un  
wer nich 'rut kamm, wieren de drei Frugenslüd’.

Mamsell Westphalen hett nahsten<sup>12</sup> oftmals un vel-  
mals dit Verhür un ehren Taufstand dorin vertellt;<sup>13</sup>  
äwer ümmer fung sei dormit an: ehr wir tau Maud'  
west, as hadd sei up den Stemhäger Klockthurn<sup>14</sup>  
stahn, wo de Klocken hängen, un all de Klocken, grot  
un lütt, hadden ehr in de Uhren<sup>15</sup> summt, un as de  
Herr Amtshauptmann von ehr furtgahn wir, wir dat  
west, as wenn 'ne witte Duw<sup>16</sup> ut dat Schallock  
flagen wir,<sup>17</sup> un sei hadd em nahspringen wullt up  
Lewen un Starwen; äwer de Kirl, den'n sei'n Auditör  
schellen<sup>18</sup> deden, hadd ehr an den Rocksom fast hollen.<sup>19</sup>

---

1) gnädte. 2) eifrig. 3) unsicher. 4) Zeitungen. 5) Loos.  
6) darauf eingeschnitten. 7) verloren, oberflächlich. 8) von oben herab.  
9) mit Verlaub! 10) fuhr. 11) schrie. 12) nachher. 13) erzählt.  
14) Glockenthurm. 15) Ohren. 16) weiße Taube. 17) aus dem Schall-  
loch geflogen wäre. 18) schelten, nennen. 19) am Rocksaum festgehalten.

„Un,“ set't sei denn hentau, „Fru Meistern, ic̄ heww en gaud Duizend von Auditers<sup>1</sup> kennt, dei de Herr Amtshauptmann alstausamen utlihrt<sup>2</sup> hett, un't wiren all lustige Vägel; äwer so'n bunten Vogel, un so'n Galgenvagel, as dese französche Auditor, was dor nich unner; denn seihn S', Fru Meistern, dei Kirl hadd en bunten Liwree-Stöck an, un de Galgen stunn em up't Gesicht.“

Mamsell Westphalen gung dat, as vele iherliche Seelen; sei hewwen 'ne grote Angst vör 'ne Gefohr, dei in de Firn draut,<sup>3</sup> sünd sei dor äwer irst midden in, denn spelen<sup>4</sup> sei dormit; sei sünd as de Müggen, den Rok<sup>5</sup> länen sei nich verdragen; äwer dat Füer locht sei an. As sei sach, dat de Brüggen achter ehr afbraken<sup>6</sup> wiren, un dat de Sak taum Schwur kamm,<sup>7</sup> set'te sei de Hän'n in de Sid', gung nah vörwarts un stellte sich up dat sülwige Flag,<sup>8</sup> wo de Herr Amts-hauptmann stahn<sup>9</sup> hadd. „Denn,“ säd sei nahsten,<sup>10</sup> „ic̄ hadd seihn, dat hei dor stolz stahn hadd, un sin Geist kamm äwer mi.“

De Auditor frog nu: wat sei von den Uhrken-maker wüft? — „Ic̄ weit von em nicks, as dat hei en Düttschverdarwer<sup>11</sup> is, dat hei tau't Brod „düh päng“ un tau'n Win „düh wäng“ seggt, un dat is dat Ganze.“ — Wo hei in de französche Uniform kamen<sup>12</sup> wir? — „Ic̄ weit nich, wo hei dorinner kümmt, un weit of nich, wo hei doruter kümmt, hei ward dat woll so maken, as de annern Mannslüd' all.“ — Worüm

1) Auditoren, Bezeichnung der angehenden Camerabeamten. 2) aus-gelehrkt. 3) in der Ferne droht. 4) spielen. 5) Rauch. 6) hinter ihr abgebrochen. 7) zum Schwur kam, d. h. ernsthaft wurde, zur Entscheidung drangte. 8) auf denselben Fleck. 9) gestanden. 10) nachher. 11) Deutſch-verdarber. 12) gekommen.

hei den Abend up dat Sloß kamen wir? — „Up dat Sloß kamen vel Lüd', un luter ihrliche Lüd', mit Utnam von dei, dei de Schandoren<sup>1</sup> bringen; un wenn ic̄ mi dorüm kümmern fall, wat dei all vörhewwen, denn kūnn de Herzog mi tau'n Amtshauptmann maken, un de Herr Amtshauptmann kūnn denn de Käk<sup>2</sup> besorgen.“ — Worüm de Uhrkenmaker den Abend nich tau Hus gahn wir? — „Wil dat en Weder<sup>3</sup> was, worin Einer keinen Hund ut de Dör<sup>4</sup> jagt, vel weniger en Christenminsch, un ic̄ holl<sup>5</sup> den Mann vörlöpig<sup>6</sup> för en Christen, wenn ok̄ för keinen richtigen, denn as ic̄ man hört<sup>7</sup> heww, geiht hei des Nachts up de Hasenjagd — worüm nich bi Dag' as anner Lüd'? — un denn bedeint hei sic̄ en Hüker<sup>8</sup> mit einen Bein, den'n hei sic̄ hin'nwärts anhnallen deiht,<sup>9</sup> un jeder anner Christenminsch sitt up en Hüker mit drei Beinen, un hei hett uns' Corlin tau dese appeldwatsche<sup>10</sup> Mod' up de Melkenrägel<sup>11</sup> verführen wullt, sei hett em äwer deint:<sup>12</sup> wenn dat Mod' in sinen Lan'n wir, so kūnn hei jo mit den Pal<sup>13</sup> achterut<sup>14</sup> herümmer lopen, sei wull nich den Ullenspeigel<sup>15</sup> up de Rägel<sup>16</sup> afgewen.“ — Worüm sei äwer den Uhrkenmaker heimlich in ehr Stuw upnamen hadd? — Hir swieg<sup>17</sup> Mamzell Westphalen still, dat Blaud schot ehr gläugnig<sup>18</sup> in dat Gesicht äwer de Utverschamtheit von den französchken Kirl; dat was de Frag', dei ehr up de Flucht un up den Rökerbän drennen<sup>19</sup> hadd;

1) Gendarmen. 2) Kühe. 3) Wetter. 4) Thür. 5) halte.  
6) vorläufig. 7) gehört. 8) Schemel. 9) hinten anschallt. 10) albern.  
11) der mit Niegeln eingefriedigte Platz auf der Weide, wo die Kühe gemolken werden. 12) bedient, geantwortet. 13) Pfahl. 14) hinteraus.  
15) Eulenspiegel. 16) Melkplatz. 17) schwieg. 18) das Blut schoß ihr glühend. 19) auf den Räucherboden getrieben.

äwer as sei in ehre würfliche Herzensnoth na 'ne Antwort söcht,<sup>1</sup> kamm ehr Hülp. Fik Besserdichs un Corlin drängten sich an ehr 'ranner un schoten<sup>2</sup> nu los: dat wiren Lägen!<sup>3</sup> dat wiren utgestunkene<sup>4</sup> Lägen! Un sei wullen't beswören. Ehr Mamselling hadd bi ehr slapen,<sup>5</sup> un sei wullen't den Herrn Amtshauptmann seggen. Un wenn't so losgahn füll, denn kunn't ehrentwegen losgahn.<sup>6</sup> — Dat würd' en gruglichen<sup>6</sup> Larm, un wenn de Auditör knapp Rauh stiftet<sup>7</sup> hadd, denn gungen sei wedder los mit spizie Redensorten, het endlich de ganze Gesellschaft 'ruter bröcht<sup>8</sup> würd'. —

„Fru Meistern,”<sup>9</sup> sad Mamsell Westphalen nahsten<sup>10</sup> tau de Bewerfru Stahlen, „Sei weiten, ic̄ heww mi ümmer argert äwer Fik Besserdichs ehr loses Mulwark; äwer kein Gottesengel kunn mi in desen Ogenblick truger<sup>11</sup> tau Sid stahn, as sei mit ehr Zaustern. Fru Meistern, de Mensch fall dat nich verachten, wat em tau Tiden unbequem is, wer weit, wotau hei't bruken<sup>12</sup> kann, un dortau hört en gaud' Mundwark, un dorbi bliw ic̄. Un gedenken will ic̄'t de Dирn.“

---

### Dat twölftje Kapittel.

Worüm de Herr Amtshauptmann un de französche Oberst sic̄ binah führt hadden; worüm min Mudding den Herrn Amtshauptmann an den Rock zuppen,<sup>13</sup> un de korsikanische Lindworm<sup>14</sup> minen Vader un minen Uncle Hers' weg-slepen<sup>15</sup> ded.

Als de Herr Amtshauptmann ut de Gerichtsstuwung, gung hei sñurstracks nah de annen Sid' von de

---

1) suchte. 2) schossen. 3) Lügen. 4) abscheuliche. 5) geschlafen.  
6) greulich. 7) kaum Ruhe gestiftet. 8) herausgebracht. 9) Frau  
Meisterin. 10) nachher. 11) treuer. 12) brauchen. 13) zupfen. 14) Lind-  
wurm, Drache. 15) weggeschleppen.

Del<sup>1</sup> nah en Flag,<sup>2</sup> wo hei vörher un nahher oftmals  
kamen is, nah de Stuw von min Mudding — denn  
wi wahnten<sup>3</sup> in dat Rathhus.

Min leiw Mudding satt un neisht,<sup>4</sup> un wi Gören<sup>5</sup>  
spelten üm ehr 'rum; denn wat is so'ne Gören weg?<sup>6</sup>  
Sei äwer was beängstlich un trurig, still satt sei dor  
un hürte<sup>7</sup> villicht den Larm gor nich, den'n wi üm  
ehr makten; sei wüxt villicht noch gor nicks von den  
slimmen Handel, worin min Vader satt, denn't was  
nich sin Sak, sin Drangsal hiddlich<sup>8</sup> tau vertellen; äwer  
mit 'ne gaude Fru hett dat 'ne eigene Bewandniß: weit  
en düchtig Mann gliß up de Städ',<sup>9</sup> woher de Wind  
weiht, so weit 'ne gaude Fru all lang' vörher, dat wat  
in de Lust is.

De oll Herr kamm also tau ehr in de Stuw 'rin  
un säd: „Gu'n Morrn, min Herzenskindting! Wo geiht  
Sei dat? Vele Unrauh mit dat oll Franzosenvölk! Ne,  
wat denn?“ — Min Mudding höll<sup>10</sup> em de Hand ent-  
gegen, denn sei höll vel von den ollen ihrenwirthen  
Mann, dei so männig Stun'n<sup>11</sup> bi ehr satt<sup>12</sup> un mit  
Wisheit un Rechtfarigkeit<sup>13</sup> de Erfahrungen von sine  
grisen Hor<sup>14</sup> vör ehr utschüdden ded,<sup>15</sup> un dei doch  
lewig<sup>16</sup> un lustig naug<sup>17</sup> was, dat dor hen un wenn  
en heten Puder mang stöhmt,<sup>18</sup> wenn hei von sine  
Zenenser Studententid vertellen ded, wo hei un sin  
Brauder, Adolph Didrich — „de Professor juris utriusque  
in Rostock, min Herzenskindting“ — in den Amicisten-  
orden 'rümmer wirkt hadden. Min Mudding höll em

1) Diele, Haussfur. 2) Fleck, Stelle. 3) wohnten. 4) saß und  
nähete. 5) Kinder. 6) denn was fehlt solchen Kindern, was haben sie  
für Leib? 7) hörte. 8) vorschnell. 9) gleich auf der Stelle. 10) hielt.  
11) manche Stunde. 12) saß. 13) Gerechtigkeit. 14) greise Haare.  
15) ausschüttete. 16) lebhaft. 17) genug. 18) stäubte.

de Hand entgegen, denn upstahn kunn sei nich, sei was  
lahm in 'ne swere Krankheit worden, un ic̄ heww sei  
nich anners kennt, as dat sei in ehre gauden Tiden  
up en Staul satt un neiht, so flitig,<sup>1</sup> so flitig, as  
wiren ehr armen swacken Hän'n gefund, un dat sei in  
ehre slimmen Tiden tau Bedd lag un unner Weihdag'  
in de Bäuerer les.<sup>2</sup> Wat dat för Bäuerer wiren, weit  
ic̄ nich mihr; äwer Romanen wiren't nich, un dat  
weit ic̄ blot, dat den ollen Herrn Amtshauptmann sin  
Mark Aurel dor mitunner lep,<sup>3</sup> denn ic̄ mücht em hen  
un her dragen.<sup>4</sup>

Frugenslünd' hang' maken, was nu den ollen Herrn  
sin Sok nich, un stats von den Truwel<sup>5</sup> in de Gerichts-  
stuw tau reden, fung hei leiwer mit dat flichte Weder  
an un makte grad' 'ne fortfartige<sup>6</sup> Beschriwung von de  
Pütten<sup>7</sup> up den Stemhäger Mark — denn dei was  
dunn noch nich ni dämmitt<sup>8</sup> — as de Dör upgung un  
de französche Oberst 'rinner kamm. Dei makte min  
Mudding en fortan Gruß un gung an den Herrn Amts-  
hauptmann 'ran; wi Gören leten uns' Spelwerk<sup>9</sup> un  
kröpen<sup>10</sup> in de Abeneck<sup>11</sup> up einen Kluten<sup>12</sup> tausam, as  
de Häuner,<sup>13</sup> wenn de Häwk<sup>14</sup> in de Luft is, un mägen  
jo woll dacht hetwen: „wo dit woll möt?<sup>15</sup>“ Dat-  
fülwige dacht min Mudding of woll, denn sei ließ den  
ollen Herrn so beängstlich an, wil dat in sin Angesicht  
so 'ne irnsthaft vörneme Min kamm, dei sei an em  
nich gewennt<sup>16</sup> was. Den Franzosen let<sup>17</sup> dat äwer

1) fleißig. 2) unter Schmerzen in den Büchern las. 3) lief.  
4) tragen. 5) Trouble. 6) kurz fertig. 7) Pfützen. 8) neu gedämmt,  
gepflastert. 9) Spielen. 10) trocken. 11) Ofenecke. 12) Kloß, Klumpen.  
13) Hühner. 14) habicht. 15) wie dies wohl muß, was dies wohl zu  
bedeuten hat. 16) gewohnt. 17) ließ, stand an, kleidete.

gor nich barsch, un in sine Utred<sup>1</sup> was 'ne fründliche Höflichkeit, as hei den ollen Herrn frog: „Um Vergebung, ic̄ härt<sup>2</sup> eben in de Gerichtssturz den Namen „Bewer“, heiten Sei „Bewer“?“ — „„Sochen Hinrich Bewer,““ säd de Oll fort un stunn grad' as en Pal.<sup>3</sup> „Hewwen Sei nich en Brauder, dei Adolph Didrich heit?“ — „„Adolph Didrich, Professor in Rostock,““ antwurt' de oll Herr un rögte<sup>4</sup> kein Glid. — „Herr Amtshauptmann,“ säd de Franzos' un rekt<sup>5</sup> de beiden Hän'n em entgegen, „laten S' vergeten sin, wat hüt Morrn tüschen<sup>6</sup> uns passirt is, Sei gahn mi neger<sup>7</sup> an, as Sei glöwen.<sup>8</sup> Ick heww up Ehren Stoc̄k en Namen lesen, dei mi deip<sup>9</sup> in't Hart schrewen is. Seihn S' hir: „Renatus von Toll.“ — „„Un den Mann kennen Sei?““ frog de oll Herr, un't was, as wenn in sin Gesicht en helles Morgenroth upgüng. — „Wat wull ic̄ nich!“ säd de Oberst, „t is jo min Bader.“ — „„Mann!““ säd de oll Herr, „„Mann, ne, wat denn? wat denn?““ un schow<sup>10</sup> den Obersten en En'n lang von sick trügg un kef<sup>11</sup> em in de Ogen, „„Sei Renatus von Tollen sin Sähu?““ — „Ja, un hei hett mi oftmals un vel von sin besten Grün'n vertellt, von de beiden Bewers, von de beiden langen Meckelbörger.“ — „„Min Herzenskindting,““ rep<sup>12</sup> de oll Herr un wen'nt<sup>13</sup> sick an min Mudding, „„von wen heww ic̄ Sei vertellt, am meisten vertellt? Ne, wat denn? Von den braven Westphälinder,<sup>14</sup> von den Renatus?““ — Min Mudding nicht mit den Kopp, denn de Freud von den ollen

1) Ausdrucksweise, Sprache. 2) hörte. 3) Pfahl. 4) rührte.  
5) streckte. 6) zwischen. 7) näher. 8) glauben. 9) tief. 10) schob.  
11) quakte. 12) rief. 13) wandte. 14) Westphale.

Herrn hadd so wat an sic<sup>t</sup>, wat ehr de Thranen in de Ogen bröcht,<sup>1</sup> un wi dummen Gören fröpen<sup>2</sup> o<sup>t</sup> achter'n Aben<sup>3</sup> 'rut un würden drifter, un't was uns tau Maud', as wenn Mudderbraudersähn<sup>4</sup> tau Hus kamen wir. — „Züngschen,<sup>5</sup> Züngschen!“<sup>6</sup> rep<sup>6</sup> de oll Herr, „ick hadd Sei kennen müft, wenn de ver-dammte französche Unneform . . . Ne, laten S' sin! Dat wull ic<sup>t</sup> nich seggen,<sup>7</sup> „set<sup>t</sup> hei rasch hentau,<sup>8</sup> as hei gewohr würd, dat den Obersten dat Blaud<sup>9</sup> in't Gesicht schot.<sup>10</sup> „Seggen S' mal, Kinting, hett Ehr Vader noch de hellen, brunen Ogen? Ne, wat denn? Hett hei noch de krusen, brunen Hor?<sup>11</sup> Ne, wat denn? — Ein prächtiger Mensch, mein Herzenskinting!<sup>12</sup> säd hei tau min Mudding, „ein Mensch, dem unser Herrgott den Mann auf die Stirn geschrieben hat!“<sup>13</sup> — De Oberst säd denn nu, de brunen Ogen wiren woll noch dor; äwer de brunen Hor wiren o<sup>t</sup> all verblaßt. — „Wohr! wohr!“<sup>14</sup> säd de Herr Amtshauptmann, „dat möt woll so sin, Adolph Didrichen sin sünd o<sup>t</sup> all gris. — Äwer nu, min Herzenskinting, nu kamen S' mit mi nah dat Sloß herupper un bliwen S' 'ne Tidlang<sup>15</sup> bi mi. Weiß Gott, dit is dat irstemal, dat ic<sup>t</sup> en französichen Offezir inlad',<sup>16</sup> bi mi tau bliwen. Äwer Sei sünd jo eigentlich kein französiche Offezir, Sei sünd jo en Düscher. Der Sohn von Renatus von Toll kann nur ein braver Deutscher sein, min Herzenskinting,<sup>17</sup> säd hei un wen'nt<sup>18</sup> sic<sup>t</sup> dorbi an min Mudding, „ne wat denn?“<sup>19</sup> — Min Mudding, dei sach,<sup>20</sup> wo dat<sup>21</sup>

1) brachte. 2) frohen. 3) hinterm Ofen. 4) Mutterbrudersohn.  
5) am. von Junge. 6) rief. 7) setzte. 8) hinzu. 9) Blut. 10) schoss.  
11) krause braune Haare. 12) eine Zeit lang. 13) einlade. 14) wandte.  
15) sah. 16) wie es.

den Obersten bi den ollen Herrn sine Red' heit un kolt  
äwergot,<sup>1)</sup> winnt em un plinkt em; äwer vergewis; un  
as hei nu bi de lezte Frag ehr neger<sup>2)</sup> kamm, treckt<sup>3)</sup>  
sei em sacht<sup>4)</sup> an den Rock, dat hei swigen full. —  
De oll Herr wen'nt sick dorbi kolt üm un frog:  
„Min Herzenskindting, wat zuppen<sup>5)</sup> Sei mi?“ —  
Nu was de Reih, rod tau warden, an min Mudding.  
De Oberst hadd sick äwer während desz fat't,<sup>6)</sup> hei  
makte min Mudding so'n halwen Diner tau un säd  
irnst un fast<sup>7)</sup> tau den ollen Herrn: „Herr Amtshaupt-  
mann, Ehre Inladung möt icc utslagen, denn in 'ne  
halwe Stun'n möt icc marschiren, un wat dese Unneform  
anbedröppt,<sup>8)</sup> dei Sei nich geföllt, ok nich gefallen kann  
— icc will dat taugewen<sup>9)</sup> —, so kann icc sei nich  
dordörch beschimpen, dat icc sei in de Stun'n von de  
Geföhr uttrec.<sup>10)</sup> Sei seggen, icc bün en Dütscher,  
min Vaders Sähn möt en Dütscher sin — Sei hewwen  
Recht — äwer wenn Sei mi en Verbreken dorut maken  
will'n, dat icc up de annen Sid' stah, denn schuwen<sup>11)</sup>  
Sei mi dat nich in't Gewissen, sondern minen Lands-  
herrn. As icc Soldat würd', stunn de Kurfürst von  
Köln in en Verbündniß mit den Kaiser, un as icc vör  
vir Zohren nah Spanjen gahn müht, lagg ganz Dütsch-  
land mit all sin Fürsten em tau Fäuten.<sup>12)</sup> Sit drei  
Wochen bün icc frügg ut Spanjen un finn<sup>13)</sup> Dütsch-  
land anners, as dat was; wat mi dor dörch den Kopp  
un dörch't Hart gahn is, is min Sak; un wenn icc  
doräwer mit 'ne Minschenseel reden full, denn künnt  
blot mit minen Vader geschehn; för den besten Zugend-

1) heiß und kalt übergoß. 2) näher. 3) zog. 4) leise. 5) zupfen.  
6) gefaßt. 7) ernst und fest. 8) anbetrifft. 9) zugeben. 10) ausziehe-  
11) schieben. 12) zu führen. 13) finde.

fründ von minen Vader möt dat naug<sup>1</sup> sin; 't is mihr, as ic̄ meindag<sup>2</sup> tau einen annern Minschen in dese Angelegenheit red't heww."

De oll Herr stunn wildeß<sup>3</sup> vör em un leß em fast<sup>4</sup> in de Ogen un schüddelt denn un wenn den Kopp; äwer as hei gewohr würd, dat äwer den Obersten sin Gesicht so'n rechten truhartigen Ernst<sup>5</sup> lagg, dunn söchten<sup>6</sup> sin Ogen en anner Flag,<sup>7</sup> un as de Oberst sin Red' slot,<sup>8</sup> säd hei: „„das ist denn eine andere Sache!““ un dreicht sich nah min Mudding üm un säd: „„Min Herzenskindting, ne, wat denn? De Mann hett Recht. Renatus von Tollen sin Sähn hett Recht. Blot Schad', dat hei Recht hett!““ un fot<sup>9</sup> den Obersten an de Hand: „„Min leiwe junge Fründ, un hir bliwen kären Sei nich?““ un as de Oberst em versäkert,<sup>10</sup> dat wir unmöglich, röp<sup>11</sup> hei mi: „„Fritz,““ säd hei, „„Jung, Du kannst all en Gewarw<sup>12</sup> bestellen, lop nah Neiting,<sup>13</sup> nah de Fru Amtshauptmannen, un segg ehr, sei soll 'runner kainen, hier wäre ein erfreuliches Ereigniß eingetreten, hürst Du, ein erfreuliches Ereigniß. Süs<sup>14</sup> ängstigt sei sic̄, min Herzenskindting,““ säd hei tau min Mudding.

Na, ic̄ lop<sup>15</sup> denn nu, wat ic̄ kunn, nah dat Sloß 'rupper, un't woht<sup>16</sup> of nich lang', dunn gung de Fru Amtshauptmannen neben mi, still un sach, as ehr Mod' was, un ic̄ hüppt as en Wepstart<sup>17</sup> üm ehr 'rümmer, dat sei naug<sup>18</sup> tau dauhn hadd, mi vör Pird'<sup>19</sup> un Wagen in Acht tau nemen.

1) genug. 2) jemals. 3) unterdeß. 4) fest. 5) treuerziger Ernst.  
6) suchten. 7) Fleck, Stelle. 8) schloß. 9) fahste. 10) versicherte. 11) rief.  
12) Gewerbe, Auftrag. 13) Rettchen, v. Agnes. 14) sonst. 15) lief.  
16) währte. 17) hüpste wie ein Wippsterz, Bachstelze. 18) genug. 19) vor Pferden.

Als wi äwer den Markt gungen, rüst'ten de Französen stark taum Aßmarsch, de Kanonen höllen an-  
spannt<sup>1</sup> dor, un dat Batteljohm stunn in Reih un  
Glied un Ein kunn<sup>2</sup> seihn, dat dat losgahn füll. De  
Fru Amtshauptmannen gung in't Rathhus, füll äwer  
nich wid kamen, denn up de Del<sup>3</sup> würd sei von  
Mamsell Westphalen un de beiden Dirns upgrepen,<sup>4</sup>  
un ihre sei sick dat verschach, stunn sei midden in dat  
Klugen<sup>5</sup> von Mürder un Dodslägers, bi Bäcker Witten  
un Droi'n un Möller Vossen, un Feder vertellt<sup>6</sup> ehr  
sin Sak, un üm dit Klugen wickelten sich nu noch Herr  
Droi'n sin Fru un Kinner mit Bidden un Rohren,<sup>7</sup>  
un de Fru Meistern Stahlen hadd Mamsell Westphalen  
hinnen in den Rockquedder<sup>8</sup> sat't<sup>9</sup> un hadd sich, as  
wull de oll Dam in't Water springen, un sei füll sei  
vör den Sülfstmurd bewöhren. Bäcker Witt schot<sup>10</sup>  
noch af un an einen Spitzbauwen los, äwer't was  
man noch 'ne halwe Pulverladung in em, un as hei  
dat Janimern von den Uhrkenmaker siu Fru wohr<sup>11</sup>  
würd', föll<sup>12</sup> em sin eigen Husstand in, un hei röp mi:  
„Fritzing,“ säd hei, „lop 'räwer nah minen Hus“, min  
Zünging,<sup>13</sup> fallst of en Zuckerkringel hewwen, un raup<sup>14</sup>  
minen Johann un min Dochter, wat de Strüwingken  
is,<sup>15</sup> un segg ehr, sei süllen 'räwer kamen, denn de  
Spitzbauwen-Französen würden mi nu of woll mit-  
nemen in ehr gottvergetenes<sup>16</sup> Land, as sei't vördem<sup>17</sup>  
all mit min siwjöhrig brun Fahlen<sup>18</sup> maß hadden.“

1) hielten angespannt. 2) man konnte. 3) Diele, Hausslur. 4) auf-  
gegriffen. 5) Knäuel. 6) erzählte. 7) Weinen. 8) Rockgürtel. 9) ge-  
fäßt. 10) schoss. 11) gewahr. 12) fiel. 13) dim. von Sunge. 14) rüfe.  
15) d. h. nämlich die Frau Strüwing. 16) gottvergessen. 17) vorher,  
früher. 18) Föhlen, fünfjähriges braunes Füllen.

Ich bestellt dat Gewarw, un as ich mit Gehannen  
un de Strüwingken un den Zuckerkringel taurügg kamm,  
höll<sup>1</sup> Möller Boffen sin Vetter Hinrich mit de oll  
Möllerfrau un Fiken Boffen vör den Rathhus up Hin-  
richen finen Wagen, denn de Armeeschandoren<sup>2</sup> hadden  
sich taulezt doch richtig nah de Gielowsch Mähl dörch-  
fält<sup>3</sup> un hadden dor dat ganze Nest utnamen.<sup>4</sup>

Nu gung denn up't Frisch dat Zammern un  
Rohren los, un de Einzigst, dei ruhig bleuw, was Fiken.  
Sei frog ehren Bader sachten:<sup>5</sup> „Hest Du dat Geld  
afgewen?“ — De oll Möller wißte up de Gerichts-  
stuw un säd: „„Dor ligg't.““ — „Badding, denn wes'  
man getrost, uns' Herrgott ward Di nich verlaten.“

Min Bader was in de ganze Tid still för sich up  
de Del up un dal gahu,<sup>6</sup> in em müht dat woll nich  
ruhig wesen, denn männigmal stunn hei still un fohrt<sup>7</sup>  
sich in de Hor, wenn hei dat Zammern von de Frugens-  
lünd<sup>8</sup> anhüren ded, un einmal gung hei an Herr Droi'n  
'ranner un säd: hei full sick nich ängsten, för em wir  
dat nich so slimm. Herr Droi nickte mit den Kopp  
un säd: „Song!“, würd' en ganzen Toll<sup>9</sup> gröter, refft<sup>10</sup>  
den einen Bein nah vör un setzte<sup>11</sup> getrost den Arm  
in de Sid'.

Nu müht jo woll so wid Allens in de Reih sin,  
denn de Adjudent röp<sup>12</sup> den Obersten ut min Mudding  
ehr Stuw, un as dei heruter kamm, hadd hei 'ne vel  
fründlichere Mien upset't<sup>13</sup> un gung mit den Herrn  
Amtshauptmann an de Gefangenen 'ran un ordnirt<sup>14</sup>  
dat an, dat Mamzell Westphalen un de beiden Dirns

1) hielt. 2) Gendarmen. 3) durchgeföhlt. 4) ausgenommen. 5) leise.  
6) auf und abgegangen. 7) fuhr. 8) Frauenleute. 9) Toll. 10) strecke-  
te. 11) setzte. 12) rief. 13) Miene aufgesetzt, angenommen. 14) ordnete.

in Friheit set't warden füllen, un Mansell Westphalen  
dükerte<sup>1</sup> dreimal mit en Knicks unner un säd: „Ich  
bedank mi ok, Herr Oberst von Toll.“ — De Herr  
Amtshauptmann kreg<sup>2</sup> sin leiwe Fru in den Hümpel<sup>3</sup>  
tau seihn un makte dei ok fri, un wildeß, dat hei sei  
den Obersten vörstellen ded un ehr vertellt, wat sick  
begewen hadd, kummandirte de Adjudent: Marsch! un  
Möller Voß, Bäcker Witt un Herr Droi füllen 'ruter  
bröcht<sup>4</sup> warden. Den Möller sin Fiken hadd ehren  
Bader an den Arm sat't<sup>5</sup> un wull nich von em latein,<sup>6</sup>  
un as sei mit Gewalt von em reten<sup>7</sup> würd, blew sei  
ganz ruhig un säd: „Badding, wo sei Di ok henbringen  
warden, ich bliw doch bi Di.“ — Mit den ollen  
Bäcker gung dat lichter,<sup>8</sup> hei spuckte dreimal fort ut,  
schot en por Spitzbauwen up Gewinn un Verlust in  
de Lust, säd Zehannen fort von de Wirthschaft Be-  
scheid un gung ut de Dör;<sup>9</sup> äwer mit den Uhrken-  
maker was dat slimmer, sin Fru un sin lütten Gören.  
hungen<sup>10</sup> an em un jammerten up dütsch un französch,  
dat dat en Stein erbarmen müggt. Nu kunn't min  
Bader nich länger uthollen,<sup>11</sup> hei tred<sup>12</sup> vör un frog,  
weswegen de Uhrkenmaker gefangen wegführt warden  
füll? De Mann wir en ausjässigen Börger, dei sick  
seindag' nich wat<sup>13</sup> hadd tau Schullen kamen latein<sup>14</sup>  
Dorut, dat hei haben<sup>15</sup> up den Sloß de Nacht slapen<sup>16</sup>  
hadd, kunn em Nümmes<sup>17</sup> en Verbreken maken, denn  
de Herr Oberst un de Herr Adjudent hadden jo ok  
haben slapen, un dat hei 'ne französche Unneform hadd,

1) duckte, tauchte — unter. 2) kriegte. 3) haufen. 4) gebracht.  
5) gesäft. 6) lassen. 7) gerissen. 8) leichter. 9) Thür. 10) seine kleinen  
Kinder hingen. 11) aushalten. 12) trat. 13) niemals etwas. 14) zu  
Schulben kommen lassen. 15) oben. 16) geschlafen. 17) Niemand.

wir natürlich, wil hei unner de Franzosen deint<sup>1</sup> hadd,  
un dat hei sei denn un wenn antreden ded,<sup>2</sup> dat  
künnen em de Franzosen man gaud nemen, denn de  
Mann bewis'te dordörch, dat hei noch mit Lust un  
Leiw an de Tid<sup>3</sup> dacht, wo hei sei in ehre Reihen  
dragen<sup>4</sup> hadd. — Hei hadd de Unneform miszbruukt!  
schreg de Adjudent dorwischen.<sup>5</sup> — Dat wir nich  
wohr! rep min Oll,<sup>6</sup> dat wir kein Miszbruukt, wenn  
Einer sick dörch 'ne unschüllige<sup>7</sup> List Röwers<sup>8</sup> un  
Spizbauwen von'u Liw höll,<sup>9</sup> un de Bewis, dat sei  
mit so'ne Raß<sup>10</sup> tau dauhn hadd hadden, leg in den  
Franzosen sinen Mantelsack.

De Adjudent kek minen Ollen gnittig<sup>11</sup> un giftig  
an, as hadd hei em giri eins mit den Degen versetten  
müggt, de Oberst tred heran mit en Gesicht, worin en  
ganzes Dunnerwetter herupper tog,<sup>12</sup> un winkte mit de  
Hand, den Uhrkenmaker astaufführen; äwer min Oll,  
bi den'u dat krus' En'n<sup>13</sup> ganz heruter kamen was,  
sprung vör un röp: „Holt! de Mann is unschüllig,  
un wenn hir Einer Schuld hett, denn bün iſ dat,  
denn up min Geheit un Befehl hett de Mann dat  
Stück utäuwt.<sup>14</sup> Wenn hir Einer arretirt warden soll,  
denn bün iſ dat.“ — „Kann gescheihn!“ säd de  
Oberst kolt. „Lat't den Mann los un nemt desen  
hir!“ — „Min Herzenskindting,“ röp de Herr Amtshauptmann,  
„wat dauhn Sei?“ — „Mine Pflicht,  
Herr Amtshauptmann,“ säd de Oberst un gaww  
em de Hand. „Lewen Sei woll, Herr Amtshaupt-

---

1) gebient. 2) anzöge. 3) Zeit. 4) getragen. 5) dazwischen.  
6) Alter, Vater. 7) unschuldig. 8) Räuber. 9) hielte. 10) Race.  
11) ärgerlich, wütend. 12) zog. 13) das krause Ende, etwa der Mergel,  
Zorn. 14) ausgeübt.

mann, min Eid<sup>1</sup> is üm!““ Dormit gung hei ut den Huß.

De ganze Sal<sup>2</sup> gung so rasch vör sick, dat de Meisten gor nich wüsten, wovon de Red' was; ic<sup>3</sup> am allerwenigsten, denn ic<sup>3</sup> was man noch en lütten Dummbort;<sup>4</sup> äwer ic<sup>3</sup> verstunn doch all so vel, dat mi Klor würd': min Bader hadd sick wat in de Supp brocht un set<sup>5</sup> dor nu ganz nüdlich in. Ic<sup>3</sup> fung denn nu natürlich an tau rohren,<sup>6</sup> un as de lütten Droi's ehr Thranen drögen deden,<sup>7</sup> lepen<sup>8</sup> min de Backen dal.<sup>9</sup> Ic<sup>3</sup> drängte mi achter minen Bader her, as hei nah de Strat 'ruter schawen<sup>10</sup> würd; ok de Herr Amtshauptmann folgte. „Herr Amtshauptmann,“ säd de Oll, „trösten S' min arme Fru! Un Du, Fritz,<sup>11</sup> röp hei mi tau, „hal<sup>12</sup> mi minen Haut.“<sup>13</sup> — Ic<sup>3</sup> lep 'rin un halte den Haut, un as ic<sup>3</sup> em den'n bröcht,<sup>14</sup> hört<sup>15</sup> hei mi up un gaww mi en Kuß un säd mi in't Uhr: „Segg Mudding, ic<sup>3</sup> wir bald wedder hir.“

Nu gung de Log<sup>16</sup> denn af, zwei Mann vör, zwei Mann hin'n, un in de Midd Möller Bosz, Bäcker Witt un min Bader. As sei an dat Sprüttenschur<sup>17</sup> vörbi kemen, gung de Dör up, un wer kamm 'rut? Min Uncle Hers<sup>18</sup>, ok mit zwei Mann, denn den'n hadd de Kanonen-Oberst vörlopig dor inspunnen laten<sup>19</sup> von wegen dat Utritschen von de Buren.<sup>20</sup>

„Mein Gott!“ säd min Oll, „Herr Rathsherr, wat is dat mit Se i?“ — „Vör't Baderland, Herr Burmeister,““ röp min Uncle Hers<sup>18</sup>; „ic<sup>3</sup> heww mi mit Mansell Westphalen in 'ne Verjwörung inlaten,

1) Zeit. 2) kleiner Dummbart. 3) säße. 4) weinen. 5) trockneten.  
6) ließen. 7) herunter. 8) geschoben. 9) hole. 10) hut. 11) brachte.  
12) hob. 13) Zug. 14) Sprüttenschauer, -Reinise. 15) vorläufig dort einzperren lassen. 16) Ausreihen der Bauern.

un nu hett mi de corsikanische Lindwurm in sine Krallen; äwer eigentlich is't wegen Möller Vossen sin Fuhrwerk un de ollen flusuhrig'en<sup>1</sup> Buren.<sup>2</sup>" — Sei vertellten<sup>3</sup> sick nu in'n Korten<sup>4</sup> ehr Geschicht, un min Uncle Hers' gung mit finen Dreimaster un finen bunten Kragen so statisch<sup>5</sup> de Strat hendal,<sup>6</sup> as Kunimandirt hei dat Ganze. Min Uncle Hers' was kein Bang'bür,<sup>6</sup> hei fürcht't sick nich, hei höll<sup>7</sup> dit för finen grötsten Ehrendag,<sup>8</sup> un as wir hei in de Nacht nah den Regen zwei Toll<sup>9</sup> länger schaten,<sup>10</sup> gung hei hoch utgerecht<sup>11</sup> de Bramborgsch<sup>12</sup> Strat entlang un grüßte nah rechts un nah links, nah Juden un Christen, un plinkte den Sprüttenmeister<sup>13</sup> Tröpner mit de Ogen tau, hei süll jo nich verraden,<sup>14</sup> wat hei wügt, un läd<sup>15</sup> den Finger up den Mund, as hei bi Jud' Salomonen vörbung, taum Leiken,<sup>16</sup> dat hei swigen süll, un knapp<sup>17</sup> was hei ut dat Dur'ruter, dunn vertellte oll Bewer Stahlich allenthalben, den Herrn Rathsherrn hadden de Franzosen mitnamen,<sup>18</sup> sei wullen ut em en General maken; de Annern würden äwer woll uphängt werden.

### Dat drütteihnte Kapittel.

Worüm Friß Sahlmanu in den Dreck föll,<sup>19</sup> Schauster Bank einen mit den Flintenkolben kreg, de Herr Rathsherr Hers' all de Mählen<sup>20</sup> in den ganzen Lan'n ansticken<sup>21</sup> will, un worüm de König von Preußen för den Herrn Rathsherrn ümmer en Kuwert bereit hölt.<sup>22</sup>

As uns' Gefangen ut dat Bramborgsch Dur<sup>23</sup> kemen, marschirten sei mit ehre zwei Mann hin'n un

1) schlau. 2) erzählten. 3) im Kurzen. 4) stattlich. 5) herunter. 6) etwa: Feigling (Bür = hose). 7) hielt. 8) Ehrentag. 9) zwei Zoll. 10) aufgeschlossen. 11) ausgerichtet, aufgerichtet. 12) Brandenburger. 13) Sprüttenmeister. 14) verrathen. 15) legte. 16) zum Zeichen. 17) kaum. 18) mitgenommen. 19) stel. 20) Mühlen. 21) anstecken. 22) hält. 23) Brandenburger Thor.

· zwei Mann vörn äwer den Amtsbrink<sup>1</sup> den ollen Bramborgschen Weg entlang — denn Schasseen<sup>2</sup> gaww dat dunn<sup>3</sup> noch nich in Meckelberg — un as sei in den Hohlweg<sup>4</sup> kemmen, dei den Mählenbarg<sup>5</sup> 'rupper gung, den'n de Steinhäger Börgers den „Pird'dod“<sup>6</sup> un of woll „dat Hals- un Bein-En'n“ näumen deden,<sup>7</sup> kummandirt de Wachtmannschaft „Holt!“ denn wider gung't absolutemang<sup>8</sup> nich. Dat ganze Kanonen-Führ-wark lagg in den Hohlweg un was dor tau Senk drewen,<sup>9</sup> un wenn alle Pird' ut Stadt un Amt, dei nu nich dor wieren, taum Börspann bi de Hand west wieren, sei hadde desen Klumpen Unglück nich ut den Leihm<sup>10</sup> kregen. Dor seten nu de Franzosen un futerten un häckerirten.<sup>11</sup> De Daglöhnern<sup>12</sup> ut de Stadt un von den Amtsbrink würden mit Hack un Schüpp<sup>13</sup> heranner slept,<sup>14</sup> un frische Pird' würden ut dat Ridder-schaftlich,<sup>15</sup> ut Zürnsdörp un Klauskow<sup>16</sup> 'ranner kum-mandirt, un dorbi regent<sup>17</sup> dat, dat Niemands<sup>18</sup> en drögen<sup>19</sup> Faden an'n Liw behöll.<sup>20</sup> „Bader Voß,“ seggt Bäcker Witt, „wat's dit för'n Regen!“ — „Schön Weder för'n laten Gisten,“<sup>21</sup> seggt oll Voß, „wenn Ein all wecken sei't<sup>22</sup> hett.“ — „Sick kann min Henn all utwringen,“ seggt de Bäcker. — „Un mi lopen bi lütten de Stäwel all voll,“<sup>23</sup> seggt de Möller. — „Herr Burmeister, stellen S' sick achter minen Mantel

1) zum Amtsgebiet gehörige Koppel. 2) Chausseen. 3) damals.

4) Hohlweg. 5) Mühlenberg. 6) „Pferdetob.“ 7) nannten. 8) absolut, durchaus.

9) in die Senke getrieben, d. h. stecken geblieben. 10) Lehm.

11) schimpften und fluchten. 12) Tagelöhner. 13) Schaufel. 14) heran-geschleppt. 15) das ritterschaftliche Gebiet, im Gegensatz zum fürtstlichen (Amts-) und Stadtgebiet. 16) Jördenstorff und Klockow, ritterschaftl.

Güter bei Stavenhagen. 17) regnete. 18) Niemand. 19) trocken. 20) he-liest.

21) für die späte Gerste. 22) schon welche gesät. 23) mir laufen

bei Kleinem die Stiefeln schon voll.

in de Schuling,<sup>1</sup> seggt min Uncle Hers' un maß sich noch en beten breider,<sup>2</sup> as hei von Natur all was, „ich freu' mi man, dat dese „Thrannen-Knechte“ of dörch un dörch natt<sup>3</sup> warden.“ — Min Vader stellte sich achter den Mantel, säd äwer nicks, denn hei hadd wat in't Og' sat't.<sup>4</sup>

Baben up de Burd von den Hollweg stunnens<sup>5</sup> allerlei Lüd<sup>6</sup>, Daglöhners un Knechts un Börgers ut Stemhagen, dei troz Regen un Unweder ut Niglichkeit<sup>7</sup> un Mitgesäul achter den Tog an gahn<sup>8</sup> wiren, un mang desen Hümpel krop<sup>9</sup> Fritz Sahlmann hen un her un vertellte<sup>10</sup> den Einen un den Annern, dei't noch nich wüßt, den ganzen Hergang von de Sat. As min Oll em gewohr würd, stunn hei grad' bi den olleu Inspektor Nicolai ut Fürnsdörp, dei tau Pird' kamen was un mit de Franzosen riden<sup>11</sup> müßt, dormit sei em sine Hospird<sup>12</sup> nich för ümmer mitnemen. — De oll Inspektor Nicolai was en sihr gauden Fründ von minen Vader, un as em Fritz Sahlmann finen Strämel<sup>13</sup> vertellt hadd, kunn min Oll düdlich<sup>14</sup> sehn, wo em de oll Inspektor tauwicken ded un den Jungen wat in't Uhr säd. Fritz Sahlmann stek<sup>15</sup> nu de Hän'n in de Tasch un fläut't<sup>16</sup> sich wat, un fläut't sich an de Burd<sup>17</sup> heran, un fläut't sich de Burd herunner, un as hei binah unnen was, hact hei mit Geschicklichkeit achter 'ne Wörtel<sup>18</sup> von 'ne olle Wid'<sup>19</sup> un snuwwelte<sup>20</sup> ganz natürlich up de Gefangenen los, un as hei dicht

1) in den Schuʒ. 2) ein bischen breiter. 3) naß. 4) in's Auge gefaßt. 5) oben auf dem Rande des Hohlwegs standen. 6) Neugier. 7) hinter den Zug angegangen. 8) zwischen diesem Haufen kroch. 9) erzählte. 10) reiten. 11) Hospitierde. 12) eigentl. Streifen, etwa sein Stück Geschichte. 13) deutlich. 14) steckte. 15) plötete, pfiff. 16) Rand (des Grabens). 17) Wurzel. 18) alte Weide. 19) stolperte.

Bi minen Ollen was, föll<sup>1</sup> hei, as kunn't gor nich  
anners sin, in den Dreck. Min Vader bückt sic<sup>2</sup> dal<sup>2</sup>  
un hört em tau Höcht.<sup>3</sup> „Passen S' up dat Vird,“  
säid de Jung', würd' äwer ok glük von de Franzosen ut  
den Kreis jagt un klattert<sup>4</sup> de Burd wedder 'rupper.

Was min Oll all vördem hallweg<sup>5</sup> upmarkham  
up den Inspektor un den Jungen, so würd' hei dat nu  
noch mihr. Hei sach, wo de oll Nicolai von't Vird  
steg, mit sin Ridpitsch<sup>6</sup> klappt un sei Fritz Sahmannen  
in de Hand gaww; wo de Jung' nu mit dat Vird an  
tau ledden<sup>7</sup> fung, ümmer up un dal,<sup>8</sup> äwer ümmer  
dichter an de Burd, het hei endlich achter 'ne olle  
Wid' still höll,<sup>9</sup> as wull hei dor Schutz gegen den  
Regen säufen.<sup>10</sup> Bon hir ut makte hei den Ollen en  
Zeiken,<sup>11</sup> un de Oll, dei in den Schutz von Rathsherr  
Hersen sinen breiden Puckel<sup>12</sup> stunn, ded, as wenn  
hei sic<sup>13</sup> dat Water von den Haut<sup>13</sup> schüdden wull, un  
swenkt em dreimal tau.

'Ne lütte Wil hadd dat wo hrt,<sup>14</sup> dunn kamm üm  
den Umswang,<sup>15</sup> wo de Ivenacker Weg in de Bram-  
borgsch Landstrat 'rinner högt,<sup>16</sup> 'ne grote Kutsch an-  
tauführen, dor satt en General in, dei de Nacht bi den  
Ivenacker Grafen in Quartir legen hadd, dei führte ok  
den Hollweg 'rupper, un as sei an dat Flag<sup>17</sup> kamm,  
wo de Transport hacken ded,<sup>18</sup> kamm dor 'ne Unordnung  
in de Soldaten, sei müßten de Kutsch ut den Weg'  
gahn, un knapp<sup>19</sup> würd' min Oll dat gewoehr, dunn  
flog hei, as ut 'ne Pistol schaten,<sup>20</sup> achter den Rathsh-

1) fiel. 2) nieder. 3) hob ihn auf. 4) kletterte. 5) halbwegs.  
6) Reitpitsche. 7) leiten. 8) auf und ab. 9) heißt. 10) suchen.  
11) Zeichen. 12) Rücken. 13) Hut. 14) gewährt. 15) Umschwung, Be-  
gung. 16) biegt. 17) Fleck, Stelle. 18) festfaß. 19) kaum. 20) geschossen.

herrn sinen Mantel 'ruter up Zennsid<sup>1</sup> von de Kutsch,  
de Burd tau Höcht,<sup>2</sup> achter de olle Wid', ret Fritz  
Sahlmannen Pitsch un Bügel<sup>3</sup> ut de Hand, 'rup up  
de Mähr,<sup>4</sup> un — hest du nich seihn! — den Barg  
hendal.<sup>5</sup>

„Föh! Föh!“ schrie'ten de Franzosen, „Knack!  
Knack!<sup>6</sup> säden de Hahns, un „Kasten!“<sup>7</sup> antwurt'te dat  
oll Füerslott,<sup>7</sup> denn de Pulwer was jo natt, as oll  
Wewer Stahlsch ehr Koffeisatz.<sup>8</sup>

En lütten Ogenblick was dat, as de Stemhäger  
Börgers ehren Burmeister so äwer dat Feld un de  
Grabens henböslen segen,<sup>9</sup> as wull'n sei em en lustig  
Hurrrah nahraupen,<sup>10</sup> un Schäuster<sup>11</sup> Bank fung all an:  
„Uns' Herr Burmeister viv . . . .“, as em en fran-  
zöschken Flintenkolben tüschen de Schultern set't<sup>12</sup> würd',  
dat hei blot desen Wink tau folgen brukt,<sup>13</sup> üm in de  
größte Gejwindigkeit unnen an den Barg antaukamen,<sup>14</sup>  
de Annern folgten denn, un in'n Ümfeihn was de  
Burd leddig<sup>15</sup> het up den Inspektor Nicolai, dei sich  
an 'ne Wid' lehnt hadd un dor in alle Rauh<sup>16</sup> sin Pip  
Toback rokte.<sup>17</sup> Hadd dat nu Keiner bemarkt, dat hei  
tau Wid' ankamen was, oder hadden de Franzosen  
utdrücklich seihn, dat hei nicks mit den Handel tau  
dauhn hatt hadd, wil dat hei wid von sin Wid' afstunn;  
genaug,<sup>18</sup> em würd nicks seggt. De drei äwrigen Ge-  
sangen äwer kregen<sup>19</sup> duuwelte Wachen un würden ut  
den Hollweg<sup>20</sup> up't fri Feld 'rupper bröch<sup>21</sup> un von

1) jenseits. 2) in die Höhe, hinauf. 3) Bügel. 4) Mähre, Pferd.  
5) den Berg herunter. 6) höhnische Verneinung, etwa: Eßig! 7) Feuer-  
schloß. 8) Kaffeesatz. 9) hinbürschen, segen fahren. 10) nachrufen.  
11) Schäuster. 12) zwischen die Schultern gesetzt. 13) brauchte. 14) an-  
zukommen. 15) leer. 16) Ruhe. 17) rauchte. 18) genug. 19) kriegten.  
20) Hohlweg. 21) gebracht.

Hör, wil dat doch en heten bet in'n Drögen<sup>1</sup> was,  
unner de oll Buckmähl,<sup>2</sup> von dei de Barg den  
Namen hett.

Hir seten sei nu Rügg'<sup>3</sup> an Rügg' up en Mählen-  
stein un kallenerten.<sup>4</sup> „Für den Burmeister is't  
gaud,” säd oll Witt un kämmt sich dat natte Hor mit  
den missingschen<sup>5</sup> Kamm achter äwer,<sup>6</sup> dat hei up  
so'ne Wis' fri kamen is, äwer för uns is't slimm, denn  
nu sünd wi as de Zinnen ahn Wiser.<sup>7</sup> Hei hadd  
uns dech woll am En'n noch fri kregen.”<sup>8</sup> — „Ze,  
Badder, wat wull dat nich,”<sup>9</sup> säd de oll Möller Voß  
un nickte den Inspekter Nicolai tau, dei sick of unner  
de Mähl stellen würd’.<sup>10</sup> — „Hm!” smet min Uncle  
Herj' dormang,<sup>11</sup> „Meister Witt, in städtische Angelegen-  
heiten weit hei Bescheid, dat strid<sup>12</sup> ic em nich af;  
äwer in Kriegsangelegenheiten, wat dat Militärische  
anbedrapen deihst,<sup>13</sup> dor hett hei sich seindag' nich<sup>14</sup> üm  
bekümmert, dor weit hei grad' so vel von, as . . .  
as . . .” — „As Sei un ic, Herr Rathsherr,”<sup>15</sup>  
säd oll Möller Voß, ahn<sup>16</sup> sich wider wat dorbi tau  
denken. — „Möller Voß,” säd de Herr Rathsherr un  
richt' sich en Ening höher,<sup>17</sup> „Feder red' von sich un  
nich von den Annern. Wat Sei dorvon verstahn, dat  
weiten Sei sit gestern Nahmiddag, denn Sei un de  
oll Amtshauptmann un de Burmeister hewwen uns  
in de Sak 'rinner fidelt,<sup>18</sup> un wenn ic nich dormang  
kamen<sup>19</sup> wir, denn set oll Mamzell Westphalen hir of

1) ein bisschen mehr im Trocknen. 2) Bockmähle. 3) Rücken.

4) eigentl. sahen im Kalender nach, etwa ergingen sich in Muthmaßungen,  
grübelsten. 5) von Messing. 6) hintenüber. 7) wie die Biene ohue  
Weisel (Königin). 8) frei gekriegt, gemacht. 9) stellte. 10) dazwischen.

11) streite. 12) anbetrifft. 13) niemals. 14) ohne. 15) ein Endchen höher.

16) die Sache angerührt, in dieselbe verwickelt. 17) dazwischen gekommen.

up den Stein un klapperte mit de Zähnen.<sup>1</sup> Wat ic dorwon verstaß, dat will ic Sei bald wisen.<sup>2</sup> Kennen Sei Zähnen?<sup>3</sup> — „Meinen Sei den ollen Zahn von de Peenhüser,<sup>4</sup> dei mine Fru de Pött<sup>4</sup> beknütten<sup>5</sup> deih?<sup>6</sup>“ — „Jh, wo! Turn-Zähnen mein ic, dei up Stun'ns in Berlin is, Koloffen in Lukow finen Swager.“ — „Ne, dei Mann is mi nich bekannt.“ — „Na, denn hüren S'. Des' Turnzahn geiht mal mit en Studenten in Berlin de Strat entlang un künmit nah't Bramborgsch Dur — denn de Berliner hewwen ebensogaud en Bramborgsch Dur, as wi Stemhäger — un wißt dor haben 'rupper,<sup>6</sup> wo de Sigsgöttin füß<sup>7</sup> stahu hett, dei de Franzosen mitnamen hewwen, un fröggt den Studenten, wat hei sick dorbi denken deih. — „Nicks,<sup>8</sup> seggt dei. — Swabb! hau't hei em an den Hals.“ — „Dat was drift,<sup>9</sup><sup>10</sup> seggt Möller Voß. — „Ja, Herr Rathsherr,<sup>11</sup> seggt oll Witt, mi sitt de oll Hand of verdeuwelt<sup>9</sup> Ios, äwer . . .“ — „So lat't mi doch utvertellen!<sup>10</sup><sup>11</sup> seggt min Unkel Hers'. „Müsche<sup>11</sup> Nüdling,<sup>12</sup> säd Turnzahn tau den Studenten, as dei sick äwer de Mülchsell stark verstußen ded,<sup>13</sup> dit is en Denkzettel för't Nicksdenken. Du haddst Di dorbi denken müßt, dat wi de Sigsgöttin uns ut Paris wedder halen mötten.“ — „Ja, äwerst . . .“ seggt Witt. — „Dat's denn doch, äwerst . . .“ seggt de Möller. — De Herr Rathsherr let sei äwer nich tau Wurd' kamen un wen'nt<sup>14</sup> sick an den Möller: „Nu frag ic Sei, Möller Voß,

1) Zähne. 2) weisen, zeigen. 3) Peenhüser, Ortsname. 4) Köpfe. 5) mit Drath überknoten, beklechten. 6) oben hinauf. 7) sonst. 8) dreist. 9) verfeufelt. 10) zu Ende erzählen. 11) Monsieur. 12) etwa: netter Junge. 13) stutzig wurde. 14) wandte.

wenn Sei sick dese Mähl<sup>1</sup> so anseihu, wat denken Sei  
sick dorbi?" — „Herr Rathsherr," seggt Möller  
Boß un steiht up un stellt sick en beten ut de Firn,<sup>2</sup>  
„Herr Rathsherr, Sei warden mi doch nich so trak-  
tiren?" — „Zä frag blot, Möller Boß, wat denken  
Sei sick dorbi?" — „Ja," seggt de Möller un klickt  
de Mähl in de Höcht,<sup>3</sup> „wat soll ic̄ mi dorbi denken?  
Zä denk, dat dat 'ne olle Huk<sup>4</sup> is, un dat sei äwer  
Frühjahr 'nige Flägel<sup>5</sup> hewwen möt, un dat, wenu  
de Stein haben<sup>6</sup> nich heter sünd, as dei, dei hir unneu  
liggt, de Stemhäger verdeuwelt velen Sand mit ehr  
Mehl vertehren<sup>7</sup> möten." — „Un dorin hest Du  
Recht, Bädder," seggt de Bäcker. — „Un dorin hett  
hei Unrecht," röppt<sup>8</sup> min Uncle Hers<sup>9</sup>, „wenn hei  
richtig antwurt't hadd, denn hadd hei seggen müsst: sei  
möt ansticht<sup>10</sup> warden. Un sei ward ansticht warden;  
all de Mählen in'n ganzen Lan'n möten ansticht  
warden." Un dormit stunn hei up un gung mit  
groten Schritten üm den Mählenstein herüm. — „Gott  
sall uns bewöhren!" seggt Möller Boß, „wer soll dese  
Schanddaht utläuwen?"<sup>11</sup> — „Zä!" säd min Uncle  
Hers<sup>9</sup> un slog sick vör de Boß<sup>12</sup> un gung neger<sup>13</sup> an de  
beiden 'ran, dei gor nich wühten, wo ehr geschach,<sup>14</sup>  
un flüstert ehr tau: „Wenn de Landstorm losbrech<sup>t</sup>,  
denn stek wi all de Mählen as Füerteiken<sup>15</sup> an; en  
Fanal nennt Einer<sup>16</sup> dat, un de beste Bewis, dat Zi  
ničs von den Krig verstaht, is, dat Zi nich mal weit't,  
wat en Fanal is." — „Herr Rathsherr," seggt Möller

1) Mühle. 2) ein bisschen von ferne, etwas seitab. 3) an der  
Mühle hinauf. 4) ein alter Kasten. 5) Flügel. 6) oben. 7) verzehren.  
8) Gevatter. 9) ruft. 10) angesteckt. 11) ausüben. 12) Brust. 13) näher.  
14) wie ihnen geschah. 15) Feuerzeichen. 16) man.

Voß, „t is mi ganz egal, ob dat en Fanal oder en Kanal, oder süss<sup>1</sup> en annern Al is; wer mi min Watermähl<sup>2</sup> ansticht, dei kann sic<sup>k</sup> up wat gesaft maken.“ — „Buckmählen, Windmählen mein ich, Möller Voß; wer seggt denn von Watermählen? Watermählen liggen in de Grund un brennen nich. Un nu frag ic<sup>t</sup> Zug, hett de Burmeister woll de Kenntniß un de Kurasch<sup>3</sup>, in Kriegstiden so tau handeln as ic<sup>t</sup>?“ — „Dat hei Mählen ansticken will, hett hei nich seggt,“ säd de Bäcker un leit<sup>4</sup> den Herrn Rathsherrn en beten sihr ungewiß an, as wenn hei nich wüsst, ob dat Ernst<sup>5</sup> oder Spaß sin süss. — „Min leiw' Witt, Sei kien mi an, as de Kauh dat nige Dur;<sup>6</sup> Sei wunnern sic<sup>k</sup> äwer mi un denken: wat will so'n Stemhäger Rathsherr? wat weit dei von Kriegskunst? Min leiw' Witt, Sei kneeden Ehren Deig<sup>7</sup> mit de Füst<sup>8</sup> in'n Backstroß,<sup>9</sup> ic<sup>t</sup> kneid' minen mit Überlegung<sup>10</sup> in'n Kopp. Wenn ic<sup>t</sup> henstellst wir, wo ic<sup>t</sup> henbürt,<sup>11</sup> denn stünn ic<sup>t</sup> vör'n König von Preußen un red't mit den Mann. „Majestät,“ säd ic<sup>t</sup>, „sünd woll en beten sihr<sup>12</sup> in Verlegenheit?“ — „Wat wull ic<sup>t</sup> nich, Herr Rathsherr,“ seggt hei, „dat Geld is mi up Stun'ns<sup>13</sup> hellschen<sup>14</sup> knapp.“ — „Wider nids?“ segg ic<sup>t</sup>. „Dat's Kleinigkeit! Gewen S' mi blot 'ne Bullmacht, dat ic<sup>t</sup> dauhn kann, wat ic<sup>t</sup> will — licentia poetica heit dat up Latinsch, Möller Voß — un ein Regiment Garde-Grenadire.<sup>15</sup> — „Dei sälen Sei hewwen, min leiw' Herr Rathsherr,“ seggt de König, un ic<sup>t</sup> lat de ganze

1) ionst. 2) Wassermühle. 3) Courage. 4) guckte. 5) Ernst.  
6) wie die Kuh das neue Thor (sprichwörtl.) 7) kneeten Ehren Deig.  
8) Fäuste. 9) Backstroß. 10) Überlegung. 11) hingehörte. 12) ein  
bischen sehr, d. h. recht sehr. 13) zur Stunde, augenblicklich. 14) höllisch,  
sehr. 15) Grenadiere.

Zudenschaft ut all sinen Staten up den Sloßhof in Berlin tausamen kamen, besett dat Sloß mit min Gardegranadir un stell mi an de Spiz von ein Compagni un marschir dormit in den Sloßhof. „Sid Zi nu all dor?“ frag ic̄ de Juden. — „„Ja,““ seggen sei. — „Will'n Zi nu freiwillig,“ segg ic̄ tau de Juden, „de Hälft von Zug Vermägen up den Altor des Vaterlandes opfern?“ — „„Dat kän wi nich,““ seggt de Ein, „„denn sünd wi rungenirt.““<sup>1</sup> — „Will'n Zi, oder will'n Zi nich?“ frag ic̄. „Achtung!“ kommandir ic̄. — „„Herr Rathsherr,““ seggt en Añner, „„nemen S' en Virtel.““ — „Keinen Gröschen unner de Hälft,“ segg ic̄. „Macht Euch fertig!“ — „„Wi will'n jo!““<sup>2</sup> schrigen<sup>2</sup> de Juden. — „Schön!“ segg ic̄. „Denn gah nu Feder einzeln 'rupper nah den witten<sup>3</sup> Saal, dor fitt des Königs Majestät up den Thron, un dor legg<sup>4</sup> ein Feder sin Geld vor die Stufen des Thrones.“ — Wenn sei All 'rupper west sünd, gah ic̄ of 'rup. „Na,“ segg ic̄, „Majestät, wo's 't nu?“ — „„Wunderschön, min leiw' Herr Rathsherr!““ seggt hei, „„Wenn't Añner all<sup>5</sup> so wir!““ — „Dat will wi woll kriegen!“ segg ic̄. „Gewen S' mi blot en Stückener twintig<sup>6</sup> Regimenter Infanterie, teihu<sup>7</sup> Regimenter Kavallerie un so vel Kanonen, as Sei up Städ's<sup>8</sup> grad' missen känien.“ — „„Dei sälen Sei hewwen,““ seggt de König. — „Schön!“ segg ic̄, un marschir mit min Soldaten af, ümmer dörch Wischken un Bräuker<sup>9</sup> un jung' Dannenschonungen,<sup>10</sup> Flauken stets gedeckt. Id̄ smit<sup>11</sup> mi up Hamborg; den Prinzen Eckmühl äwerfall

1) ruinirt. 2) schreien. 3) weiß. 4) lege. 5) alles. 6) etwa zwanzig (Stücke). 7) zehn. 8) auf der Stelle, augenblicklich. 9) Wiesen und Brüche (Sümpfe). 10) Dannenschonungen. 11) schmeiße, werfe.

ic̄, hei ward vör mi bröcht.<sup>1</sup> „Bugt<sup>2</sup> mi mal en  
rechten hogen<sup>3</sup> Galgen!“ segg ic̄. — „„Gnade!<sup>4</sup>“  
seggt hei. — „Nicks dor,” segg ic̄, „von Gnad!  
Dat's dorför, dat Du heft Herzog von Meckelborg  
warden wüllt.“ — — „„Ic̄ bidd Sei üm Gottes-  
willen, Herr Rathsherr,”“ seggt Möller Voß, „„reden  
S' sick un uns nich üm den Hals, bedenken S' blot,  
wenn de Kirls dorvon wat verstün'n.““ — „Dat wir  
der Deuwel!<sup>4</sup>“ säd min Uncle Herſ un fek<sup>5</sup> de Fran-  
zosen de Reih lang an, doch as hei sach,<sup>6</sup> dat sei nich  
Achtung up em gewen, säd hei: „Sei sünd 'ne olle  
Bang'bür,<sup>7</sup> Möller Voß. De Kirls verstahn kein  
Pladdutsch.<sup>8</sup> — Also: ic̄ häng em up un treck<sup>9</sup> mi  
linkſch in't Hannöwersch 'rin un fall em fülfwst, den  
Korsikan . . . na, Zi weit't, wen ic̄ mein — in  
den Rüggen. Dat Anner is all dumm Tüg;<sup>10</sup> in'n  
Rüggen fallen is de Hauptſak. — 'Ne grote Slacht!  
Föftiehndusend<sup>11</sup> Gefangen! Hei ſchickt mi 'n Trum-  
peter: „Waffenstillstand!“ — „„Kann nicks ut warden,<sup>12</sup>“  
segg ic̄, „„taum Spaß sünd wi nich hir.““ — „„Freden!<sup>12</sup>  
lett hei mi seggen. — „„Schön!<sup>13</sup>“ segg ic̄, „„Rhein-  
land un Westphalen, ganz Elſaß un dreivirtel Loth-  
ringen.““ — „„Kann ic̄ nich!<sup>14</sup>“ seggt hei, „min Brau-  
der<sup>15</sup> möt dorvon lewen.“ — Also wedder vörwärts!  
Ic̄ treck mi rechtesch un beruhig' Belgien<sup>14</sup> un Holland,  
mit eimmal ſwenk ic̄ linkſch in. „Weit der Deuwel!<sup>16</sup>  
seggt hei. „Dor hett dat Unglück den Hackermentschen  
Rathsherrn wedder up min Achtersid'<sup>15</sup>!“ — „„Erſtes

1) gebracht. 2) bauet. 3) hohen. 4) Teufel. 5) guckte. 6) sah.  
7) etwa: Feigling. 8) Plattdeutsch. 9) ziehe. 10) Zeug. 11) fünfzehn-  
tausend. 12) Friede. 13) Bruder. 14) Belgien. 15) auf meiner Hinter-  
seite, mir im Rücken.

Granedir=Regiment, fällt's Bajonett!"" kommandir ic;  
de Batteri ward namen. ""Zweites Hujoren=Regiment  
vor!"" — Hei wagt sich mit sinen Generalstab tau  
wid vör, wupp! hewwen em de Hujoren bi de Gla-  
fitten.<sup>1</sup> „Hir is min Degen!"" seggt hei. — „Schön!""  
seggt ic. „Nu kamen S' man mit. Un Zi, Kin-  
nings,<sup>2</sup> länt nu ruhig nah Hus gahn; de Sak is  
vörbi." " Ich bring em nu gefesselt an die Stufen  
des Thrones: „Majestät von Preußen, hir is 'e!"<sup>3</sup>  
— „Herr Rathsherr," seggt de König, „bidden S' sich  
'ne Gnad' ut." — „Majestät,"<sup>4</sup> seggt ic, „Kinner  
heww ic nich, will'n Sei äwer wat Übrigens<sup>5</sup> an mi-  
dauhn, denn gewen S' min Fru, wenn ic ut de Welt  
gahn süll, 'ne lütte Pensionirung.<sup>6</sup> In'n Übrigen<sup>6</sup>  
wünsch ic in'n Privatstand as Stemhäger Rathsherr  
wedder taurügg tau treden." — „As Sei will'n,"  
seggt de König. „Dat marken S' sich äwer: wenn  
Sei mal nah Berlin kamen sülle, en Kuwert is ümmer  
för Sei deckt." — Ich maß min Verbeugung: „Adjüs!"  
un gah wedder nah Stemhagen." — „Dat's brav  
von Sei!"<sup>7</sup> seggt Bäcker Witt. „Üwerst,<sup>7</sup> wat  
helpt<sup>8</sup> uns de ganze schöne Kriegskunst? De Sak is  
ditmal up't verlihrt En'n tau Welt kamen: Sei hewwen  
em nich, hei hett Sei un uns dortau, un wenn weck  
gefesselt an die Stufen des Thrones bröcht<sup>9</sup> warden,  
denn sünd wi dat. Ich glöw,<sup>10</sup> de Burmeister is doch  
woll de Kläufst<sup>11</sup> von uns west, denn dei is nu all  
äwer alle Barg<sup>12</sup> un sitt in den Drögen,<sup>13</sup> un uns  
klappern de Zähnen<sup>14</sup> in'n Mund, as wenn en Büdel

1) Schlagfittiche, Rockschöße. 2) Kinderchen. 3) er. 4) ein Nebriges.  
5) Pension. 6) im Übrigen. 7) aber. 8) hilft. 9) gebracht. 10) glaube.  
11) Klügste. 12) Berge. 13) im Trocken. 14) Zähne.

mit Hasselnät<sup>1</sup> schüdd't<sup>2</sup> ward." " — „Ach wat!" säd min Unkel Hers<sup>3</sup>, „dat's kein Kunst, so vör alle sichtlichen Ogen wegtäuschen — ne, min Rad<sup>4</sup> is, wi maken't finer, mit 'ne Krigslist; also mak sick en Feder en por Krigslisten t'recht,<sup>4</sup> denn kän wi jo nahsten<sup>5</sup> de best dorron utsäufen."<sup>6</sup>

De oll Möller Voh hadd wildeß<sup>7</sup> kein Wurd spraken, hei kek, so gaud as dat in den Regen gung, den Barg Hendal nah de Landstrat. „Mein Gott!" säd hei endlich, „dat is jo woll rein unmöglich! Dat is jo woll min Fiken un Sochen Bossen sin Hinrich, dei dor antauführen kamen?"<sup>8</sup>

Un so was't.

—

### Dat virteihnte Kapittel.

Worüm de Herr Amtshauptmann mit 'ne leddige Waschschöttel<sup>9</sup> vör min Mudding stunn. Wat Fiken un Hinrich wullen; un worüm Fritz Sahlmann mit sine Ned' nich tau Schick kamm.

De trurigste Dag in mine Jugendtid, up den'n ic<sup>t</sup> mi tau besinuen weit, was des'. Leiwer Gott! wo sach<sup>10</sup> dat in min Mudding ehr Stuw ut!

Min Mudding hadd woll all lang' markt,<sup>11</sup> dat wat vörküng, wat nich sin füll, un wenn sei ok en sihr beweglichen Geist hadd, un 'ne lewige<sup>12</sup> Vörstellung, dei ehr Allens gliß vör de Ogen bräch<sup>13</sup> un in't Licht stellt, so hadden doch Krankheit un Leid<sup>14</sup> sei doran gewennt,<sup>15</sup> sick tau faten,<sup>16</sup> un, wat kamen müßt, in

1) Ventel mit Haselnüsse. 2) geschüttelt. 3) Rath. 4) zurecht  
5) nachher. 6) ansuchen. 7) unterdeß. 8) anzu-, gefahren kommen.  
9) leere Waschschüssel. 10) sah. 11) gemerkt. 12) lebendig, lebhaft.  
13) brachte. 14) Leid. 15) gewöhnt. 16) fassen.

Ergewung tau dragen; äwer Ungewißheit is in so'ne Lag  
fähr slimm, un wat noch slimmer is, dat is de Unmäß-  
lichkeit, sic Gewißheit tau verschaffen. As sei de Iude  
Ned<sup>1</sup> von minen Vader up de Del hüren ded un  
de heftigen Würd<sup>2</sup> von den Franzosen un den korten  
Befehl von den Obersten, ahnt sei, wat dor geschach,  
ahn<sup>3</sup> dat sei de Würd' verstunn; de Angst steg in ehr  
up, un kein Minsch was üm ehr, kein Minsch hürt up  
ehr Klingeln. Ehre hülzplose Lag' un dat bittere Ge-  
fäuł, dat sei nich helpen kunn, dat sei nich dor stunn,  
wo sei stahn müht, an de Sid' von minen Vader,  
äwernemen<sup>4</sup> sei, un as de oll Amtshauptmann in de  
Stuw 'rinner kamm, was sei beswint<sup>5</sup> un lagg för  
dod in ehren Krankenstaul.

De oll Herr was mit den schönsten Trostspruch  
ut Mark Aurelen up de Lippen 'rinner treden;<sup>6</sup> äwer<sup>7</sup>  
as hei den Laufstand gewohr würd', föll hei ganz ut de  
Rull<sup>8</sup> un röp ein äwer't anner Mal: „Ne, wat denn?  
Min Herzenskindting! Wat is Sei? wat is Sei?“  
De oll Herr, dei füß<sup>9</sup> nich ut de Fatung<sup>10</sup> tau bringen  
was, was mit sin Gedanken rein ut Rück un Schick<sup>11</sup>  
geraden, un hei hadd blot dat düstere Gefäuł behollen,<sup>12</sup>  
dat hir wat geschehn müht, un as ic̄ mit de hellen  
Ehranen in de Ogen 'rinner störten ded,<sup>13</sup> stunn hei  
mit 'ne Waschschöttel, wo kein Water in was, vör min  
Mudding un röp: „Dies ist doch eine sehr sonderbare  
Sache!“ — Endlich kamm up min Schrigen<sup>14</sup> de Fru  
Amtshauptmannen un Mamzell Westphalen tau Hülps.<sup>15</sup>

1) laute Rede. 2) Worte. 3) ohne. 4) übernahmen, überwältigten.  
5) ohnmächtig. 6) getreten. 7) aber. 8) Rolle. 9) sonst. 10) Fassung.  
11) etwa: außer sich. 12) behalten. 13) störte. 14) Schreien, Geschrei.  
15) zu Hilfe.

Ich hadd mi an min Mudding 'ran smeten un röp ein äwer't anner Mal: „Mudding, min leiw Mudding, hei kümmt wedder; ich fall Di seggen, hei wir bald wedder hir!“ — Endlich, endlich kamm sei tau Besinnung, un was dat irft ängstlich west, so würd' dat nu en Jammer.

Trosten is dat lichtste<sup>1</sup> Geschäft för den'n, dei mit Redensorten haben den Harten weg<sup>2</sup> en Trurigen einen Bewis von sin Höflichkeit gewen will; äwer't is dat swönnste<sup>3</sup> Geschäft, wenn Einer sin Hart, het an den Stand vull Leiw, in en anner bedürftig Hart utgeiten<sup>4</sup> müggt, un dorbi fäult,<sup>5</sup> dat all de Leiw, dei man beiden<sup>6</sup> kann, nich utreift,<sup>7</sup> üm dat arme Hart tau nige<sup>8</sup> Hoffnung lebendig tau maken; un dit swor<sup>9</sup> Geschäft wurd tau 'ne Unmöglichkeit, wenn Einer an sinen eigenen Trost nich glöwt.<sup>10</sup> Gott Lob un Dank! Dit was hir nich de Fall. De tru'sten Harten stunden<sup>11</sup> uns bi, un den ollen Herrn un sine gause Fru gelung dat bi Lütten,<sup>12</sup> min Mudding in ehren Jammer Stauh<sup>13</sup> tau verschaffen, un as sei man irft för Grün'n taugänglich<sup>14</sup> was, dunn füllt nich doran fehlen, denn hadd ein Minsch up de Welt Grün'n, denn hadd sei de oll Herr Amtshauptmann, un hüt sport<sup>15</sup> hei sei nich.

Bi mi verslogen<sup>16</sup> de Grün'n weniger, äwer id was dorüm doch noch ihre trost't,<sup>17</sup> as min Mudding. Mi hadd Mamell Westphalen up den Schot namen,<sup>18</sup> un während deß, dat ehr de Thranen ut de Ogen

1) leichteste. 2) oberhalb des Herzens. 3) schwerste. 4) ausgießen.  
5) fühlt. 6) bieten. 7) ausbreicht. 8) zu neuer. 9) schwere. 10) glaubt.  
11) die treuesten Herzen standen. 12) bei Kleinem. 13) Stuhle. 14) für Gründe zugänglich. 15) sparte. 16) verschlugen. 17) eher getrostet.  
18) auf den Schoß genommen.

schoten,<sup>1</sup> maßt sei mi de prächtigsten Utsichten up de schönsten Appel,<sup>2</sup> un dat ded't<sup>3</sup> bi mi; en Kinnerhart is bald tröst't, un verlangt en Bom<sup>4</sup> en düchtigen Regen, so ward en Grashalm all nah en Dau-druppen<sup>5</sup> frisch.

As de irste Jammer vöräwer was, kamm de Stadt-deiner Luth herinner un säd den Herrn Amtshauptmann, Möller Vossen sin Fiken stünn buten<sup>6</sup> un wull em en por Würd' spreken. „Min Herzenskindtug,“ säd de oll Herr, „dat is en braves Mäten,<sup>7</sup> icc weit dat gewiß, un sei ward of üm ehren Vader in Ängsten sin; icc denk, wi hüren hir, wat dat arme Worm<sup>8</sup> will. Wo seggt Horaz: est solamen miseris socios habuisse malorum. Icc äwersett Sei dat nahsten.<sup>9</sup> — Luth, min leiw' Mann, lat hei dat Mäten 'rinnen kamen.“

Fiken kamm herin. Sei was 'ne lütte, finbugte<sup>10</sup> Dirn, äwer de Gesundheit lagg up ehre frischen Backen, un wenn ehr Ogen up Stun'ns<sup>11</sup> of trurig vör sick hen segen,<sup>12</sup> so kunn Ein<sup>13</sup> doch seihn, dat sei tau Tiden<sup>14</sup> lustig in de Welt 'rinner lachen kunnen. Ehr ganz Utseihn wiß'te, dat sei in allen Dingen en bedräblich<sup>15</sup> Mäten was, wat sick nich von ehr Unnernemen af-wennig maken let, un up ehr truhartig<sup>16</sup> Gesicht was tau lejen, dat sei sick nich mit en Unnernemen afgaww, wenn sei't nich för Recht inseihn hadd. Sei hadd äwer<sup>17</sup> ehr dreistückig Mütz<sup>18</sup> wegen den Regen en rodes

1) aus den Augen schaffen. 2) Apfel. 3) that es. 4) Baum.  
5) Hautropfen. 6) draußen. 7) Mädchen. 8) Wurm. 9) nachher.  
10) feingebaut. 11) zur Stunde, jetzt. 12) sahen. 13) man. 14) zu  
Seiten, sonst. 15) eigentl. betriebsam, hier: beharrlich. 16) treuhartig.  
17) über. 18) „dreistückige Mütze,“ Kopfbedeckung der Landmädchen.

Dauk bunnen<sup>1</sup> un stunn so sauber in ehren rod= un  
gräunstripigen wullintlin'n Rock<sup>2</sup> vör den ollen Herrn,  
dat hei sic<sup>t</sup> nah sin Fru üniwen'nte<sup>3</sup> un halwlud' säd : .  
„Ne, wat denn, Neiting?“<sup>4</sup> — As Fiken em ehren  
Knicks makt hadd, gung sei an de Fru Amtshaupt-  
mannen un min Mudding un Mamzell Westphalen  
'ranner un makte ehr ok einen un gaww ehr de Hand,  
so wull dat de oll truhartige Tid.<sup>5</sup>

„Herr Amtshauptmann,“ säd Fiken, „min Vader  
un uns' Buren<sup>6</sup> hewwen ümmer vel Gaud's von Sei  
vertellt,<sup>7</sup> un dorüm bün ic<sup>t</sup> drift naug,<sup>8</sup> in min  
Drangsal tau Sei tau kamen.“ — „Wat haddst Du  
denn woll up Dinen Harten, min Döchting?“<sup>9</sup> frog  
de oll Herr fründlich un läd ehr de Hand up den Kopp.  
„Ne, wat denn?“<sup>10</sup> — „Herr, min Vadding is unschüllig,<sup>11</sup> säd sei wider un kek den Ollen so recht mit  
Bertrugen<sup>12</sup> in de Ogen. — „Dat hei dat is, weit  
ic<sup>t</sup>, min Kindting,“<sup>13</sup> säd de oll Herr un nickte mit  
den Kopp. — „Un dorüm heww ic<sup>t</sup> ok kein Angst,  
dat hei nich bald fri kamen möt,“ säd Fiken. — „Hm!  
Ja! Dat heit, dat wir nich mihr as Recht. Äwer in  
de jizige Tid geiht Gewalt vör Recht, un is dat all  
bi den besten Willen in ruhigen Tiden för den Min-  
schen swor, den Unschülligen von den Schülligen ut-  
finnig tau maken, so is dat in Kriegstiden noch schwunner,<sup>14</sup>  
vör Allen, wenn de gaude Will fehlt.“<sup>15</sup> — „Dorför  
heww ic<sup>t</sup> kein Bang'n,“ föll<sup>16</sup> Fiken rasch in; „fri-

1) Tuch gebunden. 2) in ihrem roth und grün gestreiften (s. g. eigengemachten) Rock aus Zeug von Leinen-Aufzug und Wollen-Einschlag.  
3) umwandte. 4) Nettschen, v. Agnes. 5) die alte treuerzige Zeit. 6) Bauern.  
7) erzählt. 8) drift genug. 9) Löchterchen. 10) Vertrauen. 11) Kindchen.  
12) schwerer. 13) fiel.

möt hei kamen un dat ball.<sup>1</sup> Åwer min Vadding is en ollen Mann, em kann wat taufstöten,<sup>2</sup> un denn is Keiner üm em 'rümmer, dorüm wull ic̄ em nah.<sup>3</sup> — „Min Döchting,<sup>4</sup>“ säd de oll Herr un schüddelt mit den Kopp, „Du büſt jung, un Soldaten fünd ruge Gäſt,<sup>4</sup> dat kün̄n̄ kein Trost för Dinen Bader ſin, wenn hei Di in ehre Geſellschaft wüſt.“ — „Herr, ic̄ wull ok̄ nich allein mit, min Better Hinrich, wat<sup>5</sup> Zochen Voſſen ſin Sähn is, dei wull mit mi, un wi dachten, wenn Gei uns en Schriwen, fo as en Schuzbrei<sup>6</sup> mitgewen, denn kün̄n̄ uns nicks paſſiren.“ —

„En Schuzbrei?<sup>7</sup>“ säd de oll Herr un schüddelt düller<sup>7</sup> mit den Kopp. „Min Döchting, dat Volk ward ſich vel an en Schuzbrei von einen Stemhäger Amtshauptmann führen.<sup>8</sup> Un doch, min Herzenskindting!<sup>9</sup> un wenn't ſich an min Mudding, „wenn ic̄ ehr ſo'n Brei an den Oberften von Toll mitgew;<sup>10</sup> ne, wat denn? — Neiting, er müſte nicht der Sohn von Renatus von Toll fein, wenn hei dit lütt Mäten ahn<sup>11</sup> Schuz let. — Un Du ſeggſt,<sup>12</sup> wen'nt hei ſich wedder an Fiken, „Din Better Hinrich will mit Di?<sup>13</sup> — „Ja, Herr, hei ſteiht hir up de Del.“ — „Raup<sup>12</sup> em mal 'rinner!“

Hinrich kamm 'rin. Hei was en ſturen<sup>13</sup> Kirl, breid in de Schullern, un rank<sup>14</sup> in de Hüften, blag<sup>15</sup> von Ogen un hell von Hor;<sup>16</sup> von dei Ort,<sup>17</sup> dei Einer bi uns in de Auſtid<sup>18</sup> von Morgens Klock ſobs<sup>19</sup> het

1) halb. 2) ihm kann etwas zustoßen, d. h. er kann krank werden.  
3) wollte ich ihm nach (reisen, fahren). 4) ruhe Gäste. 5) welcher, d. h. welcher ist, oder: nämlich. 6) in der Art eines Schutzbriefes. 7) toller = stärker. 8) lehren. 9) wendet. 10) mitgäbe. 11) ohne. 12) rufe. 13) gerade aufgerichtet, statlich. 14) rahn, schlank. 15) blau. 16) Haar. 17) Art. 18) Endzeit. 19) sechs Uhr.

Abends Klock nägen<sup>1</sup> den Seihenbom<sup>2</sup> regiren führt,  
as wir't 'ne Schrifwedder,<sup>3</sup> womit en Zeder sin Dag-  
wark verteiken<sup>4</sup> müft. — „Un Du, min Sähn,“<sup>5</sup>  
säd de oll Herr, „Du wullst mit Fiken gahn?“<sup>6</sup> —  
„Ja, Herr.“ — „Un Du wullst ehr Schutz sin un  
wullst sei nich verlaten?“<sup>7</sup> — „Ja, Herr! un ic heww  
min Pird' un Wag'<sup>8</sup> hir, un ic dacht so, wenn dat  
Franzosenfüg nicks dorwedder<sup>9</sup> hadde, kün'n jo de Ge-  
fangen mit Fiken führen, un ic güng denn biher.“<sup>10</sup>  
— „Herr Amtshauptmann,“<sup>11</sup> röp min Mudding,  
„helpen S' em tau sin Vörnemen, dit is möglicher  
Wif' de einzige Gelegenheit, dat ic minen Mann dat  
Nodwendigste nahschicken kann. Hei is jo, as hei  
gung un stunn, up de Strat reten<sup>12</sup> worden, un denn  
in dit Weder!“ — „Wohr!<sup>13</sup> min Herzenskindting,  
wohr! Ja, ic will Di den Breiw schriwen, Fiken.  
Un, Reiting, de oll Möller is ok ahn Kledaschen<sup>14</sup>  
wegkamen, sorg dorför. — Minen Mantel, Mamzell  
Westphalen, un ok 'ne Slapmütz, denn ic weit, hei  
dröggt weck.<sup>15</sup> Un, min Herzenskindting,“<sup>16</sup> säd hei  
tau min Mudding, „wer sicke einmal doran gewennt<sup>17</sup>  
hett, för den'n is dat slimm, wenn hei sei missen fall.“<sup>18</sup>  
— „Frikz,“ säd Fru Amtshauptmannen tau mi, „lop  
räwer nah Bäcker Witt's, ob de Strüwingken<sup>19</sup> ehren  
Vader nich ok wat mitschicken wull.“

Nu gung dat denn an't Packen; in'n Ümseihn  
was dat besorgt, un as Allens up den Wagen lagg,  
kamm de Strüwingken noch mit en groten Korf<sup>20</sup> voll

1) neun. 2) Senkenbaum, -gestell, Senfe. 3) Schreibfeder. 4) sein  
Tagewerk verzeichnen. 5) Pferde und Wagen. 6) davider. 7) hei,  
nebenher. 8) auf die Straße (hinaus) gerissen. 9) wahr. 10) ohne (warme)  
Kleidung. 11) er trägt welche. 12) gewöhnt. 13) Frau Strüwing.  
14) Korb.

Bodderpamel<sup>1</sup> un Mettwurst antaudragen.<sup>2</sup> Fiken satt all up den Wagen, de Herr Amtshauptmann hadd den Breiw farig,<sup>3</sup> un as hei'n Fiken gewen hadd, röp hei Hinrichen bi Sid' un säd: „Also Du büst Jochen Boffen sin Sähn, dei mit den Möller so lang' in'n Prozeß legen hett?“ — „Ja, Herr Amtshauptmann, nemen S' t nich äwel,<sup>4</sup> äwer min Vader was of wat steinpöttig<sup>5</sup> un hadd sick dorup set';<sup>6</sup> äwer icb bün derowegen herkamen un heww of mit den Möller all red't<sup>7</sup> un nahsten<sup>8</sup> of mit Fiken, un wenn't nah minen Willen geiht, denn kümmt de Sak in de Reih.““ — „Min Sähn，“ säd de oll Herr un gaww em de Hand un schüddelt s', „irstens will icb Di wat seggen: Du geföllst mi. Äwer zweitens will icb Di of wat seggen: Du hest Di tau den Möller sin Fiken ehren Schutz upsmeten,<sup>9</sup> lettst<sup>10</sup> Du mi dat Mäten en Hor<sup>11</sup> krümmen, denn kumm mi nich wedder unner de Ogen.“ — Dörmit dreicht<sup>12</sup> hei sick üm, gung in min Mudding ehr Stuw un säd: „Ein prächtiges Mädchen, mein Herzenstindting!“

„Wat säd<sup>13</sup> de Herr Amtshauptmann tau Di?“ frog Fiken, as Hinrich an ehre Sid'<sup>14</sup> satt un dat Fuhrwark furt gung. „Oh, hei säd man<sup>15</sup> so,““ säd Hinrich. „Äwerst<sup>16</sup> Du ward'st Di verküllen!““<sup>17</sup> set't hei hentau un wickelt sei in den ollen Herrn sinen Mantel un führt grelling<sup>18</sup> de Strat dal.<sup>19</sup>

As sei knapp<sup>20</sup> ut den Dur<sup>21</sup> wiren, kemen ehr de Stemhäger Lüd' entgegen, dei noch 'ne Wil mit de

1) Butterpamel, ein Gebäck. 2) kam — anzutragen = trug herbei.  
3) fertig. 4) äwel. 5) hartnädig, eigenfinnig. 6) darauf gesetzt, verbissen.  
7) schon geredet. 8) nachher. 9) aufgeschmissen, angeboten. 10) läßt. 11) Haar.  
12) drehte. 13) sagte. 14) an ihrer Seite. 15) nur. 16) aber. 17) er-  
zählten. 18) grell, munter, adv. 19) herunter. 20) kaum. 21) Thor.

Franzosen un de Gefangen gahn wieren; vöran natürlich Friß Sahlmann. Wo sach<sup>1</sup> de Jung' ut! As hadd hei den Dag äwer in Ziegelkuhl un Leihmträd<sup>2</sup> wirklt. „De Burmeister is utrischt!“<sup>3</sup> röp hei de Strat lang.<sup>4</sup> „De Burmeister is up oll Nicolai'n finen Brunen in de Wicken gahn. Zet heww em en Win<sup>k</sup> gewen, un heidi! was hei.“ — „„Jung“, wat red'st Du?“<sup>5</sup> säd Schäufster<sup>6</sup> Banken sin Fru, dei äwer de halwe Husdör<sup>6</sup> nah ehren Mann utklet.<sup>7</sup> — „Ja, Nachversch,<sup>8</sup> säd Sprüttenmeister<sup>9</sup> Tröpner, dei nu 'ranner kamm, „de Burmeister is ehr fläuten gahn;<sup>10</sup> äwer Dinen Mann hewwen s' en Dentzettel gewen; lat<sup>11</sup> em man en beten Saffran un Roggenmehl un legg em dat mang de Schullern,<sup>12</sup> wo em de Franzos' mit den Flintenkolsben keddeln ded.“<sup>13</sup>

As en Lopfuer<sup>14</sup> gung de Nachricht dörch de Stadt: „de Burmeister is up Nicolai'n finen Brunen de Franzosen ut de Lappen gahn!“<sup>15</sup> un de Stadtdeiner Luth stört<sup>t</sup><sup>16</sup> in min Mudding ehr Stuw herin mit en Gesicht, as wenn de zweite Pingsten- un Oster-Dag up einen Dag sollen wir,<sup>17</sup> un hei wir dortau set't, dat hei dat Part von Bergnäugen, wat an desen Dagen up de ganze Stemhäger Börgerschaft fallen ded,<sup>18</sup> allein geneiten<sup>19</sup> süll: „Fru Burmeistern!“ röp hei, „verfiren S' sic nich!<sup>20</sup> — Herr Amtshauptmann, 't is wat

1) wie sah. 2) Ziegelgrube und Lehmträd, d. h. die Vorrichtung auf den Ziegeleien, wo der Lehm durch das Treten von Pferden zur Bearbeitung mürbe gemacht wird. 3) ausgerissen. 4) entlang. 5) Schäufster. 6) über die halbe, d. h. die untere Hälfte der zweitheitlichen Haubthür. 7) ausguckte. 8) (Frau) Nachbarin. 9) Sprüttenmeister. 10) flöten = verloren gegangen. 11) loche. 12) zwischen die Schultern. 13) tipelte. 14) Lauffeuer. 15) entwisch. 16) stürzte. 17) als wenn der zweite Pfingst- und Osterdag auf einen Tag gefallen wäre, sprichwörtl. zur Bezeichnung eines außerordentlichen, unmöglichen, bes. freudigen Ereignisses. 18) fiel. 19) genießen. 20) erschreden Sie nicht.

Gaud's!<sup>1</sup> — 'E is wat Gaud's, Fru Amtshauptmannen! — Mamsell Westphalen, wo is't möglich! — Uns' Herr is de Franzosen utritscht!" — Ach du leiwer Gott, wat würd't för en Upstand!<sup>2</sup> Min Mudding bewerte an Hän'n un Fäuten,<sup>3</sup> de Herr Amtshauptmann verget fin Öller<sup>4</sup> un fin Stellung, kreg den Stadtdeiner bi'n Krägen un schüddelt em nah Kräften: „Luth, Mann, besinn hei sick! Uns is hir nich spaßig<sup>5</sup> tau Maud'." — De Fru Amtshauptmannen gung in Besorgniß an min Mudding 'ranner, un Mamsell Westphalen satt stor un stiw<sup>6</sup> un säd „Mit Verlöw<sup>7</sup> tau seggen, Herr Amtshauptmann, hei's 'n Hanswurst!"<sup>8</sup> — „Herr Amtshauptmann, Herr Amtshauptmann!"<sup>9</sup> röp Luth un let sick schüddeln, „glöwen S' mi dat doch tau, Fritz Sahlmann het't jo mit anseihn un hett ni't seggt."<sup>10</sup> — „Fritz Sahlmann? Min Fritz Sahlmann?" frog de oll Herr un let den Stadtdeiner los. — „Herr Amtshauptmann,"<sup>11</sup> säd Mamsell Westphalen ganz ruhig, „as de Ein heit, führt de Unner ut."<sup>12</sup> Fritz Sahlmann un de Wahrheit kiken sick enanner an, as Kukuk un Säbenstirn."<sup>13</sup> — „Wo is de Jung'?" frog de oll Herr. — „Hir buten<sup>14</sup> steiht hei up de Del,"<sup>15</sup> säd Luth.

Mit grote Schritten gung de oll Herr nah de Dör<sup>16</sup> un röp 'ruter: „Fritz! Fritz Sahlmann, kumm hir mal 'rinner!" — Fritz Sahlmann kamm; in sine Brust<sup>17</sup> wiren zwei Gewalten: de Lust, sine Helden-

1) etwas Gutes. 2) Aufstand, Aufregung. 3) hebte an Händen und Füßen. 4) vergaß sein Alter. 5) spaßhaft, zum Späßen. 6) gerade aufgerichtet und steif. 7) Verlaub. 8) Hanswurst. 9) wie der Eine heißt, sieht der Andere aus. 10) wie Kukuk und Siebengestirn, (die nie zu derselben Jahreszeit vorkommen; sprichwörtl. für Gegensätze). 11) draußen. 12) Thür. 13) Brust.

dahthen tau vertellen,<sup>1</sup> un de Furcht vör en natt Jöhr<sup>2</sup> von wegen sin Utseihn;<sup>3</sup> de ein drew<sup>4</sup> em nah vörwärts un de anner höll<sup>5</sup> em taurügg, un't müggt jo woll de ein linßch, un de anner rechtsch wirken, genaug, hei kamm verschrat<sup>6</sup> in de Dör, mit sin gaud' Sid' irst, hadd äwer doch sin Rechnung falsch äwerslagen, denn hei let dorbi ute Acht, dat up dese Wis' sin natürliche Swerpunkt, mit den'n hei sic in den Hollweg valset<sup>7</sup> hadd, de Fru Amtshauptmannen un Mamzell Westphalen alsoglik<sup>8</sup> vör de Ogen kamen müßt. — „Fritz Sahlmann,“ frog de oll Herr, „wat is dit All?<sup>9</sup>“ — Fritz Sahlmann, dei in'n Ganzen mit 'ne Ort von Stolz inrückt<sup>10</sup> was, let den Kopp hängen un kel sin Unnerdeil<sup>11</sup> an: „„Oh nicks, Herr Amtshauptmann! Blot en beten reinen Leihm.““ — „Gott bewohr uns!“ röp de Fru Amtshauptmannen, „wo führt de Jung' ut! Wer fall den'n wedder rein frigen!“ — „„Dor möt Zit un Gorlin, jede mit en stuwen Bessen,<sup>12</sup> äwer,““<sup>13</sup> säd Mamzell Westphalen ganz ruhig. — „Jung',“ säd de Herr Amtshauptmann, „nu segg mi glik de reine Wahrheit: is de Burmeister flüchtig worden oder nich?“ — „„Ja, Herr Amtshauptmann,““ säd Fritz un kel wedder tau Höch<sup>14</sup>, „hei's ehr schappirt.““<sup>15</sup> — „Lägen!<sup>16</sup>“ met Mamzell Westphalen verluren dormang.<sup>16</sup> „Wo kann ut so'n unreines Gefäß de reine Wahrheit kamen?“ — „„Vertell,<sup>17</sup> Fritz!““ säd de Oll. Un Fritz vertellt.

1) erzählen. 2) nasses Jahr, d. h. Vorwürfe, Schelte. 3) Aufsehen.  
4) trieb. 5) heißt. 6) schräge. 7) in dem Hohlweg niedergefegt. 8) sogleich, alsovalb. 9) eingrückt. 10) Untertheil. 11) stumpfer Besen.  
12) über her. 13) guckte wieder auf. 14) schappirt. 15) Lügen. 16) verloren, obenhin dazwischen. 17) erzählte.

„E kümmt oft vör in de Welt, dat Einer tau vele  
Ihr inausten<sup>1</sup> will un doräwer of dei verlustig geiht,  
dei em mit Recht laukümmt. So gung dat Frizen of.  
Als hei het<sup>2</sup> finen Andeil an de Geschicht kamen was,  
vertellt hei so ümständlich, beschrew finen natürlichen  
Fall so genau un makt so vele Redensorten, üm fine  
Daht in en helles Licht tau stellen, dat hei noch lang'  
nich mit de Geschicht tau En'n was, as Lüth mit den  
Sprüttenmeister Tröpner herinner kamm, un de Herr  
Amtshauptmann sick an den'n wen'nte:<sup>3</sup> „Mein lieber  
Meister, was wissen Sie von der Sache?“ — Meister  
Tröpner fäulte<sup>4</sup> ut dese hochdütsche Frag'ruter, dat  
hei von den ollen Herrn as en gebild'ten Minsch  
traktirt würd', un beslot sick of as en gebild'ten Minsch  
tau bedragen,<sup>5</sup> hei säd also up Hochdütsch: „Ich hätte  
es von Ur tau En'n<sup>6</sup> mit angesehn.“ Nu vertellte  
hei denn de Sak wedder von vör, let Friz Sahl-  
mannen finen Andeil ganz weg un slot sine Ver-  
tellung<sup>7</sup> mit dese Würd': „Un somit sprung de Herr  
Burmeister achter<sup>8</sup> den Herrn Rathsherrn finen  
Mantäng<sup>9</sup> heraus, fuhr um die Ellipage<sup>10</sup> 'rum, kra-  
welte<sup>11</sup> sich fixing<sup>12</sup> den Auwer<sup>13</sup> in die Höchte, sprung  
achter de holle<sup>14</sup> Weide, riß Frizen vor Gewalt die  
Zügel<sup>15</sup> aus die Hände, swung sich in den Sadel,<sup>16</sup> un  
als er man erst die Fühlung von den Braunen unter  
sich hatte, bädelte<sup>17</sup> er plängschaf<sup>18</sup> den Barg hendal,<sup>19</sup>  
ümmer auf die Pribbenowschen Dannen<sup>20</sup> zu, was't  
Züg hollen woll.“<sup>21</sup> — „Un de Franzosen?“ frag de

1) Ehre einerndten. 2) bis zu. 3) wandte. 4) fühlte. 5) betragen.  
6) von Anfang bis zu Ende. 7) Erzählung. 8) hinter. 9) Mantel.  
10) Equipage. 11) trabbelte. 12) fix, schnell, adv. 13) Ufer, Rand. 14) hohl.  
15) Zügel. 16) Sattel. 17) jagte. 18) pleine-chasse. 19) herunter.  
20) Tannen. 21) was das Zeug halten wollte.

oll Herr. — „Oh, Herr Amtshauptmann, die wären halb verlamt,<sup>1</sup> un als sie schießen wollten, gung nichts nich los von wegen der Nassigkeit, sie schmissen sich also in ihrer Zornigkeit auf uns Unschuldswürm von bloße Zuschauer und hätten den Schustermeister Bank aus der Bramborgsch Strat<sup>2</sup> mit den Kolben mang de Schulterbläder<sup>3</sup> ramponirt, worauf wir Alle uns exküsirten, indem daß wir den Barg 'run lepen.“<sup>4</sup>  
— „Min Herzenskindting,“ röp de oll Herr, „des' lütt Burmeister is en Kirl, as en Uhworm!<sup>5</sup> Das ist ein Kerl, fix wie ein Feuerschloß, min Herzenskindting!“ — Äwer dei, för dei des' Ned' bestimmt was, hürte em nich. Min Mudding lagg in ehren Staul un weinte bitterlich. As de Ned' up dat Scheiten<sup>6</sup> kamm, drückte sei den Arm von de gaude Fru Amtshauptmannen so fast<sup>7</sup> an sich, as wull sei sich doran hollen<sup>8</sup> gegen den Swindel, dei ehr beföll,<sup>9</sup> äwer as endlich de Gewißheit heruter kamm, dat min Vader gesund dorvon kamen was, stört'ten<sup>10</sup> de Thranen ehr ut de Ogen, sei deckte ehr Dau<sup>11</sup> äwer ehr Gesicht un weinte still vör sich hen.

Wiren dat Freudenthranen? Wer weit? Wer kann seggen, wo Freud' un Weihdag'<sup>12</sup> sic scheiden? Sei spelen<sup>13</sup> tau wunnerlich in dat Minschenhart in-enanner äwer;<sup>14</sup> sei sünd Uptog un Inslag,<sup>15</sup> un woll den'n, bi den'n ut beiden en fastes Gewew<sup>16</sup> ward! Dei Thran, dei ut Weihdag' geburen is, hett so gaud ehren Inslag von Hoffnung, as de Freudenthranen

1) verlammt, erstarrt. 2) Brandenburger Straße. 3) zwischen den Schulterblättern. 4) herunter ließen. 5) Uhwurm. 6) Schießen. 7) fest. 8) halten. 9) befiehl. 10) stürzten. 11) Tuch. 12) Schmerzen, Leid. 13) spielen. 14) über, herüber. 15) Aufzug und Einstieg. 16) fastes Gewebe.

ehren Insflag von Furcht. De vergangen Angst üm  
minen Vader un de Furcht vör sine Zukunft<sup>1</sup> weneten<sup>2</sup>  
sich in min Mudding ehr freudig Dankgefäul, un de  
Ehran, dei up de Erd'<sup>3</sup> föll, was kein reine Freuden-  
thran. Föllt<sup>4</sup> äwerhaupt up unsre Erd' 'ne reine  
Freudenthran?

'E was ganz still worden, en Engel flog dörch  
de Stuw, 'ne forte Eid man;<sup>5</sup> de Engel täuwen<sup>6</sup> nich  
lang' bi uns — ic<sup>7</sup> weit't, denn ic<sup>8</sup> stunn mit den  
Kopp an uns' brune Stuwenlock<sup>9</sup> un weinte un horkte  
up den Parpendikel — 'ne forte Eid! Ic<sup>10</sup> lek tau  
Höcht: de oll Herr lek ut dat häwelse Finster<sup>11</sup> in den  
grauen Hewen,<sup>12</sup> min Mudding un de Fru Amts-  
hauptmannen weinten, Mamsell Westphalen ok, sei  
hadd Fritz Sahlmannen an de Hand fal't,<sup>13</sup> un bi  
den letzten Flügelslag<sup>14</sup> von den Engel säd sei: „Fritz,  
min Sähning,<sup>15</sup> gah nah'n Sloß un treck Di drög  
an,<sup>16</sup> Fil fall Di Din fünndagsch Tüg<sup>17</sup> gewen.“ —  
„Un ic<sup>18</sup>, Herr Amtshauptmann,“ säd Luth, „will  
nah Gülvow, un Tröpner kann nah Pribbenow gahn,  
dat wi den Herrn Burmeister nich verfehlen.“ —  
De oll Herr nicke mit den Kopp, gung an min  
Mudding 'ran, an dei ehr Knei ic<sup>19</sup> mi 'ran leggt  
hadd un säd: „Sei un de Zung' hit hewwen hüt alle  
Ursak, unsern Herrgott tau danken, min Herzens-  
kindting.“

---

1) Zukunft. 2) webten. 3) Erde. 4) fällt. 5) eine kurze Zeit  
nur. 6) warten. 7) Stubenuhr. 8) aus dem obersten Fenster. 9) Himmel.  
10) gesetzt. 11) Flügelschlag. 12) Söhnetchen. 13) ziehe Dich trocken an.  
14) sommäßiges Zeug.

---

### Dat fōsteihnte Kapittel.

Worüm sick de Oberst bi Fiken ehr Ned' awennen müßt,  
un worüm sick Fiken bi Hinrichen sin Ned' awennen müßt.  
Worüm de Herr Rathsherr up de freundlichen<sup>1</sup> Lüd' schull,  
un de Möller wünscht, dat hei 'ne Kreih<sup>2</sup> wir.

As Fiken mit Hinrichen an den Mählenbarg<sup>3</sup> kamm,  
flogen ehr Ogen nah allen Siden, un't durt<sup>4</sup> ok nich  
lang', dunn hadd sei ehren Vader un sin Gesellschaft  
'ruter kennt, wo sei dor unner de Mähl seten.<sup>5</sup> „Dor  
is min Vader,“ säd sei tau Hinrichen. — „„Na,““  
säd Hinrich, „„denn will'n wi hir rechtsch von den  
Hollweg nah den haftens<sup>6</sup> Acker nah de Mähl tau  
'rupper bögen.<sup>7</sup> Slicht ward't man gahn; äwer dörch  
den Hollweg<sup>8</sup> is jo nich dörchtaukamen,<sup>9</sup> un Du  
kannst jo denn ok mit Dinen Vader reden.““ —  
„Holt,“ röp Fiken, „„nich rechtsch nah de Mähl tau,  
ne, linksch von de Mähl af bög ut den Weg‘; ic will  
nich mit em reden. — Leiwer Gott! nu hett hei uns  
all seihn, nu winkt hei.“ — „„Fiken,““ säd Hinrich,  
as hei nah ehre Wisung<sup>10</sup> führen ded, „„wat heit dat?  
Worüm geihst Du Dinen Vader ut den Weg?““ —  
„Wil ic em ničs nützen kann, ihre ic den Breiw<sup>11</sup>  
bestellt heww. Wer weit, wo de Franzosen dat up-  
nemen, wenn ic mit em red'? Dor kann Lärm un  
Strid ut entstahn,<sup>12</sup> un wenn wi in dei Ort<sup>13</sup> vör  
den Obersten bröcht<sup>14</sup> warden, ward hei uns grad' nich  
mit fründliche Ogen anseihn. Un denn, wotau fall

1) Klein, schwach von Körperbau (Kniehoch). 2) Krähe. 3) Mühlenberg.  
4) dauerte. 5) saßen. 6) gehaft, gepflügt. 7) hinaufbiegen, einlenken.  
8) Höhlweg. 9) durchzukommen. 10) Anweisung. 11) Brief. 12) daraus  
kann Lärm und Streit entstehen. 13) Art, Weise. 14) gebracht.

id̄ minen ollen Vader mit Utsichten unner de Ogen  
gahn, dei noch in widen Fell'n liggen?<sup>1</sup> För den  
Ogenblick is dat naug,<sup>2</sup> dat hei weit, wi sünd üm em.<sup>4</sup>

Mitdewil wiren denn nu of de Kanonen ut den  
Hollweg losbört un losgrawen,<sup>3</sup> un de Zug<sup>4</sup> was  
wedder in Bewegung. De Gefangen würden up de  
ein Sid' von den Hollweg entlang kummandirt, un  
Hinrich führt<sup>5</sup> up de anner, so grell<sup>6</sup> hei in oll  
Nahmakern sin Streking<sup>7</sup> vörwärts kamen kunn. Fiken  
lek<sup>8</sup> nah den Obersten ut. „Wenn id̄ em seih, kenn  
id̄ em wedder,” säd sei tau Hinrichen. „Hei hett en  
gaud' Gesicht, wenn dat of hart utsach, as hei den  
Burmeister wegbringen let.“ So kemen sei an de  
Kanonen vörbi un an männigen Hümpel<sup>9</sup> Franzosen,  
dei in den deipen<sup>10</sup> Weg sachten furtkleuf'sten.<sup>11</sup> Taulekt  
dicht vör den Bremsenkraug<sup>12</sup> segen<sup>13</sup> sei den Obersten,  
wo hei mit weck<sup>14</sup> von sin Offzirers Schritt vör Schritt  
vörwärts red.<sup>15</sup> — „Hindrich,” säd Fiken, „hir jag  
vörtau<sup>16</sup> un up den Äuwer<sup>17</sup> holl<sup>18</sup> still, id̄ will denn  
afstigen.“<sup>19</sup>

Dit geschach. As de Oberst heran kamm, stunn  
Fiken up den Fautstig<sup>20</sup> in den Weg, gung em en por  
Schritt entgegen, rech<sup>21</sup>t em den Breiw tau un säd:  
„Herr, id̄ heww en Breiw för Sei.“ — De Oberst  
höll an, namm den Breiw, lek Fiken en beten ver-  
wunnert an: „„Von wen, min Kind?““ — „Von

---

1) weit im Felde liegen. 2) genug. 3) los = herausgehoben und  
gegraben. 4) Zug. 5) führ. 6) rasch, schnell. 7) in dem flach gepflügten  
Acker des alten (Pächters) Nahmachers. 8) guotte. 9) an manchem Haufen.  
10) tief. 11) langsam weiterzogen. 12) Bremsenkraug (Gasthaus). 13) sahen.  
14) wie er mit einigen. 15) ritt. 16) voraus. 17) Ufer, Abhang.  
18) halte. 19) absteigen. 20) Fußsteig. 21) reichte — hin, strecke ent-  
gegen.

unsen Herrn Amtshauptmann Bewer." — De Oberst brok<sup>1</sup> den Breiw up un las; sin Gesicht würd' so mitleidig utseihn, un as hei tau En'n lesen hadd, schüddelt hei still mit den Kopp. Filen hadd em mit de grötste Angst anseihn, sei las de Antwort up den Breiw in den Obersten sin Minen, un as hei so trurig mit den Kopp schüddeln ded, stört'ken<sup>2</sup> ehr de hellen Thranen ut de Ogen: „Herr, 't is min oll Vader, un ic hün sin einzigst Kind!" röp sei.

Sei hadd Allens in de Welt seggen künnt, de schönste Red' un den kräftigsten Bibelspruch, nids hadd so'n Indruk up den starken Mann maakt, as des' por Würd<sup>3</sup> in pladdütische Sprak. — Hei hadd ok en ollen Vader un was sin einzigstes Kind; sin Vader satt up en hoges Sloß<sup>4</sup> in't Westphalen-Land, äwer in Einsamkeit, untaufreden<sup>5</sup> mit sin Volk un sin Vaderland; Tid<sup>6</sup> un Welt hadden männigen<sup>7</sup> Stein twischen em un den einzigsten Sähn<sup>8</sup> smeten,<sup>9</sup> het<sup>10</sup> dat en breiden Wall worden was, äwer den'n 'räwer sei sick man schwach<sup>11</sup> verstännigen kunnen. Misverstand un Unzufrieden was dorut entstahn, un wo dei sünd, dor meld't sick ok in stillen Stun'n dat Gewissen. Wo oft hadd sin Hart tau em spraken: „'E is din oll Vader, un du büsst sin einzigst Kind!" — Lust un Drangsal, Kanonendunner un Feldslacht hadden de Stimm woll tau Tiden äwerschallen künnt;<sup>12</sup> äwer ümmer kamm de wunne Placken von sinen Harten<sup>13</sup> wedder taum Börschin, as ne bläudige Städ' up de Stuwendel.<sup>14</sup> Taum

1) brach. 2) stürzten. 3) diese paar = wenigen Worte. 4) auf einem hohen Schloß. 5) unzufrieden. 6) Zeit. 7) manchen. 8) Sohn. 9) geschmissen. 10) bis. 11) nur schwach. 12) zu Seiten übertönen gekonnt. 13) der wunde Fleck seines Herzens. 14) wie eine blutige Stelle auf der Stuhendecke = Fußboden.

irstenmal hüt hei dit Wurd utspreken<sup>1</sup> von frönde Lippen, taum irstenmal in de Sprak von sine Kindheit; em was, as wir kein Vörwurf mihr in dit Wurd, so weik würd' dat spraken,<sup>2</sup> em Elung dat sacht<sup>3</sup> in't Ihr as en Wurd von Vergewung, un as hei dat arme Kind vör sich stahn sach, mit sin bang', bekümmeret Gesicht, dunn würd't em tau warm, hei müht sich afwen'n,<sup>4</sup> un't woht 'ne Eid lang, ihre hei wedder mit ehr reden kunn. Taulezt hadd hei sich fat't<sup>5</sup> un säd tau ehr mit all de Herzlichkeit, dei ut so'n Ogenblick geburen ward: „Min leiwes Kind, frilaten<sup>6</sup> kann ic Dinen Vader nich; 't ward äwer woll kamen. Du un Dinen Leiw<sup>7</sup> tau Dinen Vader sälen äwer nich ümsüs<sup>8</sup> bi mi ankloppt hewwen, Du fallst üm em bliwen, un hei fall up Dinen Wagen mit Di führen. — Un wenn wi in Bramborg<sup>9</sup> kamen, denn mell<sup>10</sup> Di bi mi.“ Dormit ordnirte<sup>11</sup> hei dat Nödige an un red<sup>12</sup> mit sin Offzirers wider.

Hinrich kam nu mit finen Wagen neger<sup>13</sup> 'ran, sprung 'runner un frog: „Fiken, wo<sup>14</sup> is't? — Äwer wat frag ic noch lang?“ Du füsst jo ut, as set Di't Hart up de Eung;<sup>15</sup> nich wohr, hei hett den Ollen frilaten?“ Un hei slog den Arm üm ehr: „Kumm, Fiken, stig up den Wagen, dor kümmt wedder so'n Hümpel<sup>16</sup> Volks, will'n den'n ut den Weg' gahn.“ — „Dei dauhn uns nicks,“ säd Fiken un steg höher<sup>17</sup> nah de Grabenburd<sup>18</sup> 'rupper un ker<sup>19</sup> den Weg lang.

1) aussprechen. 2) gesprochen. 3) sanft, lind. 4) abwenden.  
5) gefaßt. 6) freilassen. 7) Liebe. 8) umsonst. 9) Brandenburg.  
10) melde. 11) ordnete. 12) ritt. 13) näher. 14) wie. 15) als sähe Dir das Herz auf der Zunge. 16) haufen. 17) höher. 18) Grabenrand, -ufer.  
19) gutte.

„Frilaten hett hei em nich; äwer hei hett mi't tau-seggt.<sup>1</sup> Zcf fall üm em bliwen, un sei sälten mit mi führen, un, Hinrich, Du künntst jo nu nah Hus un up de Mähl seihn un Mudding bistahn.““

Hinrich hünn de Lint<sup>2</sup> üm 'ne Wid'<sup>3</sup> fast<sup>4</sup> un bückt sic<sup>5</sup> dal,<sup>5</sup> snallt an't Geschirr un strek<sup>6</sup> denn sin Unnermähr<sup>7</sup> mit de Hand den glatten natten Puckel lang.<sup>8</sup> „Du heft Recht, Hinrich,“ säd Tiken, „Du heft woll Sorg, Din Fuhrwark tau verlaten; äwer dat kann jo oll<sup>9</sup> Inspecter Nicolai ut Bramborg mit taurügg<sup>10</sup> nemen, dei deiht uns riklich<sup>11</sup> den Gefallen.“

— „Tiken,““ säd Hinrich, „an't Fuhrwark heww ic<sup>12</sup> nich dacht; ic<sup>12</sup> dacht an Di un an dat, wat de oll Herr Amtshauptmann tau mi säd.““ — „Wat was dat?“ frog sei. — „Wenn ic<sup>12</sup> Di en Hor<sup>12</sup> krümmen let, denn sull ic<sup>12</sup> em nich wedder vör de Ogen kamen. Un, Tiken, ic<sup>12</sup> heww em verspraken, för Di uptau-kamen<sup>13</sup> tau allen Tiden, un as ic<sup>12</sup> em dat versprok““ — un hei gung tau ehr 'ran un namm ehre Hand un lek<sup>14</sup> ehr so recht iehrlich in de Ogen — „dunn wiren noch zwei tangegegen,<sup>14</sup> dei hewwen't mit anhürt,<sup>15</sup> un Keiner wüxt dorvon, as ic<sup>12</sup> allein; dat wir uns' Herrgott, Tiken, un min eigen Hart.““<sup>16</sup> — Tiken würd' rod as 'ne Stoß', un as hei stnen Arm üm ehr slog, wünn<sup>17</sup> sei sick 'ruter: „Hir nich, Hinrich! Hüt nich, Hinrich! Gott in den Himmel! Dor künmt min oll Vader an!“ Un dormit gung sei von em af, ehren Vader entgegen, un Hinrich stunn still as en Bom<sup>18</sup>

1) zugesagt, versprochen. 2) hand die Leine, den Zügel. 3) Weide.  
4) fest. 5) niedern. 6) strich. 7) Handpferd. 8) entlang. 9) der alte.  
10) zurück. 11) reichlich, gern. 12) Haar. 13) aufzukommen. 14) zu-  
gegen. 15) angehört. 16) Herz. 17) wand. 18) Baum.

tau Winterstid, wenn de gräunen Bläder affollen<sup>1</sup>  
sünd un de Wägel<sup>2</sup> nich mihr von Leiw<sup>3</sup> un Lust in  
de Selgen<sup>4</sup> singen. As sei sick äwer ümwen'n ded,<sup>5</sup>  
wedder tau em taurügg kamen: „Hinrich! Hinrich!“  
un de hellen Thranen ehr ut de Ogen schoten,<sup>6</sup> un  
dunn hastig wedder up ehren Vader taugung, dunn  
schot Bladd up Bladd ut den stillen Bom, un Leder<sup>7</sup>  
von Lust un Leiw klungen in sine Twig’,<sup>8</sup> un dat  
Frühjahr gung in em up, dat einzige Frühjahr, wat  
dörch’t ganze Lewen, in Sommerhitt, in Harwststorm  
un Winterküll vörhollen<sup>9</sup> möt, wenn’t en richtig Früh-  
jahr un en richtig Lewen is.

„Tiken,“ röp oll Möller Voß, „wo kümmtst Du  
her?“ Un as Tiken em üm den Hals fel,<sup>10</sup> un em  
mit Thranen in de Ogen de Ümstän’n utenanner fel’t,  
dunn schull<sup>11</sup> de Oll un säd, Hinrich hadd allein kamen  
künnt, un dit wiren Angelegenheiten, wo Frugenslüd'  
wegbliwen füllen; äwer Rathsherr Hers' erklär't, von  
so’ne Saken verftünn de Möller gor nicks, un Tiken  
ehr Znsfall mit den Wagen wir so schön, dat hei'n  
sick fülwst nich hadd beter utdenken künnt, denn wat  
sin postpapierne Stäweln<sup>12</sup> anbedrapen ded,<sup>13</sup> so wiren  
sei von Schuster Banken<sup>14</sup> utdrücklich tau de Raths-  
sitzungen upricht’t<sup>15</sup> worden, un nich tau vir Mil-  
mekelborgsche Landweg' in dese Jahrstid. Un Bäcker  
Witt, as hei von den Korf mit Mettwurst un Pamel  
hürt, slog sick up de Mag<sup>16</sup> un säd: Tiken wir sin  
best Päding,<sup>17</sup> un wenn hei of tau de Ort hüren ded<sup>18</sup>

1) die gräunen Blätter abgefallen. 2) Wägel. 3) Liebe. 4) Zweige.  
5) umwandte. 6) schossen. 7) Lieder. 8) Zweige. 9) in Sommerhitze,  
in Herbststurm und Winterkälte vorhalten. 10) fiel. 11) schalt. 12) Stiefel.  
13) anbeträfe. 14) von Schuster Bank. 15) aufgerichtet, hergestellt.  
16) auf den Magen. 17) Bathchen, Täusling. 18) zu der Art, Sorte gehörte.

dei ehr Fauderkist<sup>1</sup> ümmer bi sick dragen, so verännerten  
de Ümstän'n de Sak, un bi so'n Weder müht ol in  
den besten Backaben<sup>2</sup> af un an nahbött<sup>3</sup> warden.

De französche Scherhart<sup>4</sup> hadd nu de Wachtmann-  
schaft den Befehl von den Obersten äwerbröcht,<sup>5</sup> un de  
Gesellschaft steg up den Wagen un makte sick dat so  
warm un bequem, as Jeder kunn. Min Uncle Hers'  
eigent<sup>6</sup> sick de för minen Vader bestimmten Kleidaschen<sup>7</sup>  
an, wil hei as Colleg de negste dortau<sup>8</sup> wir, un schull<sup>9</sup>  
up de smächtigen Lüd' in'n Allgemeinen un up minen  
Vader in't Besondere. Von de Läng', säd hei, wull  
hei nicks seggen, denn dei kunn sick Keiner gewen un  
nemen, äwer för de richtige Breid'<sup>10</sup> kunn jeder ver-  
nünftige Minsch mit de Tid sorgen. „Riken<sup>11</sup> S',  
Meister Witt, dit fall en Rock för en utgewus'en un  
en dörchgewus'en<sup>12</sup> Minschen sin!“ un dormit höll<sup>13</sup>  
hei minen Vader sin Röckchen<sup>14</sup> taum Spektakel in de  
Höcht. — „Herr Rathsherr,“<sup>15</sup> säd Väder Witt,  
„söhren S' von vör mit de heiden Arm in de Ärmel,  
so dat den Burmeister sin Rüggbladd up Chr. Bost-  
bladd<sup>16</sup> tau sitten kümmt; hir is noch en Rock, den'n  
häng' ic! Sei achter äwer,<sup>17</sup> so maken wi ut zwei lütt  
einen gatlichen;<sup>18</sup> de Minsch möt sick tau helpen  
weiten.“ — Na, dat geschach, un min Uncle Hers'  
sach ut as<sup>19</sup> 'ne schöne fette Äuster, dei all 'ne Tid lang  
up Reisen schickt is; hin'n un vör'n hadd hei 'ne  
faste Schell,<sup>20</sup> äwer up de Siden jappet<sup>20</sup> hei af un an

1) Futterkiste. 2) Backofen. 3) nachgeheizt. 4) Sergeant. 5) über-  
bröcht. 6) eignete. 7) Kleidungsstücke. 8) der nächste dazu. 9) schalt.  
10) Breite. 11) guden. 12) aus- und durchgewaschen, d. h. vollständig  
entwickelt. 13) hielt. 14) Röckchen. 15) Rückenblatt, Brustblatt, -stück.  
16) hinten über. 17) aus zwei kleinen einen passenden, hinreichend großen.  
18) sah aus wie. 19) feste Schale. 20) jappete, sperrte er — auseinander.

utenanner. Bäcker Witt hadd en siden Rockelur<sup>1</sup> von sin verstorbene Fru vörfun'n, un hei bunn<sup>2</sup> em üm mit de Karninkenfellen<sup>3</sup> nah buten,<sup>4</sup> denn, säd hei, üm dat siden Tüg<sup>5</sup> wir't in so'n Weder Schad'; äwer de Fellen kunnen't verdragen, denn so vel hei wüzt, lepen<sup>6</sup> de Karninken of mit de Hor<sup>7</sup> nah buten 'rum.

Mit dese Beiden gung de Verpuppung in'n Ganzen tämlich<sup>8</sup> rasch; äwer mit den Möller kamm sei sihr in de Tüderi,<sup>9</sup> denn as hei hüren ded, dat de Mantel mit de säben<sup>10</sup> Kragens, dei för em bestimmt was, rechtmäßig den Herrn Amtshauptmann tauhürt, kreg hei dat irft mit den Respect<sup>11</sup> un makte Diner äwer Diner, as stünn de oll Herr vör em un wull em den Vörtritt in de Dör laten, un nahsten<sup>12</sup> kreg hei't mit de Rührsamkeit,<sup>13</sup> wil dat de oll Herr an sine Nothdurft dacht hadd, un säd, hei wir dat gor nich wirth, un as em Fiken den einen Ärmel antrecket<sup>14</sup> hadd, kamm em dat Bedenken, de Lüd' kün'n em för en vörnemen Mann hollen. „Un, Bädder,“ wennt hei sich an Witten, „wenn ick nu an tau reden fang', un wenn denn de Eselsuhren ut de säben Kragens 'ruter kiken, wat denn?“ — „Ja, Bädder,“ seggt de Bäcker, „dorin hest Du Recht: ut en Swinsuhr<sup>15</sup> lett sich meindag' kein siden Geldbüdel<sup>16</sup> maken; äwer Du kannst jo dat Mul hollen;<sup>17</sup> oder füs<sup>18</sup> red' hochdütsch, Du kannst jo.“ — „Ick kann woll, äwer't is of dornah,“ seggt de Möller un set't<sup>19</sup> sich up den vöddelsten<sup>20</sup> Sac.

1) seidener Frauenrock, Mantel. 2) hand. 3) Kauinchenfell. 4) nach ansehen. 5) Zeug. 6) liefern. 7) Haare. 8) ziemlich. 9) Bewirrung, Zöggerung. 10) sieben. 11) d. h. überkam ihn erst der Respect. 12) nachher. 13) Rührung. 14) angezogen. 15) Schweinsohr. 16) seidener Geldbeutel. 17) das Maul halten. 18) sonst. 19) sagte. 20) vordersten.

Sei seten nu all, blot Hinrich nich. „Hinrich,“  
säd Möller Voß, „wo? Du ward'ſt jo doch woll up  
Dinen eigen Wagen tau fitten kamen! Fiken, rück bet  
'ran un mak den Bedder Platz.“ — Äwer Hinrich  
led<sup>1</sup> dat nich, hei flog Fiken de Pird'deck<sup>2</sup> üm de  
Fäut<sup>3</sup> un säd: hei wull gahn. Hei gung, un as hei  
nu so gung un hir äwer'n Graben sprung un denn  
wedder taurügg,<sup>4</sup> ümmer vörup, dat hei Fiken in de  
Ogen kiken kunn, säd Möller Voß: „Herr Rathsherr,  
't is min Better, Jochen Bossen sin Sähn; is't nich  
en schiren<sup>5</sup> Kirl?“ — Un Rathsherr Herf<sup>6</sup> säd: „Dat  
is hei, Möller; hei's en smuden Kirl.“ — Un Bäcker  
Witt säd „Hei's en dägten<sup>6</sup> Kirl.“ — Fiken säd nids;  
äwer sei dacht: „Hei's en gauden Kirl un en trugen<sup>7</sup>  
Kirl,“ un sei hadd möglicher Wif' noch mihr von em dacht,  
äwer Hinrich stunn mit einmal bi ehr un kel ehr so  
fründlich an un frog, ob ehr of friren ded, dunn was  
dat mit dat Denken vörbi, un sei gaww em de Hand:  
„Hat<sup>8</sup> mi blot<sup>9</sup> an, ic bün ganz warm.“

Bäcker Witt langt nu in den Wurst- un Stuten-  
torf<sup>10</sup> un gaww Jeden sin Deil,<sup>11</sup> un as de Herr  
Rathsherr den Pamel<sup>12</sup> führ lawen ded,<sup>13</sup> säd de oll  
Bäcker tau sick: „Kik den Rader, süs köfft hei von  
Guhlen;<sup>14</sup> äwer wenn Ein keinen annern hett, is de  
Ull<sup>15</sup> of en Bagel.“ — De Herr Rathsherr högt<sup>16</sup> sick  
an den Bäcker 'ran un flüstert em halwlud' in de  
Uhren: „Meister Witt, dor vör uns liggt de Bremse-  
krug,<sup>17</sup> un wenn de Schergen von den corsikanischen

1) litt. 2) Pferdedecke. 3) Füße. 4) zurück. 5) schmuck. 6) stark,  
mader. 7) treu. 8) faße. 9) bloß, nur. 10) Wurst- und Semmelsorb.  
11) Theil. 12) ein Backwerk. 13) lobte. 14) sonst kaufst er von Guhl.  
15) Eule. 16) bog. 17) Bremsekrug, ein ländliches Gasthaus.

Wütherich noch eine Spur von menschlichem Gefüll in sich dragen, denn warden sei nichts dagegen heuwien, wenn wi uns dor von den ollen Haker<sup>1</sup> tau unsern Stuten en Schluck<sup>2</sup> inschenken laten." Dorbi hadd hei äwer sinen Stuten ute Obacht laten<sup>3</sup> un hadd em mitsammt de Wurst<sup>4</sup> en beten äwer den Ledderbom<sup>5</sup> "räwer hollen. Mit einmal fäult hei, dat em dor wat mang<sup>6</sup> de Fingern grawweln würd',<sup>7</sup> un as hei sich ümkeł, sach hei, wo de ein von de korsikanischen Schergen grad' in sin Wurst un sinen Pamel inbet,<sup>8</sup> un as hei nu mit harte Würd' gegen so'n apenbores<sup>9</sup> Marodiren lostrecken<sup>10</sup> wull, langte en annen Säcker-menter<sup>11</sup> hin'n äwer dat Krett<sup>12</sup> un führt sich den ganzen Korf tau Gemäud. — „Gott soll mi bewöhren!“ röp min Uncle Hersl, „so flicht heww ick mi de Tau-stän'n in unsern Vaderland doch nich dacht.“ — „„Ent-fante Spitzbauwen!““<sup>13</sup> schot<sup>14</sup> oll Witt wedder los, un de Möller, dei führt,<sup>15</sup> hadd in den Herrn Amts-hauptmann sinen warmen Mantel sin Lag' so ganz vergeten, dat hei de Swäp<sup>16</sup> all in de Höcht hört,<sup>17</sup> üm den Franzosen eins tau verreiken,<sup>18</sup> as em Filen den Arm fast höll:<sup>19</sup> „Um Gotteswillen! Badding, wat deihst Du?“ — „„Hm! — Ja!““ säd de Möller un besunn sich, „„Filien, Du heft wedder Recht,““ un wen'nt<sup>20</sup> sich an den Franzosen: „„Nemen S' t nich äwel,<sup>21</sup> ick ded man so.““<sup>22</sup>

1) von dem alten Haker (Eigenname). 2) Schluck, Schnaps.  
3) außer Acht gelassen. 4) Wurst. 5) Leiterbaum (am Wagen). 6) zwischen.  
7) zu grabbeln, hin und her greifen anfang. 8) einbiß. 9) offenbar.  
10) losziehen, fahren. 11) Donnerwetterkerl. 12) Schlubrett des Wagens,  
Schokelle (vache). 13) infame Spitzbuben. 14) schob. 15) führ.  
16) Peitsche. 17) aufhab. 18) zu reichen, versetzen. 19) festhielt.  
20) wandte. 21) übel. 22) ich that nur so.

Na, dei nement denn of sichtlich nich äwel un  
eten<sup>1</sup> ganz vergnäuglich in de Wüst un den Stuten,  
dat den Herrn Rathsherrn vör Arger un Afgunft dat  
Gift un de Gall in den leddigen<sup>2</sup> Magen steg, un ehr  
All ehre Lag' wedder künzig<sup>3</sup> würd', dei sei in de  
warne Behaglichkeit von den Wagen up 'ne Tidlang  
vergeten hadden. Sei führten also in den grisen<sup>4</sup>  
Abend nah Bramborg<sup>5</sup> hentau,<sup>6</sup> un wo füs<sup>7</sup> de Stuten-  
korf stunn, hin'n in't Krett, was nu dat Bedenken un  
de Sorg' un de Erurigkeit uphadt, un dei flusterten  
ehr allerlei beängstliche Geschichten in de Uhren, un as  
mal en Tog Kreihn<sup>8</sup> äwer ehr wegslög, säd min Uncle  
Hers': „Ze, wat hewwt ji för Rod, ji känt lachen!“  
un de Bäcker säd: „Dei Ort giwwt kein Hür<sup>9</sup> un kein  
Stür,“ un de oll Möller süsszt un säd: „Ich wull, dat  
ich 'ne Kreih wir!“

Äwer in zwei Harten funn de Sorg keinen Platz,  
dor was de Leiw infiürt mit ehren Hoffstat von heim-  
liche Wünsch un Hoffnung un Vertrugen,<sup>10</sup> un de  
heimlichen Wünsch lepen<sup>11</sup> as flinke Brutjumfern<sup>12</sup>  
dördt ganze Hus un all sin Kamer, rümten<sup>13</sup> up,  
wat in den Weg stunn, un wischten den Stoff<sup>14</sup> von  
den Disch<sup>15</sup> un von de Bänk<sup>16</sup> un puhten de Finstern,  
dat Ein wid 'rut seihn kunn in't schöne Lewensland,  
un deckten den Disch in den hellen Saal un makten  
dat Bedd in de stille Kamer un hüngen frische Kräns'  
von Low un Blaumen<sup>17</sup> äwer Dör un Finster un an  
de Wand de buntsten Biller.<sup>18</sup> Un de Hoffnung stek<sup>19</sup>

1) aßen. 2) leer. 3) kund, bewußt. 4) greis, grau. 5) Brandenburg. 6) hinzu. 7) sonst. 8) Zug Krähen. 9) Heuer, Miethe. 10) Vertrauen. 11) ließen. 12) Brautjungfern. 13) rümten. 14) Staub. 15) Disch. 16) Bank. 17) Kränze von Laub und Blumen. 18) Bilder. 19) stekte.

ehre Dusend Lichter an un set't sich dunn heimlich still  
in de Ede, as wir sei't gor nich west, as hadd't ehr  
Steifswester<sup>1</sup> dahm, de Würfligkeit; un dat Vertrugen  
stunn an de Dör un let keinen 'rin, dei kein Hochtids-  
kled anhadd, un säd tau de Sorg', as sei nah Eiken  
frog: „Gah din Weg', de oll Möller danzt up uns'  
Hochtid," un säd tau dat Bedenken, as dat nah  
Hinrichen frog: „Gah din Weg', 't is Allens in  
Richtigkeit.“

---

### Dat söhlehnste Kapittel.

Worüm ich den Möller sinen Fridrich un kein Prinzessin  
dörch dat Gützowsche Holt schick, worüm Fridrich tau den  
Schulzen Besserlich "Swigervader" seggt, worüm hei den  
Hund ut den Aben<sup>2</sup> lockt, un worüm de Stadtdeiner Luth  
äwer sinen eignen Burmeister lacht.

Wenn eine von de lütten Mansellings,<sup>3</sup> dei dit  
Bauk<sup>4</sup> lesen dauhn, sich doräwer argern süll, dat dit  
Kapittel mit en Möllerknecht anfangt un nich mit 'ne  
Prinzessin, so möt sei bedenken, dat Prinzessinnen gor  
nich vorhanden sin kunnen, wenn dor kein Möller-  
knechts wiren, un dat up Fläg'<sup>5</sup> en Möllerknecht mihr  
wirth is, as 'ne Prinzessin, taum Bispill in desen  
Ogenblick för mi. Denn wenn ich den franzöischen  
Schaffür wedder gripen<sup>6</sup> will, so kann ich doch kein  
Prinzessin mit 'ne Kranelin<sup>7</sup> un pattistmußelinene  
Schauh<sup>8</sup> in desen Weg un Weder dörch dat Gützowsche  
Holt em nahschicken, dortau paht sich en Möllerknecht  
heter, un vör allen den Möller sin Fridrich.

---

1) Steifswester. 2) Öfen. 3) Fräulein. 4) Buch. 5) stellen-  
weise, unter Umständen. 6) greifen. 7) Krinoline. 8) Schuhe von  
Battist-Mouffelin.

„Dümurrjöh!“ säd Fridrich, as hei den Franzosen  
sin Fautspor<sup>1</sup> nahgung, „wenn de Franzos' tüschen<sup>2</sup> hir  
un Grippswold<sup>3</sup> tau finnen is, her fall hei!“

Fridrich spört<sup>4</sup> also den Schaffür dörch dat Stem-  
häger Babenholt un dörch dat Gützowsche Holt nah  
un kümmt so nah den Gützowschen Weg; äwer dor  
was't all, dor hadd 'ne Ul seten,<sup>5</sup> un Sporen wiren  
nich dor. Wir de Kirl linksch oder rechtsch gahn? —  
„Ne Eit lang stunn hei dor, as Matz Fots von  
Dresden;<sup>6</sup> bald würden em de Gedanken äwer smidig,<sup>7</sup>  
un hei säd tau sic: „Wir de Kirl nah Stemhagen  
taugahn, so müßt icf em dat doch tau'n puren Unver-  
stand anreken. Ne, de Räcker is nah Gützow gahn.“  
Un hei gung em nah.

In Gützow stunn Bur<sup>8</sup> Freier an sin Heck<sup>9</sup> un  
smet Stein, as en Hauftöppel<sup>10</sup> grot, in en Weglock,  
wat sei up Städten<sup>11</sup> in Meckelborg Wegbetern<sup>12</sup> nennen.  
„Gu'n Morn, Freier, heft hir nich vermorrn<sup>13</sup> en Fran-  
zosen lopen<sup>14</sup> seihn?“ fröggt Fridrich. — „En Fran-  
zosen?“ fröggt Freier. — „Ja,“ seggt Fridrich, „en  
franzöischen Schaffür.“ — „En Schaffür?“ fröggt<sup>15</sup>  
Freier. — „Ja, in 'ne gräune<sup>16</sup> Mondirung,“ seggt  
Fridrich. — „Tau Vird?“<sup>17</sup> fröggt Freier. — „Ne,  
tau Faut,“<sup>18</sup> seggt Fridrich. — „Wat fall dei?“<sup>19</sup>  
fröggt Freier. — „Wat hei fall?“ fröggt Fridrich.  
„Nids fall hei; icf wull blot man mit em reden.“ —  
„Wat heft Du mit en Franzosen tau reden?“ —

1) Fußspur. 2) zwischen. 3) Greifswald. 4) spört. 5) da hatte  
eine Eule gesessen (sprichwörtl.). 6) Matz = Matthias; verächtliche  
Bezeichnung einer Person als dummkopf oder weibisch; auch rathlos.  
7) geschmeidig. 8) Bauer. 9) Gatterthor. 10) Hufkops. 11) stellweise,  
hier und da. 12) Wegebewebern. 13) hente Morgen. 14) laufen. 15) fragt.  
16) gräune. 17) zu Pferde. 18) zu Fuß.

„Dümurrjöh!“ seggt Fridrich. „Wat heft Du Däf'-kopp<sup>1</sup> dornah tau fragen? Ich frag' jo blot, ob Du den Kirl seihn heft?“ — „In 'ne gräune Mondirung?“<sup>2</sup> fröggt Freier. — „Ja,“ seggt Fridrich. — „Mit en Schacto?“<sup>3</sup> fröggt Freier. — „Ne, in'n Horen.“<sup>4</sup> — „In'n Horen? Un denn hüt mornn<sup>5</sup> in den'n Regen?“<sup>6</sup> — „Ja, Du hürst jo!“ röppt Fridrich in Arger. „So antwurt doch, ob Du den Kirl seihn heft?“ — „Täuw<sup>7</sup> mall Hewwen wi hüt nich Dunnerdag?“<sup>8</sup> — „Ja,“ seggt Fridrich. — „Ne, hüt nich; äwer'n Mandag,“<sup>9</sup> seggt Freier, „dunn wiren hir fluggs weck;<sup>10</sup> äwer mit blage<sup>11</sup> Mondirung un denn tau Vird'; un hüt is min Zamel<sup>12</sup> mit Börspann nah Stemhagen.“<sup>13</sup> — „Freier,“ seggt Fridrich, „dat Börspann hadd'st Du nich nah Stemhagen schicken füllt, dat kannst Du fülwst beter bruken,<sup>14</sup> vör Allen, wenn Du Lüd' Antwort gewen fallst.“ — „Wo so?“<sup>15</sup> fröggt Freier. — „Un denn, Freier,“ seggt Fridrich, „denn weit ic̄ noch en gaud' Geschäft för Di, Du künntst Krewt<sup>16</sup> nah Berlin 'rup driwen,<sup>17</sup> en Kirl as Du, dei künmt dormit vörwarts.“ — „Wo meinst Du dat?“<sup>18</sup> fröggt Freier verdukt. — „Oh, ic̄ mein man,“ seggt Fridrich. — „Un nu gu'n Mornn, Freier. — Un wenn de Franzos' künmt, den'n ic̄ säuf, denn segg em, ic̄ hadd seggt,<sup>19</sup> Du hadd'st seggt, Din Großmoter hadd Di vertellst,<sup>20</sup> wenn hei säd, wat sei säd, füllst Du em seggen, hadd ic̄ seggt, hei füll nich Schapskopp<sup>21</sup> tau Di seggen. — Un nu

1) Schapskops. 2) in haaren, im blohen Kopfe. 3) heute Morgen.  
4) warte. 5) Donnerstag. 6) aber am Montag. 7) fluggs welche. 8) blaue.  
9) Samuel. 10) selbst besser brauchen. 11) Krebse. 12) treiben.  
13) gesagt. 14) erzählt. 15) Schapskops.

adjüs! Freier." — „Wat?"" seggt Freier un lädt  
em nah, as hei dat Dörp<sup>1</sup> entlang geiht un dreift en  
Stein von en Pundener dörtig<sup>2</sup> in de Hän'n 'rum,  
„wat? hei hadd seggt, ikh hadd seggt? — Wat? —  
Du hadd'st seggt, süll ikh seggen, hei süll nich Schaps-  
kopp tau mi seggen? Wat?"" Un hei nimmt den  
Stein un smitt<sup>3</sup> em mit aller Gewalt mang<sup>4</sup> de annern:  
„Entsamte<sup>5</sup> preußsche Spitzbauw! So makt hei dat  
ümmer.""

Fridrich geiht wider, oll Schult<sup>6</sup> Besserdich lädt  
äwer de Dör.<sup>7</sup> „Schult, hett hei vermorrn hir keinen  
Franzosen gahn sehn? — „En Franzosen?"" fröggt  
de Schult. „Na, dei Ort<sup>8</sup> is hir up Stunn's<sup>9</sup> grad'  
nich knapp; äwer hüt morrn, seggst Du?"" — „Na,  
nu fang hei of noch an tau fragen," seggt Fridrich.  
„Ik will Em leiwerst<sup>10</sup> de Geschicht vertellen,<sup>11</sup> dat  
ward schafflicher<sup>12</sup> wesen." — hei vertellte nu so —  
un so. „Un," slot hei sin Ned', „her möt hei!" —  
„Dat möt hei, Fridrich,"" seggt de Schult. „Un  
ik will mit Di gahn, denn ikh bün jo nu doch einmal  
dortau set't,<sup>13</sup> un uns' Herr Amtshauptmann säd noch  
nilich<sup>14</sup> tau mi: „Schult," säd hei, „up Em beruht dat  
Ganze in Gützow," un gaww mi en Bagen Poppir<sup>15</sup>  
un säd: „Desse Sak is pressant." Na, ikh let mi dat  
von den Landrider<sup>16</sup> vörlesen, un as hei dat farig<sup>17</sup>  
hadd, säd hei: „Schult, de Sak hett äwerst Gl."<sup>18</sup> —  
„Ne,"" segg ikh, „dat weit ikh beter, de Herr Amts-

1) Dorf. 2) von etwa 30 Pfund. 3) schmeißt. 4) zwischen.  
5) infamer. 6) der alte Schulze, Schultheiß. 7) über die (untere Hälfte  
der zweitheiiligen) Thür. 8) Art, Sorte. 9) zur Stunde, jetzt. 10) lieber.  
11) erzählten. 12) wirkamer, zweidienlicher. 13) dazu gesetzt. 14) neulich.  
15) Bogen Papier. 16) Landreiter, Gerichtsdienner für das Domänen-Amts-  
Gebiet. 17) fertig. 18) hat aber Eile.

hauptmann hett mi seggt, de Sak is pressant, un wenn  
hei dat vördem<sup>1</sup> seggt hett, denn heuw ic ümmer noch  
gaud vir Wochen täwt<sup>2</sup> un bün ümmer noch tau  
rechter Eid kamen. Un so kann't of ditmal. Äwer  
Fridrich, Din Sak is nich pressant, dei hett Zl; ic  
will mi man noch minen Haut halen,<sup>3</sup> un denn kann't  
los gahn."<sup>4</sup>

Dat geschach, un sei gungen. As sei ut dat  
Dörp kemen, seggt de Schult: „Fridrich, min Hanne<sup>4</sup>  
— Du kennst jo den Zungen, hei 's nu in't föß-  
teihnst,<sup>5</sup> un ic dacht, ic wull em noch so'n Zohr för  
Bull 'rümmer gahn laten<sup>6</sup> — dei hött<sup>7</sup> hir de Schap<sup>8</sup>  
up den Roggen — denn, fühst<sup>9</sup> Du, ic dacht of so,  
dat Fauder<sup>10</sup> is di knapp, un in dese Zohrstid ver-  
pedden sei fid<sup>11</sup> all 'ne Mahltid up den Fell'n,<sup>12</sup> un  
so jog ic sei denn 'rut — füh, de Zung' kann mög-  
lich<sup>13</sup> den Kirl seihn hewwen.“ Sei fragen nu Hannen,  
un de Zung' hett den Kirl richtig seihn; hei 's nah  
Pinnow hentau gahn.<sup>14</sup> In Pinnow gahn sei bi den  
Schaulmeister vör<sup>15</sup> un fragen, wat<sup>16</sup> hei kein Franzosen  
seihn hadd.

De Schaulmeister heit ,Sparling<sup>17</sup>; sei nennten em  
äwer ümmer ,Baulfink<sup>18</sup>;<sup>17</sup> wed<sup>18</sup> sädien, wil hei so  
schön singen kunn, wed, wil hei ümmer Hans vör  
allen Hägen<sup>19</sup> was un mit Gedwereinen finen Putzen  
drew.<sup>20</sup> De oll Schult let fid nu of richtig von den

1) ehebem, früher. 2) gewartet. 3) Hut holen. 4) Johann. 5) im  
sechzehnten (Jahr). 6) als Bolle, d. h. als Ueberzähligen mitgehen  
lassen, ohne besondere Anstellung. 7) hütet. 8) Schafe. 9) sieht.  
10) Futter. 11) vertreten d. h. suchen sie sich im Herumgehen. 12) auf  
dem Felde. 13) möglicherweise. 14) hinzu gegangen. 15) gehen Sie beim  
Schaulmeister vor. 16) ob. 17) Buchfink. 18) welche — welche = die  
einen — die andern. 19) etwa: Hans in allen Gassen, Iemand, der sich  
vorlaut in Alles hineinmischt. 20) Bossen trieb.

Bauksink an de Näs' 'rümmer ledden;<sup>1</sup> äwer Fridrich  
sach<sup>2</sup> bald, wo't fuchten wir,<sup>3</sup> un as hei wohr<sup>4</sup> würd',  
dat de Bauksink sin Fru tauplinken ded,<sup>5</sup> dat sei mit  
em in ein Kärw hau'n<sup>6</sup> füll, dacht hei: Täuw,<sup>7</sup> dit  
fall Di begrismulen!<sup>8</sup> stunn up un säd: hei woll sic  
up sin Pip 'ne Käl ut de Käf halen.<sup>9</sup>

De Bauksink red't denn nu den ollen Schulten  
allerlei verfluchte Alten vör,<sup>10</sup> un wenn de Schult tau  
Wurd kamm un frog: wat<sup>11</sup> hei den Franzosen nich  
seihn hadd, denn säd de Bauksink: Ne, un sin Fru säd  
ok: Ne. — As sei nu den ollen Schulten so brüd'ten,<sup>12</sup>  
kamm Fridrich wedder 'rin un säd: „Fru,<sup>13</sup> in Ehren  
Wim<sup>14</sup> is woll wat passirt, denn de ein Staken<sup>15</sup> mit  
de Wurst<sup>16</sup> liggt an de Frd.“<sup>17</sup> — De Fru springt nu  
'ruter un kümmt mit den Staken wedder 'rinner un  
röppt:<sup>18</sup> „Süh so! Dat hewwen wi dorvon, de ver-  
fluchte Kirl hett uns 'ne Wurst namen.“<sup>19</sup> — „Wat  
för en Kirl?“<sup>20</sup> fröggt Fridrich. — „De Franzosenkirl,  
wonah Zi fragt.“ — „Na, also is hei doch hir west,“<sup>21</sup>  
seggt Fridrich. — „Wat woll hei nich! Un Sparling  
hett em noch en Snaps un Bodderbrod gewen,<sup>20</sup> un  
hett em den Weg nah Demzin wiſt.“<sup>21</sup> — „Na,  
denn adjüs!“<sup>22</sup> seggt Fridrich. „Schult, kummi<sup>22</sup> hei!  
Wider woll'n wi jo nicks weiten.“<sup>23</sup>

---

1) leitzen, führen. 2) sah. 3) eigentl.: wie es (der Hieb) gefochten,  
d. h. wie es gemeint war. 4) gewahr. 5) zußlinzte, einen Wink mit  
den Augen gab. 6) mit ihm auch in eine Kerbe hauen, d. h. es ebenso  
machen, ihn unterstützen (wie beim Fällen eines Baumes). 7) warte.  
8) aufführen. 9) auf seine Pfeife eine Kohle aus der Küche holen.  
10) d. h. er legt ihm die Haut voll. 11) ob. 12) foppten. 13) Frau.  
14) Wiem, zusammengeschlagene Latten zum Aufhängen des Rauchfleisches  
und der Wurst. 15) Stange, Latte. 16) Wurst. 17) Erde. 18) rust.  
19) genommen, gestohlen. 20) Schnaps und Butterbrod gegeben. 21) ge-  
wiesen, gezeigt. 22) komme. 23) wissen.

„Schult!“ seggt Fridrich, as sei'n En'n von  
Pinnow un den Baußink af sünd, „Hei is doch 'ne  
Ort Gerichtsperson un möt dat weiten, wat steiht  
eigentlich up 'ne Wust för 'ne Straf?“ — „Se,  
Fridrich,“ seggt de Schult, „mit Wust bün ic̄ in  
dei Ort<sup>1</sup> nich bewandt;<sup>2</sup> wat up 'ne Specksid'<sup>3</sup> steiht,  
dat weit ic̄ woll, denn as mi de oll lahm Schauſter<sup>4</sup>  
dunn<sup>5</sup> ein ut den Rok<sup>6</sup> namen hadd, let em de Herr  
Amtshauptmann virteihn Dag sitten,<sup>7</sup> un dortau kreg  
hei en Stückener twölf in de Fack.“<sup>8</sup> — „Dat wir  
just nich gefährlich,“ seggt Fridrich, „denn wenn Einer  
dornah berekent,<sup>9</sup> wovel up 'ne Wust kümmt, denn is't  
blitzwenig.“ — „Wo<sup>10</sup> so?“ — „Na, Schult, segg  
Hei mal, wenn Hei säben Swin inslachten deiht,<sup>11</sup> wo  
vel Speckiden kriggt Hei denn?“ — „Virteihn,“<sup>12</sup>  
seggt de Schult. — „Dat is nich wohr,“ seggt Fridrich,  
„Hei kriggt man drütteihn;<sup>13</sup> ein kümmt in de Wust.“  
„Dor hest Du Recht!“ seggt de Schult. — „Un wo  
vel Wust makt Sin Fru denn nu woll von säben  
Swin? Doch woll en Stückener dörtig,<sup>14</sup> also kemen  
dörtig Wust up 'ne Specksid', un up ein Wust kem  
also, in'n pohlschen Bogen berekent,<sup>15</sup> höchstens en  
halwen Dag un en halwen Slag, un dat estimir ic̄  
för'n richtig un en gnädig<sup>16</sup> Gericht, un Hei kann mi  
glik hir up frische Daht den halwen Slag in't Gnic<sup>17</sup>  
gewen, un den halwen Dag will'c den negsten Sünn-  
dagnahmiddag in Sinen Hui' achter'n Aben<sup>18</sup> assitten,

1) in der Art, d. h. Beziehung. 2) erfahren. 3) Speckseite.  
4) Schuster. 5) damals. 6) Rauch. 7) (im Arrest) sitzen. 8) etwa  
zwölf Stück (Hiebe) in die Facke, auf den Buckel. 9) berechnet. 10) wie.  
11) sieben Schweine einschlachtet. 12) dreizehn. 13) etwa dreißig Stück.  
14) im polnischen Bogen, d. h. ungefähr, in Bausch und Bogen berechnet.  
15) gnädig. 16) Genick. 17) hinterm Ofen.

denn ik hei hir! Ick heww den Baukinst de Wust  
namen." — „Wo, Di plagt jo woll de Düwel?"<sup>1</sup> seggt  
de Schult. — „Dei nich, äwer de Hunger," seggt  
Fridrich, un treckt de Wust ut de Tasch un snitt en  
En'n af. „Schult, hir! De Wust is gaud, dei kann  
Ein ahn<sup>2</sup> Brod eten." — „Ne,"<sup>3</sup> seggt de Schult,  
„mit stahlen Wohr<sup>4</sup> will ic nicks tau dauhn hewwen."<sup>5</sup>  
— „Wo so, stahlen?" fröggt Fridrich. „Dit is 'ne  
Furagirung, as wi bi'n Herzog von Brunswik  
säden, oder en Mundrow,<sup>6</sup> as Zi seggt. Un, Schult,  
hei's doch gewiß ok oft in den Preister sin Appel  
stegen?"<sup>7</sup> — „Weit de Düwel, wat Du hüt hest?  
ja, dat hün ik, as ik en unverstännigen Jung' was,  
äwer nu heww ik grot Kinner, un fall ehr mit en  
Bispill<sup>8</sup> vörangahn."<sup>9</sup> — „Wohr is't," seggt Fridrich,  
„un wat sic für Einen schickt, dat schickt sic nich für  
den Annern. — Schult," seggt hei nah 'ne Wil, „wo  
olt<sup>10</sup> is Sin Filen?" — „Ja,"<sup>11</sup> seggt de Schult, un  
sin Ogen fungen an tau lüchten,<sup>12</sup> „Fridrich, dei Dirn,  
ik segg Di, dei Dirn. Olt is sei nich, sei ward ißt  
achtiehn,<sup>13</sup> äwer ik segg Di, Klauk<sup>14</sup> is sei, as 'ne  
Zimm."<sup>15</sup> — „Dat weit ik," seggt Fridrich, „ik heww  
noch gestern Abend up den Stenhäger Sloß bi ehr  
seten, un ik kann woll seggen, sei hett mi so gaud  
gefollen, dat ik in'n Stan'n wir, ehr tau Gefallen mi  
tau verändern." — „Na, hür mal, Du geihst gaud!"<sup>16</sup>  
seggt de Schult, un lickt Fridrichen von haben bet  
un'n<sup>17</sup> an. — „Ja," seggt Fridrich, „un ik dacht, för

1) Teufel. 2) man ohne. 3) gestohlene Waare. 4) Mundraub.  
5) in des Priesters Appel gestiegen. 6) Beispiel. 7) wie alt. 8) leuchten.  
9) achtzehn. 10) Flug. 11) Biene. 12) Du gehst gut, Du bildest Dir  
schöne Dinge ein. 13) von oben bis unten.

Sinen Frißen fin'nt sick woll wat Unners, un hei ward  
all olt, un wenn hei sick denn so up't Ollendeil gew,<sup>1</sup>  
denn künne hei uns de Hauw<sup>2</sup> gewen, denn hadd Fiken  
un icke 'ne schöne Brodstäd,<sup>3</sup> un hei künne vel Freud'  
an uns erlewen." — „Gott soll mi bewohren!" "seggt de Schult, „Du meinst dat doch nich in Frust?" "  
— „Worüm nich?" seggt Friedrich, un rich't sick in'n  
En'n.<sup>4</sup> „Seih icke as en Spaß ut?" — „Wat!" "  
röhpt<sup>5</sup> de oll Schult un geiht up em los, „so'n ollen  
Snurrer,<sup>6</sup> as Du büsst, dei wull 'ne Schultendochter  
frigen?<sup>7</sup> Min Dochter! 'ne jung' Dirn von achtzehn  
Jahr?" "  
— „Schult," seggt Friedrich, „seih hei tau  
Sinen Würden!<sup>8</sup> — Olt, seggt hei? Kik hei mi an,  
icke bün in minen besten Jahren, twischen twintig un  
föftig.<sup>9</sup> — Snurrer, seggt hei? Ick heww em noch  
üm kein Pip Toback beden.<sup>10</sup> Awer wahr ist', Sin  
Fiken is in'n Ganzen jünger as icke; doch dor mak<sup>11</sup> icke  
mi nids ut, icke nem sei doch, denn sei is Rauf un  
weit<sup>12</sup>, dat so'n Kirl, as icke, dei de Welt seihn hett,  
mehr gelt, as so'n Burjung' mit en dicken, roden Kopp  
un Flaschor,<sup>13</sup> dei en Diner makt as en Klappmeß<sup>14</sup>  
un de Lüd' in de Stuw spuckt." — „Hest Du mi  
de Dirn all Rupen<sup>15</sup> in den Kopp set't?" "  
schriggt<sup>16</sup> de oll Schult un hört<sup>17</sup> den Stock gegen em up.  
— „Holt, Schult!" seggt Friedrich. „Den Stock bi Sid!  
Wat würden de Lüd' seggen, wenn dat heit, icke hadd  
mi mit minen Swigervader all vör de Hochtid up de  
Landstrat slagen." — De Schult let den Stock fallen.

1) auf's Altentheil, Ausgedinge gäbe. 2) Huße, Bauerhof. 3) Brod-  
stelle. 4) richtet sich auf. 5) ruft. 6) Schnurrant, Bettler. 7) freien.  
8) auf Seine Worte. 9) zwischen 20 und 50. 10) gebeten, angesprochen.  
11) mache. 12) weiß. 13) Flaschaare. 14) Klapp-, Einschlagemesser.  
15) Raupen, Grillen. 16) schreit. 17) hebt.

— „Schult,” seggt Fridrich, „ich bün woll in’n Stan’n, so’n Baukinst ’ne Wüst tau stizen,<sup>1</sup> äwer meindag’ nich dortau, so’n lüttes, junges Blaud<sup>2</sup> üm ehr Glück tau bedreigen;<sup>3</sup> ich heww Sin Filen kein Stupen in den Kopp set’t.“ — De oll Schult lef em so von de Sid’ an, as wull hei seggen: Di mag de Düwel trugen!<sup>4</sup> säd äwer nicks. Sei gungen nu wider, äwer dat Gi was intwei.<sup>5</sup>

As sei nah Demzin ’ran kamen, steiht dor en jungen Schriwer,<sup>6</sup> un Fridrich geiht nah em ’ran: „Üm Vergewung, hewwen Sei hir keinen Franzosen seihn?“ un so, un so. De jung Minsch seggt: ja; vör ‘ne lütte Stun’n wir em so’n Kirl vörbi gahn. Sei gahn dörch’t Dörp, un up’t anner En’n hett ok ‘ne olle Fru den Schaffür seihn. „Nu hewwen wi em bald，“ seggt Fridrich. Äwer as sei en beten wider hen up den Fell’n<sup>7</sup> en ollen Mann drapen,<sup>8</sup> dei Widen<sup>9</sup> an den Weg kröpft,<sup>10</sup> will dei von keinen Franzosen wat weiten un seggt: hir wir de Kirl förre Klock fös<sup>11</sup> des Morgens nich vörbi kamen.

Wat nu? Den Weg wedder nahgahn? Dat wir ‘ne richtige Willgaus’jagd<sup>12</sup> worden. Ut den Dörp was äwer de Kirl ’ruter gahn; wo was hei blewen? De Schult kräkt sic<sup>k</sup> den Kopp, Fridrich lef sic<sup>k</sup> allentwegen üm un besach sic<sup>k</sup> de Gelegenheit: endlich säd hei: „Schult, wider kän wi nich gahn; hir is de Spur<sup>13</sup> tau En’n: will’n uns also de Sak äwerleggen;<sup>14</sup> hir

1) stibzien, mausein. 2) Blut. 3) betrügen. 4) trauen. 5) das Gi war entzwei, d. h. das gute Einvernehmen war gestört. 6) Schreiber, Wirthschafter. 7) auf dem Felde. 8) treffen. 9) Weiden. 10) Weiden kröpft, die Baumkrone, die Zweige abhauet. 11) seit 6 Uhr. 12) Jagd auf wilde Gänse. 13) Spur. 14) überlegen.

pust't<sup>1</sup> dat äwer hellschen kolt äwer de Rüm'<sup>2</sup>, will'n uns dor achter den Backaben setten."<sup>3</sup> — Ma, sei dauhn dat. „Wat ic̄ für en Narr<sup>4</sup> bün,"<sup>5</sup> seggt de Schult, „hir in jo'n Weg un Weder achtern Franzosen hertaulopen!"<sup>6</sup> — „Swigervader, lat hei den Franzosen," seggt Friedrich, „den'n kriegen wi ümmer noch." — „Fangst Du mi all wedder an mit Dinen ,Swigervader', Du preußsche Spizbauw?"<sup>7</sup> — „Schult, wat hei nich is, kann hei jo noch warden. Ic̄ heww vel Lüd' kennt, dei hewwen för desen Namen ehr Döchter un denn noch vel Geld gewen." — „Denn hewwen s' ok̄ anner Swigersähns dorför kregen, as Du büsst."<sup>8</sup> — „Kil hei mi mal an, Schult," seggt Friedrich, un stellt sich vör den Schulten steidel tau Höch<sup>9</sup>, „en Advokat<sup>10</sup> bün ic̄ nich un en Dokter ok̄ nich; äwer ic̄ heww gesunne Knaken, un kil hei min Hand an, dei kann von Arbeit mitreden. Un wenn hei Sin eigen Ogen nich trugt,<sup>11</sup> denn kann hei jo minen Möller fragen." — „Se, weitst,<sup>12</sup> wat dei seggt? Dei seggt, Du wirst woll en tüchtigen<sup>13</sup> Kirl un verflünnt ok̄ 'ne Sak antaufaten;<sup>14</sup> äwer Du haddst Redensorten an Di, unnütze Redensorten, mit dei Keiner en Hund achter'n Aben<sup>15</sup> 'rut locken kunn."<sup>16</sup> — „Dat ic̄ dat kann, dat will ic̄ Em nahsten<sup>17</sup> bewisen. Äwer nu, Schult: will hei mi Sin Fifen gewen?" — „Dunnerwetter!"<sup>18</sup> seggt de Schult, „ic̄ dacht iſt, dat sull Spaß sin, un nu glöw<sup>19</sup> ic̄, Du Racker willst hir Ernst bruken."<sup>20</sup> — „Schult, seggt Friedrich, „mit

1) pustet, bläst. 2) höllisch, sehr kalt über die Räume, d. h. über das freie Feld. 3) dort hinter den Backofen setzen. 4) Narr. 5) steil aufgerichtet. 6) Advocat. 7) trauet. 8) weitst (Du). 9) tüchtig. 10) anzufassen. 11) hinter'm Ofen. 12) nachher. 13) glaube. 14) Ernst gebrauchen, machen.

de Hauw un dat Ollendeil,<sup>1</sup> dat was Spaz; denn  
Ein Frix möt de Hauw hewwen, un hei brukt noch  
nich up't Ollendeil; äwer mit Sin Fiken, dat is Ernst;  
un 'ne Hauw krig icf sacht."<sup>2</sup> — „Du Prahlhans!"<sup>3</sup>  
seggt de Schult. „Süh,"<sup>4</sup> dit is so 'ne Redensort,  
as icf seggt heww, mit dei Du keinen Hund ut den  
Aben loest."<sup>5</sup> — „Dat will 'cf em wisen!"<sup>6</sup> röppt  
Fridrich. — „Dickdauher!"<sup>7</sup> seggt de Schult un  
steiht up. „Icf gah nah Hus, un Du gah nah'n  
Hun'ledden"<sup>8</sup> oder grip<sup>9</sup> Di Dinen Franzosen."<sup>10</sup> —  
„Den'n heww icf," seggt Fridrich. — „Prahlhans!"<sup>11</sup>  
röppt de Schult. — „Schult," seggt Fridrich, „wenn  
in drei Minuten de Franzos' vör Emi steiht, un icf  
mit min Redensorten en Hund ut den Aben lock, will  
hei mi denn Sin Fiken gewen?" un höllt em de  
Hand hen, „denn slag hei in!" — „Du Lägen-  
balg!"<sup>12</sup> röppt de Schult, „blot üm Di mit de Näß'  
dorup tau stöten,"<sup>13</sup> dat Du en Prahlhans büst. — Ja!"<sup>14</sup>  
un hei steiht in.

Fridrich griffslacht<sup>10</sup> so'n beten vör sich hen, büdt  
sich dal tau dat Backabenlock:<sup>11</sup> „Mossiöh, allong! ihi!  
— Allong! ihi!" Un wat krüpp<sup>12</sup> taum Vörschin?  
De französche Schaffür. — „Gott's ein Dunner . . .!"<sup>14</sup>  
röppt de Schult. — „Pardong! Mossiöh!" röppt de  
Franzos'. — „Schult, wer hett de Wedd wunnen?"<sup>15</sup>  
fröggt Fridrich. „Hir is de Franzos', un hir is ok  
de Hund! Wer kriggt nu Sin Fiken?"<sup>16</sup> — „Preuß'-  
sche Hallunk!" röppt de Schult un hört wedder den

1) Bauerhuse und Altentheil, Ausgedinge. 2) wohl. 3) siehe.  
4) weisen, beweisen. 5) Dickhuer, Prahler. 6) Hundeleiten. 7) greife.  
8) Lägenbalg. 9) darauf zu stoßen. 10) lacht spöttisch. 11) Backofenloch.  
12) kriecht. 13) die Wette gewonnen.

Stock in de Höch<sup>1</sup>, „Du willst mi hir taum Besten  
hewwen? Du, min Fiken! Leiwerst<sup>2</sup> will ic̄ jo  
doch . . .“ — „Schult,<sup>3</sup>“ seggt Fridrich, „legg  
hei den Stock bi Sid<sup>4</sup>, de Franzos’ ängst’<sup>5</sup> sic̄. Kam  
hei leiwerst her, un help hei mi bi dat Arretirungs-  
geschäft; äwer de Wedd reden wi nahsten.“<sup>6</sup> — „Par-  
dong!<sup>7</sup>“ röppt de Franzos’ dormang.<sup>8</sup> — „Wat hir,  
wat dor! Pardong!<sup>9</sup>“ röppt Fridrich. „Wat löppst<sup>10</sup>  
Du mi unner de Bäuk<sup>11</sup> furt, wo ic̄ Di henleggt  
hadd? Ditzmal will ic̄ Di mal nah min Ort<sup>12</sup> tra-  
tiren, Mainsell Westphalen is hir nich begäng“,<sup>13</sup> un  
un dormit suitt<sup>14</sup> hei em de Knöp von de Kledasch<sup>15</sup>  
af: „Un nu allong! avang!“<sup>16</sup> Un so geiht dat  
denn nu vörwärts dörch Demzin nah Pinnow hentau.<sup>17</sup>

De oll Schult geiht in den dullen<sup>18</sup> Regen still  
biher<sup>19</sup> un argert sic̄, am meisten äwer sic̄ sülwst,  
un wenn hei de Schuld up Fridrichen schuwen<sup>20</sup> will,  
denn möt hei ümmer tau sic̄ seggen: „En Hallunk is  
hei; äwer en verdeuwelten Kirl is hei doch! Von wat  
hei dat woll wüft, dat de Franzos’ in den Backaben  
satt?<sup>21</sup> Un denn dit mit dat Knöpaffniden! Na, dit  
Stück will ic̄ mi marken!<sup>22</sup>

As sei gegen Gützow kamen, seggt Fridrich:  
„Schult, wer Deuwel kümmt dor dwars äwer Zug  
Strekking<sup>23</sup> tau jagen? Wat hett dei dor tau jagen?  
Den Regen jöggt<sup>24</sup> hei doch nich ut den Weg.“<sup>25</sup>  
— „Wo Dunner!<sup>26</sup>“ seggt de Schult, „dat is jo den  
Inspecter Nicolai’n sin Brun,<sup>27</sup> un dei dorup sitt,

1) hebt wieder den Stock auf. 2) lieber. 3) ängstigt. 4) nächher.  
5) dazwischen. 6) läuft. 7) Buche. 8) Art, Methode. 9) zugegen.  
10) schneidet. 11) die Knöpfe vom Zeuge. 12) hinzu. 13) toll, arg.  
14) bei-, nebenher. 15) schieben. 16) faß. 17) merken. 18) quer über  
Euren (flach) gepflügten Acker. 19) jagt. 20) Brauner (Pferd).

is jo woll gor de Stemhäger Burmeister?" — Un  
so was't.

Min Vader kamm 'ran, un as hei den Franzosen sach un Fridrichen, säd hei, nu süll sich de Sal  
woll schicken. „Äwer," sei't hei hentau, „Schult, nu  
nah Sinen Hus'! denn mi stirt de Seel in minen  
Liw, un dörchnäkt<sup>1</sup> bün 'd bet up de Knaaken."<sup>2</sup> —  
„Dat segg ic man, Herr, un wi sünd ok schön  
dörchbükt."<sup>3</sup>

As sei in den Schultenhüs' ankamen wiren, halt  
de Schultenfrau allerlei äwerleidiges Tüg<sup>4</sup> taum Bör-  
schin, doch langt dat man knapp, denn de flimmen  
Tiden spelten ok in den Schulten sin Kleiderkamer<sup>5</sup>  
stark ehren schwernäckischen Zwicke,<sup>6</sup> un Jeder dankte  
Gott, wenn hei man wat fünn,<sup>7</sup> wat em hallweg<sup>8</sup>  
tau Paß fatt. De oll Schult kunn kein anner Hüsing<sup>9</sup>  
finnen, as in sin eigen Büx;<sup>10</sup> Fridrich stek ganz  
statsch in Frizen sinen Gottsdishroc<sup>11</sup> un min Vader,  
as de lüttst,<sup>12</sup> müßt sich mit Hannern sin Fort Zad<sup>13</sup>  
begnügen, wat natürlich de Schult nich wull un vel  
Kumpelmenten<sup>14</sup> doräwer makt; äwer wenn Einer ut  
'ne Verbreitlichkeit<sup>15</sup> in Säkerheit<sup>16</sup> un ut en Regen in'n  
Drögen<sup>17</sup> kamen is, denn stellt sich de Lustigkeit licht in,  
un min Vader lacht äwer sinen Uptog,<sup>18</sup> dat em de  
Ogen thranten. — „Leiwer Gott," säd hei mit einmal  
un würd' sihr irnsthaft, „wi lachen hir, un unner uns  
sitt en Minschenkind, dat schüdd't<sup>19</sup> nich de Frost allein,

1) durchgenäht. 2) Knochen. 3) durchgeweicht (wie die Wäsche in der Bäuche = Lauge). 4) überzähliges Zeug. 5) Kleiderkammer.  
6) trieben — ihr schwernäckisches Wesen. 7) fand. 8) halbwegs.  
9) eigentl. Behausung, Unterkommen. 10) Hose. 11) Gottesstisch-, Altar-,  
Abendmahlshroc. 12) Kleinst. 13) Johann's kurze Jacke. 14) Compli-  
mente, höfliche Redensarten. 15) Verbreitlichkeit. 16) Sicherheit. 17) in's  
Trockene. 18) Aufzug, äußere Erscheinung. 19) schüttelt.

dat schüdd't of de Angst, un wi süll'n em taum  
wenigsten dat tau Gauden dauhn,<sup>1</sup> wat wi können.  
Fru,<sup>2</sup> Sei möt of den Franzosen mit wat unner de  
Arm gripen.<sup>3</sup> — Dat gung denn nu man swac<sup>4</sup> un  
as Allens vernutzt was, wat sic<sup>5</sup> sichtens<sup>6</sup> dortau schicken  
ded, müht doch oll Schulennudder<sup>7</sup> ehr gaschen Rock<sup>7</sup>  
dat grösste Rock taustoppen.<sup>8</sup>

„Brauder, ett<sup>9</sup> düchtig!“ säd Fridrich, as sei üm  
de vulle Dracht<sup>10</sup> von Vesperbrod 'rum seten, un  
schow<sup>11</sup> den Franzosen so'n Stück Pökfleisch von en  
Pundener drei<sup>12</sup> hen. „Ett, Brauder! So lang' de  
Minsch ett,<sup>13</sup> so lang' lewt hei noch.“ — Un minen  
Vader würd<sup>14</sup> de Kirl jammern, un hei red't en por  
Würd' französch mit em in en trößlichen Ton, un de  
arme Sünner<sup>15</sup> antwurt' so leidig<sup>16</sup> un de- un weh-  
mäudig, dat dat den ollen Schulten, ob schonst hei nids  
dorvon verfunn, doch an't Hart grep,<sup>17</sup> un hei sic<sup>18</sup> an  
minen Vader 'ranner bögt:<sup>18</sup> „Herr Burmeister, will'n  
den Kirl wedder lopen laten.“<sup>19</sup> — Ne, säd min  
Oll, so güng de Sak denn doch nich. De Möller  
un de Bäcker seten in grote Nod un hadden 'ne  
gerechte Sak, un de Franzos' set of in Nod, hadd  
äwer 'ne ungerechte Sak, un't Recht müht dörch de  
Welt gähn.

Dunn kümmt den Schulten sin Fritz mit de  
Mähren up den Hof tau ride<sup>20</sup> un kümmt in de Dör:

1) zu Gute thun. 2) Frau, Anrede der Hausfrau. 3) mit etwas  
unter die Arme greifen, zu Hülfe kommen. 4) schwach. 5) irgend.  
6) d. h. Frau des Schulzen. 7) Rock von einer Art dickem Wollen-  
zeugen (Gaschen). 8) austopfen. 9) Bruder, is. 10) Tracht, d. h. was  
aufgetragen war. 11) schob. 12) von etwa drei Pfund. 13) ist.  
14) d. h. fing an zu — jammern. 15) Sünder. 16) traurig, trüglich.  
17) ans Herz griff, zu Herzen ging. 18) bog. 19) wieder laufen lassen.  
20) geritten.

„Gu'n Abend, Vader! Ich bün de Franzosen utritscht,<sup>1</sup>  
un giwwt sinen Ollen de Hand un geiht nah minen  
Vader 'ran, dei em den Rüggen tauftihrt,<sup>2</sup> un giwwt  
em en recht nüdlichen Denkzettel in't Gnick:<sup>3</sup> „Gu'n  
Abend, Hanne! Kannst Dinen Brauder de Dagstid  
nich beiden?<sup>4</sup> — Min Vader fohrt in En'n<sup>5</sup> un  
dreicht sic üm, un Fritz steiht nu dor, as Lotten sin  
Wiw.<sup>6</sup> — „Gott soll mi bewöhren!<sup>7</sup> röppt de Schult.  
„Kümmt hir 'rin un fleiht mi den Stenhäger Bur-  
meister in minen eigen Hus!<sup>8</sup> Un de Slüngel will  
mal Schult warden! — „Lat em!<sup>9</sup>“<sup>10</sup> seggt min Oll.  
„Dorför soll hei äwer hüt Abend noch nich tau-  
Rauh,<sup>11</sup> hei soll uns hüt Abend noch ill nah Sten-  
hagen führen.“<sup>12</sup> — „Dörch de ganze Welt, Herr  
Burmeister,<sup>13</sup> seggt Fritz. — „Wat kümmtst Du äwerst  
so lat<sup>9</sup> an't Hus?<sup>14</sup>“ fröggt de Schult. — „Ze, Vader,  
ich dacht so, wenn s' di kriegen, ward de Sak slimm,  
un dorüm treckt<sup>10</sup> ich de Mähren in'n Holt<sup>11</sup> un stellt  
mi up de Lur<sup>12</sup> un null täuwen,<sup>13</sup> het't<sup>14</sup> Abend würd';  
un as ich so stunn, dunn kamm de Stadtdeiner Luth  
antaugahn un dei säd, de Franzos' wir lang' weg, un  
de Herr Burmeister wir de Franzosen ok utritscht, un  
hei söcht<sup>15</sup> em.“ — „Wo's hei denn blewen?<sup>16</sup>“<sup>17</sup>  
fröggt min Oll. — „Hei ward glik kamen,<sup>18</sup>“ seggt Fritz,  
„hei frog man noch bi den Schaulmeister<sup>16</sup> vör.“

Un Luth kamm denn nu ok mitdewil,<sup>17</sup> un as hei  
nah minen Vader frog, un em dei in de forte Zact  
vör Ogen kammi, was't vörbi mit sine ganze Utrich-

1) ausgerissen. 2) zuführt. 3) Genick. 4) die Lageszeit bieten,  
begrüßen. 5) fährt in die Höhe. 6) Lot's Weib. 7) lasse ihn. 8) zu  
Ruhe. 9) spät. 10) zog. 11) Holz, Gebölk. 12) Lauer. 13) warten,  
14) bis es. 15) suchte, conj. 16) Schulmeister. 17) mittlerweile.

tung,<sup>1</sup> hei verget<sup>2</sup> Allens, wat hei seggen sull un wull, un fung' ludhalf<sup>3</sup> an tau lachen, un min Oll argert sic<sup>d</sup>, denn hei dacht nich mihr an sinen Uptog, sondern an min Mudding un an't Hus, un kreg den Stadtdeiner bi den Kragen: „Luth, is hei unklauf<sup>4</sup> worden? Wat makt min Fru un min Kinner?“ — „Prächtig tau Weg', Herr Burmeister! Hahaha! — Un de Herr Amtshauptmann lest de Fru Burmeistern wat ut de Bäcker<sup>5</sup> vör, un Mansell Westphalen proppt<sup>6</sup> Frizen mit Appel<sup>7</sup> un Kringel; äwer — Hahaha! — nemen S' t nich äwel, ic<sup>t</sup> möt lachen.“ — Un Friedrich fung ok an tau lachen un de oll Schult ok, un Friz; un Schultenmudder säd: De Herr Burmeister seg doch heil<sup>8</sup> spaßig ut. — Minen Ollen was dat Hart<sup>9</sup> nu licht worden, un hei lacht von Harten mit. „Luth, lach hei düchtig,“ säd hei, „äwer lach hei fix tau! denn för Em herw ic<sup>t</sup> wat Elices<sup>10</sup> tau dauhn. — Rich wohr, de Franzosen herwen den Mantelsack mit dat Geld un dat Sülwertüg<sup>11</sup> mitnamen?“ — „Ja, Herr. Ich herw<sup>t</sup> seihn, as sei't furt dragen deden.“<sup>12</sup> — „Denn spaud<sup>13</sup> hei sic<sup>d</sup>. In den Stall steiht den Inspektor Nicolai'n sin Brun, den'n nimmt hei un jögg<sup>14</sup> all wat hei kann, nah Kittendörp<sup>15</sup> nah den Herrn Landrath von Ürzen<sup>16</sup> — denn von dorher sünd gestern de Schaffürs kamen, un dor warden ok woll de Läpel herstammen — un denn vertellt<sup>17</sup> hei den Herrn Landrath, wo't<sup>18</sup> uns in Stemhagen gahn is, un bidd<sup>t</sup> em, hei sull Em en säkern<sup>19</sup> Min-

1) Ausrichtung (des Auftrages). 2) vergaß. 3) aus vollem Halse.  
4) unklaug. 5) Bücher. 6) propft, stopft (voll). 7) Klepfel. 8) sahe doch sehr.  
9) Herz. 10) etwas Eiliges. 11) Silberzeug. 12) forttrugen. 13) spute.  
14) jagt. 15) Kittendorf. 16) von Derzen. 17) erzählt. 18) wie es.  
19) sicher, zuverlässig.

ſchen, dei up de Läpel ſwören kann, mitgewen. Up ſo'ne Wif' kunn hei mögliche<sup>1</sup> ſin Eigendaum wedder kriegen. — Un nu furt mit Em! Un Du Fritz ſpann ſiring<sup>2</sup> an!"

Wohrt<sup>3</sup> of nids, dunn ſeten<sup>4</sup> ſei All up den Wagen, blot den Schulten wull Mudder<sup>5</sup> nich mitlaten: „Du heft dor nids tau dauhn, Du künft tau Hus liggen.“ — „Mudder,“ ſäd de Schult, un ſet' den einen Faut<sup>6</sup> in't Rad un den annern up den Schinken<sup>7</sup> von den Wagen un ſet' ſich von haben dal üm,<sup>8</sup> „dit's gegen uns' Übereinkamen.<sup>9</sup> Du büſt Herr in den Hus', un iß bün Herr in min Schultengeschäften, un en Gefangen tau transperiren<sup>10</sup> is en Schultengeschäft.“ Un dorbi klemmt hei ſich mit Friedrichen un den Franzosen up einen Sack: „So, Fritz, nu man jüh!“

---

### Dat säbenteihnte Kapittel.

Worüm Friedrich eigentlich kein Spitzbaum was; worüm de Kaiser Napoleon nids mit den Herrn Rathsherrn tau dauhn hewwen will, un worüm de Oberſt mit den Herrn Rathsherrn Heimlichkeiten hett.

Bör den Rathhus tau Stemhagen höll<sup>11</sup> de Wagen still, un mit einen Sack was min Vader 'raf von ſinen Sack un heit<sup>12</sup> de annern noch en beten<sup>13</sup> fitten bliwen, bet hei ſei röp.<sup>14</sup> — As hei up de Del<sup>15</sup> kamm, be-

---

1) möglicherweſe. 2) fir, rasch, adv. 3) es währe, dauerte.  
4) ſachen. 5) d. h. ſeine Frau. 6) Hus. 7) der aus der Stabnabe hervorragende Theil der Wagenachse. 8) guckte ſich von oben herunter um.  
9) Uebereinkommen. 10) transportiren. 11) hielt. 12) hieß. 13) ein bischen. 14) bis er ſie rieſe. 15) Diele, Haufslur.

gegent em Marik Wienken mit Licht, denn 't was all  
mildewil<sup>1</sup> düster worden. Marik,<sup>2</sup> wat uns' Deinst-  
mäten<sup>3</sup> was, hadd binah dat Licht fallen laten un wull  
eben upschrijgen,<sup>4</sup> as sei minen Vader ut Hannern sin  
Mondirung heruter kennen ded; hei treckt<sup>5</sup> sei äwer fix  
in sin Stuw un säd: „Holt Din Mul, Marik! Du  
büst jo'n verftännig Mäten!“ — Marik was man düsig,<sup>6</sup>  
äwer nicks grippt<sup>7</sup> de Dummheit beter<sup>8</sup> unner de Arm,  
as wenn sei för flauk utgewen<sup>9</sup> ward; in Marik ehren  
Kopp würd' dat denn of en ganz Deil heller. — „Es  
de Herr Amtshauptmann noch hir?“ frog min Vader.  
— „Ja, Herr.“ — „Denn sett dat Licht hir hen  
un gäh nah de Stuw 'rin un lat Di nicks tau min  
Fru marken<sup>10</sup> un segg den Herrn Amtshauptmann:  
buten<sup>11</sup> wir Ein, dei em spreken wull, un denn bring  
em hir 'rin.“

Na, dat geschach, un de oll Herr kamm herin:  
„Gu'n Abend, min Sähn, wat willst Du, un wat deihst  
Du hir in den Herrn Burmeister sin Stuw?“ —  
„Herr Amtshauptmann, wat maßt min Fru un  
Kinner?“ — „Min Züngschén,<sup>12</sup> wat weit<sup>13</sup> ic̄ von  
Din Fru un Kinner? Wo kümfst Du tau Fru un  
Kinner?“ — „Gottsdauzend,“ röppt min Oll,<sup>14</sup>  
„Kennen Sei mi denn nich? Zä bün jo de Bur-  
meister!“ — „Das ist denn eine andere Sache!“  
röppt<sup>15</sup> de oll Herr. „Das ist ja eine ganz besondere  
Sache! Ne, wat denn? Consul Stavenhageniensis  
in 'ne korte<sup>16</sup> Jack! — Äwer wat seggt Horaz? Nil

1) mittlerweile schön. 2) Marie(chen). 3) Dienstmädchen. 4) auf-  
schreien. 5) zog. 6) einfältig, beschränkt. 7) greift. 8) besser. 9) für  
Flug ausgeben, als Flug bezeichnet. 10) merken. 11) draußen. 12) dim.  
von Junge. 13) weiß. 14) Alter = Vater. 15) ruft. 16) kurz.

admirari, seggt hei! Bör allen in desen Tiden,<sup>1</sup> min  
Herzenskindting.<sup>2</sup> — „Herr Amtshauptmann, min  
Fru?<sup>3</sup>“ — „Weit,<sup>2</sup> dat Sei los sünd, min Herzens-  
kindting, un ward sick sihr freuen.“ — „Awer . . .?<sup>4</sup>“ —  
— „Ne, 't schad't ehr nich, of nich, wenn sei Sei in  
'ne forte Jack süht. Kamen S' man!<sup>4</sup>

All de Awerraschungen dägen<sup>5</sup> den Dūwel<sup>6</sup> nids,  
fülwst<sup>7</sup> nich de gauden. Wenn de Freud' den Minschen  
mit einmal in de Uhren schallt, as wenn zwei Dußend  
Musikanten<sup>8</sup> tauglik<sup>9</sup> dicht bi Einen achtern<sup>10</sup> Busch los-  
leggen, denn ritt<sup>11</sup> dat Einen dörch dat Hart<sup>12</sup> un dörch  
den Kopp, un dat schönste Leid<sup>13</sup> ward idel Weihdag'.<sup>14</sup>  
Ne! ich law<sup>15</sup> mi de Freud', wenn sei ankünmit as en  
schönen Singvagel in'n käulen Holt,<sup>16</sup> wenn sei neger<sup>17</sup>  
kümmitt un ümmer neger von Twig<sup>18</sup> tau Twig, bet sei  
mi tauleht von den negsten Busch ehr Leid vull<sup>19</sup> in  
de Uhren singt.

De Freud' kamm bi min Mudding tauirst woll en  
heten hastig; äwer dat was äwerstahn;<sup>20</sup> nu kamm sei  
von Twig tau Twig, un as min Vader 'rin kamm in  
de Stuw, dunn sung sei ehr Leid ehr vull in de  
Uhren, un as de Vogel<sup>21</sup> tauleht gor in 'ne forte  
Jack kamm, dunn was't ehr, as wenn hei ehr allerlei  
Wippkens<sup>22</sup> in den Busch vörmaaken ded, dat sei von  
Harten doräwer lachen müßt. — Un de Erinnerung  
an desen Dag is in unsern Hu' lewig<sup>23</sup> blewen bet  
in de spädsten Tiden:<sup>24</sup> wenn min Vader unner

1) in diesen, jetzigen Seiten. 2) weiß. 3) aber. 4) kommen Sie  
nur. 5) taugen. 6) Teufel. 7) selbst. 8) Musikanten. 9) zugleich.  
10) hinter'mt. 11) reist. 12) Herz. 13) Lied. 14) eitel, unter Schmerz.  
15) lobe. 16) im kühlen Holz. 17) näher. 18) Zweig. 19) voll. 20) war über-  
standen. 21) Vogel. 22) Gaukeleien, Schwänke. 23) lebendig. 24) spä-  
teste Seiten.

Arbeit un Sorgen mal recht lustig an't Hus kamm,  
denn heit dat unner uns: „Badding hett hüt de forte  
Jack an.“

As sick de Freud' hallweg' tau Rauh set't<sup>1</sup> hadd,  
fung de oll Herr an: „Un den Franzosen hewwen Sei  
glük mitbröcht,<sup>2</sup> min Herzenskindting?“ — „Ic  
nich,<sup>3</sup>“ säd min Oll, „den Möller sin Fridrich hett  
woll 't Best dorbi dahm, un de Gützow'sche Schult<sup>4</sup>  
hett em dorbi hulpen.<sup>5</sup>“ — „Min Herzenskindting,  
dieser Friedrich muß ein verteufelter Kerl sein, ein  
resolvirter Mensch, will'n em mal 'rinner kamen  
laten.<sup>6</sup>“

Fridrich kamm un de Schult ok. „Hür mal, min  
Sähn, büst Du dat, dei den Franzosen von den  
Wagen smeten<sup>7</sup> hett?“ — Fridrich dacht bi sick: wo?  
dit fall jo woll wedder en Gerichtsdag warden? un wil  
hei dese Frag mit, ja<sup>8</sup> beantworten müßt, set't hei sick  
stracks up de Achterbein<sup>9</sup> un let dat an sick kamen.<sup>8</sup>  
„Ja, Herr,<sup>10</sup>“ säd hei. — „Weitst Du denn ok woll,  
dat Du den Möller in grote Verlegenheit bröcht<sup>9</sup>  
hest?“ — „Verlegenheit? — Hei is't mit Verlegen-  
heiten gewennt,<sup>10</sup> un ein mihr ward em nich schaden.“<sup>10</sup>  
— „Büst Du dat, dei den Mantelsack von dat Fran-  
zosenpird namen heit?“ — „Ja, Herr.“ — „Hest  
Du Di dorbi nich mit acht Gröschen an den Franzosen  
sin Eigendaum vergrepen?<sup>11</sup>“ — „Ic heww mi min  
acht Gröschen blot wedder namen,<sup>10</sup>“ säd Fridrich, un  
vertellste<sup>12</sup> de Geschicht. — „Du heft sei Di gegen

1) halbwegs zur Ruhe gesetzt. 2) mitgebracht. 3) Schulze, Schultheiß. 4) geholfen. 5) herein kommen lassen. 6) geschmissen. 7) eigentlich auf die Hinterfüße, etwa: in Position. 8) ließ es an sich kommen, wartete, was da kommen sollte. 9) gebracht. 10) gewohnt. 11) vergriffen. 12) erzählte.

Gesetz un Recht namen, un wo ward so einer nennt,  
dei dat deicht?" — Fridrich leit den ollen Herrn drift  
an, sad äwer kein Wurd.<sup>1)</sup> — „Schult Besserlich, wo  
ward so'n Minsch nennt?" — „„Mit Verlöw,<sup>2)</sup> Herr  
Amtshauptmann, en Spizbauw!<sup>3)</sup>" brok<sup>4)</sup> de oll Schult  
los. „„Un dat is hei, Herr; hei hett hüt noch de oll  
Baukfinksch<sup>4)</sup> 'ne Wurst ut den Stoß stahlen,<sup>5)</sup> un so'n  
Kirl will min Fiken frigen?<sup>6)</sup>" — „Wat will hei?"  
— „„Min Fiken, Herr, dei bi Sei deint,<sup>7)</sup> Herr, dei  
will hei frigen, Herr."<sup>8)</sup> — „So? jo?" sad de Herr  
Amtshauptmann un leit<sup>8)</sup> Fridrich von haben be  
unnen<sup>9)</sup> an, „das ist denn eine andere Sache!" —  
Min Sähn, denn kannst Du 'ruter gahn; äwer ic  
ward Di den giftrigen un den hütigen Dag ge-  
denken."

Fridrich gung un schull<sup>10)</sup> in finen Harten up den  
Schulten un den Amtshauptmann: „Wat will hei mi  
gedenken?" frog hei sic<sup>11)</sup>, as hei up de Del stunn.<sup>11)</sup>  
Hadd hei äwer wüft, wat dit Wurd bi den ollen  
Herrn in den Mun'n<sup>12)</sup> führt, hadd hei woll so nich  
fragt, denn in'n Bösen gedacht de oll Herr seindag' nich  
wat;<sup>13)</sup> dat Böf' gung an em vöräwer, dat hackte em  
nich an, un hei malte drei Krüzen achter<sup>14)</sup> her; kam  
em äwer dat Gaude<sup>15)</sup> entgegen, denn was em bang,  
dat hei't so rasch verliren füll, denn heit dat: „Neiting,<sup>16)</sup>  
Fritz Sahlmann, Westphalen, Kinnings,<sup>17)</sup> helpt mi  
doran gedenken."<sup>18)</sup>

---

1) Wort. 2) mit Verlaub. 3) brach. 4) d. h. der Frau des „Buchfinken“. 5) eine Wurst aus dem Rauch gestohlen. 6) Sophiechen freien. 7) dient. 8) guckte. 9) von oben bis unten. 10) schalt. 11) auf der Diele = Haussitur stand. 12) im Munde. 13) niemals etwas. 14) hinter. 15) das Gute. 16) Nettchen, v. Agnes. 17) Kinderchen.

As Friderich ut de Dör<sup>1</sup> was, dreicht de oll Herr  
sich üm un lachte ut vullen Harten: „Reiting, üm Fritz  
Sahlmannen sin Wurst<sup>2</sup> von hüt morrn<sup>3</sup> büst Du nu  
doch 'rum, dei kriggt de Baufinkisch in Pinnow, denn  
wenn dese Bengel, de Friderich, den Schulten sin Fir  
frigen fall,<sup>4</sup> denn möt wi em doch irst wedder iherlich  
maken.“ — „Ja,“<sup>5</sup> röp<sup>6</sup> min Oll, un läd<sup>7</sup> en Acht-  
gröschenstück up den Disch, „un hir is dat Geld,  
wat hei den Franzosen namen hett.“<sup>8</sup> — „Na, un nu,  
Schult, wennihr<sup>9</sup> ward de Hochtid?“ lachte de oll  
Herr. — De oll Schult stunn dor un makt en Gesicht,  
as hadd em Einer von achter 'ne Brill von Schuh-  
solen upset't;<sup>10</sup> hei wüxt nich, wat üm em geschach.  
„Herr Amtshauptmann,“<sup>11</sup> säd hei endlich, „de Kiel  
is jo äwerst en Snurrer.“<sup>12</sup> — „Schult,“ säd de oll  
Herr, „dei Sak kann sich ännern. In'n Amt sünd in  
desen Tiden Burhaw' fri kamen,<sup>13</sup> un wer weit, wo  
hohe Herzogliche Kammer doräwer denkt.“ — „Ja,  
hei is doch äwerst<sup>14</sup> ok en Spitzbauw, Herr.“<sup>15</sup> —  
„Schult, dat wull ic blot noch mal von Em huren.  
As de Kirl hüt Morrn sich de acht Gröschen ut dat  
Fellisen halt<sup>16</sup> hett, hadd hei dunn nich dat Ganze be-  
hollen<sup>17</sup> künnt? Wer hadd dor wat von wüxt? — Un  
wenn hei't up den Nacken namen hadd, un wir dor-  
mit äwer de preußsche Grenz gahn, wecke<sup>18</sup> Hund un  
wecke Hahn hadd dornah freikt?<sup>19</sup> Ne, wat denn?<sup>20</sup> —  
„Ja, Herr, äwer mit de acht Gröschen un de  
Wurst?“<sup>21</sup> — „Dat Ein hett hei in sinen Unverstand

1) Thür. 2) Wurst. 3) heute Morgen. 4) rief. 5) legte. 6) wann.

7) ein Gesicht, als hätte ihm jemand von hinten eine Brille von Schuh-  
solen aufgelebt, d. h. ein dummes, verblüfftes Gesicht. 8) Bettler.

9) Bauerhöfe freigeworden. 10) aber. 11) geholt. 12) behalten.

13) welcher. 14) gekräht.

för sin Recht hollen<sup>1</sup> un dat Unner för en Spaß.<sup>2</sup> — „Se, Herr,“<sup>3</sup> seggt de Schult un krazt sic in den Kopf, „wenn dat ok all so is, min Fik is doch tau jung för den ollen Bengel.“<sup>4</sup> — „Mit Verlöw, Herr Amtshauptmann,“ föll<sup>5</sup> hir Mamself Westphalen in, „dat ic mang<sup>6</sup> Gerichtshaken un Burenangelegenheiten red“. — Schult Besserlich, dat is en dummen Snack von Em; denn wenn Sin Fik noch 'ne junge, dunime Dirn is, denn is dat gaud, dat sei en erföhren Mann<sup>7</sup> kriggt, denn dat hett ümmer sin Ort hadd.<sup>8</sup> Un, Herr Amtshauptmann, nemen S' nich äwel,<sup>9</sup> hei is en resolvirten Kirl un in dese Tid tau bruken,<sup>10</sup> un gestern Abend — ic will nicks nich gegen Herr Droi'n seggen, denn hei möt weiten, wenn dat Tid is, mit Obergewehr un Unnergewehr up en Minschen lostaugahn — äwer gestern gung Friedrich izig un allein<sup>11</sup> up den Franzosen los, un wenn sine Redensorten ok för Ehre Stuw un mine Uhren nich rendlich naug<sup>12</sup> wiren, so säd<sup>13</sup> ic doch tau mi: dat is en Kirl, dei hett dat mit de Daht.<sup>14</sup> Un, Schult Besserlich, dei beiden passen för enanner, denn wat hei in de Daht hett, hett sei in de Würden:<sup>15</sup> un, Herr Amtshauptmann, sei kann sic en Kirl von den Liw hollen,<sup>16</sup> denn sei hett en gottgesegnetes Maulwerk<sup>17</sup>, un dat segg ic.“

De oll Schult lek<sup>18</sup> Mamself Westphalen an un denn wedder den Herrn Amtshauptmann, hei was ganz verduzt; all de Inwennungen,<sup>19</sup> dei hei makt hadd, wiren em frügg slagen,<sup>20</sup> hei söcht nah nige un funn<sup>21</sup>

1) gehalten. 2) fiel. 3) zwischen. 4) einen erfahrenen Mann.

5) hat immer seine Art, Gedanken gehabt. 6) übel. 7) brauchen.

8) ganz allein. 9) reinlich, schicklich genug. 10) sagte. 11) That.

12) in Worte. 13) vom Leibe halten. 14) Maulwerk. 15) guckte.

16) Einwendungen. 17) zurückgeschlagen. 18) suchte nach neuen und fand.

lein, het<sup>1</sup> em taulezt dat inföll,<sup>2</sup> wat em taulezt  
ü m m e r inföll; hei krazt sic also achter de Uhren<sup>3</sup> un  
säd: „Se, Herr Amtshauptmann, icc möt ißt hüren,<sup>4</sup>  
wat Mudder<sup>5</sup> dortau seggt.“ — „Recht, min leiw'  
Schult! Bör Allen äwer möt hei ißt hüren, wat  
Sin Fiken dortau seggt. Ick för min Deil<sup>6</sup> heww Em  
man Klor<sup>7</sup> maken wullt, dat dese Friedrich kein Spitz-  
bauw is.“<sup>8</sup>

Somit was denn dese Angelegenheit vörlopig<sup>9</sup> up  
den Nümims- un Nahrensdag<sup>10</sup> herut schaben;<sup>11</sup> de Fru  
Amtshauptmannen was mit Mansell Westphalen all  
'rup up dat Sloß gahn, un bi de annen Gesellschaft  
was de Müdigkeit inkift,<sup>12</sup> as de Staddeiner Luth  
von sin Fohrt<sup>13</sup> nah Kittendörp taurügg kamm un an-  
säd,<sup>14</sup> dat de Herr Landrath 'ne schöne Empfehlung  
maken let un hei schickte sinen eignen Herrn Kammer-  
deiner mit von wegen dat Sülwertüg.<sup>15</sup>

Dordörch was denn nu Allens schön in Ordnung  
lamen, de Herr Amtshauptmann schrew<sup>16</sup> nu noch en  
Breiw<sup>17</sup> an den französchchen Oberst, min Oll säd Luthen  
genau Bescheid, wat hei tau dauhn un tau seggen  
hadd, Friedrich un Luth nemen den Schaffür tüschen<sup>18</sup>  
sick up den Wagen, de Herr Kammerdeiner un Fritz  
Besserlich set'ten sich vörn up un furt gung dat in de  
düstre Nacht un den deipen<sup>19</sup> Weg nah Bramborg<sup>20</sup>  
hentau.

„Ja,“ säd de oll Schult, as hei allein in de Nacht  
nah Gützow hentau gung, „Si hewwt gaud reden!

1) bis. 2) einfiel. 3) hinter den Ohren. 4) erst hören. 5) b. h.  
meine Frau. 6) für mein Theil. 7) klar. 8) vorläufig. 9) Niemandes-  
und Nirgendtag, Nimmermehrstag. 10) geschoben. 11) war die Müdig-  
keit eingekehrt. 12) Fahrt. 13) ansagte, meldete. 14) Silberzeug.  
15) schrieb. 16) Brief. 17) zwischen. 18) tief. 19) (Neu-)Brandenburg.

So'n Amtshauptmann un Burmeister un Mamzell up den Sloß, dat sünd vörnem Lüd' un hewwen Keinen äwer<sup>1</sup> sic; äwer<sup>2</sup> so'n Schulten kummandirt Jedverein.<sup>3</sup> Ja, wenn Mudder nich wir! Un de Kirl wir kein Spitzbaum, un hei wir en teihn Jöhr<sup>4</sup> jünger, un hei hadd 'ne Burstdä'<sup>5</sup> un min Fil woll em, ja denn — denn — kreg hei de Dirn doch nich, denn Mudder lidd't<sup>6</sup> nich." — —

Kein Mensch kann mi nu verdenken, dat ic̄ bi dat Vertellen<sup>7</sup> von 'ne lustige Geschicht nich Lust heww, grugliche<sup>8</sup> Geschichten mit mang tau mengen,<sup>9</sup> un dorüm red' ic̄ nich wider as nödig<sup>10</sup> von den franzöſchen Schaffür; ic̄ segg nicks dorvon, wo em tau Maud' was, as hei nah Bramborg kam, nicks dorvon, as hei vör't Kriegsgericht stunn, nicks dorvon, wo em die Angst, de Dodesangst ümmer neger<sup>11</sup> kam, as hei sinen bösen Lohn kreg. Un wenn ic̄'t ok̄ woll, so kunn ic̄'t nich, denn ic̄ schriw man Ding', dei ic̄ kein, un dit kenn ic̄ nich; ic̄ heww't meindag' nich äwer't Hart<sup>12</sup> bringen künnt, en armen Sünder<sup>13</sup> niglich<sup>14</sup> up den letzten Gang tau beſiken un tautauseihu,<sup>15</sup> wo ein Sünder den annern von minſchlichen Gerichts wegen vörilig<sup>16</sup> vör dat Gericht un unsfern Herrgott bringt. Äwer dat was nu einmal so, un dat geschach ok̄ so; un as sin bläudig Leib<sup>17</sup> up den Sand lagg, hett woll Keiner doran dacht, dat de Kugeln wid hinnen<sup>18</sup> in Frankrik vel harter in en Hart<sup>19</sup>

1) über. 2) aber. 3) Feder. 4) eine zehn Jahre. 5) Bauerstelle. 6) leidet es. 7) beim Erzählen. 8) gräulich, gräßlich. 9) dazwischen zu mengen. 10) nicht weiter als nöthig. 11) immer näher. 12) über's Herz. 13) Sünder. 14) neugierig. 15) zu begucken und zuzusehen. 16) voreilig. 17) blutiger Leib. 18) wett hinten. 19) Herz.

slogen, as in sin eigen — ic mein in sin olle  
Moder ehr.<sup>1</sup>

Ic will d'rüm blot vertellen, dat dörch de Af-  
sliverung von den lewigen<sup>2</sup> Franzosen de Möller un de  
Bäcker von den Mordverdacht fri kemen, un dat dörch  
sin Geständniß un dörch dat Tügniß<sup>3</sup> von den Inspecter  
Nicolai un den Herrn Kammerdeiner de Landrath von  
Urzen wedder tau dat Sinige kaum, un dat de Oberst  
von Toll, as de Auditör dat bore<sup>4</sup> Geld taurügg be-  
hollen wull as herrnlos Gaud,<sup>5</sup> upstunn,<sup>6</sup> un mit  
strenge Würd<sup>7</sup> säd: mit Row un Deitwstal<sup>8</sup> füll sin  
Regiment nich antheert warden. Dormit stunn hei up,  
naum dat Zellisen un säd tau Luthen: „Min leim'  
Fründ, Sei schinen mi en vernünftig Mann tau sin,  
nemen S' hir den versiegelten Mantelsack un gewen  
S' em den Herrn Amtshauptmann Bewer, hei füll  
dormit dauhn, wat hir tau Lan'n<sup>9</sup> Rechtens wir.“  
Luth kreg 'ne Schriwnt dortau, un so wir de Sak  
afmaikt.

Awer nu kanni 'ne Swirigkeit dormang,<sup>10</sup> doran  
hadd Keiner dacht: wat füll mit minen Unkel Hersen  
warden? As de Möller un de Bäcker un de annern  
All ut de Gerichtsstuw 'ruter un von em weg gahn  
wiren, stunn min Unkel Hers' dor, as en schönen ein-  
samen Eichbom<sup>11</sup> in en Hau,<sup>12</sup> den'n de Förster allein  
in sine Statlichkeit verschont hett. — De Oberst kek  
em verwunnert an un frog em: „Wat stahn Sei hir  
noch?“ — Min Unkel Hers' rögte sine Telgen,<sup>13</sup> un

1) in das seiner alten Mutter. 2) lebendig. 3) Zeugniß. 4)haar.  
5) Gut. 6) aufstand. 7) Worte. 8) Raub und Diebstahl. 9) hier zu  
Lande. 10) dazwischen. 11) Eichbaum. 12) Hau, das Revier für die  
Holzung. 13) rührte seine Zweige.

an sin düsterodes<sup>1</sup> Gesicht kunn Einer<sup>2</sup> sehn, dat in sin Zoppen<sup>n<sup>3</sup></sup> de Stormwind anfang tau brujen.<sup>4</sup>  
„Dat wull ic<sup>t</sup> Sei fragen,“<sup>5</sup> was sin Antwort. —  
Wir in desen Ogenblick en frömd<sup>6</sup> Minsch in de Dör  
kamen, hei hadd woll swigen<sup>6</sup> füllt, wer Oberst un  
wer Rathsherr wir. 'Ne statsche<sup>7</sup> Ununiform hadden  
beid' an, un beid' hadden 'ne vörnem, stolze Min, un  
beid' hadden sei dese ut Gewohnheit von wegen dat  
Kummandiren; was de Oberst en por Toll<sup>8</sup> länger,  
so was min Uncle en halwen Faut<sup>9</sup> dicker; hadd de  
Oberst den Krig unner de Näs', so hadd min Uncle  
en äwer dat ganze Gesicht, denn hei hadd sick en  
por Dag' nich balbiren laten<sup>10</sup> kunnit, oll Dokter  
Metz hadd vörigistern äwerschaten,<sup>11</sup> un wat de Dag'  
vörher un gisteru un hüt wussen<sup>12</sup> was, wog gaud so  
vel, as de Snurrbort von den Franzosen.

„Wer sünd Sei?“ frog de Franzos'. — „Ic bün  
en Rathsherr, en Stemhäger Rathsherr,“<sup>13</sup> säd  
min Uncle. — Dat schint<sup>13</sup> denn nu den Franzosen  
doch tau verblüffen; hei gung up un dal un taulekt  
blew hei vör minen Uncle stahn un säd: „Ic seih  
den Vortheil<sup>14</sup> för den Kaiser Napoleon nich in, wenn  
ic<sup>t</sup> noch länger mit Sei in'n Lan'n herüm treck.<sup>15</sup>  
Sei känen gahn.“ — So wat was min Uncle denn  
nu nich gewennt:<sup>16</sup> „Herr,“<sup>17</sup> röp<sup>17</sup> hei, „dese Be-  
handlung . . . !“ — „Ic bedur<sup>18</sup> uprichtig,“ föll<sup>19</sup>  
em de Oberst in't Wurd, „dat Sei äwerall inkum-  
modirt<sup>20</sup> sünd. Sei möten schir<sup>21</sup> ut Verseihn mit-

1) dunkelroth. 2) man. 3) Zopfende, Gipfel. 4) brausen.  
5) fremder. 6) verschweigen. 7) stattlich. 8) soll. 9) einen halben  
Fuß. 10) barbiren lassen. 11) übergeschossen. 12) gewachsen. 13) schien.  
14) Vortheil. 15) im Lande herumziehe. 16) gewohnt. 17) rief.  
18) bedaure. 19) fiel. 20) incommodirt, belästigt. 21) beinahe, re'n.

namen<sup>1</sup> sin." — Dat was denn nu doch för minen Unkel en tau starkes Stück! Hei hadd sich den ganzen Weg lang un de Winternacht dormit tröst't, dat hei en utgesöchtes<sup>2</sup> Opfer von den korsikanischen Draken<sup>3</sup> wir, un nu füll dat Ganze en blotes Verseihn sin? Hei hadd in sine Unschuld taum wenigsten up 'ne öffentliche Ehrenerklärung vör de Frunt<sup>4</sup> von en ganzes französisches Regiment rekent,<sup>5</sup> un nu stödd<sup>6</sup> em — mit Respect tau seggen — de französche Oberst mit den Faut<sup>7</sup> vör den Allerwerthsten un säd: hei kunn nu gahn. — „En Mann, as ic bün,"<sup>8</sup> röp hei, „ut Verseihu mitnamen!"<sup>9</sup> — „Sei känen noch von Glück seggen," säd de Oberst un Kloppt<sup>10</sup> em fründlich lachend up de Schuller,<sup>11</sup> „in den Krig kümmt männigmal<sup>12</sup> wat Slimmeres vör, dor ward Männigein<sup>13</sup> ut Verseihn dodschaten.<sup>14</sup> Seihh S' de Sak as 'ne Prüfung von Gott an." — „Wenn dat 'ne Prüfung sin fall,"<sup>15</sup> säd min Unkel, „denn is't man 'ne sihr dumme."<sup>16</sup> — De Oberst lacht un fot<sup>17</sup> minen Unkel unner'n Arm: „Kamen Sei, Herr Rathsherr, ic bün recht vergnäugt in minen Harten,<sup>18</sup> dat de Sak so ut de Welt kamen is, un dat ic den Herrn Amtshauptmann heww tau Willen sin künnt. Un ic hadd woll noch en por Würd'<sup>19</sup> in't Geheim mit Sei unner vir Ogen<sup>20</sup> tau reden." — „In't Geheim un unner vir Ogen, dat wieren denn nu en por Würd', dei kunn min Unkel Hers' nich wedderstahn,<sup>21</sup> hei folgte also.

„Herr Rathsherr," säd de Oberst, as sei buten up

1) mitgenommen. 2) ausgesuchtes. 3) Drache. 4) Fronte. 5) ge-rechnet. 6) stieß. 7) Fuß. 8) Kloppte. 9) Schulter. 10) manchmal. 11) Mancher. 12) todtgeschossen. 13) faßte. 14) vergnäugt in meinem Herzen. 15) ein paar Worte. 16) unter vier Augen. 17) widerstehen.

den Markt<sup>1</sup> vör den Gashof tauu goldenen Knop<sup>2</sup>  
stun'n, denn in den goldenen Knop was den Obersten  
sin Hauptquartier, „Herr Rathsherr, seggen Sei den  
ollen, braven Herrn Amtshauptmann, ic<sup>3</sup> let<sup>4</sup> em noch  
velmals grüzen, un wenn ic<sup>5</sup> sin Bed<sup>6</sup> glücklicherwiß<sup>7</sup>  
hadd erfüllen künnt, so süss hei tauſeihu, dat hei ol  
min erfüllen ded, un min Bed' wir: hei süss, wenn  
dat mit Recht gescheihu künnt, dat herrilos<sup>8</sup> Geld dat  
lütt Mäten tauwen'n,<sup>9</sup> dei mi gisten unnerwegs den  
Breiw von em bröcht<sup>10</sup> hadd. Un Herr Rathsherr,  
Sei seihen in, dat dit geheim hollen<sup>11</sup> warden möt,  
denn süss<sup>12</sup> künnt de Herr Amtshauptmann doräwer  
verdächtigt warden.“ — Min Uncle<sup>13</sup> Herf<sup>14</sup> was nu  
wedder in sin voll Fohrwasser:<sup>15</sup> „Sef meinen doch  
Fiken?<sup>16</sup>“<sup>10</sup> frog hei iwig.<sup>11</sup> „Möller Vossen sin  
Fiken, dei dor steiht?<sup>17</sup>“ Un wiſte up Fiken, dei en  
beten affid<sup>18</sup> mit ehren Vader stunn un em den Arm  
üm den Hals leggt hadd un vör Freuden weinte. —  
„Dei mein ic<sup>19</sup>,“ säd de Oberst un gung up dat Por tau.<sup>13</sup>

Fiken let den Arm von ehren Vader finen Nacken  
los, äwer de Thranen kunn sei nich wehren, un as de  
Oberst neger<sup>14</sup> kamm, was't ehr, as müft sei noch  
mihr weinen, un as de Oberst ehr de Hand gaww,  
malte sei en stillswigenden Knicks, sei kunn kein Wurd  
herutbringen. So lang' de Nod as 'ne düstere Nacht  
up ehr legen<sup>15</sup> hadd, so lang' was sei still un ruhig,  
ahn<sup>16</sup> sich linkſch un rechtſch ümtauſiken,<sup>17</sup> ehren Gang  
gahn, un blot dat Vertrugen<sup>18</sup> up Gott hadd ehr as en

1) draufen auf dem Markte. 2) Knopf. 3) siehe. 4) Bitte. 5) dem  
kleinen Mädchen zuwenden. 6) gebracht. 7) gehalten. 8) sonst. 9) in  
seinem alten Fahrwasser. 10) Sophie(chen). 11) eifrig. 12) ein bischen  
absichts. 13) ging auf das Paar zu. 14) näher. 15) gelegen. 16) ohne.  
17) umzugucken. 18) Vertrauen.

schönen Stirn lücht't<sup>1</sup>, nu dor de Sünn<sup>2</sup> upgahn was,  
stunn sei still, ehr Hart bläuhete<sup>3</sup> as 'ne schöne Rosen-  
blaum tau dat Licht in de Höch<sup>t</sup>, de frische Morgen-  
wind spelte in ehre Bläder,<sup>4</sup> dat sei sick ümkiken kann  
nah rechtsh un nah linksh un nah rüggwärts un vör-  
wärts, un de Morgendau föll an de Erde.<sup>5</sup>

De oll Möller stunn ok stillswigend vör den  
Obersten; äwer as dei frog, ob hei de Vader von dat  
lütt Mäten wir, dunn kamm't em mit Würden äwer  
den Hals.<sup>6</sup> „Ja,“ säd hei, „Herr. Un wenn't ok  
wohr is, wat uns' Herr Amtshauptmann seggt, dat  
Jung's heter,<sup>7</sup> un Dirns tau quarig<sup>8</sup> sind, denn dat  
sünd sei, Herr, as Sei an Fiken seihn länen“ — un  
dorbi wischte hei sick fülwst 'ne Thran ut de Ogen —  
„so weit ich doch för Ehre Gaudheit<sup>9</sup> keinen annern  
Wunsch, as dat uns' Herrgott Sei mal so'n oll lütt  
Dirken<sup>10</sup> schenken müggt, as min lütt Fiken is.“ —  
De Oberst müggt dat ok woll denken; äwer hei säd  
dat nich, hei wen'nt<sup>11</sup> sick rasch nah Fiken üm un frog:  
„Min leiw' Döchting,<sup>12</sup> kannst Du schriwen?“ —  
„Ja, Herr,“ säd Fiken un makt en Knicks. — „Sei  
kann Allens,<sup>13</sup>“ säd de Möller, „sei kann schreuen  
Schriwnt<sup>14</sup> lesen un kann schriwen, as en Schaul-  
meister;<sup>15</sup> denn sei möt jo all min Schriwnten<sup>15</sup> be-  
sorgen.“ — „Na, denn, min lütt Dirning,“ säd de  
Oberst, „schriw mi hir mal Dinen Namen un den Urt<sup>16</sup>  
'rin, wo Du her häbst; äwer pladdütsch.“ — Un Fiken  
schrew in dat Taschenbauk von den Obersten: „Fiken

1) geleuchtet. 2) Sonne. 3) blühete. 4) spelte in ihren Blättern.  
5) der Morgenthau fiel an die Erde. 6) da kam es ihm mit Worten  
über den Hals, d. h. da bekam er Sprache. 7) besser. 8) quarrig, wei-  
nerlich. 9) für Ihre Güte. 10) Dirchen. 11) wandte. 12) Löchterlein.  
13) geschriebene Schrift. 14) Schulmeister. 15) Schreibereien. 16) Ort.

Bossen up de Gielowsche Mähl in't Steinhäger Umt.<sup>1)</sup>  
— De Oberst leſ' dat, klappet ſin Bauf tau, gaww  
ehr un ehren Bader de Hand un gung mit de Würden:  
„Adjüs! un wi treffen mögliche Wif' noch einmal  
wedder taufam.“<sup>2)</sup>

### Dat achteihnte Kapittel.

Worüm Bäcker Witten ſin Pottmat<sup>3)</sup> äwerlöppt; worüm de  
Stadt Stemhagen de Dannenschonung<sup>4)</sup> anlegt hett; wo-  
rum Bädder Rickert<sup>5)</sup> de Sturmlocke treckt,<sup>6)</sup> un worüm  
ick ümmer bi Julius Cäsaren an minen Uncle Hersen  
denken möt.

Nah 'ne lütt halv Stun'n führten ut den Treptow-  
ſchen Dur tau Bramborg<sup>6)</sup> zwei Wagens nah Stem-  
hagen hentau, up den irſten Wagen ſattēn de Ollen,<sup>7)</sup>  
de Herr Rathsherr un de Bäcker un de Möller un as  
Respectsperfon de Herr Kammerdeiner, up den zweiten  
ſatt Fritz Besserdič mit Luthen up den vöddelſten<sup>8)</sup>  
Sac, un up den annern Hinrich un Filen, Fridrich  
lagg achter in't Krett.<sup>9)</sup>

As ſei en En'n lang führt<sup>10)</sup> wiren, fung min Uncle  
Hers' an tau reden: „So!“ ſäd hei, „ut dei Klemm  
wiren wi richtig 'rut.“ — „Ja woll, Herr Rathsh-  
herr,“ antwurt't oll Bäcker Witt, „un dat hewwen  
wi denn woll den Herrn Unitshauptmann un unsen  
Burmeister, vör Allen äwer woll den Möller ſinen  
Fridrich tau danken.“ — „As Einer<sup>11)</sup> dat anſüht,  
Meiſter Witt,“ ſäd min Uncle. „Ich för min Perfon

1) wieder zusammen. 2) Maaf, einen Pott = 1½ Liter haltend.  
3) Dannenschonung. 4) d. h. der alte Rickert. 5) die Sturmlocke zieht.  
6) (Neu-)Brandenburg. 7) ſatten die Alten. 8) porderſter. 9) lag hinten  
in der Schotſtelle (vache). 10) gefahren. 11) wie man.

heww nicks gegen de Drei, un dat de Schassür tau  
Städ' brächt<sup>1</sup> würd', hett uns gaude Deinsten dahm,  
äwer fri makt hett uns dat nich. Hewwen Sei nich  
seihu, wo de französche Oberst mit mi unner vir Ogen  
vör de Dör red't?" — „Ja, Herr.“ — „Na, denn  
laten S' sick seggen, wenn mi de Franzos' nich tau en  
geheimen Updrag brukt<sup>2</sup> hadd, denn wieren wi ut Bram-  
borg woll dörch en anner Dur as dörch dit 'ruterführt.“<sup>3</sup>  
— „Dat wir der Deuwel!“ röp de oll Bäcker un  
kek<sup>4</sup> den Herrn Rathsherrn so'n beten von de Sid' an.  
— Min Unkel säd nicks, hei plinkte<sup>5</sup> blot sihr irnthaft  
mit de Ogen un kek dunn bi Sid' äwer de kahlen  
Feller<sup>6</sup> 'räwer, as wull hei irst sin Würd'<sup>7</sup> in den  
Bäcker gehürig wirken laten. Dat slog em äwer fehl;<sup>8</sup>  
oll Bäcker Witten sin Kopp was as sin Pottmat,<sup>9</sup>  
worin hei sin Gedränk verköfft;<sup>10</sup> was dei irst bet an  
den Rand vull, denn nammi sei nicks mihr up, un wat  
noch kamm, drüppt<sup>11</sup> in de Stuw; un up Stun'ns  
was sin Kopp bet an den Rand vull von all de Saken,  
dei hei erlewt hadd, dat den Herrn Rathsherrn sin  
Würd' richtig bitau<sup>12</sup> drüppten; hei säd nicks. —  
„Meister Witt,“ säd de Herr Rathsherr nah 'ne Wil,  
„idk wull, idk wir in Stemhagen.“ — Dit Drüpping<sup>13</sup>  
gung noch in den Bäcker sin Pottmat 'rinner, hei säd  
also: „Dat wull idk ok, denn dat ward sick hellischen  
lang hentrecken.“<sup>14</sup> — „Dat mein idk nich,“ säd de  
Herr Rathsherr, „idk mein wegen unsen Empfang.“ —  
Den Bäcker sin Pottmat Iep<sup>15</sup> wedder äwer: „Wo<sup>16</sup>

1) zur Stelle gebracht. 2) Auftrag gebraucht. 3) herausgefahren.  
4) guckte. 5) blinzte. 6) Feller. 7) Worte. 8) schlug ihm aber fehl.  
9) Maas, elnen Pott =  $\frac{1}{10}$  Liter haltend. 10) verkaufte. 11) tropfte.  
12) vorbei. 13) Tropfschen. 14) sehr lang, weit hinziehen. 15) ließ. 16) wie.

so?" " frog hei. — „Ich mein wegen unsen Empfang mit 'ne Ehrenpurt.“<sup>1</sup> — Nu drüppt dat ut de Pottmat piplings<sup>2</sup> up de Frd':<sup>3</sup> „„Empfang? — Ehrenpurt? — Wo so? — Kümmt denn uns' Herzog?“<sup>4</sup> — „Meister Witt, dei kümmt nich; äwer wi kamen.“ — Nu was't oll Witten denn grad', as hadd em Einer bi't Einmeten<sup>5</sup> an den Arm stött,<sup>6</sup> un as wenn de Hälft ut de Pottmat an de Frd' flog un sick dat Unner, wat d'rin blew, all dörchenanner dörchklüseln ded.<sup>6</sup> Dit was en Glück, denn nu kreg den Herrn Rathsherrn fine Erklärung Platz. „Meister Witt, icke segg, wi kamen. Sullen de Börgers<sup>7</sup> ut 'ne Stadt, as uns' Stadt is, nich ebenso gaud för ehre Mithbürgers un Magistratspersonen, dei för't Vaderland ledern<sup>8</sup> hewwen, 'ne Ehrenpurt bugen,<sup>9</sup> as för en Herzog? Äwer wer soll'i dauhn? De oll Amtshauptmann? De Burmeister? Dei denken nich doran! — Oder meinen Sei, de oll Rector,<sup>10</sup> wil hei mal en Ding von Transparenten makt hett? Na, dat was dor oß nah! Oder oll Meß?<sup>11</sup> Dei het't blot in de Würd', Meister Witt, as de Katt-eiser in'n Schwanz.<sup>12</sup> Oder oll Zoch? Von den Thurn<sup>13</sup> kann hei blasen, wider nicks. — Ja, wenn icke dor wir!“ — „„Äwer, Herr Rathsherr,“<sup>14</sup> säd de Bäcker, bi den'n sick de Küsel<sup>14</sup> nahgradens setten ded,<sup>15</sup> „„in dese Fohrstid!<sup>16</sup> Wo sälen sei Blaumen un Gräuns<sup>17</sup> herkrigen?“<sup>18</sup> — „Blaumen? Wotau handelt oll Heimann Kasper un oll Leip un de annern Jüden mit

1) Ehrenpforte. 2) strömend, wie aus einer Röhre (Pip) laufend. 3) Erde. 4) beim Einmessen. 5) gestoßen. 6) durcheinander wirbelte. 7) Bürger. 8) gelitten. 9) bauen. 10) Rector. 11) der alte Meß. 12) der hat's bloß in den Worten, wie das Eichhörnchen im Schwanz (sprichwörtl.). 13) vom Thurm. 14) Wirbel. 15) nachgerade, mittlerweile segte, legte. 16) Jahreszeit. 17) Blumen und Grünes (Laub).

reden un gelen<sup>1</sup> Band? Gräuns? Wotau hett de  
Stadt Stemhagen denn de Dannenschomung in den  
Stadtholt anleggt?" — „Wo hr is't,"" säd oll Witt,  
denn nu was de Pottmat wedder ganz vull. — „Wat  
seggen Sei, Möller Woß?" frog de Herr Rathsherr.  
— „Ich segg gor nicks, Herr Rathsherr,"" säd de  
Möller un dreift sich nah den hinnelsten Sac<sup>2</sup> üm mit  
en Gesicht so vull Schrumpeln,<sup>3</sup> as wenn en taujam-  
snerten Tobacksbüdel äwer sin Schuller leß,<sup>4</sup> „ich segg  
gor nicks, ich denk blot, as ich gestern nah Bramborg  
tau führt, was mi nich gaud tau Maud', un hüt, dat  
ich wedder von Bramborg t'rügg führ, heww ich wedder  
Mag'weihdag<sup>5</sup> in'n Kopf." — „Wo<sup>6</sup> denn dat?"  
frog min Unkel, un de oll Möller vertellte<sup>7</sup> sin Ver-  
legenheit mit Zögigen. — „Hm,"" säd min Unkel un  
strek sich sachten<sup>8</sup> mit de Hand von habendal afwärts<sup>9</sup>  
dat Gesicht entlang het an't Kinn; wider kamm de  
Hand nich, dor blew sei Hacken von wegen den struwen  
Bort,<sup>10</sup> dat Kinn trefft sich dal,<sup>11</sup> de Mund ded sich  
up, un hei leß so 'ne Lüdlang stiwi<sup>12</sup> in de Lust 'rin.  
Hei versöcht<sup>13</sup> dat Stück en pormal, äwer<sup>14</sup> ümmer  
dat Sülwige; äwer<sup>15</sup> den Bort kamm hei nich weg.

Nu hadd min Unkel Hers' woll en struwen Bort,  
äwer hei hadd en weiken Sinn; un ded sich sin Mund  
wid up, so ded sich of sin Hart wid up, un as hei dat  
letztemal mit sin gauden Ogen in den grisen Hewan<sup>16</sup>  
'rinner leß, drop<sup>17</sup> hei up en blages Flag,<sup>18</sup> un en

1) roth und gelb. 2) nach dem hintersten Sac. 3) Runzeln. 4) ein  
zusammengeknürrter Tabacksbeutel über seine Schulter guckte. 5) eigentl.  
Magenschmerzen, Kneifsen. 6) wie. 7) erzählte. 8) strich sich langsam.  
9) von oben herab abwärts. 10) wegen des sich sträubenden, struppigen  
Bartes. 11) zog sich herunter. 12) steif. 13) versuchte. 14) aber. 15) über.  
16) in den grauen Himmel. 17) traf. 18) blauer Fleck, Stelle.

Stügg'schen<sup>1</sup> von den blagen Hewen föll dörch de Ogen  
in sin wides Hart; hei mücht en gaud Warf<sup>2</sup> stiftten.  
„Meister Witt,“ säd hei, „setten Sei sich up den vöddelsten Sack un laten S' den Möller hir sitten; ic heww mit em tau reden.“

Un dat geschach, un Bäcker Witt red'te up den vöddelsten Sack sihr lud' mit den Herrn Kammerdeiner, un de Herr Rathsherr red'te up den himmelsten Sack sihr sachten<sup>3</sup> mit den Möller. „Möller Voß“, säd min Unkel, „ic help<sup>4</sup> Sei ut de Tint. Morgen lat ic Izigien kamen, un passen S' up, wo smidig<sup>5</sup> hei sin ward, denn ic weit wat von em, wat Heimlichs, wat Keinen wider angeiht; äwer wat Saubers<sup>6</sup> is't nich. De Kirl soll Sei bet Ostern Lid laten, un ic will mi för Sei verbörgen;<sup>7</sup> un morgen kam ic 'rut un seih all Ehr Schriwwten<sup>8</sup> nah un nem de Sak in min Hand; denn seihu Sei“ — un dormit holt<sup>9</sup> hei dat Pittschäft an sin Uhrked<sup>10</sup> hervör — „ic bün dortau berechtigt un dortau set't. Hir steiht'. Känen Sei woll latinsche Schrift verkihrt lesen?“ — De oll Möller antwurft', hei kunn s' nich grad' noch verkihrt lesen. — „Na, 't schad't of nich. Hir steiht: Not. Pub. Im. Caes., dat heit, ic bün Notarius publicus, un Im. Caes. heit so vel, ic kann in jeden Prozeß üm Rath fragt warden. — Also, Möller, ic help Sei! — Äwer ein Bedingung heww ic: Sei seggen tau Keinen von min Börgschäft un tau Keinen von uns' Aßkamen,<sup>11</sup> vör Allen nich tau den ollen Amtshaupt-

1) Stügg'schen. 2) ein gutes Werk. 3) leise. 4) helfe. 5) geschmeidig.  
6) etwas Sauberes. 7) verbürgen. 8) Schriften, Papiere. 9) holte.  
10) Uhrkette. 11) Aßkommen.

mann. De Sack bliwwt heimlich." — De Möller verspro<sup>1</sup> dat denn of.

Up den zweiten Wagen was't in ein Ort<sup>2</sup> grad'  
so, as up den ifsten: up den vöddelsten Sack würd'  
schr lud' red't un up den himmelsten, wo Tiken un  
Hinrich satt, schr fachten, un ick bruk nich tau ver-  
tellen,<sup>3</sup> wat sei mit enanner red'ten, denn Friedrich  
lagg jo hinnen in't Krett un hürt Wurd för Wurd, un  
dei ward dor woll tau rechter Eid mit 'rut kamen. — —

En Stundener drei nahher<sup>4</sup> as dit red't würd',  
lep<sup>5</sup> de Slüngel, de Fritz Sahlinann dörch de Straten  
von de gaude Stadt Stemhagen un röp: „Sei kamen,<sup>6</sup>  
sei kamen!" Hei hadd up den Mählenbarg<sup>7</sup> all zwei  
Stun'n Posten stahn, un de Herr Amtshauptmann  
hadd in dese Eid all säbenmal<sup>8</sup> nah em Klingelt<sup>9</sup> un  
was taulezt ut Verdrießlichkeit<sup>10</sup> nah min Mudding  
'runner gahn.

„Sei kamen!" röp<sup>11</sup> de Slüngel. — „Es't wohr,  
Zung?"<sup>12</sup> frog oll Rickert, de Pulsant<sup>13</sup> up den Klock-  
thurn<sup>14</sup> was. — „Ja, Bader Rickert, sei sünd all up  
den Brink." — Un oll Rickert sad tau sick: „Denn  
helpt dat nich, denn möt icc dat Minige dauhn!"<sup>15</sup>  
gung nah'n Thurn, un wil hei dat ganze Gelüd<sup>16</sup>  
doch nich bedwingen<sup>17</sup> kunn, tredt hei de Sturmklöc.<sup>18</sup>  
Nu kammi denn Allens tau Bein un tau Dören:<sup>19</sup>  
„Sei kamen!" — „Wer kümmt?"<sup>20</sup> — „De Rathsherr  
un Bäcker Witt un de Möller un all de Annern!"  
— „Hurah!"<sup>21</sup> rep Schäuster Bank un swenkt<sup>22</sup> den

1) versprach. 2) in einer Art, Beziehung. 3) erzählen. 4) etwa  
drei Stunden nachher. 5) lief. 6) kommen. 7) Mühlenberg. 8) sieben-  
mal. 9) gellingelt, geschellt. 10) Verdrießlichkeit. 11) rief. 12) Glocken-  
läuter. 13) Glockenthurm. 14) Geläute. 15) bezwingen. 16) Sturmklöc.  
17) auf die Beine und an die Thür. 18) schwankte.

Arm in de Lust, hadd äwer vergeten,<sup>1</sup> dat hei en  
Stäwel äwertrecht<sup>2</sup> hadd. — „Hurah!“ rep Slösser<sup>3</sup>  
Tröpner un stört' mit sin Schortfell up de Strat.<sup>4</sup>  
„Aber, Kinder, Allens in Orndlichkeit un Manirlich-  
keit!“ un stödd<sup>5</sup> oll Bewer Stählich den Henkelpott<sup>6</sup>  
ut de Hand, den'n sei von Manjell Westphalen 'runner  
bröcht<sup>7</sup> hadd. — „Hurah!“ röp Herr Droi un  
stört' mit de Borenmüz up de Strat, süs äwerst in  
korten Lüg,<sup>8</sup> un achter em stünnen sin lütten fran-  
zöschchen Gören<sup>9</sup> un schregen:<sup>10</sup> „Wiw lamperör!“ as  
de Herr Rathsherr up den irsten Wagen dörch den  
Hümpel führt.<sup>11</sup>

Dei äwerst fatt steidel<sup>12</sup> up sinen Sack un höll<sup>13</sup>  
de Hand de ganze Strat lang an sinen Haut un dreichte  
sin würdig Gesicht nah rechts un nah links, un in  
sine Würdigkeit mengt sich de Gerührsamkeit,<sup>14</sup> un hei  
flustert den Möller tau: „Boß, dit lett mi de Ehren-  
purt vergeten.“ — Un de oll Möller kek den Herrn  
Rathsherrn an, wo dei dat maken ded, un makte dat  
ebenso un antwurt' minen Uncle: „Ja, Herr, un  
mi Eßigen.“ — De Herr Kammerdeiner dinerte  
ümmer nah sine Sid' von den Wagen 'raf un strap-  
zirte sinen Haut up dat Unminischlichste,<sup>15</sup> un up de  
anner Sid' röp oll Witt up dat Allermenschlichste von  
den Wagen heraf: „Gu'n Dag, Badder!<sup>16</sup> — Gu'n  
Dag, Bank, wat makt Din Puckel? — Gu'n Dag,  
Jehann! — Gu'n Dag, Strüwingken! — Na? — Allens  
woll? — Wat maken de Swin?<sup>17</sup>

1) vergessen. 2) einen Stiefel übergezogen. 3) Schlösser. 4) stürzte  
mit seinem Schurzfell auf die Straße. 5) stieß. 6) Henkelpott. 7) ge-  
bracht. 8) sonst aber in kurzem Zeuge, Neglizie. 9) Kinder. 10) schrieen.  
11) durch den Haufen fuhr. 12) stieß, aufrecht. 13) hielt. 14) in seine  
Würde mengte, mischte sich die Rührung. 15) strapazierte seinen Hut auf  
das Unminischlichste. 16) Gevatter. 17) Schweine.

Als sei äwer up den Markt kemen, dunn weihete<sup>1</sup>  
Tanten Hersen mit de halwe witte Gardin ut dat  
Finster 'rut un weihete in min Uncle Hersen sin Hart  
en Stormwind up, dat sin Gefäul in grote Bülgen  
un Wachten<sup>2</sup> slog, un em dat Water het in de Ogen  
spricht. „Tanten!“ säd hei halblud<sup>3</sup> vör sick hen,  
„Tanten!“ — denn hei nennt sin eigen Fru „Tanten“,  
un sei nennt em dorför „Uncle“ — „Tanten, ic kann  
Dinen Wink nich nahkamen, denn dese beiden Dag'  
hewwen mit mi as öffentliche Person un nich as hübs-  
liche, hewwen mit mi as Rathsherr un nich as Uncle  
tau dauhn hatt, un so möten sei ok tau En'n bröcht<sup>4</sup>  
warden. — Bäcker Witt,“ röp hei un dorbi drückte hei  
sick den Dreimaster in de Ogen, „nah'ru Rathhus!“  
De Rathsherr hadd äwer den Husvader<sup>5</sup> un Uncle den  
Sig wunnen.<sup>6</sup>

Ach, wat was dat för en schönen Abend up den  
Rathhus! Allens wat in Käf<sup>7</sup> un Keller för de Fran-  
zosen verstecken<sup>8</sup> was, würd' hervör halt,<sup>9</sup> un wat fehlen  
ded, kam von den Sloß. Mark Wienken deckte en  
langen, langen Disch,<sup>10</sup> un an den Disch würden  
ümmer Anstekers<sup>11</sup> an Anstekers steken, un as de groter  
Dischen nich langten, kemen de lütten, un as dei nich  
langten, würd' för uns Gören<sup>12</sup> up den Staul<sup>13</sup> deckt  
— Mamzell Westphalen stunn an dat Eßschapp<sup>14</sup> un  
drückte Zitronen up Zucker, un dorup würd' ut allerlet  
Buddeln allerlei upgaten,<sup>15</sup> un de Theeketel<sup>16</sup> gung  
ümmer von de Käf in de Stuw un ut de Stuw in

1) da wehete. 2) Wellen und Wogen. 3) halblaut. 4) zu Ende  
gebracht. 5) Hausvater. 6) gewonnen. 7) Käfche. 8) versteckt. 9) geholt.  
10) Tisch. 11) Platten, die zur Verlängerung der Tafel an den Tisch  
angestellt werden. 12) Kinder. 13) Stuhl. 14) Eßschrank. 15) auf-  
gesoffen. 16) Theekessel.

de Räf, un de Herr Amtshauptmann stunn dorbi un probirt ümmer un schüddelt mit den Kopp un got<sup>1</sup> denn of mal wat tau, un taulegt nicht hei un säd: „Mamsell Westphalen, so is't recht! Dies ist eine andere Sache!“ un tau min Mudding dreift hei sick üm un säd: „Min Herzenskindting, in ein Sak laten S' mi nu minen Willen; den Punsch gew i c.“ Min Vader handtirte mit den Proppentrecker,<sup>2</sup> un Luth be-sorgte de Schenk,<sup>3</sup> un de Herr Kammerdeiner stunn an den Uben<sup>4</sup> un schüddelte bi all dese Anstalten ümmer mit den Kopp un woll Luthen dat wisen, wo hei präsentiren müjt, un as'st Luth so maken woll, got hei Mamsell Westphalen en Glas Punsch in den Schot.<sup>5</sup> Za, 't was en schönen Abend! Friedrich stunn an de Dör, steidel,<sup>6</sup> as en Granedir,<sup>7</sup> un rüpppt un rögt<sup>8</sup> sich nich, blot dat hei drunk;<sup>9</sup> un Fritz Besserdich stunn bi em, rüpppt un rögt sich of nich, blot dat hei of drunk, un dat hei denn un wenn 'ruter gung un sick up de Del<sup>10</sup> de Näs' utsnöw.<sup>11</sup> Un Eiken Vossen satt bi min Mudding, un min Mudding drückt ehr de Hän'n un strakt ehr äwer<sup>12</sup> dat weike Gesicht, un as ic tau ehr 'rauner kaum, strakte sei mi of un säd: „Ward'st Du of so vel von mi hollen?“<sup>13</sup> De Herr Amtshauptmann röp<sup>14</sup> Hinrich Vossen in de Ec un red'te mit em heimlich. — Wat hadd de Herr Amtshauptmann mit Hinrich Vossen Heimliches tau reden, un worüm slog hei em ümmer up de Schuller?<sup>15</sup> — Oll Möller Voß frog sich of in'n Stillen dornah,

1) goß. 2) Pfeppenzieher. 3) die Schenke, d. h. das Einschenken. 4) Ofen. 5) Schoß. 6) steil, aufrecht. 7) Grenadier. 8) etwa: rüttelte und rührte. 9) trank. 10) Diele, Hausschlür. 11) ausschnob, ausschnauzte. 12) streichelte sie über. 13) halten. 14) rief. 15) Schulter.

un as hei't 'ruter hadd, dat't von wegen den Prozeß  
was, säd hei tau Witten: „So! mit den Prinzeß<sup>1</sup>  
bün'ð nu of dörch, nu bliwvt mi man noch de Zud',  
un den'n will 'ð mi hüt Abend in den Punsch stippen.“<sup>2</sup>

— „Du bringst mi up en Gedanken,“<sup>3</sup> seggt de  
Bäcker un geiht ut de Dör un künmit nah 'ne Wil-  
tauriügg, an de ein Hand en Henkelkorf,<sup>4</sup> an de anner  
de Strüwingken.<sup>4</sup> „Mit Verlöw,<sup>5</sup> Herr Burmeister,  
dat ik doch of min Deil an dat Traktement drag',<sup>6</sup>  
un hir sünd en por Zuckerkringel un hir, Fru Bur-  
meistern, is min Strüwingken, nemen S' nich äwel,  
sei hadd tau des' Gesellschaft so'ne grote Lust.“<sup>7</sup>

Wat will dit äwer Allens bedüden gegen den  
Glanz un de Ihr,<sup>7</sup> dei üm minen Unkel Herf<sup>8</sup> upgung;<sup>8</sup>  
hei hadd sinen Mantel afnamen un stunn<sup>9</sup> nu dor in  
blanke Unneform, un Allens stunn üm em 'rümmer un  
bedankt sick bi em: min Vader, dat hei em in den  
Schutz von sinen Mantel namen hadd; min Mudding,  
dat hei minen Vader dordörch tau de Flucht verhulpen<sup>10</sup>  
hadd; Mamsell Westphalen dükferte<sup>11</sup> dreimal unner un  
säd, sei würd't em nich vergeten, wat hei an ehr dahm  
hadd, un Möller Voß säd, eigentlich wiren sei all blot  
dörch den Herrn Rathsherrn in Bramborg<sup>12</sup> fri kamen;  
un as oll Witt dat of bekräftigte, lawte<sup>13</sup> de Strü-  
wingken em in ehren Harten<sup>14</sup> en groten Kaffeekauken<sup>15</sup>  
an. Sin schönes, rodes Gesicht blinkerte un blänkerte<sup>16</sup>  
vör Lust un Behagen, un hei bückte sich dal<sup>17</sup> tau min  
Mudding un säd: „Ich weit gor nich, wo min Tanten

1) Prozeß. 2) tunken. 3) Henkel-, Armkorb. 4) Frau Strüwing.  
5) Verlaub. 6) trage. 7) Ehre. 8) aufging. 9) abgenommen und stand.  
10) verholzen. 11) duckte sich (tauchte unter). 12) (Neu-)Brandenburg.  
13) lobte — an, gelobte. 14) Herzen. 15) Kaffeekuchen. 16) glänzte (von  
blink und blank). 17) herunter.

bliwvt.<sup>4</sup> Bi den Möller sin Würd' föll<sup>1</sup> em den Franzosen sin Updrag<sup>2</sup> in, un hei wenn't<sup>3</sup> sick an den Herrn Amtshauptmann: „Herr Amtshauptmann, ic heww mit Sei en por Würd' unner vir Ogen tau reden in 'ne besonners heimliche Angelegenheit,<sup>4</sup> un dormit trecke<sup>5</sup> hei den Herrn Amtshauptmann in 'ne Ec<sup>6</sup> herinner. — Wi weiten,<sup>5</sup> wovon de Ned' sin füll, äwer wenn de Ec<sup>6</sup> reden kunn, un uns vertellte,<sup>6</sup> wat de Herr Rathsherr dor vertellte, wi mühten seggen, wi wühten von nicks. Tauleht müht min Vader den Herrn Amtshauptmann man erlösen, hei nanim minen Unkel un set't em haben an up den Ehrenplatz,<sup>7</sup> un meindag' is en Minschenkind nich so tau rechter Tid up finen richtigen Platz set't worden, as min Unkel, denn knappemang<sup>8</sup> satt hei, dunn gung de Dör up, un herin kamm Tanten Hersen in en swart siden Kled, un achter<sup>9</sup> dit Kled stunn de oll Dokter Meß, wat den jizigen ollen Meß sin Vader was, un de jizige rike<sup>10</sup> Josep Kasper, wat dunn en lütten Judenjung' was. Un Tanten Hersen hadd en Kranz von gräune Lorbeerbläder<sup>11</sup> in de Hand, dei hadd de oll Meß von finen plückt, von den'n hei füs<sup>12</sup> man Bläder plückte, wenn sin leiwe Fru Brassen kafte,<sup>13</sup> un de Kranz was mit en langen, rodsiden<sup>14</sup> Band taubunnen,<sup>15</sup> den'n hadd Josep Kasper besorgt, un dorför nammi Tanten em mit. Tanten gung up Unkeln los un gaww em en Kuß un stülpte em von achter<sup>16</sup> den Kranz up den Kopp, dat de roden Bän'n<sup>17</sup> em den

1) bei den Worten des Möllers fiel. 2) Auftrag. 3) wandte.  
4) zog. 5) wissen. 6) erzählte. 7) setzte ihn oben an auf den Ehrenplatz.  
8) kaum. 9) hinter. 10) reich. 11) von grünen Lorbeerblättern. 12) sonst.  
13) Brassen kochte. 14) rothseiden. 15) zugebunden. 16) von hinten.  
17) Bänder.

Puckel dal hungen,<sup>1</sup> un säd en por sîhr schöne Würd',<sup>2</sup>  
dei Keiner hört hett, denn Bäcker Witt brok tau-  
tidig<sup>3</sup> mit: „Hurah!“ los, un de Möller mit „Vivat  
hoch!“ un Allens stimmte mit in un stödd<sup>4</sup> mit de  
Gläser an.

Za, 't was en schönen Abend! Un lange Tid  
nahher, wenn ich en Bild von Julius Cäsar'n sach,  
föll<sup>5</sup> mi min Uncle Hers' in, denn grad' so kleid't<sup>6</sup> em  
de Lurbeerkrantz, blot dat min Uncle en gaud Deil<sup>7</sup>  
fründlicher un völliger<sup>8</sup> was, as de surpöttige, knaken-  
dröge<sup>9</sup> Römer. Un lange Tid nahher, wenn ich den  
schönsten Kuchen<sup>10</sup> vör mi hadd, dacht ich an Bäcker  
Witten sin Zuckertringel, un ich law<sup>11</sup> sei of hüt noch;  
denn Einer kunn sîhr vel dorvon eten<sup>12</sup> un kreg kein  
Mag'weihdag'.<sup>13</sup>

### Dat nägenteihnte Kapittel.

Worüm de Möller wedder in sinen Stäwelschächt kückt;<sup>14</sup>  
wo ut 'ne Matt<sup>15</sup> en Schäpel<sup>16</sup> ward; worüm Hinrich  
adjüs<sup>17</sup> seggt, un worüm Fridrich de Meinung is, dat de  
Frugenslûd' wollseit<sup>18</sup> warden.

As den annern Morgen Möller Voß up sine  
Gielowsche Mähl ut dat Bedd'ruter krapen<sup>19</sup> was, satt  
hei wedder mit den Kopp in de Hand un kef nahden-  
lich in de Stäwelschächt herinner. „Mudder,“ frog hei  
tausezt, „heww ich mi gistern mit Hinrichen vertürnt,<sup>20</sup>  
oder hett mi dat drömt?“<sup>21</sup> — „Sj wo, Badding,“<sup>22</sup>

1) den Buckel, Rücken herunter hingen. 2) Worte. 3) brach zu  
zeitig. 4) stieß. 5) fiel. 6) kleidete. 7) ein gut Theil. 8) völliger,  
corpulenter. 9) saueröpfige, knochentrockene d. h. knöcherichte. 10) Kuchen.  
11) lobe. 12) essen. 13) Magenschmerzen. 14) wieder in seinen Stiefel-  
schacht guckt. 15) Meße. 16) Scheffel. 17) Aldeiu. 18) wohlseit. 19) ge-  
trochen. 20) erzürnt. 21) geträumt.

seggt sin Fru, „Du hest em jo ümmertau<sup>1</sup> küst, un  
hest em ümmer Dinen leiven Sähn<sup>2</sup> nennt, un Friedrichen  
hest Du vel Geld verspraken,<sup>3</sup> wenn Du irst  
en riken Mann wirst, un dat süll denn nu so lang'  
nich duren.“<sup>4</sup> — „Mudding, denn heww ic̄ führ  
dämlich Tüg angewen.“<sup>5</sup> — „Dat säd ic̄ Di all  
gistern Abend; äwer dunn wollst Du dat nich Wurd<sup>6</sup>  
hewwen.“<sup>7</sup> — „Gott fall mi bewohren!“ röp de  
Möller, „ic̄ kam jo ut de Dummkheiten gor nich 'rut!“

Fridrich kamm herin: „Gu'n Morgen, Möller!  
Gu'n Morgen, Fru! Ic̄ kam blot 'rinner, Möller, un  
will Sei seggen, ic̄ heww mi de Sak äwerlegt;<sup>8</sup> ic̄  
will dat Geld, wat Sei mi gisten Abend verspraken  
hewwen, noch 'ne Tidlang bi Sei up Linsen stahn  
laten,<sup>9</sup> het ic̄ dat nothwendig bruk.“ — „Hm!“<sup>10</sup> röp  
de oll Möller un rögt sic<sup>9</sup> hen un her up den Staul.<sup>10</sup>  
— „Ja,“ säd Fridrich; „äwer ic̄ hadd woll 'ne anner  
Bed“<sup>11</sup> will'n Sei mi nich tau Ostern trecken<sup>12</sup> lqten,  
obschonst dat uter de Tid<sup>13</sup> is?“ — „„Watau?<sup>14</sup> —  
Wat hest Du vör?“<sup>15</sup> — „Ic̄ wull frigen.“<sup>15</sup> —  
„„Wat? Du frigen?“<sup>16</sup> — „Ja, Möller, ic̄ frig Schult  
Besserdichen sin Fiken, dei nu up den Sloß deint;<sup>16</sup>  
un wenn Hinrich Voß uns' Fiken frigen deicht, un  
wenn uns' beiden Swigeröllern<sup>17</sup> nicks dorgegen hewwen  
deden, denn heww ic̄ mi so dacht, kün'n wi jo up  
einen Dag Hochtid maken.“ — Dit was denn nu den  
ollen Möller doch tau stramm: „„Du Snurrer<sup>18</sup>...!“<sup>19</sup>

1) immerzu. 2) Sohn. 3) versprochen. 4) dauern. 5) dämliches  
Zeug angegeben. 6) Wort. 7) überlegt. 8) eine Zeit lang bei Ihnen  
auf Linsen stehen lassen. 9) rührte sich, rückte. 10) Stuhl. 11) Bitte.  
12) ziehen, aus dem Dienst gehen. 13) außer der Zeit (zu kündigen, ab-  
zugehen). 14) wozu. 15) freien. 16) dient. 17) Schwiegerältern.  
18) Bettler.

prung hei up un grep nah den einen Stäwel.<sup>1</sup> — „Holt, Möller!“ säd Fridrich un rächt' sich in En'n.<sup>2</sup> „De Redensort passt sich nich för mi un nich för Sei. Wo dat mit mi steiht, weit ic̄ sit drei Dag', un wo dat mit Hinrichen un uns' Fiken steiht, weit ic̄ sit gestern Nahmiddag; ic̄ lagg achter ehr in't Krett<sup>3</sup> un heww Allens mit anhürt.“<sup>4</sup> — „„Badding,““ röp de Möllerfrau, „dit wir dat Best!“<sup>5</sup> — „Dat versteihst Du nich!“ röp de Oll un schüll<sup>6</sup> in de Stuw'rümmer. — „„Na, Möller,““ säd Fridrich un gung ut de Dör, „„äwerleggen S' sich de Sak; wat min Swigervader is, dei geiht ok all sid ihrgestern<sup>6</sup> Abend in Äwerlegung<sup>7</sup> 'rümmer.““ — „Du kannst Dinen Schin<sup>8</sup> kriegen,“ röp de Möller achter em her, „äwer irft tau Johannis.“<sup>9</sup>

Worüm was de oll Möller denn so arg?<sup>10</sup> Hei müggjt doch Hinrichen giren liden; hei sülwst hadd in de letzten Dag' oft doran dacht, dat Hinrich un sin Fiken för enanner passen deden, hei sülwst hadd em gestern ,sinen leiwen Sähn' neunt; äwer dat was't eben! Gistern Abend hadd em de Punsch taum riken Mann makt, un hüt kek hei as en Snurrer in sin Stäwelschächt; un wenn. ok Izig sich ümstempeln let bet tau Ostern, so was dat 'ne Galgenfrist. — „Badding,“ säd de Möllerfrau, „dit is dat Best, wat uns' Fiken un uns passiren küm.“ — „„Mudder,““ säd de Oll, un't was en Glück, dat hei noch kein Stäwel an hadd, hei hadd füs<sup>11</sup> vör Arger mit de Bein tranipelt,

1) Stiefel. 2) richtete sich in die Höhe. 3) hinter ihnen in der Schößkelle (vache). 4) angehört. 5) rief der Alte und schalt. 6) ehrgestern. 7) Überlegung. 8) Schein, Kündigungsschein. 9) aber erst zu Johannis. 10) ärgerlich, böse. 11) sonst.

„id segg Di, dat versteihst Du nich! — Wat? —  
Id füll Zochen Vossen sien Sähn, dei mit mi in en  
Prinzeß<sup>1</sup> liggt un dei mit en groten Büdel<sup>2</sup> Geld in'u  
Lan'n 'rümreis't, min Kind gewen — min bestes,  
leiwstes Kind! — un füll tau em seggen: dor heft Du  
s', äwer mitgewen kann ic̄ ehr nicks, denn ic̄ bün en  
Smurer? — Ne, Mudder, ne! Id füll de Lappen  
borgen, worin min einzigst Kind, min lütt Fiken, vör  
de Tru<sup>3</sup> stünn? — Ne, ne, iſt möt ic̄ wedder in de  
Wehr!“<sup>4</sup> —

So geiht dat oft in de Welt: en grot Glück hängt  
dicht vör Einen ut taum Aflangen, un wenn Einer de  
Hand utrecken will un will't saten,<sup>5</sup> denn is de Hand  
mit Keden bunned,<sup>6</sup> un de Keden sünd in lang' ver-  
gahene Tiden smädt,<sup>7</sup> ahn dat't Einer<sup>8</sup> gewoahr worden  
is, un sei sünd wid achter<sup>9</sup> Einen fastmukt, so dat  
Einer sei nich aflangen kann. Den Möller sin Ked'  
was sin Prozeß un woll ok̄ sin flichte Wirthschaft in  
frühern Tiden, un as hei nu nah dat Glück gripen<sup>10</sup>  
wull, dunn höll<sup>11</sup> sei em taurügg, un hei bos'te un  
iwerde<sup>12</sup> sic̄ vergewens. hei hadd sei un woll stuw<sup>13</sup>  
dörchhauen künnt, denn müht hei äwer tidelewens dat  
Kedenen'n<sup>14</sup> dörch de Welt slepen,<sup>15</sup> as en verlopen  
Zuchthüsler,<sup>16</sup> un dat led'<sup>17</sup> sin Ihr<sup>18</sup> nich.

De oll Mann kunn Einen jammern, hei gung  
Zeden ut den Weg', un handtirte för sic̄ allein in de  
Mähl un in den Stall herüm, as wull hei an desen

1) Prozeß. 2) Beutel. 3) vor der Trauung, d. h. vor dem Trau-  
altar. 4) Wehr heißt die ganze Ausstattung eines Gutes, die Nebenkart  
etwa: erst müßt ich wieder besser sitzut sein. 5) fassen. 6) mit Ketten  
gebunden. 7) in lange vergangenen Zeiten geschmiedet. 8) ohne daß man's.  
9) hinter. 10) greifen. 11) hielt. 12) ereiferte. 13) stumpf. 14) Ketten-  
ende. 15) schleppen. 16) wie ein ver-, entlaufener Zuchthäusler. 17) litt.  
18) Ehre.

Dag Allens nahhalen,<sup>1</sup> wat hei sit langen Zohren ver-  
fümt<sup>2</sup> hadd. Endlich würd' hei erlöst', min Uncle Herr'  
kamm an, hüt äwerst in en bürgerlichen Uptog:<sup>3</sup>  
„Gu'n Dag, Voß! Na, uns' Sak is in Richtigkeit.“  
— Äwer den Ollen was hüt nich lichtglöwig tau  
Maud',<sup>4</sup> un hei säd fort af:<sup>5</sup> „„Ja, wer't glöwt, Herr  
Rathsherr.““ — „Wenn ic' t segg, Möller Voß“, säd  
de Herr Rathsherr un halt<sup>6</sup> en Packet Schriwwten ut  
den Wagen un gung mit den Möller in de Stuw,  
„denn möt dat Einer glöwen, denn ic' bün hüt hir as  
Notarius publikus.“ — „„Mudder,““ säd de Möller,  
„lat uns allein, un Du, Tiken, sticke<sup>7</sup> uns irst en Licht  
an.““ Dat ded denn nu grad' nich nödig,<sup>8</sup> denn 't  
was hellig Dag;<sup>9</sup> äwer de Oll hadd dat seihn, dat de  
Herr Amtshauptmann bi en Gerichtsdag ümmer en  
Wachstock<sup>10</sup> brennen hadd, un hei wullt of so hewwen,  
denn dit jchint em säkerer,<sup>11</sup> wil't vullständiger was.  
Un dormit gung hei an sin Schapp<sup>12</sup> un halt sin Brill  
herut un set't sei sick up, wat of nich nödig ded, denn  
hei kunn kein schreven Schriwwt<sup>13</sup> lesen; äwer em was  
doch so, as kunn hei mit de Brill beter uppassen; un  
dorup set't hei einen Disch midden in de Stuw un  
twei Stäul<sup>14</sup> doran.

Als sei nu allein üm den Disch un dat Licht seten,  
las de Herr Rathsherr mit sihr düdliche Stimme 'ne  
Schriwwt vor, worin de Jud' gegen den Herrn Rathsherrn  
sin Börgschäft bet Ostern täuwen<sup>15</sup> wull, un as  
hei dei lesen hadd, läd<sup>16</sup> hei dat Poppir neben sick un

1) nachholen. 2) versäumt. 3) Aufzug. 4) leichtgläubig zu Muthe.  
5) kurz ab. 6) holte. 7) stecke — an. 8) nöthig. 9) heller Tag.  
10) Wachstock. 11) sicherer. 12) Schrank. 13) geschriebene Schrift.  
14) Stühle. 15) warten. 16) legte.

lek den Möller mit en Gesicht an, dat sach<sup>1</sup> ut, as:  
„wat seggst nu, Gleisch?“<sup>2</sup> — De oll Möller nörridt<sup>3</sup>  
nu los mit „Hm“ un „Ze“<sup>4</sup> un „Äwer“,<sup>5</sup> un krafft  
sich in de Hor.<sup>6</sup> — „Möller Voß“,<sup>7</sup> säd min Uncle  
schr argerlich, „„wat fall dat Nörricken? Hir steiht  
min Sigel unner — seihn Sei, hir! — en Hirse-  
stengel, wil ic<sup>t</sup> ,Herse‘ heit; ic<sup>t</sup> hadd of en Fallgatter  
dorup steken<sup>8</sup> laten funut, wil dat up Französch ,herse‘  
heit, äwer ic<sup>t</sup> bün nich för de Franzosen — un hir  
d'rüm 'rüm steiht mine Befugniß: Not. Pub. Im.  
Caes., un hir steiht den Juden sin Unnerschrift:  
Ißig; un wat schrewen<sup>9</sup> is, is schrewen.“<sup>10</sup> — „Dat  
seggt de Herr Amtshauptmann of,“ säd de Möller un  
würd' en ganz Deil heller utseihn, „wat schrewen is,  
is schrewen.“ — „Wat d ei seggt, is mi ganz egal,  
ic<sup>t</sup>, Möller Voß, ic<sup>t</sup> bün dortau set't<sup>9</sup> dörch min Amt,  
schrewen Schriwten kräftig tau maken dörch min  
Sigel. Un dörch dese Schriwt fünd Sei bet Ostern  
ut alle Verlegenheit.“<sup>11</sup> — „Ja, Herr, un ic<sup>t</sup> bedank  
mi of, äwer wat den n?“ — Nu kamim de Reih tau  
nörricken an minen Uncle. „„Hm! Wat den n? —  
Ze — Na! — Na, Möller Voß“,<sup>12</sup> un sin oll gaud'  
Gesicht smet sine ganze Amtsmin as Notarius publikus  
ut de Dör un set't sich de Minschenfründlichkeit as  
Brill up sine hübsche Näs' un lek den ollen Möller  
un de ganze Welt fründlich an; „„na, Möller Voß,  
heww ic<sup>t</sup> bet Ostern Lust schafft, kann ic<sup>t</sup> jo of wider  
Rad schaffen, ic<sup>t</sup> bün her kamen un will reinen Disch  
maken. Dortau is dat äwerst nödig,<sup>10</sup> dat Sei mi all

1) sah. 2) etwa: gelt? 3) räuspert. 4) abgeschwächtes „Ja“. 5) aber.  
6) Haare. 7) steken, graviren. 8) geschrieben. 9) dazu gesetzt. 10) aber  
nöthig.

Ehr Ümstän'n vertellen un all Ehr Poppiren wisen."<sup>1</sup> — Dat gung denn de Möller of in un vertellte un vertellte, dat en anner Kopp, as min Uncle Hersen sin, ganz düsig<sup>2</sup> worden wir, un hei halte<sup>3</sup> so vel Poppiren 'rut, dat en Unneru angst un bang' worden wir; äwer min Uncle was hellischen pükterig<sup>4</sup> in sin Geschäftsen, hei müggt girt Räthsel lösen un Bindfaden utenanner wirren,<sup>5</sup> hei hört un las Allens mit Geduld, äwer nich mit Bürthel<sup>6</sup> för sin Vörnemen. „Möller Voß,"<sup>7</sup> frog hei endlich, „is't dit All?"<sup>8</sup> — „Ja, Herr," säd de Möller un let de Uhren<sup>9</sup> hängen, as en Lüftensfeld,<sup>10</sup> wenn de Nachtfrost doräwer gahn is, „un dit is noch min Kuntrakt<sup>11</sup> mit dat Stemhäger Amt." — Min Uncle namm den Kuntrakt un las em so verluren<sup>12</sup> dörch un sach of ut, as wir em de Peiterhill<sup>13</sup> verhagelt; äwer mit einmal sprung hei up: „Wat's dit? — Wi sünd dormit dörch, Möller! — In Tid von en por Joahr sünd Sei en Milljonör! — Dat ganze Stemhäger Amt is mahlpflichtig un de Stadt Stenhausen dortau, hir steiht in Paragraph vir, un wat seggt Paragraph siw:<sup>14</sup> Für jeden Scheffel, den der Müller mahlt, kann er rechtlich einen Scheffel als Mahllohn beanspruchen." — „Ne Matt,<sup>15</sup> Herr Rathsherr!"<sup>16</sup> röp de oll Möller un sprung nu of tau Höcht,<sup>17</sup> „von jeden Schäpel 'ne Matt!"<sup>18</sup> — „Ne! En Schäpel! — hir steiht: für jeden Scheffel einen Scheffel als Mahllohn; un wat schrewen is, is schrewen. Un hir heitt de Amtshauptmann dat

1) alle Ihre Umstände, d. h. Ihre ganze Lage erzählen und alle Ihre Papiere weisen, zeigen. 2) schwindlig. 3) holte. 4) gebüdig bei verwickelten, verworrenen Arbeiten. 5) auseinander wirren. 6) Vortheil. 7) Ohren. 8) Kartoffelfeld. 9) Contract. 10) verloren, oberflächlich. 11) Petersstie. 12) fünf. 13) Meze. 14) in die Höhe.

Umtsfigel unerset't." — "Herr Rathsherr, Herr Rathsherr, mi summt de Kopp, dat is jo doch man en Verseihn."<sup>1</sup> — "Verseihn is of verspelt,<sup>2</sup> un wat schrewen is, is schrewen; dat hett de oll Umtshauptmann Sei jo füllen<sup>3</sup> seggt." — "Dat hett hei, Herr," said de Möller, "ja dat hett hei, dat kann ic bewören."<sup>4</sup>

Un nu gung in den ollen Möller 'ne Utsicht<sup>5</sup> up Erlösung ut de Judensingern up, un 'ne Utsicht up rese, vele Schäpels Kurn un up vele, vele blanke Dalers,<sup>6</sup> denn dat ganze Umt was jo mahpsflichtig, dat müfft em jo kamen. "Herr," röp hei, "dat kann sick helpen!<sup>7</sup> — Äwer . . . äwer . . ." — "Woß," said min Uncle argerlich, "wat hewven Sei mit Ehr Inwendungen?<sup>8</sup> De Sak is flipp un flor." — "Ja, Herr, äwer ic mein man, wo ward dat äwer mit de Säck?<sup>9</sup>" — "Mit de Säck? Mit wat för Säck?" — "Mit de Säck, worin mi dat Kurn bröcht ward. Dat Kurn krig ic all, äwer wer kriggt de Säck?" — "Hm," said min Uncle, "dat is 'ne swores juristische Frag', Möller, doran heuw ic noch nich dacht, un in den Kuntrakt steiht nicks dorvon; wenn ic Sei äwer raden<sup>10</sup> fall, denn behollen Sei sei vörlöpig,<sup>11</sup> denn wat seggt dat Lübsche Recht: beati possidentes, dat heit up Dütsch: wat Einer hett, dat hett hei. — Möller, ic heuw Sei nu ut Ullens'ruterhulpen,<sup>12</sup> äwer Eins beding' ic mi ut: reinen Mund! Äwer de Sak ward tau keinen Minischen redt — hören Sei! — tau keinen Minischen! — Mit Zögigen ward' ic spreken,

<sup>1</sup>) verspelt. <sup>2</sup>) selbst. <sup>3</sup>) Aussicht. <sup>4</sup>) Thaler. <sup>5</sup>) helfen. <sup>6</sup>) Einwendungen. <sup>7</sup>) Korn gebracht. <sup>8</sup>) schwer. <sup>9</sup>) ratthen. <sup>10</sup>) vorläufig. <sup>11</sup>) herausgeholfen.

dei möt Kurn stats<sup>1</sup> Geld annemen, un tau Ostern  
ward denn Allens flor sin un denn, Möller Boz . . ." —  
— „Un denn, Herr Rathsherr?"" — „Denn künmit  
de bore Åwerschüß.<sup>2</sup> — Åwer Möller, de Sak bliwwt  
in't Geheim!" —

De Möller versprok<sup>3</sup> dat, un de Herr Rathsherr  
reiste wedder af, un Hinrich un Fiken segen<sup>4</sup> noch, wo  
hei von den Wagen ut den Ollen taunicht un den  
Finger up den Mund läd.<sup>5</sup>

„Fiken," säd Hinrich, „mi is de Heimlichkeit nich  
gewen,<sup>6</sup> ic möt reinen Win inschenken; ic gah nah  
Dinen Vader un red' mit em." — „Dauh dat,"<sup>7</sup> säd  
Fiken. Hadd sei åwer wüxt, wo dat mit den Ollen<sup>7</sup>  
stunn, sei hadd em woll noch tänwen heiten.<sup>8</sup>

Mit den Ollen stunn dat åwerst heil<sup>9</sup> wunnerlich. Hüt Morrn<sup>10</sup> was hei en Snurrer<sup>11</sup> un wull  
sin einzigst Kind nich ahn<sup>12</sup> Mitgift weggenen, hüt  
Abend was hei en riken Mann, un sin einzigst Kind  
brukt<sup>13</sup> nich Zeden tau nemen; sei künne 'ne Madam  
warden, so gaud as Ein. För sinen Kopp was de  
Wessel<sup>14</sup> tau rasch kamen, hei wüxt nich recht, wat mit  
ein vörgahn<sup>15</sup> wir, dortau kamm nu noch 'ne heimliche  
Angst, dat dat nich Allens so wir, as dat sin müxt,  
un 'ne grote Unrauh,<sup>16</sup> dat dat, wat gescheihn süll,  
nich recht wir. „Åwer," säd hei denn tau sick, „de  
Amtshauptmann hett sülwst seggt, wat schreuen is, is  
schreuen; un wat Recht is, möt de Rathsherr heter  
weiten<sup>17</sup> as ic."

Was hei all in ruhigeren Tiden swor tau en Ent-

1) statt. 2) der baare Neberschüß. 3) versprach. 4) sahen. 5) legte.  
6) gegeben. 7) mit dem Alten. 8) warten geheissen. 9) ganz, sehr.  
10) heute Morgen. 11) Bettler. 12) ohne. 13) braucht. 14) Wechsel.  
15) vorgegangen. 16) Unruhe. 17) besser wissen.

sluh tau kriegen, so was't in desen Ogenblick gor nich möglich.<sup>1</sup> Als Hinrich sin Gewarw anbröcht<sup>2</sup> hadd, fung hei von den Prozeß tau reden an un säd, Hinrich full jo nich glöwen, dat hei en rungenirt<sup>3</sup> Mann wir; em haddeu Bele in de Fingern hatt, dei em haddeu dümpeln<sup>4</sup> wullt; äwer noch swemmte hei haben.<sup>5</sup> Hinrich säd nu, hei hadd dat gaud' naug<sup>6</sup> in den Sinn, hei hadd sick dat so dacht, de beiden Schwigeröllern<sup>7</sup> fullen in Rauh un Freden bet an ehr selig En'n bi em wahnen,<sup>8</sup> un de Möller full em sin Fiken gewen, un sinen Pachtkuntrakt full hei em verköpen. Dunn fohrt äwer<sup>9</sup> de oll Möller up: dat glöwte hei sacht!<sup>10</sup> Dor hadd Hinrich woll Lust tau! Äwer Keiner full ihre raupen<sup>11</sup>, halt Fisch!<sup>12</sup> ihre hei wech hadd;<sup>13</sup> hei let sick of nich von en Krabbenwagen äwerführen,<sup>14</sup> noch tau von so'n jungen Burschen<sup>15</sup> as Hinrich wir. Sinen Kuntrakt! Sinen Kuntrakt wull hei behollen, un wenn en König üm sin Fiken frigt!<sup>16</sup> — So'ne Red' was sick Hinrich nich vermauden<sup>17</sup> nah Allen dem, wat vörzahn was, em steg of de Hitz tau Kopp, un hei säd hastig, de Möller full „Ja“ oder „Ne“ seggen, ob hei em sine Dochter gewen wull oder nich. De Möller dreicht sick snubbs<sup>18</sup> üm, kel ut dat Finster un säd: „Ne!“ Heinrich dreicht sick of üm un gung ut de Dör, un 'ne halwe Stun'n nahher höll<sup>19</sup> Friedrich mit Hinrichen sin Fuhrwerk up den Möllerhof, un as hei

1) möglich. 2) sein Gewerbe, Anliegen angebracht. 3) ruinirt.  
4) in einem Tümpel (Pfütze) untertauchen = übertölpeln, einschüchtern.  
5) noch schwömmen er oben. 6) gut genug. 7) Schwiegereltern. 8) wohnen.  
9) fuhr aber — auf. 10) das glaubte er wohl. 11) rufen. 12) holt Fische. 13) sprichwörtl. für: zu frühe triumphiren. 14) d. h. von jedem Dummkopf anführen lassen; Krabbenwagen, ein kleiner Karren, auf dem die Krabbenhändler ihre Waare über Land fahren. 15) Burschen. 16) freite. 17) vermuthen. 18) rasch, kurz. 19) hielt.

äwer<sup>1</sup> Hinrichen raupen ded,<sup>2</sup> kamm dei mit Fiken ut den Goren, un Fiken sach sihr blaß, äwer ok sihr gefaßt ut un säd: „Hinrich, dat Wurd, dat ic Di seggt heww, dat holl<sup>3</sup> ic, un Du holl't ok!“ Hei nickte mit den Kopp un drückte ehr de Hand, gung up de Möllerfrau tau, dei vör de Dör stunn, säd ehr en por Würd' taun Adjüs, steg up den Wagen un führt sachten<sup>4</sup> von den Möllerhof.

As hei en En'n lang von de Mähl af was, röp wat äwer em, un as hei sick ümket, kamm Friedrich dwars äwer 'ne Ede Roggensaat<sup>5</sup> nah em 'ran: „Hinrich, wo führen Sei hentau?“<sup>6</sup> — „Nah Stemhagen.“<sup>7</sup> — „Bliwen Sei de Nacht dor?“<sup>8</sup> — „Ja, ic dacht, ic wull de Nacht bi Bäcker Witten bliwen, denn ic wull noch irst mit den Herrn Amtshauptmann reden.“<sup>9</sup> — „Dat möt ic en verständnigen Infall heiten,<sup>7</sup> Hinrich; un ic heww hüt Abend ok noch wat in Stemhagen up den Sloß tau dauhn, un möglich<sup>8</sup> heww ic mit Sei ok noch tau reden, un dorüm Hinrich, führen S' nich ihre af, as bet ic kamen<sup>9</sup> bün; ic kam äwerst irst lat,<sup>10</sup> wenn Allens tau Schick is.“ Hinrich versprok, hei wull up em täuwen,<sup>11</sup> un führt nah Stemhagen hentau.

Unnerwegens begegent em Bäcker Witt, dei führt mit en Drömt<sup>12</sup> Weiten nah de Mähl un säd: „Na, Hinrich, führen S' man bi mi an,<sup>13</sup> mit Abend un All<sup>14</sup> bün ic ok wedder tau Hus, denn schnacken<sup>15</sup> wi en beten mit enanner.“

1) über, nach. 2) rief. 3) halte. 4) langsam. 5) quer über eine Ede, ein Stück, mit Roggen besät. 6) hinzu, hin. 7) heißen, nennen. 8) möglicherweise. 9) gekommen. 10) spät. 11) warten. 12) ein Kornmaß = 12 Scheffel. 13) fahren, d. h. Lehren Sie nur bei mir an. 14) gegen Abend. 15) schnacken, plaudern.

Je ja! je ja! Dat was all lang' Abend, un de Bäcker was all lang'. tau Hus; äwer Hinrich was noch ümmer bi den ollen Herrn up den Sloß. Friedrich was ok all kamen<sup>1</sup> un up't Sloß gahn,<sup>2</sup> un oll Witt säd tau de Strüwingken: „Strüwingken, up de Mähl sünd Geschichten passirt, Du sollst dat sehn! Dat de Ollsch<sup>3</sup> silt un rohrt,<sup>4</sup> dat hett grad' nich vel tau be-düden, denn de Thranen sitten ehr wat<sup>5</sup> los; äwer dat Fiken bi den Ollen sin Schellen<sup>6</sup> un Dunnheiten still 'rümmer geiht un gor nicks seggt, süh,<sup>7</sup> dat will mi nich gefallen; un de Oll hett hüt wedder sine richtigen Stuken,<sup>8</sup> ut den'n is nich klauk<sup>9</sup> tau warden. As ich em frog: Badder, wennihr<sup>10</sup> kann ich mi dat Mehl halen? seggt hei: dor möt ich irft minen Kuntrakt nah fragen. Un as ich säd, ich brukkt dat Mehl nothwendig taukamen Woch,<sup>11</sup> säd hei, dat wir em ganz egal, hei güns nah sinen Kuntrakt; un as ich wegföhrt, röp hei mi nah, wenn mi mit dat Mehl en wunnerlich<sup>12</sup> Stück passiren süll, denn süll ich man nah Rathsherr Hersen gahn, dei würd' mi woll de Sak utenanner setten,<sup>13</sup> wenn hei's för gaud höll.<sup>14</sup> — „Dat's jo narisch,<sup>15</sup>“ seggt de Strüwingken.

Dunn kamun Hinrich Voß in de Dör un sach<sup>16</sup> sihr still un einerlei<sup>17</sup> ut, un as de Bäcker von de Mähl anfung, un dat hei dor 'ne suurrige<sup>18</sup> Begegnung vörfunnen<sup>19</sup> hadd, brok<sup>20</sup> Hinrich fort af un frog: „Meister Witt, wullen Sei mi woll en Gefallen dauhu?“ — „Worüm dat nich?“ säd de Bäcker. —

1) war auch schon gekommen. 2) gegangen. 3) die Alte. 4) sieht und weint. 5) etwas, ziemlich. 6) Schellen. 7) siehe. 8) Launen, Einsätze. 9) klag. 10) wann. 11) zukünftige Woche. 12) wunderlich. 13) auseinander sehen. 14) hielte. 15) närrisch. 16) sah. 17) gleichgültig, ohne Interesse für die Umgebung. 18) schmurrig, sonderbar. 19) vorgefunden. 20) brach.

„Bi Sei kamen vele Lüd‘, un Sei hewwen of Stallrum;<sup>1</sup> ic<sup>t</sup> wull min Pird’ un Wag’ verköpen;<sup>2</sup> will’n Sei mi nich dorbi behülplich sin?“ — „Worüm dat nich?“<sup>3</sup> frog Witt; „äwer, Hinrich,<sup>4</sup> set’t hei nah ’ne Wil hentau, un Einer<sup>5</sup> kunn binah von buten<sup>6</sup> seihn, wo hei binnen de Gedanken sammelt un tau en Faden an enanner knüppt,<sup>7</sup> woran hei de Unnerhollung<sup>8</sup> wider spinnen wull, „äwer, Hinrich, dat hett jo Tid. — De Mähren<sup>9</sup> — de Mähren — füh, nu sünd sei wollfeil,<sup>8</sup> worüm? — Ze, wat weit ic! — Well dorüm, wil Keiner säker<sup>9</sup> is, dat em de Franzos’ sei nich äwer Nacht ut den Stall halt; äwer de Mähren — Du fallst seihn — sei warden dür<sup>10</sup> — denn — Du fallst sehn — in Tid von en por Wochen marschirt Allens gegen den Franzosen.“<sup>11</sup> — „Dat heww ic eben von en Mann hört, dei dat heter weiten kann, as wi Beiden, Meister Witt, äwer dorüm grad’ will ic sei los sin.“ — „Ja,<sup>12</sup> föll Fridrich in, dei vi den Bäcker sine Red’ in de Stuw kamen was, „nja, de Mähren warden dür, un de Frugenslüd’ wollfeil. Nah de Mähren ward vel Nahfrag’ sin, wenn’t losgeiht, un nah de Frugenslüd’ wenig; un wenn’t vörbi is, un de Hälfte von de jungen Lüd’ dodschaten<sup>11</sup> is, noch weniger. — Un’ los geiht’t! Gistern in Bramborg kreg<sup>12</sup> mi Einer bi Sid’, dei sach ut, as hadd hei de blagen Bohnen all präuw<sup>13</sup> un säd<sup>14</sup> tau mi, nah min Utseihn hadd ic<sup>t</sup> mi of all mit den Schapschinken<sup>15</sup> slept,<sup>16</sup> un wennu ic<sup>t</sup> Lust hadd, so wüht hei

1) Stallraum, Stallung. 2) Pferde. 3) Wagen verkaufen. 4) außen. 5) knüpfte. 6) Unterhaltung. 7) Mähren, Pferde. 8) wohlfeil. 9) sicher. 10) theuer. 11) tödtgeschossen. 12) kriegte. 13) die blauen Bohnen schon probirt. 14) sagte. 15) Schaffschücken, spöttisch für Sol-datengewehr. 16) geschleppt.

en Flag<sup>1</sup> för mi. — Ich säd, ich wull mi besinnen; äwer gister is nich hüt, hüt bruf<sup>2</sup> ich mi nich tau besinnen. Ich bün bi de Preußen diffentürt;<sup>3</sup> äwer blot, wil ich Kinner weigen<sup>4</sup> füll bi minen Hauptmann; un gister besunn ich mi blot, wil ich dacht, ich würd' mal min eigen Kinner weigen; un hüt besinn ich mi nich mihr un gah gegen den Franzosen. — Un Meister Witt, ich heww Reinen up de Welt, dei nah dat Minig führt,<sup>5</sup> wenn Sei hüren, dat ich furt von de Mähl bün, denn seihu S' nah mit Lad.<sup>6</sup> Un nu adjüs, ich möt des' Nacht wedder nah de Mähl."<sup>7</sup>

Dormit gung hei. — Hinrich gung em nah; „Fridrich, wat heit<sup>8</sup> dit?“ — „Wat dit heit?“<sup>9</sup> frog Fridrich. „Dat will 'ch Sei seggen: wo de Ein heit, führt de Unner ut. Uns is Beiden datfülwig<sup>10</sup> passirt, blot dat Ehr Fiken rohrt,<sup>11</sup> un min Fiken lacht. Ich bün ehr nich jung naug.<sup>12</sup> Na, 't schad't ol nich! — Den Mann in Bramborg was ich nich tau olt, un wat den Einen sin Ul<sup>13</sup> is, is den Unnern sin Nachtigal.<sup>14</sup> — „Fridrich,“ antwurft' em Hinrich sachten,<sup>15</sup> „red' nich so lud'. Du willst Soldat warden, un ic ol.“ — „Wat, Sei?<sup>16</sup>“ — „Still! — Ja, ich ol. Ich heww kein Fründschaft<sup>17</sup> wid un sid<sup>18</sup> un stäh allein in de Welt; nu heww ich mit den ollen Herrn Amtshauptmann red't, un dei hett mi verspraken, up min Eigendaum en Og tau smiten;<sup>19</sup> min Mähl in de Parchensche Gegend<sup>20</sup> kann ich jeden Ogeblick verpachten un min Pird' un Wag' verköp ich.“ —

1) Fleck, Stelle. 2) brauche. 3) desertirt. 4) Kinder wiegen. 5) nach dem Meinigen sieht, darauf achtet. 6) Lade, Koffer. 7) heißt. 8) dasselbe. 9) meint. 10) genug. 11) Eule. 12) sprichwörtl.: der Geschmack ist verschieden. 13) leise. 14) Verwandtschaft. 15) weit und breit. 16) ein Auge zu werfen, darnach zu sehen. 17) Gegend von Parchim, Stadt im südöstl. Mecklenburg.

„Hurah!“ röp Fridrich, „Hand her, Kammerad! — Dümurjöh! Ich sach Di dat glik den iisten Morgen an, dat in Di en Soldat stek.“ — „Ja,“ said Hinrich, „dat is all recht gaud! Den Willen heww ic, äwer wo bliwwt dat Bullbringen?“ — „Brander,<sup>1</sup> wenn Einer wat Slichts in den Sinn hett, is de Düwel<sup>2</sup> glik parat em den Weg tau wisen; uns' Herrgott ward sick von den Düwel nich lumpen laten, hei ward uns de richtigen Weg' woll wisen, denn't geiht för't Vaderland. — Süh, ic kann nich; het Ostern möt ic bliwen; äwer Du führ morgen glik nah Bramborg un frag' in dat Wirthshus, wo wi west sünd, nah en statschen<sup>3</sup> Mann mit en grisen Snurbort un 'ne Nor<sup>4</sup> äwer de rechte Back — Du ward'st em woll finnen<sup>5</sup> un bi den'n mell<sup>6</sup> Di un mi an: ,Fridrich Schult,' un hadd all deint,<sup>7</sup> brubst äwerst nich tau seggen, dat ic mal von't Kinnerweigen diffentirt bin. Un wenn Du't in Richtigkeit hest, denn giww mi Orre,<sup>8</sup> denn kam ic.“ — „Dat fall gellen!“<sup>9</sup> röp Hinrich. „Un, Fridrich, Du grüß Zug<sup>10</sup> Filen von mi un segg ehr, sei süss sick nich stutzig maken laten, wat ic ehr seggt hadd, dat höll<sup>11</sup> ic.“ — „Dat will ic bestellen, un nu gu'n Nacht!“ — „Gu'n Nacht!“ — Un as Hinrich noch so stunn un up Fridrichen sin Tritten horkt,<sup>12</sup> dunn hürt<sup>13</sup> hei von de Aptheikered<sup>14</sup> her: „Dümurjöh! Verfluchte Patriotten!“

---

1) Bruder. 2) Teufel. 3) stattlich. 4) Narbe. 5) finden. 6) melbe.  
7) hätte schon gedient. 8) Bescheid. 9) gelten. 10) Euer. 11) hielte.  
12) horchte. 13) hörte. 14) Apothekerede.

### Dat twintigste Kapittel.

Wo dat in de Welt, in Stemhagen un in den Möllerhus' bunt äwereck<sup>1</sup> geiht; worüm de Möller un Friedrich nah Stemhagen führen un Eiken ehr nahgeheit.

De Franzos' kamm nich wedder in uns' Gegend; äwer dorüm würd't dor nich ruhiger. De Landstorm brok<sup>2</sup> los, de Herr Umtshauptmann kommandirte dat Ganze, un unner em Kaptein<sup>3</sup> Grischow; äwer dei ehr Lüd' hadden man Peiken<sup>4</sup> — blot Rector<sup>5</sup> Schäfer hadd sich von Slösser<sup>6</sup> Tröpnern 'ne Hellebard malen laten — min Uncle Hers' erricht't en Schüttenkur<sup>7</sup> von einuntwintig<sup>8</sup> Schrotflinten, un de jungen Landlüd' seten tau Pird'<sup>9</sup> mit grote Säbels an de Sid'. Dat is taum Lachen, seggen de nägenlauken<sup>10</sup> Herrn; ic segg, dat is taum Weinen, dat so'ne Tid so selten in dütschen Landen wedder kümmt, dat so'ne Tid kein annen Folgen hatt hett, as de letzten virtig Jahr up-tauwisen<sup>11</sup> hewwen. — Ein einzig Regiment Franzosen hadd den ganzen Swindel<sup>12</sup> utenanner jagt, seggen de Nägenlauken; 't is möglich, segg ic; äwer<sup>13</sup> den Geist hadden sei nich verjagt; äwer<sup>14</sup> dat Einzelne kunn Einer lachen, äwer dat Ganze lachte dummals Keiner, sülwst Bonepart nich.

An ein un densüdwigen Dag gung durch ganz Nedderdütschland<sup>15</sup> von de Weichsel bet tau de Elb, von de Ostsee bet nah Berlin de Raup:<sup>16</sup> „De Franzosen kamen!“ — Sei seggen up Stun'ns,<sup>17</sup> dat wir ab-

1) überred, durcheinander. 2) brach. 3) Capitain. 4) Piken.  
5) Rector. 6) Schlosser. 7) Schützenkorps. 8) einundzwanzig. 9) saßen  
zu Pferde. 10) die neun-, überklugen. 11) vierzig Jahre aufzuweisen.  
12) Swindel. 13) aber. 14) über. 15) Niederdeutschland. 16) Bluf.  
17) zur Stunde, jetzt.

sichtlich anstift't<sup>1</sup> worden, üm tau sehn, wat Nedder-dütschland ded. Wenn't wahr is, denn hewwen sei't tau sehn kregen; Nedderdütschland höll Prauw.<sup>2</sup> Allentwegen, wid un sid,<sup>3</sup> gungen de Stormglocken,<sup>4</sup> kein Dörp<sup>5</sup> blew tau Hus; allentwegen würd marschirt, hir hen un dor hen, un dat ein französch Regiment hadd lange Bein hewwen müht, wenn't allentwegen tauglik<sup>6</sup> hadd löschchen wollt.

De Stemhäger marschirten nah Ankershagen; in Neustrelitz<sup>7</sup> füll de Franzos' sin; de Malchiner marschirten nah Stemhagen: in Stemhagen füll de Franzos' sin. Ja, 't was 'ne bunte Wirthschaft! Up den Markt<sup>8</sup> würden de Peikenlüd<sup>9</sup> in Täg<sup>10</sup> un Kumpamien indeilt;<sup>11</sup> Herr Droi un den Möller sin Friedrich füllen de Satz inrichten, wil sei allein wat dorvon verstün'n; äwer de Börgers parirten ehr nich Orre,<sup>12</sup> wil dat de Ein en Franzos' wir, un de Annen en Knecht. In't zweite Glied<sup>13</sup> null Keiner stahn: Schauster<sup>14</sup> Deichert nich, wil Schauster Bank in't erste stunn; Stuer-innemer<sup>15</sup> Groth nich, wil Bewer Stahl von vören<sup>16</sup> bi't Bajonettfällen emmimmer mit dat verkehrte En'n von de Peik in de kurzen Ruppen summelt,<sup>17</sup> un dat kunn hei nich verdragen. In de Pird'-Koppel exirte<sup>18</sup> min Uncle Hers' in vullen Füer mit de einuntwintig Schrotflinten, immer in'n Ganzen. Ein Hauptkum-mando was: 'Ruff!<sup>19</sup> 'Ruff!', denu mühten sei All mit einmal loschkeiten,<sup>20</sup> irst mit losen Pulver, nahsten<sup>21</sup>

1) angestiftet. 2) heißt die Probe (aus). 3) weit und breit.  
4) Sturmglöckchen. 5) Dorf. 6) zugleich. 7) Neustrelitz. 8) Marktplatz.  
9) die Peikenleute. 10) Züge. 11) eingeteilt. 12) parirten ihnen nicht Orde.  
13) im zweiten Gliede. 14) Schuster. 15) Steuereinnehmer. 16) vorne.  
17) in die kurzen Ruppen stieß (auf ungehörige Weise berührte). 18) exirte.  
19) d'r auf. 20) loschiesen. 21) nachher.

mit scharpe<sup>1</sup> Ladung; as äwer bi't zweitemal Dokter Lukow'n sin wittbunt Kauh dodschaten<sup>2</sup> würd, würd't instellt. Sei jäden nahsten All, 't hadd Snider<sup>3</sup> Bachow dahn, 't is äwer nich utmaft<sup>4</sup> worden. Endlich wieren sei All schön in Reih un Glid, mi as Kaptein Grischow ,links schwenken' kommandirt, kemen sei ok All richtig in de Bramborgsche Strat 'rinner un marschirten in en schönen Klumpen 'rut, un as sei buten<sup>5</sup> wieren, söcht<sup>6</sup> sich Feder en drögen Fautstig,<sup>7</sup> un sei marschirten Ein achter'n Annern, as de Gäuſ' in'n Gasten.<sup>8</sup>

Bi den Ulenbarg<sup>9</sup> würd Holt makt, sei tāuwen<sup>10</sup> up ehren Kommandanten, up den Herrn Amtshauptmann. De Herr Amtshauptmann was taum Gahn tau oft,<sup>11</sup> un rideu<sup>12</sup> kunn hei nich, hei fü hrte<sup>13</sup> also in den Krig. Hei satt<sup>14</sup> stattlich up sinen langen, hogen Korwagen,<sup>15</sup> sin Degen lagg bi em up de Vänk.<sup>16</sup> As hei ankamm, kreg hei'n Vivat! von sine Truppen un höll<sup>17</sup> dorup 'ne Alred' un sprök: „Kinings!<sup>18</sup> Soldaten sünd wi nich, un Dummheiten warden wi maken, dat schad't äwer nich; wer doräwer lachen will, kann't dauhn. Wi willen äwer uns' Schülligkeit<sup>19</sup> dauhn, un dei is: wi willen de Franzosen wisen, dat wi up den Platz sünd. Slimm<sup>20</sup> äwer is't, dat ich nids von Kriegskunst verstah, un dorüm will ich mi bi Eiden nah en Mann ümfeihn, dei dorin bewannert is. — Herr Droz, stigen<sup>21</sup> S' bi mi up den Wagen, un wenn de Find künnt, seggen

1) scharf. 2) weißbunte Kuh todgeschossen. 3) Schneider. 4) ausgemacht. 5) draußen. 6) suchte. 7) einen trockenen Fußsteig. 8) wie die Gänse in der Gerste. 9) Eulenberg. 10) warteten. 11) zum Gehen zu alt. 12) reiten. 13) fuhr. 14) saß. 15) hohen Korwagen. 16) Vank. 17) heißt. 18) Kinderchen. 19) Schuldigkeit. 20) schlimm. 21) steigen.

„ mi Bescheid, wat tau dauhn is. — Verlaten,<sup>1</sup>  
Kinnings, dauh ic<sup>t</sup> Zug nich, un nu vörwärts fö'r  
Vaderland!“ — „Hurah!“ röp sin Volk un. furt  
gung't gegen den Feind.

De Pribnowschen Buren un de Daglöhners<sup>2</sup> ut  
Zürnsdörp un Kittendörp kemen mit Stakelforken un  
Dinger<sup>3</sup> un sloten<sup>4</sup> sic<sup>t</sup> an. „Hanning<sup>5</sup> Heinz,“ säd  
min Unclel Herf<sup>t</sup> tau sinen Abjudanten, „dit sünd uns  
Unregelmäßigen. Tau Tiden is dei Ort gaud tau  
bruken,<sup>6</sup> as wi bi de Kosacken seihu hewwen; äwer sei  
bringen licht Tüderi<sup>7</sup> in de regelmäßigen Truppen,  
dorüm holst<sup>8</sup> Zug ümmer gaud up einen Hümpel,<sup>9</sup> un,  
wenn't losgeiht, denn ümmer ,'Ruff'!“

De Kavalleri würd up Kundschafft utschickt un red<sup>10</sup>  
vörup, un oll Inspekteur Nicolai un de Reisenschriwer<sup>11</sup>  
ut Zvenack hadden Pistolen; dormit schoten<sup>12</sup> sei af un an,  
wohrschinlich üm de Franzosen grugen<sup>13</sup> tau maken, un  
so kemen sei bet nah Alkershagen; äwer de Franzosen  
dropen<sup>14</sup> sei nich. Als sei dit den Herrn Amtshauptmann  
mellen deden,<sup>15</sup> säd dei: „Kinnings, mi dücht,<sup>16</sup> för  
hüt is't naug,<sup>17</sup> un wenn wi nu ümkühren, denn kamen  
wi noch bi Dag' nah Hus. Ne, wat denn?“ — De  
Infall was gaud; Kaptein Grischow kummandirt „führt!“  
un Allens guug nah Hus, bet up 'ne halwe Kumpani  
Peiken un zwei Schrotflinten, dei in den Kittendörper  
Kraug<sup>18</sup> infelen<sup>19</sup> un dor Wunnerding<sup>20</sup> verricht'ten.

1) verlassen. 2) Bauern und Tagelöhner. 3) langgestielte zweizinkige Forken, große Gabeln, zum Ausladen des Getreides, und (andere ähnliche) Dinger, Geräthe. 4) schlossen. 5) dim. von Johann. 6) zu Zeiten, bisweilen ist die Art gut zu brauchen. 7) Verwirrung. 8) hältet. 9) Haufen. 10) ritt. 11) der zweite Schreiber, Wirthschafter, der die Hofknechte, wenn sie mit Korn ic. zur Stadt fahren (reisen), begleitet. 12) schoffen. 13) grauen. 14) trafen. 15) meldeten. 16) dächkt. 17) genug. 18) Krug, Wirthshus. 19) einfielen. 20) Wunderdinge.

As sei taurügg marschirten, kamm Bewer Stahl  
an den Herrn Amtshauptmann 'ranner un frog: „Mit  
Verlöw,<sup>1</sup> Herr Amtshauptmann, fall ic̄ min Peik man  
en beten in Sei Ehren Wagen leggen?“ — „Recht  
gern, mein lieber Meister.“<sup>2</sup> — Un't kamm Schauſter  
Deichert, un't kamm Snider Zutow, un't kemen Vele,  
un't kemen All mit de fulwige Bed’,<sup>3</sup> un' as de Herr  
Amtshauptmann 'rinner führt in't Stemhäger Dur,<sup>4</sup>  
dunn sach sin olle frame<sup>4</sup> Körwagen as 'ne Kriegs-  
maschin un Sichelwagen ut Perser- un Römer-Tiden ut.

Rathsherr Herf<sup>5</sup> let noch dreimal, 'Ruff!<sup>6</sup> up den  
Mark scheiten,<sup>5</sup> un Feder gung tauſreden<sup>6</sup> nah Hus.  
Blot min Uncle was verdreitlich: „Hanning Heinz,<sup>7</sup>  
säd hei tau finen Adjudenten, „dor kunn nids ut  
warden, worüm let mi de oll Amtshauptmann nich  
irst de Buckmähl anſticken?<sup>7</sup>“<sup>8</sup>

Gung dat hund äwered<sup>8</sup> in de Welt tau, so gung  
dat up de Gielowsche Mähl nich anners. De Lüd'  
bröchten Kurn<sup>9</sup> un kregen<sup>10</sup> kein Meh; de Mähl stunn  
still, un dat Kurn würd up den Kurnbän schüdd't.<sup>11</sup>  
Zud' Ezig kamm un halte<sup>12</sup> Sack äwer Sack, un  
jedesmal, wenn hei von den Möllerhof führt, säd de  
Möller: „Gott sei Dank, all wedder dörtig oder vingtig  
Daler afbetalt!“<sup>13</sup> je nahdem 't was. Äwer vergnäugt<sup>14</sup>  
was hei nich dorbi, hei würd ihre Kleinnäudig,<sup>15</sup> un  
blot, wenn de Herr Rathsherr bi em west was un em  
frischen Maud inspraken<sup>16</sup> hadd, denn satt<sup>17</sup> hei hoch

1) mit Verlaub. 2) Bitte. 3) Thor von Stavenhagen. 4) alter  
frommer (harmloser). 5) schießen. 6) zufrieden. 7) erst die Bockmühle  
anstecken. 8) hund übereck, durcheinander. 9) Korn. 10) kriegten. 11) auf  
den Kornboden geschüttet. 12) holte. 13) schon wieder 30 oder 40 Thaler  
abbezahlt. 14) vergnügt. 15) Kleinnäudig. 16) Ruth eingesprochen.  
17) jaß.

tau Pier' un red'te von den groten Kristopher.<sup>1</sup>  
Wenn sin Fru satt<sup>2</sup> un weint; un Fiken mit ehr still  
Gesicht üm em 'rümmer gung, denn würd em frilich  
wedder sihr unruhig tau Sinn, un hei müht sich denn  
mit Iudes Reden de Furcht von den Liw hollen,<sup>3</sup> un  
wenn Fiken, wat öfters geschach, em an de Hand fot<sup>4</sup>  
oder em üm den Hals föll<sup>5</sup> un so recht indringlich mit  
Thranen in de Ogen em fragte: „Wadding, wat is Di  
eigentlich? Wat hett Din Wirk'n tau bedüden?<sup>6</sup>“ denn  
was't unnerscheidlich,<sup>6</sup> wat hei antwurt't, je nahdem  
em tau Maud' was. Hadd hei sin riken Turen,<sup>7</sup> denn  
küft hei sin Kind un säd, sei full man täuwen,<sup>8</sup> dat  
würd sich för ehr schön reigen;<sup>9</sup> hadd hei sin hangen  
Turen,<sup>10</sup> denn schow<sup>11</sup> hei sei von sich un red'te hart  
un barsch, sin Sachen wiren kein Frugensachen,<sup>12</sup> un  
hei müht weiten,<sup>13</sup> wat hei tau dauhn hadd.

Dat was en heimlich Quälen un en heimlich  
Ängsten<sup>14</sup> up allen Siden; äwer endlich müht't apenbor  
tau Dag' breken,<sup>15</sup> as Bäcker Witt sin Weitenmehl  
hewwen wull. hei hadd dorüm schickt, hei hadd dorüm  
schrewen,<sup>16</sup> nu kamm hei sülwst, un't würd en Larm un  
en Schellen,<sup>17</sup> un as de Bäcker von den Hof führte,  
schot<sup>18</sup> hei mit ‚Spitzbauwen‘ un drauhete mit Klagen.  
Alle Dag' kamm nige<sup>19</sup> Argernish. Dat Österfest kamm  
'ranner; von de Häw un ut de Burdörper<sup>20</sup> kamm  
vel Kurn tau't Festmehl; den Möller sin Weiten

1) vom großen Christopher reden, sprichwörtl. = ruhmredig sein.  
2) saß. 3) halten. 4) faßte. 5) fiel. 6) unterschiedlich. 7) von tour, also etwa: war es an der Reihe, daß er sich für einen reichen Mann hielt. 8) warten. 9) reihen, ordnen. 10) vgl. 7. 11) schob. 12) Sachen für Frauen. 13) wissen. 14) Ängstigen. 15) offenbar zu Tage brechen, offenbar werden. 16) geschrieben. 17) Schellen. 18) schob (warf er um sich). 19) neue. 20) von den Höfen und aus den Bauerdörfern.

bläuft,<sup>1</sup> äwer vel, vel Unkrut stunn dormang.<sup>2</sup> De Landrider<sup>3</sup> red<sup>4</sup> up den Hof un süll sick de Sak befragen, de Möller dränte<sup>5</sup> unverständlich Lüg<sup>6</sup> von sinen Kuntrakt un von sin Recht. Den Dag vör Ostern kamen Izig un halte de letzte Fuhr Kurn, un de Möller kamen taum Middageten<sup>7</sup> tau sin Fru un Tiken un säd: „So! mit den'n sünd wi utenein,<sup>8</sup> dei hett sin Geld.“ — Sin Fru un sin Tiken swegen<sup>9</sup> still, un de Möller firt<sup>10</sup> kein gaud' Osterfest in sinen Harten, denn en fröhlichen Globen<sup>11</sup> an 'ne säkere Taufkunst<sup>12</sup> wull in em nich uperstahn.<sup>13</sup> Un den Dag nah Ostern kamen de Landrider wedder un bestellte den Möller up den annern Dag tau Amt un frog ok nah Fridrichen, un as dei kamen, säd hei em, hei süll ok tau Amt kamen. „Wenn'ck will,<sup>14</sup>“ säd Fridrich un dreicht sich snubbs üm,<sup>15</sup> denn em föll<sup>16</sup> dat Wurd von den Herrn Amtshauptmann in: „Dat will icch Di gedanken.“ — „Wenn Du nich kümmt,<sup>17</sup>“ säd de Landrider, „deinn geschüht dat up Din Geföhr.“ — „De Herrn meinen ümmer,<sup>18</sup>“ lacht Fridrich, „wenn ehr Psalmen 'rip sünd,<sup>19</sup> fall Unserein sei plücken.<sup>20</sup> Äwer icch will morgen so wi so nah Steinhagen, denn min Eid bi den Möller is üm.“ — „Du fallst Di woll schicken!<sup>21</sup>“ brummte de Möller, „bet Jehannii heww icch Di meid't.<sup>22</sup>“<sup>18</sup>

Den annern Dag führt de Möller mit Fridrichen nah Steinhagen. Keiner spröt en Wurd. As sei up

1) blühete. 2) Unkraut stand dazwischen. 3) Landreiter, reitender Amtsdiener. 4) ritt. 5) schwäppte. 6) Zeug. 7) zum Mittagessen. 8) aus einander (gesetzt). 9) schwiegen. 10) feierte. 11) Glauben. 12) sichere Zukunft. 13) auferstehen. 14) dreichte sich rasch, kurz um. 15) fiel. 16) Psalmen reif sind. 17) pflücken. 18) bis Johannis habe ich Dich gemiehet.

den Markt<sup>1</sup> kemen, wull Fridrich nah Bäcker Witten  
'ranner bögen.<sup>2</sup> — „Holt!“ röp de Möller, „dor will  
ic nich hen, ic führ bi Guhlen an.“<sup>3</sup> — „Na,  
Möller,“<sup>4</sup> säd Fridrich un sprung von den Wagen un  
smet em de Lin<sup>5</sup> tau, „„denn führen S' sic man sülwst  
hen, denn ic führ bi Witten an,“<sup>6</sup> un dormit gung  
hei. In gauden Dagen hadd de Möller dit woll nich  
leden,<sup>7</sup> hei würd sinen Knecht schön hohalir<sup>8</sup> hewen,  
un wenn't ok Fridrich wir; hüt säd hei nicks, hei was  
de oll Möller nich mihr, hei süsszte deip up,<sup>9</sup> führte  
vör Guhlen sin Dör<sup>10</sup> vör ahn intautreden<sup>11</sup> un gung  
nah den Herrn Rathsherrn sinen Hus' räwer.

Knapp<sup>12</sup> was de Wagen von den Möllerhof, dunn  
kamm Fiken in ehr bestes Tüg<sup>13</sup> nah ehr Mudding  
'rinner, dei satt achter'n Aben<sup>14</sup> un weint. „Mudding,  
ic kann mi nich helfen,<sup>15</sup> ic kann de Gedanken nich  
los warden: hüt is uns vel vermaßt,<sup>16</sup> hüt ward sic  
dat utwisen,<sup>17</sup> ob wi up de Mähl bliwen oder nich.  
Wadding hett wat auricht' t, un wat dat ok is . . . .“  
— „„Hei het' t in sine Dummheit dahm!“<sup>18</sup> röp de  
Möllerfrau dormang.<sup>19</sup> — „Un dorüm will ic em nah;  
ic will den Herrn Amtshauptmann bidden oder de Fru  
Amtshauptmannen oder süss<sup>20</sup> wen — ic weit' jo ok  
noch nich — uns' Herrgott ward mi jo woll de Weg'  
wisen un de Würd' lihren.“<sup>21</sup> — „„Gah,<sup>22</sup> Fiken,“<sup>23</sup>  
säd ehr Moder.<sup>24</sup>

Fiken gung, sei kunn den Wagen noch vör sic hen-  
führen seihn. Sei kamm nah Stemhagen un gung, as

1) Markt. 2) biegen, lenken. 3) ic kehre bei Guhl an. 4) Leine, Bügel.  
5) gelitten. 6) angeschunzt; Pseudofremdwort, von hohal gebildet, wie re-  
galiren sc. 7) seufzte tief auf. 8) I hür. 9) ohne einzutreten. 10) kaum.  
11) Zeug. 12) saß hintern Ofen. 13) helfen. 14) vermaßt = bestimmt. 15) aus-  
weisen. 16) dazwischen. 17) sonst. 18) die Worte lehren. 19) gehe. 20) Mutter.

ümmer, nah Witten sinen Huf'; sei frog nah den  
Bäcker, dei was all<sup>1</sup> tau Aunt; sei gung in de Stuw  
'rin, dor satt Fridrich un red't mit en Soldaten, det  
hadd 'ne gräune Jack an un hadd ehr den Rüggen  
taukihrt. Fridrich sprung up: „Dümurjöh! Fiken,  
wo kamen Sei her?“ — De Soldat sprung of up.  
Leiwer Gott! wat was dat? dat was jo woll Hinrich?  
— Ja, dei was't, hei slog den Arm üm ehr: „„Fiken,  
min leiw, lütt Fiken! Kennst Du mi denn nich  
mihr?“ — Ach, woll kennt sei em noch, Iud' schreg<sup>2</sup>  
sei up: „Hinrich, Hinrich, Du unner de Soldaten?“  
— „„Na,““ röp Fridrich dortüschen,<sup>3</sup> „„Fiken, Sei  
maken sic gaud! Wo hört denn up Stun'ns<sup>4</sup> en  
dächtigen Kirl hen, as unner de Soldaten?““ —  
Fiken hürte<sup>5</sup> nich up sin Red', sei hadd mit ehr Ge-  
danken tau dauhn, un in Gedanken brok<sup>6</sup> dat äwer  
ehre Lippen: „Ach Gott, un of doran is min oll  
Vader schuld. Wat heit' t' mit em, wat is't mit em?“  
— „„Fiken,““ säd Hinrich, „„üni minentwegen brukt<sup>7</sup>  
hei sic kein Gewissen tau maken, un wenn ic<sup>8</sup> of in  
de Frst<sup>9</sup> man weg wull, glik vel wohen un tau wat,  
nu is dat anners, nu weit<sup>10</sup> ic<sup>8</sup> irft, wosför ic<sup>8</sup> Soldat  
worden bün, un wosför dat in't Feld geiht, nu weit  
ic<sup>8</sup> irft, wat dat heit, wenn en Kammerad taum Kam-  
meraden steiht, un wenn en ganzes Regiment mit Liw  
un Lewen för't Vaderland tau Feld geiht. — Süh,<sup>11</sup>  
Du weitst, wat ic<sup>8</sup> von Di holl;<sup>12</sup> äwer wullst Du  
mi hüt Din Hand reiken,<sup>13</sup> ic<sup>8</sup> kunn s' nich nemen;  
ic möt mit; äwer Din Hart nem ic mit mi.““ —

1) schon. 2) schrie. 3) dazwischen. 4) gehört denn zur Stunde,  
jetzt. 5) hörte. 6) brach. 7) heißt es. 8) braucht. 9) zuerst. 10) weiß.  
11) siehe. 12) halte. 13) reichen.

„So redt en Kirl!“ röp Fridrich. — „Gaud, Hinrich,“ säd Fiken, „Du heft Recht, un so gah denn: äwer wenn Du taurügg<sup>1</sup> kümmt, darwst Du uns hir nich mihr säulen;<sup>2</sup> äwer uns brecht<sup>3</sup> dat Unglück tausam, un wer weit, wo lang' uns de Mähl noch Dack un Fach<sup>4</sup> giwnt.“ — „Ih wat, Fiken,“ säd Fridrich, „de Oll<sup>5</sup> hett sick wat anköhljurt,<sup>6</sup> hei is bet an den Hals in't Water gahn, äwer dorüm bruken<sup>7</sup> em de Bülgen<sup>8</sup> noch nich äwer den Kopp tausam tau slagen, hei hett noch gaude Grün'n, dei em de Hand reiken künenu.“ — „Wer kann em helfen?“ säd Fiken, set't<sup>9</sup> sick dal un let de Hän'n in den Schot fallen, „Keiner weit, wat hei sick in den Kopp set't<sup>10</sup> hett.“ — „Oh,“ säd Fridrich, „wat weit Heinrich, hei hett hüt morrn so'n Bägelken<sup>11</sup> singen hört, un dat laten S' sick man von em vertellen,<sup>12</sup> denn ic möt nu of tau Amt.“

---

### Dat einuntwintigste Kapittel.

Worüm de Möller dorbi bliwot, dat schrewen<sup>13</sup> is, wat schrewen is; worüm de Herr Amtshauptmann Fritz Sahlmannen an de Uhrzippel<sup>14</sup> friggt, un min Unkel Hers' ümmer ut de Fatzung<sup>15</sup> kümmt. Womit denn of de Geschicht ganz schön tau En'n kümmt.

Hei gung, un Hinrich un Fiken blewen allein. Up den Sloß satt<sup>16</sup> de oll Herr Amtshauptmann mit den Puderamtel up den Puderstaul, hei was verdreitlich.<sup>17</sup> „Neiting,“<sup>18</sup> säd hei, „de Mantel snert<sup>19</sup> mi.“

1) zurück. 2) suchen. 3) über uns bricht — zusammen. 4) Dach und Fach. 5) der Alte. 6) angerührt, eingebrockt. 7) brauchen. 8) Wellen. 9) sezte. 10) gesetzt. 11) Bögelchen. 12) erzählen. 13) geschrieben. 14) Ohrzipfel, -läppchen. 15) Fassung. 16) saß. 17) verdrießlich. 18) Nettchen, v. Agnes. 19) schnürt.

— „Ih, Bewer, wo kann hei sneren?“ — „Neiting, hei snert mi, un ic bün kein türkischen Pascha, dei dat utprobirt, wo dat deicht, wenn Einer sick mit de siden Snur wörgt.“<sup>1</sup> — „Na, is't so gaud?“ — „Hm, ja; aber das ist eine verdrießliche Sache.“ — „Wat denu, Bewer?“ — „Mit den ollen Gielowschen Möller, dei oll Minsch is jo woll narisch<sup>2</sup> worden, will ic seggen, obschonst sin Sak führ nah Slichtigkeit sneedt.“ — „Wat hett hei?“ — „Je, wat hett hei? All dat Kurn hett hei behollen, wat em de Lüd' taum Mahlen bröcht<sup>3</sup> hewwen, un nahst<sup>4</sup> fall hei't an Zögigen verköfft hewwen. — Wat kicfst<sup>5</sup> Du, Neiting?“ — „Oh, ic seih em dor eben mit Rathsherr Hersen 'rupper kamen.“ — „Mit Rathsherr Hersen?“ röp de oll Herr, stunn up un kefs of ut dat Finster. „Wat will Rathsherr Hers', Neiting?“ — „Hei red't jo mit den Möller.“ — „Un recht angelegentlich red't hei mit em, Neiting,“ sad de oll Herr, un sin Gesicht würd hell utseihn, un en lustig Lachen gled<sup>7</sup> äwer sine Minen, „Gott sei Dank, nu ward ic den Möller von Slichtigkeiten los spreken möten, dit ward up 'ne Dummheit 'rut kamen, denn de Herr Rathsherr sitt dormang.“<sup>8</sup> — „De Rathsherr is doch so'n gauden, iehrlichen Mann.“ — „Dat is hei, Neiting, äwer hei makt Stückschens<sup>9</sup> — Stückschens makt hei!“ Dormitung de Herr Amtshauptmann in de Gerichtsstuw.

Vör de Gerichtsstuw stunn Wächter Roggenhom un Bäcker Witt un Schult<sup>10</sup> Besserlich un noch en Dutzend Unner, dei All den Möller verklagt hadden.

<sup>1)</sup> mit der seidenen Schnur würgt, erdrosselt. <sup>2)</sup> närrisch. <sup>3)</sup> gebracht. <sup>4)</sup> nachher. <sup>5)</sup> guest. <sup>6)</sup> guckte. <sup>7)</sup> glitt. <sup>8)</sup> süss dazwischen. <sup>9)</sup> Stückchen, Streiche. <sup>10)</sup> Schulze, Schultheiß.

As dei nu mit den Herrn Rathsherrn tüschen sei 'rinner  
tred<sup>1</sup> un sin besten Frün'n gegen sick sach,<sup>2</sup> satte<sup>3</sup> em  
dat Hart<sup>4</sup> in de Hosen, un as sei em All ut den Weg'  
gungen, un hei sinen Schimpf<sup>5</sup> in ehre Ogen lesen  
kunn, würd em schwack<sup>6</sup> tau Sinn, hei müßt sick an den  
Herrn Rathsherrn sinen Arm hollen<sup>7</sup> un säd sachten:<sup>8</sup>  
„Min leiw' Herr Rathsherr, min leiw' Herr Rathsherr,  
mi ward nich gaud tau Maud.“ — So wat  
sticht an;<sup>9</sup> minen Unkel Hers' würd ok nich gaud tau  
Maud'. Taum ixtemmal wil<sup>10</sup> de gauze Eid, wo dat  
Stück spelte, steg in em 'ne düstere Ahnung up, dat  
hei sick wohrschinlich in den Nettel setten<sup>11</sup> würd. Allens,  
wat hei för den Möller spreken wull, küsselte<sup>12</sup> sick in  
em üm un üm, un as de Möller 'rin raupen<sup>13</sup> würd  
in de Gerichtsstuw, un hei mit gung, was Allens bi  
em ut den Text bet up sin würdig Utseihn,<sup>14</sup> un dat  
fung ok gewaltig an tau wackeln, as de oll Herr iinst-  
haft up em losgung: „Wat verschafft mi de Ihr,<sup>15</sup>  
Herr Rathsherr?“

Min Unkel Hers' was sihr stark in richtigen Ant-  
wurten, äwer Einer müßt em Eid laten,<sup>16</sup> hei müßt  
ünnier irst en groten Bogen maken, ihr<sup>17</sup> hei an de  
Sak heranner kamm; dese Frag' was em tau liktau,<sup>18</sup>  
un den ollen Herrn sin Gesicht was em tau stramm;  
hei snuwelte<sup>19</sup> also mit den Notorius publikus un den  
Rechtsbistand von den Möller äwer sin Lippen 'räwer.  
„Bistand?“ frog de oll Herr, un äwer sin Gesicht

1) zwischen sie herein trat. 2) sah. 3) sank, fiel. 4) Herz.  
5) Schimpf, Schande. 6) schwach(müthig). 7) halten. 8) sagte leise.  
9) sticht an. 10) während. 11) sich in die Nessel, d. h. in Unannehmlichkeiten  
setzen. 12) drehte, wirbelte. 13) gerufen. 14) Ansehen. 15) Ehre. 16) Zeit  
lassen. 17) ehe. 18) zu geradezu. 19) eigentl. stolperete.

flunkerte<sup>1</sup> so'n snurrig<sup>2</sup> Licht. „Schön, Herr Rathsherr; setten<sup>3</sup> S' sich gefälligst un hören S' tau.“<sup>4</sup> — Min' Unkel Hers' setzte sich also, un dit was en Glück för emi, denn hei kunn in'n Sitten beter<sup>5</sup> nahdenken un sich of beter faten.<sup>6</sup> Un so dacht hei denn nah un satte sich.

„Möller Boß,“ frog de oll Herr, „hett Hei von den'n un den'n un den'n — Kurn taum Mahlen kregen?<sup>7</sup> Ne, wat denn?<sup>8</sup>“ — „Ja, Herr Amtshauptmann.“<sup>9</sup> — „Wo is dat Kurn blewen?<sup>10</sup>“ — „Dat heww ic<sup>t</sup> an Zzigen verlöfft;<sup>11</sup> äwer de Säck liggen in minen Hus', dei will ic<sup>t</sup> an't Gericht aслиern.“<sup>12</sup> — „So? — dat is jo recht nett. Äwer weit Hei of, dat Hei sich in grote Unrechtfertigkeiten<sup>13</sup> inlaten hett, un dat dit sihr stark nah Bedreigeri<sup>14</sup> smedt?<sup>15</sup>“ — „Herr Amtshauptmann,“<sup>16</sup> säd de Möller, „ic<sup>t</sup> bün in min Recht,“<sup>17</sup> un wischte sich mit de verwen'nte Hand<sup>18</sup> den Angstsweiz<sup>19</sup> von den Kopp. — „Ja,“ säd min' Unkel Hers' un stumm up, „wi sünd . . .“ — „Herr Rathsherr,“<sup>20</sup> säd de Herr Amtshauptmann, „ic<sup>t</sup> heww in min Gerichtsstuw min eigen Moden, setten S' sich un hören S' tau.“<sup>21</sup> — Worüm was min' Unkel Hers' äwer of upstahn?<sup>22</sup> Nu was hei wedder uter Tatung kamen,<sup>23</sup> un müsst sich wedder setzen, üm sich von frischen tau faten. — „Möller Boß, wat red't Hei von Sin Recht?<sup>24</sup>“ — „Je, Herr, Sei hewwen mi fulwst seggt: wat schreuen is, is schreuen, un in minen nigen<sup>25</sup> Kuntrakt von vergangen Jahr steiht dat schreuen, dat

1) flimmerte, funkelte. 2) schnurrig, sonderbar. 3) sezen. 4) hören Sie zu. 5) im Sitten besser. 6) fassen. 7) Korn zum Mahlen gekriegt. 8) verkauft. 9) Unrechtfertigkeiten. 10) Betrügerei. 11) mit der umgewandten, d. h. mit der Außenseite der Hand. 12) Angstsweiz. 13) aufgestanden. 14) außer Fassung gekommen. 15) neuen.

ich von jeden Schäpel<sup>1</sup> einen Schäpel Mahllohn hewwen soll." — „Wo is Sin Kuntrakt?“<sup>2</sup> — „Hir," antwort' de Möller un gaww em hen. — De oll Herr las em, schüddelt mit den Kopp: „Hm, hm! Das ist ja eine sonderbare Sache!“<sup>3</sup> namm de Klingel un Klingelt: „Fritz Sahlmann fall mal 'rinner kamen!“<sup>4</sup> Fritz kamm. „Fritz, kumm mal hir neger!“<sup>5</sup> Fritz kamm neger. De Herr Amtshauptmann kreg em bi dat Ohrläppken un ledd't<sup>6</sup> em an den Disch, wo de Kuntrakt upslagen lagg: „Fritz, wat heww ic Di ümmer seggt: Du richt'st noch mal in Dine Flüchtigkeit allerlei Unheil an, un nu is't richtig so kamen, nu hest Du en por olle Lüd' tau Dummheiten verführt, dei ehr dür<sup>7</sup> tau stahn kamen kunnen, wenn ic nich wüßt, dat dat eben blote Dummheiten wiren. Nimm de Fedder<sup>8</sup> un strik<sup>9</sup> hir, Schäpel<sup>10</sup> ut un schriw, Matt<sup>11</sup> haben.“<sup>12</sup> Fritz ded dat; de Herr Amtshauptmann namm den Kuntrakt un gaww em den Möller: „So, Möller Voß, nu is Allens in Richtigkeit.“<sup>13</sup> — „Äwer, Herr Amtshauptmann . . .“ röp de Möller. — „Möller,“<sup>14</sup> unnerbrok<sup>9</sup> em de oll Herr, „ich ward mit de Klägers reden, dat sei Em acht Dag' Respit<sup>10</sup> gewen, denn möt Hei äwer dat Kurn oder dat Geld dorför schaffen, füs<sup>11</sup> geiht dat nich gaud.“<sup>12</sup> — „Äwer, Herr Amtshauptmann . . .“ röp min Uncle Hers' un stunn up. De Herr Amtshauptmann lek em an, min Uncle was ogenschinlich uter Fatung. „Herr Rathsherr, setten S' sic un hüren S' tau,“<sup>15</sup> säd de oll Herr sihr irnhaft. „Herr Rathsherr, Sei hewwen

1) Scheffel. 2) näher. 3) kriegte, fasste ihn bei dem Ohrläppchen und leitete, führte. 4) thiever. 5) Feder. 6) streiche -- aus. 7) Meze. 8) darüber. 9) unterbrach. 10) Respect = Nachsicht, Frist. 11) sonst.

nich Kind un nich Regel, un hewwen so vel, dat Sei gaud so lewen kānen; gewen S' den Notorius publicus up, un kānen Sei nich von em laten, denn bliwen S' mit em ut dat Amtsgebeit furt, Segen kūmmt för uns nich dorbi 'rut.'<sup>9</sup> Dormit dreicht hei den Herrn Rathsherrn den Rüggen tau, Klingelt<sup>1</sup> un säd:  
„Den Möller sin Knecht, Friedrich Schult, fall 'rinne  
famen.“<sup>10</sup>

De oll Möller was ganz slagen un braßen<sup>2</sup> an de Dör gahn, min Unkel was em nahgahn; äwer Einer kunn seihn, dat dat in finen Kopp schümen un brusen ded.<sup>3</sup> In de Dör sat hei Posten,<sup>4</sup> hei reckt<sup>5</sup> de beiden Arm vör sick hen; noch säd<sup>6</sup> hei nicks; äwer nu — nu kamm Friedrich herin un schow<sup>7</sup> em en En'n lang bi Sid' un ut de Dör — hei suet en hastigen Blick up Friedrichen — de oll Amtsdeiner<sup>8</sup> Ferge makte de Dör tau, un dat was de letzte Blick, den'n hei in Rechtsjakken dahn hett, denn förredem<sup>9</sup> hung hei den Notorius an den Nagel.

„Min Sähn,“ säd de Herr Amtshauptmann tau Friedrichen, „kunum en beten neger 'ran!<sup>10</sup> Du büst dat jo woll, dei min Filz Besserdichs frigen<sup>11</sup> will?“ — „Ne,“<sup>12</sup> säd Friedrich. — „Ih,“ säd de oll Herr un set em nipper<sup>13</sup> an, „deinst?<sup>13</sup> Du denn nich bi den Möller?“ — „Ne,“<sup>14</sup> säd Friedrich wedder un rögt<sup>14</sup> sick nich. — „Wat?“ frog de oll Herr, „büst Du nich de Möllerknecht, Friedrich Schult, tau den'n ic̄ mal seggt heww, ic̄ wullt em gedenken? Ne, wat denn?“

1) Klingelte, schellte. 2) geschlagen und gebrochen. 3) schäumte und brauste. 4) saßte er Posto. 5) streckte. 6) sagte. 7) schob. 8) Amtsdiener. 9) seitdem. 10) ein bischen näher heran. 11) freien. 12) genauer. 13) dienst. 14) regte, rührte.

— „De Friderich Schult bün ic<sup>d</sup>, Herr; äwer bi den Möller de i<sup>d</sup>n ic<sup>d</sup> nich mihr, dor bün ic<sup>d</sup> gahn,<sup>1</sup> un dei Dirn will ic<sup>d</sup> nich mihr, denn dei let mi gahn,<sup>2</sup> un Möllerknecht bün ic<sup>d</sup> ok nich mihr, denn förre<sup>3</sup> 'ne halwe Stun'n bün ic<sup>d</sup> unner de Soldaten gahn.“ — „Na, so gah un gah! Ic<sup>d</sup> glöw, nu büst Du up't rechte Flag<sup>4</sup> gahn. Äwer, min Sähn, Du hest noch en Schinken bi mi in'n Solt.<sup>5</sup> Büst Du dat nich west, dei tauirst den Mantelsack von dat Schaffür-Pird namen<sup>6</sup> hett?“ — „Ja.“ — „Un Du hest den Mantelsack upmakt<sup>7</sup> un hest Di dor Geld 'ruter namen un hest also wüjt, dat dor Geld in was?“ — „Dat heww ic<sup>d</sup>,“ said Friderich un sach patzig<sup>8</sup> ut, „un dat strid' ic<sup>d</sup> ok nich.“ — „Na, denn hür mal nipping<sup>9</sup> tau, wat ic<sup>d</sup> Di seggen will. Dat Geld is herrenlos Gaud, denn de Franzosen hewwen dat upgewen,<sup>10</sup> un Du hest dat funnen<sup>11</sup> un hest Di ok all in den Besitz set't,<sup>12</sup> denn Du hest dorvon namen; nu is dor äwer noch en Kirl, den'n nennen sei ‚Fiscus‘, dat's en dullen Kirl,<sup>13</sup> dei sluct<sup>14</sup> Allens äwer, wat hei kriegen kann, un vör Allen is hei slimm up herrenlos Gaud, un dit hett hei, so tau seggen, ok all in sinen Rachen; äwer tauwilen<sup>15</sup> kriegt hei ok sachtmäudige<sup>16</sup> Anwandlungen, wenn hei 'ne ordentliche, edte Zähllichkeit führt, un wenn em Einer dei recht beweglich vör de Ogen rückt. Dat Letzt heww ic<sup>d</sup> nu nah minen Krüften dahn, un de Herr Fiscus hett tau Dinen Gunsten up dat Geld Verzicht leist't. Un hir, min Sähn, dit is de Schinken, den'n

1) gegangen. 2) ließ mich gehen. 3) seit. 4) Fleck, Stelle. 5) Du hast noch einen Schinken bei mir im Salz, etwa: ein Hähnchen zu rupfen, hier: etwas abzumachen. 6) genommen. 7) aufgemacht. 8) patzig, unverschämt = derb, grob. 9) genau, adv. 10) aufgegeben. 11) gefunden. 12) gesetzt. 13) toller, arger Kerl. 14) schlucht. 15) zuweisen. 16) sanftmäudig.

Du bi mi in'n Solt hest!" Dormit flog<sup>1</sup> hei en Dauf<sup>2</sup> tauügg, un den Franzosen sin Mantelsack knum taum Börschin. „Fridrich Schult, de Mantelsack un dat Geld is Din.“

Fridrich stunn dor un kek<sup>3</sup> den Herrn Amtshauptmann un den Mantelsack an, un denn wedder den Mantelsack un den Herrn Amtshauptmann un fung endlich an, sick mit groten Zwer<sup>4</sup> achter de Uhren<sup>5</sup> tau kräzen. — „Na?“ frog de oll Herr un läd<sup>6</sup> em de Hand up de Schuller.<sup>7</sup> „Ne, wat denn, Fridrich?“ — „„Hm,““ säd Fridrich, „„ja, Herr Amtshauptmann, un ic<sup>8</sup> bedank mi ok velual; äwer't paft mi nich recht.““ — „Dat Geld paft Di nich?“ — „„Ih ja, dat Geld paft mi woll; äwer dat paft mi up Stun'ns<sup>9</sup> man nich. De Dirn will mi nich, un ic<sup>8</sup> bün unner de Soldaten; dor kann ic<sup>8</sup>t doch nich mitnemen.““ — „„Hm,““ säd de oll Herr un gung mit groten Schritten in de Stuw up un dal,<sup>9</sup> „das ist doch eine sonderbare Sache.“ Endlich blew hei vör Fridrichen stahn un kek em mit en eigenen Blick in de Ogen: „Fridrich Schult, bores Geld is up Stun'ns sihr knapp, un ic<sup>8</sup> weit Fläg',<sup>10</sup> wo de Husvader sick dorüm den Bast<sup>11</sup> von de Fingern wringt, un Fru un Kind in Thranen sitten.“ — De Möllerknecht Fridrich Schult kek tau Höch<sup>12</sup>, hei kek in den ollen Herrn sin Ogen, un't was em, as wenn em dor en Strahl entgegen lücht<sup>13</sup>t, dei em warm in't Hart föll.<sup>14</sup> „„Dümurrjöh!““ röp hei, langte nah den Mantelsack, namum em unner'n Arm, „„ic<sup>8</sup> weit Bescheid, Herr Amtshauptmann. Adjüs, Herr!““ —

1) schlug. 2) Tuch. 3) guckte. 4) Eifer. 5) hinter den Ohren.  
6) legte. 7) Schulter. 8) zur Stunde, augenblicklich. 9) auf und ab.  
10) Flecken, Stellen. 11) Bast, Haut. 12) in die Höhe. 13) leuchtete. 14) fiel.

Hei wull gahn, de oll Herr gung em het an de Dör nah: „Fridrich Schult,” säd hei un fot<sup>1</sup> sin Hand, „min Sähn, wenn Du ut den Krig’ wedder taurügg kümmt, spre<sup>2</sup> en heten bi mi vör, Du sollst mi vertellen, wo Di dat gahn is.”<sup>3</sup>

De Gerichtsstuw was leddig,<sup>4</sup> de Herr Amtshauptmann satt bi sin Fru in ehre Stuw un säd: „Neiting,” säd hei, „des’ Möllerknecht, des’ Fridrich! wenn dei mal wedder tau mi taurügg künmt, ic<sup>t</sup> glöw, ic<sup>t</sup> freu mi mihr, as wenn ‘ne Prinzessin bi mi tau Besäuk<sup>5</sup> künmt.”

As de Möller un min Uncle Hers’ den Cloßberg<sup>6</sup> dal gungen, säden sei kein Wurd, äwer ut ganz unnerscheidlichen<sup>7</sup> Ursaken; de Möller sweg,<sup>8</sup> wil hei ganz in sic<sup>t</sup> was, min Uncle, wil hei ganz uter sic<sup>t</sup> was, hei kunn de Wurd’ nich finnen.<sup>9</sup> Taulezt brok<sup>10</sup> hei los: „Dat fall en Gerichtsdag sin?! Dat fall en Urthel sin?! De oll Amtshauptmann, de olle graue Kirl!<sup>11</sup> lett dei en Minischen tau Wurd kamen?! Möller Voß, wi gahn wider,<sup>12</sup> wi gahn in de tweite Instanz.” — „Herr Rathsherr,”<sup>13</sup> säd de oll Möller ganz swad,<sup>14</sup> „ic<sup>t</sup> gah nich wider, ic<sup>t</sup> bün wid’ naug,<sup>14</sup> ic<sup>t</sup> bün all het an den Hacken.”<sup>15</sup> — „Badder,”<sup>15</sup> säd de oll Bäcker Witt, dei achter ehr hergahn<sup>16</sup> was un den Möller sin Wurd’ hürt<sup>17</sup> hadd, „treck<sup>18</sup> Di dat nich tau führ tau Kopp, dat kann all beter<sup>19</sup> warden. Un nu kumm mit nah minen Hus’, Din Fiken is of dor.” — „Min

1) faste. 2) spreche. 3) wie es Dir gegangen ist. 4) leer.  
5) Besuch. 6) Schloßberg. 7) unterschiedlich. 8) schwieg. 9) finden.  
10) brach. 11) der alte grobe Kirl. 12) weiter. 13) schwach. 14) weit  
genug. 15) Gevatter. 16) hinter ihm hergegangen. 17) gehört.  
18) ziehe ic<sup>t</sup>, d. h. nimm Dir das nicht zu sehr zu Herzen. 19) alles  
besser.

Fiken?"" — Äwer de Bäcker let<sup>1</sup> em nich wider tau  
Wurd kamen, un de oll Möller folgt em in't Hus, as  
en willenlos Kind. De Armauth<sup>2</sup> nich, de Schimp  
drückt em dal.

Min Uncle Hers' gung nich mit in't Hus, hei gung  
vör de Dör up un dal,<sup>3</sup> un em kemen allerlei Ge-  
danken. Min Uncle hadd ümmer vel Gedanken, un för  
gewöhnlich spazirten sei in sinen Hirnkästen<sup>4</sup> herümi,  
as lütte, nüdliche, smucke Kinner<sup>5</sup> mit helle, blage  
Ogen,<sup>6</sup> un wenn sei sick of männigmal en beton jogen  
un äwerenanner henpurzelten,<sup>7</sup> un wenn sei of männig-  
mal Blin'nfauh spelten<sup>8</sup> un allerlei verdreihetes Tüg an  
den Dag gewen,<sup>9</sup> so wiren sei doch ümmer sünndagsch  
antredt<sup>10</sup> un för em smuck un nüdlich antausehn; äwer  
deß' Gedanken, dei em vör Witten sin Dör kemen,  
wiren 'ne Haud' verlumpete Bedelgören,<sup>11</sup> dei sick nich  
abwisen leten<sup>12</sup> un de Hän'n utreckten<sup>13</sup> un ut einen  
Hals' repen:<sup>14</sup> „Herr Rathsherr, Herr Rathsherr Hers',  
helpen<sup>15</sup> S' den Möller! Sei hewwen em in de Tint  
bröcht, nu helpen S' em wedder 'ruter.“ — „Mein  
Gott,"<sup>16</sup> sad min Uncle, „so lat't<sup>16</sup> mi doch! Ich  
will jo; ich will 'ne Hypothek up min Hus upnemen,  
äwer wo fall't herkamen? wo fall't bore Geld her-  
kamen?"" Un de lütten Bedelgören bröchten em so in  
de Eng', dat hei nah Witten sinen Durweg<sup>17</sup> 'rinner  
müsst, üm ehr ut den Weg' tau kamen.

Hir stunn Hinrich un sadelte un tömte<sup>18</sup> sin beiden

1) ließ. 2) Armut. 3) vor der Thür auf und ab. 4) Hirnschale.  
5) Kinder. 6) blaue Augen. 7) manchmal ein bisschen jagten und über  
einander henpurzelten, spielen. 8) Blindefuh spielen. 9) verdreihetes Zeug,  
tolle Dinge an den Tag geben. 10) sonntäglich angezogen. 11) Gut =  
Heerde, Schaar zerlumpete Bettelkinder. 12) abweisen ließen. 13) aus-  
streckten. 14) rießen. 15) helfen. 16) laßt (zufrieden). 17) Thorweg.  
18) jatteste und zäumte.

Brunen,<sup>1</sup> dei noch nich verlöfft wiren, un as min  
Unkel em in de gräune<sup>2</sup> Zad<sup>3</sup> un mit den Krig unner  
de Näs<sup>4</sup> knapp heruter kennt<sup>4</sup> hadd, kamm Fridrich in  
den Durweg 'rinner un smet<sup>5</sup> sinen Mantelsack in de  
Krüww,<sup>6</sup> dat dat klimpert un runsch<sup>7</sup>. „Hinrich,” röp  
hei, „aller Anfang is swor, hadd de Dūwel seggt un  
hadd sic<sup>8</sup> mit Mählenstein dragen, äwer . . .“ —  
hir würd hei den Herrn Rathsherrn gewoehr un unner-  
brok<sup>8</sup> sic<sup>9</sup>: — „Gu'n Morrn, Herr Rathsherr, un nemen  
S' nich äwel, äwer Sei können mi en groten Gefallen  
dauhn. Seihn S', de Möller hett mi noch bet tau  
Zehanni meid't,<sup>9</sup> un uthollen<sup>10</sup> müßt ic<sup>11</sup> eigentlich;  
äwer ic<sup>11</sup> heww doch so'ne grote Lust mittaugahn, un  
nu seggen S' em, wenn hei mi gahn let, denn wull  
ic<sup>11</sup> em dat Franzosengeld leihnen,<sup>11</sup> bet ic<sup>11</sup> wedder kem,  
denn dat hewwen sei mi hüt up den Sloß tauspraken,<sup>12</sup>  
un't liggt<sup>13</sup> hir in de Krüww.“

Weg wiren ut minen Unkel sinen Verstandeskästen<sup>14</sup>  
de lüsten Bedelgören, un de lütten sünndagsch up-  
putzten<sup>15</sup> Kinner sprungen d'rin 'rum<sup>16</sup> un schoten  
Kopphester,<sup>17</sup> un hei sülöst schot binah Kopphester  
äwer 'ne Halsterled',<sup>18</sup> as hei up Fridrichen losprung:  
„Fridrich, Fridrich! Hei is en — is en — is en  
Engel.“ — „Ja, en ollen schönen Engel!“<sup>19</sup> säd  
Fridrich. — „Fridrich，“ röp min Unkel, „dat will'n  
wi glik schriftlich maken.“ — „Ne, Herr Rathsherr,“<sup>20</sup> säd Fridrich, „dat will'n wi n ich dauhn, dor  
künn sic<sup>11</sup> wedder en Schriwfehler inslikken,<sup>19</sup> un denn

1) Braune (Pferde). 2) grün. 3) unter der Nase. 4) kaum erkannt.  
5) schmitz. 6) Krippe. 7) Klapperte. 8) unterbrach. 9) gemiethet.  
10) aushalten. 11) leihen. 12) zugesprochen. 13) liegt. 14) d. h. Hirn-  
schale. 15) aufgeputzt. 16) darin herum. 17) schossen Kobold, machten  
Burzelbäume. 18) Halsterkette. 19) Schreibfehler einschleichen.

kunn dor wedder Glend ut entstahn. Wat von Mund tau Mund spraken is, dat fall gellen.<sup>1</sup> — Hinrich,<sup>2</sup> wen'nt<sup>3</sup> hei sick tau den'n, „„büst Du mit Allens un mit Eiken in'n Kloren?“<sup>4</sup> — Hinrich stunn achter sin Mähr,<sup>5</sup> hadd de beiden Arm up den Sadel<sup>6</sup> leggt un sek d'räwer hen un nickte mit den Kopp, denn reden kunn hei nich. — „„Na, denn!“<sup>7</sup> röp Fridrich un langte nah den Tägel von de spatlähm Sadelmähr;<sup>8</sup> Hinrich ret<sup>9</sup> em den Tägel ut de Hand, swung sick in den Sadel un smet em den Tägel von den schönen brunen Wallach tau: „Brauder, dat Best is för Di noch tau flicht.“ — „„Mein Gott,“<sup>10</sup> röp min Uncle, „„will'n Zi denn den Möller un Füllen nich . . . ?“<sup>11</sup> — „Is All all gaud!“<sup>12</sup> röp Fridrich. „Adjüs, Herr Rathsherr!“ Un 'ruter drawten<sup>13</sup> sei ut den Brandborgschen Dur.<sup>14</sup>

Wi Gören stunden<sup>15</sup> an den Dur un sekken<sup>16</sup> ehr nah. „Dat sünd kein Franzosen,“ säd Hanne<sup>17</sup> Bank. — „Dat sünd weck von uns“,<sup>18</sup> säd Fritz Risch, un't was, as wenn en eigen Stolz in uns inlichit was.

„Gott gew, dat sei wedder kamen!“ säd oll Bader Rickert.

---

Un sei kemen wedder. Nah Jöhr un Dag un taum annern Mal nah Jöhr un Dag was en Frühjahr för Dütschland anbraken.<sup>19</sup> Slachten wiren slagen,

1) gelten. 2) wandte. 3) im Klaren, in Ordnung. 4) hinter seinem Pferde. 5) Sattel. 6) Bügel des spatlähmten Sattelpferdes. 7) riss. 8) ist Alles schon gut. 9) trabten. 10) (Neu-)Brandenburger Hor. 11) wir Kinder standen. 12) guckten. 13) dim. v. Johann. 14) welche von den unfrigen. 15) angebrochen.

Blaud<sup>1</sup> was flaten<sup>2</sup> up de Barg' un in de Grün'n,<sup>3</sup>  
äwer de Regen hadd't affpäult,<sup>4</sup> un de Sünn<sup>5</sup> hadd't  
drögt,<sup>6</sup> un de Erd'<sup>7</sup> let Gras d'räwer wassen,<sup>8</sup> un de  
Wunden von't Minschenhart wiren von de Hoffnung  
verbunnen mit en Balsam, den'n sei Friheit heiten.<sup>9</sup>  
Vele sünd nahst wedder upbraken,<sup>10</sup> denn't müggt<sup>11</sup>  
woll nich de richtige, von den Himmel stammende  
Balsam wesen.

Awer doran dacht in dit schöne Frühjahr Keiner,  
un in min lütt Vaderstadt gräunte un bläuhete dat<sup>12</sup> in  
Goren<sup>13</sup> un Feld, un de bange Minschenhost athent  
deip up,<sup>14</sup> denn up de Welt lagg Minschen- un Gottes-  
freden. Min Uncle Hersen sin Schüttenkur<sup>15</sup> hadd sin  
einuntwintig<sup>16</sup> Schrotflinten achter't Schapp<sup>17</sup> stellt, un  
hei hadd doruter en Musikkur tausam stellt, wat hei  
'ne ,Kapell' näumen ded,<sup>18</sup> un't kann em sihr tau  
Statten, dat hei sei in de Krigstdid dortau anlihrt<sup>19</sup>  
hadd, dat sei All tauglik Loschkeiten<sup>20</sup> müßten, denn nu  
föllen<sup>21</sup> sei von sülwst mit Fideln un Fläuten<sup>22</sup> un  
Klarenetten tausam in. Des Abends bröchten sei  
Ständschchen,<sup>23</sup> un de Melodi kann ic hüt noch singen,  
denn sei spelten<sup>24</sup> ümmer ein un datsülgig Stück, un  
min Uncle hett mi nahst<sup>25</sup> seggt, dat wiren Variationen  
west tau dat schöne Thema: ,Gestern Abend war Vetter  
Michel da.' — As de Slacht von Leipzig wunnen<sup>26</sup>  
was, brennten de Freudenfüer up den Ulenbarg un den  
Mählenbarg,<sup>27</sup> un de Stadt was illumirt; schaten<sup>28</sup>

1) Blut. 2) geflossen. 3) auf den Bergen und in den Gründen, Thälern. 4) abgespült. 5) Sonne. 6) getrocknet. 7) Erde. 8) d'rüber wachsen. 9) hieben, nannten. 10) nachher wieder aufgebrochen. 11) möchte. 12) gräunte und bläuhete es. 13) Garten. 14) Menschenbrust athmete tief auf. 15) Schützenkorps. 16) einundzwanzig. 17) hinter den Schrank. 18) nannte. 19) angelehrt. 20) zugleich loschrieben. 21) fiesen. 22) Flöten. 23) Ständchen. 24) spielten. 25) nachher. 26) gewonnen. 27) Eulen-berg und Mühlenberg. 28) geschossen.

würd twors<sup>1</sup> nich, denn wi hadden kein Kanonen,  
äwer Kanonen dunner hadden wi doch; denn den  
Herrn Rathsherrn sin Adjudent, Hanne Heinz, un de  
oll Dokter Meß wieren up den glücklichen Zufall kamen  
un hadden eßliche Gentner-Stein up 'ne Meßbör<sup>2</sup> leggt  
un smeten sei mit aller Gewalt gegen den ollen  
Podagra-Kasper sinen Durweg,<sup>3</sup> dat de richtige Kanonen-  
dunner 'ruter kam, un de Durweg in Stücken lagg.

Un wat was't för en Jubel, un wat was't för  
'ne Herrlichkeit, wenn ein Mudder tau de auner  
vertellte:<sup>4</sup> „Baddersching,<sup>5</sup> min Jochen<sup>6</sup> is ok dorbi  
west, un hei hett schreven,<sup>7</sup> dat hei glücklich dorvon  
kamen is.“ Un Hinrich hadd ok schreven, un Fridrich  
hadd grühen laten. Un as dat in Stemhagen bekannt  
würd, dunn gung dat von Mund tau Mund: „Je,  
de oll Fridrich! Den'n lat't man!<sup>8</sup> Dat's en ollen  
Gedeinten!“<sup>9</sup> Un en Feder red'te von den ollen  
Fridrich, un so hett sich allmälich in min Baderstadt  
Stemhagen de Sag' utspunnen,<sup>10</sup> de oll Unteroffizirer  
Fridrich Schult hadd eigentlich de Schlacht bi Leipzig  
gewonnen, hei hadd't sinen Obersten Warburg seggt,  
wo't makt warden müht, un dei hadd't oll Blücheren  
sinen<sup>11</sup> Adjudenten seggt, un dei hadd't oll Blücheren  
seggt, un oll Blüchert hadd seggt: „Fridrich Schult hett  
Recht!“ hadd hei seggt.

Äwer ok dese Eid vull Jubel un vull Zwifel,<sup>12</sup>  
vull Furcht un vull Hoffnung was vöräwer, un dat  
schöne Frühjahr was kamen, von dat ic haben<sup>13</sup> seggt

1) zwar. 2) Bahre zum Mistaustragen. 3) Thorweg. 4) erzählte.  
5)dim. von Gevatterin. 6) Joachim. 7) geschrieben. 8) den laßt nur.  
9) alter Gedeinter (Soldat). 10) ausgesponnen. 11) des alten Blücher.  
12) Zweifel. 13) oben.

heww, un eines Dags was 'ne schöne Kutsch nah den Sloß 'rupper füört, un de Lüd' säden, up den Sloß  
füll't hoch hergahn, un Fritz Sahlmann kamm den  
einen Dag 'runner un vertellte,<sup>1</sup> mit Mamsell West-  
phalen würd't woll bald tau En'n gahn, denn wenn  
dit acht Dag' so bi bleuw, denn würd sei woll blot  
noch in de Graden hängen,<sup>2</sup> un de Gäst, säd hei,  
wullen acht Dag' bliwen. Den annern Dag kamm  
hei wedder un vertellte, de Herr Amtshauptmann wir  
all Klock nägen upstahn<sup>3</sup> un hadd't Finster upmält un  
hadd sungen, mit sine natürliche Stimm sungen! un  
de Fru Amtshauptmannen hadd achter<sup>4</sup> em stahn un  
hadd de Hän'n äwer den Kopp slagen, un hei, Fritz  
Sahlmann, füll 'ne schöne Empfehlung maken an min  
Wadding un min Mudding, un, wenn't möglich wir,  
— tau Middag. Un den drüdden<sup>5</sup> Dag würd ic  
sauber antagen<sup>6</sup> un up't Sloß schick: 'ne Empfehlung  
an den Herrn Amtshauptmann un de Fru Amtshaupt-  
mannen un de frömden<sup>7</sup> Herrschäften un tau Thee un  
Abendbrod, un Mamsell Westphalen ok; un min Mud-  
ding remste<sup>8</sup> mi dat gehürig in: ic füll tau de junge  
Dam ümmer ,gnedige Fru<sup>c</sup> seggen.

Un as ic 'rupper kamm un min Gewarw an-  
bröcht,<sup>9</sup> dunn satt<sup>10</sup> de Herr Amtshauptmann up den  
Sopha, un bi emi satt en ollen Herr, dei sach sihr  
irnsthast ut, un de Herr Amtshauptmann säd tau em:  
„Min Herzenkindling, dat is min Wäding,<sup>11</sup> dat is  
den Burmeister sin Fritz. Ne, wat denn?“ Un de

1) erzählte. 2) in den Gräten hängen, einem Gerippe ähnlich sehen.  
3) schon um 9 Uhr aufgestanden. 4) hinter. 5) dritten. 6) angezogen.  
7) fremd. 8) prägte — ein. 9) Gewerbe anbrachte. 10) saß.  
11) Bathchen.

frönde Herr würd fründlicher, un ic̄ müht em de Hand gewen, un hei frog<sup>1</sup> mi nah dat un nah dit. Un as ic̄ noch so stunn, dunn gung de Dör up, un herinner kamm — de französche Oberst von Toll un den Arm hadd hei üm 'ne junge, wunderhübsche Dam slagen, dat was fine gnedige Fru. Zet kek den Obersten an un mi was, as hadd ic̄ em all seihu, un wil dat de Minsch in de Ungewißheit grad nich de kläufsten<sup>2</sup> Gesichter makt, müggt<sup>3</sup> mi dat eben of woll passiren, denn sei lachten Beid', un as ic̄ min Empfehlung von Wadding un Mudding herut stamerte,<sup>4</sup> dunn säden<sup>5</sup> sei, sei wullen kamen, un de frönde Dam strek<sup>6</sup> mi äwer'n Kopp un säd: ic̄ hadd sturres<sup>7</sup> Hor, ic̄ hadd of woll en sturren Sinn; un de Herr Amtshauptmann säd: „dor hewwen Sei Recht, min Herzenskindting, den'n hett hei; un wat hei mit finen harten Kopp verschulden deiht, dat ward hei woll mit en mören<sup>8</sup> Pudel utbaden<sup>9</sup> möten.“

Den Abend gung dat wedder hoch bi uns her, äwer nich so lustig, as dunn, as min Uncle Hers' Julius Cäsar was; un Punsch gaww't of nich, äwer Mariä Wienken müht Langkork<sup>10</sup> bringen, dat was dunn de beste Win, denn kein Minsch wüht dunn wat von Schatoh un Schepandi.<sup>11</sup> De Mannslüd' red'ten von de Krigstiden, un de Frugenslüd' von de Möllerhochtid, bei morgen up de Gielowsche Mähl gewen warden süll, un as de Gäst furtgungen, dreichte de Oberst sich nah minen Bader üm, un säd: „Äwer, Herr Burmeister, Keiner darw fehlen von all Deisenigen, bei dunn

1) frug. 2) die Kläufsten. 3) mochte. 4) stotterte. 5) sagten.  
6) strich, streichelte. 7) starr, unbiegsam (borsätig). 8) mürbe. 9) ausbaden. 10) eine Art Rothwein. 11) Chateau (Lafitte etc.) und Champagner.

in dit Stück mitspielt<sup>1</sup> hewwen!" Min Oll<sup>2</sup> versprökt  
em dat.

Den annern Middag geschach dat wedder mal, dat den Herrn Amtshauptmann sin Strid- un Rüst-Wagen smert<sup>3</sup> würd, un hei un sin Renatus von Toll seten nahsten<sup>4</sup> dorin un führten<sup>5</sup> ut den Malchinschen Dur. „Fru Meistern," säd Mamsell Westphalen nahsten, „dor seten sei Beid' denn tausam in den Scheßwagen<sup>6</sup> un leken<sup>7</sup> so fründlich un so unschüllig<sup>8</sup> in de Welt 'rin, as en por nigebarene Zwäschou.<sup>9</sup> Un, Fru Meistern, in de frönde Glaskutsch hadd de gnedige Fru von Tollen un de Fru Amtshauptmannen un de Fru Burmeistern un ic<sup>10</sup> de Zhr<sup>11</sup> tau führen, un de Fru Burmeistern hadd den Jungen, den Friß, mitnamen,<sup>12</sup> un de Slüngel lagg mi den Weg äwer tau Liw,<sup>13</sup> dat mi de Haut inflapen<sup>14</sup> müft, un wenn de Husoren-Unteroffzirer Friedrich Schult nich west wir, denn wir ic<sup>15</sup> bi't Ustigen<sup>16</sup> von den Wagentritt fallen. Dat künmit von de Gören,<sup>17</sup> un dat segg ic.<sup>18</sup> — Un up en groten Lustwagen<sup>19</sup> satt Bäcker Witt un de Strüwingken<sup>20</sup> un Luth un Eit Besserdihs un Friß Sahlmann un Herr Droi, un hinnen<sup>21</sup> in lagg en Hümpel<sup>22</sup> Bein un Arm, dat wiren Herr Droi'n sin lütten französschen Gören. Min Vader un de Oberst reden<sup>23</sup> tau Pird'. „Wo äwer is de Herr Rathsherr?" fragt de Oberst. — „Hei künmit," säd min Oll, „äwer wenn un wo,<sup>24</sup> dat mag de leiw Gott weiten, denn as hei mi dat verfälert,<sup>25</sup> plinkt<sup>26</sup> hei mit dat ein Og' un hadd en

1) mitgespielt. 2) Alter = Vater. 3) geschmiert. 4) saßen nachher.  
5) führen. 6) Chaise. 7) gucken. 8) unschuldig. 9) neugeborene Zwillinge.  
10) Ehre. 11) mitgenommen. 12) zu Leibe. 13) Fuß einschlafen. 14) Aufsteigen.  
15) Kinder. 16) Erntewagen. 17) Frau Strüwing. 18) hinten.  
19) Haufen. 20) ritten. 21) wann und wie. 22) versicherte 23) blinzte.

Gesicht upset't,<sup>1</sup> wat ic<sup>t</sup> an em kenn, un wat ic<sup>t</sup> sin  
,heimlich Gesicht“ nenn.”<sup>2</sup>

As de Herr Amtshauptmann ankamm, stunn Möller Voß mit 'ne swartmanscheterne Kapp<sup>3</sup> up den Kopp vör de Dör, un sin Fru stunn bi em in en swart-kalamankenen<sup>4</sup> Rock, un hei dinert,<sup>5</sup> un sei knicft, un de Herr Amtshauptmann frog: „Na, Möller Voß, wo geiht't?<sup>6</sup> — „Heil<sup>7</sup> prächtig!“<sup>8</sup> säd de oll Möller un makte den Tritt dal.<sup>9</sup> — Un de Herr Amtshauptmann högt<sup>10</sup> sich an sinen Stenatus 'ranner un säd: „Min Herzenskindting, de oll Möller is up Stun'ns wedder gaud in de Wehr,<sup>11</sup> hei is klauk<sup>12</sup> worden un hett sicht begeiven un hett sin Fiken wirthschaften laten.“

Nu kanum de Kutsch, de Damen stegen ut, un Friedrich drog<sup>13</sup> min Mudding in de Stuw 'rin; hei hett sei nächsten noch oft dragen.<sup>14</sup> De Lustwagen höll still; Allens sprung 'runner, Allens gung in't Hus; ic mit; blot de lütten Droi's lepen tauirst in den Goren un föllen äwer de unripen Stickelbeeren her.<sup>15</sup>

In de Stuw stunn de Herr Pastur, hei hadd all täuwt,<sup>16</sup> un bi em stunn Hinrich mit sin Fiken. Wat<sup>17</sup> was Fiken schön! Wat is 'ne Brut doch schön! — De Herr Pastur höll sin Crured,<sup>18</sup> sin beste; hei wüft von dei Ort<sup>19</sup> drei, un ein gung ümmer äwer de anner, un dornah rich'te sich of de Pris.<sup>20</sup> Dei von de Kron was de schönste un de dürfste,<sup>21</sup> sei kost' te einen Daler söhlehn<sup>22</sup> Gröschen, denn kamm dei von den Hirsch,

1) aufgesetzt. 2) Kappe von schwarzem Manchester, Baumwollensammet. 3) Kalamank, ein damastartiges Wollengzeug. 4) dienerte. 5) ganz. 6) herunter. 7) bog. 8) Wehr heißt das gesammte Wirtschafts-Inventar, die Redensart also: gut in Ordnung, gut sitzt. 9) Klug. 10) trug. 11) getragen. 12) ließen zuerst in den Garten und sielen über die unreifen Stachelbeeren her. 13) gewartet. 14) wie. 15) Traured. 16) Art. 17) Preis. 18) theuerste. 19) sechzehn.

kost'te einen Daler, un taulezt kamm dei von ein  
jäümmerlich erbärnlich Ding,<sup>1</sup> dei kost'te man acht  
Gröschen un was för den lütten<sup>2</sup> Mann. Hüt treckt<sup>3</sup>  
hei dat grote Register von de Kron an, denn de  
Möller wull't so hewwen. „Herr Pastur,” hadd de  
Möller seggt, „min Fiken will dörchut,<sup>4</sup> dat fall 'ne  
stille Hochtid warden, un sei fall of ehren Willen  
hewwen; äwer wat tau 'ne Hochtid äwerall hürt,<sup>4</sup> dat  
fall von't beste En'n<sup>5</sup> fin.“

Un so geschach dat of. Un as de Red' tau En'n  
was, dunn gung de schöne gnedige Fru an Fiken 'ran  
un gaww ehr einen Kuß, un slung ehr 'ne goldne  
Red'<sup>6</sup> üm den Hals, dor hung en hübsches Schild an,  
un dorup stunn de Dag, an den'n Fiken den Obersten  
üm ehren Vader beden hadd. De Oberst was nah  
Hiurichen 'ran treden,<sup>7</sup> un as hei em de Hand drückte,  
dunn rauhten<sup>8</sup> den ollen frönden Herrn sin Ogen so  
fründlich up em, dat de Herr Amtshauptmann sin Hand  
fot<sup>9</sup> un tau em säd: „Min Herzenskindting, ne, wat  
denn?” — Hei müggt woll mihr von de Sak weiten,  
as wi Unnern.

Nu gung dat taum Eten.<sup>10</sup> De Strüwingken  
was bi de Supp anstellt, un Luth bi den Braden,<sup>11</sup>  
un Fik Besserdichs besorgte mit de brawen Möllerdirns<sup>12</sup>  
dat Upwohren.<sup>13</sup> Un knapp<sup>14</sup> hadd de Möller den  
irsten Teller vull Haunersupp<sup>15</sup> tau Bost,<sup>16</sup> dunn stunn  
hei up un höll<sup>17</sup> 'ne indringliche Red' an sine Gesell-  
schaft, leß<sup>18</sup> äwer dorbi ümmer blot den Herrn Amts-

1) klein, gering. 2) zog. 3) durchaus. 4) überall, durchaus gehört.  
5) Ende. 6) Kette. 7) getreten. 8) ruheten. 9) fäste. 10) Essen.  
11) Braten. 12) Dirnen = Dienstmädchen. 13) Aufwarten, Bedienung  
der Gäste. 14) kaum. 15) Hühneruppe, ständiges Hochzeitsgericht auf  
dem Lande. 16) zu Brust = zu Leibe. 17) hielt. 18) guckte.

hauptmann an. Hei hadd de ganze Gesellschaft, säd hei, blot tau 'ne Hochtid ahn<sup>1</sup> Musik, so up ,mir nichts, dir nichts' inladen,<sup>2</sup> sin Fiken hadd dat so wüllt, un de Herrschaften füllen't nich äwel<sup>3</sup> nemen; ämer wenn sei of kein Musik hadden . . . . — hir was 't mit sin Red' tau En'n, denn buten brok<sup>4</sup> dat mit einmal los: ,Gestern Abend war Vetter Michel da, Vetter Michel, der war gestern da,' un as de Dör upreten<sup>5</sup> würd, dunn stunn min Unkel Herf' dor mit sine ganze Kapell, hadd den Möller sinen Handstock tau saten,<sup>6</sup> un slog den Takt up en Mehlsack, dat dat Ganze utsach, as fläut'ten<sup>7</sup> un trumpet'ten de leiwen, heiligen Engel ut 'ne schöne, witte Sommerwulf<sup>8</sup> heruter.

Dat was 'ne Freud', dat was en Lewen! De Oberst sprung up un begrüßte sick mit minen Unkel un treckt em an sine Sid', un de Herr Amtshauptmann flüstert sinen Renatus in de Uhren, so dat de ganze Disch dat hüren kunn: „Dat is de Rathsherr, min Herzenskindting, von den'n ic hüt morgen dat ver dreichte<sup>9</sup> Stück vertellte von den Kunstrafft; is fünft<sup>10</sup> en gauden pläisirlichen<sup>11</sup> Mann.“ — Un de oll Möller treckte<sup>12</sup> de Kapell herinner in de Stuw, un de heilige Bäzilie<sup>13</sup> würd in de Ecke 'rinner stellt,<sup>14</sup> un de Haunersupp löst ehr af, un denn kammi Vetter Michel wedder, un den'n löste de Braden af, un so gung't ümmer ümschichtig. Un as de Abend kammi, kreg't<sup>15</sup> min Unkel Herf' wedder mit 'ne Heimlichkeit, hei un sin Adjudent Hanne Heinz, wirkten un handtirten in'n Düstern

1) ohne. 2) eingeladen. 3) über. 4) draußen brach. 5) aufgerissen.  
6) zu fassen, gefasst. 7) flöteten. 8) weiße Sommerwölfe. 9) verdrückt, verrückt. 10) sonst, im Nebrigen. 11) plaisant, drollig. 12) zog. 13) d. h. die musikalischen Instrumente. 14) wurde in die Ecke gestellt. 15) kriegte es, d. h. fing - an.

achter' n Goren<sup>1</sup> herüm, endlich äwer würden wi <sup>All</sup>  
näh buten 'ruter nödigt,<sup>2</sup> un en Füerwark gung les,  
un't hadd schön warden künnt; äwer — schad'! schad'!  
— dat wat<sup>3</sup> was tau swack, dor mücht bi pust' t<sup>4</sup>  
warden, un dat wat<sup>5</sup> was tau stark, dat flog in de  
Lust, un 'ne Gnad' von Gott was't, dat Friedrich grad'  
up den Meßhof<sup>6</sup> stunn, as dei an tau brennen anfung,  
denn süß<sup>7</sup> wir't woll slimm worden. Min Uncle Hers'  
wull äwer sin Sak dörchsetten<sup>8</sup> un hadd all wedder en  
frisch bi de Wickel;<sup>9</sup> äwer de Herr Amtshauptmann  
gung nah em 'ranner un säd: nu wir't naug,<sup>10</sup> un't  
wir sihr schön west, nu hei bedankt sick of vormal.  
Den annern Dag äwer schick hei den Landreider<sup>11</sup> dörch  
dat ganze Stenhäger Amt, wer sick unnerstahn ded<sup>12</sup>  
un brennē Füerwark in't Herzogliche Amt af, den'n  
füll en Dunnerwetter regiren.

---

So slot<sup>13</sup> de Dag, un so slütt<sup>14</sup> of min Geschicht;  
de Dag was lustig, un Feder was dormit taufreden,<sup>15</sup>  
ich wull, min Geschicht wir of lustig, un Feder wir of  
dormit taufreden.

Äwer, wo sünd sei blewen, all de lustigen un tru-  
hartigen<sup>16</sup> Lüd', bei in dit Stück mitspell<sup>17</sup> hewen?  
All dod,<sup>18</sup> All dod! Sei hewen sick all entseggt:<sup>19</sup> sei  
slapen<sup>20</sup> All den langen Slap. Bäcker Witt was de  
Frst,<sup>21</sup> un de Stadtdeiner Luth is de Lebt west; un

---

1) hinter'm Garten. 2) draußen hinaus genöthigt. 3) das eine.  
4) gepustet, geblasen. 5) das andere. 6) Meiß-, Dürnhof. 7) sonst.  
8) durchsetzen. 9) beim Wickel gefasst. 10) genug. 11) Landreiter, reitender  
Amtsdiener. 12) unterstände. 13) schloß. 14) schließt. 15) zufrieden.  
16) treuherzig. 17) mitgespielt. 18) tott. 19) d. h. sie sind alle ge-  
storben (haben sich — des Lebens entzagt). 20) schlafen. 21) der Erste.

wer is äwrig blewen?<sup>1</sup> Na, wi beiden Jung's, Fritz Sahlmann un ic<sup>d</sup>, un Fil<sup>c</sup> Besserdihs. Fil<sup>c</sup> Besserdihs hett richtig oll Bur<sup>2</sup> Freiern sinen flachköppigen<sup>3</sup> Jungen frigt<sup>4</sup> un sitt nu schön in de Wehr<sup>5</sup> in Gützow up den ersten Burhof linker Hand. Fritz Sahlmann is en dächtigen Kirl worden, un wi sind ümmer gaude Frün'<sup>6</sup> blewen, un sull hei mi dat äwel<sup>7</sup> nemen, dat ic<sup>d</sup> von em Geschichten vertellt<sup>8</sup> heww, denn ward' ic<sup>d</sup> em de Hand henholle,<sup>9</sup> un ward seggen: „Min Herzenskindting, wat schreuen<sup>10</sup> is, is schreuen; dat lett<sup>11</sup> sick nich mihr ännern.<sup>12</sup> Åwer<sup>13</sup> bös büst Du mi dorüm doch nich! Ne, wat denn?“

1) übrig geblieben. 2) des alten Bauern. 3) flachköpfig.  
4) gefreiet. 5) d. h. im Vollen. 6) gute Freunde. 7) übel. 8) erzählt.  
9) hinhalten. 10) geschrieben. 11) lässt. 12) ändern. 13) aber.

---


### Von Reuter's Werken sind erschienen:

15 Bde. Geh. à 3 Mf., eleg. geb. à 4 Mf.

Bd. I. II.: Bäuschen un Riemels; Bd. III.: Reis' nah Belligen;  
Bd. IV.: Olle Kamellen 1. Theil: Ut de Franzosentid; Bd. V.:  
Olle Kamellen 2. Theil: Ut mine Festungtid; Bd. VI.: Schurr-  
Murr; Bd. VII.: Hanne Nüte; Bd. VIII.: Olle Kamellen  
3. Theil: Ut mine Stromtid I.; Bd. IX.: Olle Kamellen  
4. Theil: Ut mine Stromtid II.; Bd. X.: Olle Kamellen  
5. Theil: Ut mine Stromtid III.; Bd. XI.: Kein Hübung;  
Bd. XII.: Olle Kamellen 6. Theil: Dörlslänching; Bd. XIII.:  
Olle Kamellen 7. Theil: De Meckelnbörgschen Montechi un  
Capuletti; Bd. XIV.: Nachgelassene Schriften, 1. Theil, ent-  
haltend: Fritz Reuter's Leben und Werke. Urgeschichte von  
Mecklenburg sc.; Bd. XV.: Nachgelassene Schriften, 2. Theil,  
enthaltend: Reuters Portrait. Ausgewählte Briefe von Fritz  
Reuter sc.

Illustrationen zu „Stromtid“ in eleg. Mappe 7 Mf.  
50 Pf. zu „Hanne Nüte“ 4 Mf. 50 Pf.

Illustrierte Bractausgabe von „Hanne Nüte“ in eleg.  
Brachtband mit Goldschnitt 10 Mf. 50 Pf.



Digitized by Google







